K84(0) OPK 9 393

даниэл дэфо









РОБИНЗОН КРУЗО







УДМУРТГОСИЗДАТ ИЖЕВСК — 1951

ДАНИЭЛ ДЕФО

РОБИНЗОН КРУЗО

МОРЕОСТИ УЯСЬЛЭН УЛЭМЕЗ НО ПАЙМЫМОН ПРИКЛЮЧЕНИОСЫЗ

> УДМУРТГОСИЗДАТ ИЖЕВСК — 1951

даниэл дефо

робинзон крузо

Пересказ Корнея Чуксв**с** гого

Неревод с русского Арк. Багая

На удмуртском языке

"РОБИНЗОН КРУЗО" СЯРЫСЬ

Та книга туж кемалась гожтэмын — ог кык сю арлэсь кема талэсь азьло. Тае гожтиз английской писатель Даниэл Дефо. Пересьмытозяз со трос книга гожъяз, нош огез но «Робинзон» кадь сйлы-данлы оз луы. Солэн та книгаез вань дуннелы тодмо луэмын.

Нош ёжыт-а вал сыйе книгаос: потэм беразы соосты туж лыдзо кадь, нош берло вунэто, верась но уг луы ни! Робинзон сярысь книга али но улэп на. Туала пиналъёс но сое сыйе ик умой потыса лыдзо, кызьы лыдзизы сое атайёссы, пересь бубаоссы.

Робинзон — жадёнэз валасьтэм ужась адями, соин сое яратоно. Мукетыз кин ке сыйе ик кышкыт ужпумен пумиськысал ке, бырыны но шедьысал. Робинзон огшаплы гинэ ужамысь дугдысал ке, инкуазьлэн кышкыт кужымъёсыныз ожмаськемысь дугдысал ке, солэн со нал-чал, адямитэм улон островез солы шайгу луысал. Нош Робинзон, ужез яратйсь но юн мылкыдо маке, нокыйе кышкытлэсь уг чигна, уг кышка нэ берло ини вань малпамээ быдэстыны быгатэ.

Секыт солэн ужано ужез. Аслыз крепость-а лэсьтэ со, сое жужыт заборен-а котыртэ, бадзым писпуэз пыжлы-а гыркъе, — та ужезлы со вань кужымзэ но мылкыдзэ сётэ. Со сярысь лыдзыса, асьмелэн но ужан мылкыдмы жутске. Асьмеос туж паймыса тодйськом, кызьы со горд сюез горшок лэсьтиз, кызьы со гыр лэсьтиз, кызьы со пыжезлы парус вуриз.

Та книгаын со кыйе гинэ ужез сярысь медам вера, со вера туж интересно, асьмеос но соин артэ ужаськом кадь потыны кутске.

Робинзон острове шедем бераз ик природаен нюръяськыны кутске, сое кыляйськись каре: сик мерттэ, животнойёсты ас бордаз дышетэ; ко-тырысь музъемез портэм ю-нянё бусылы пормытэ. Робинзонлы асьме-ос та ласянь синмаськиськом.

Асьмелы, собстской лыддисьёслы, мазэ веранэз, трос мукет ласянь-Робинзон уг но яра. Со туж кемалась дыре улйз, буржуазной Англиын. Сокупец вал, вань купецъёс кадь ик, со ас узырмонэз сярысь гинэ мал-палляз. Адямитэм чалмыт острове шедемезлэсь азьло солэн вань мал-панэз коньдон поттон но узырмон вал. Та сямыз асьмелы уг яра. Асьмеос Робинзонлэсь дунъяськом адями кужымлы осконзэ, могзетъёсты одно ик вормыны тыршон сямзэ.

Корней ЧУКОВСКИЙ



НЫРЫСЕТИ ГЛАВА

Робинзонлая семьяез. -- Солан мумы-бубы портысытыз пегземез

уж пичи дырысеным ик мон дунне вылысь мореез кады номыре ой яратылы. Кыдёке уяны кошкись котькуд матрослэсь мон вожъяськыли. Мон часэн-часэн сылыли море дурын, синме вошъятэк учкыли кошкись корабльёсты.

Мумы-бубыосылы со туж оз яралля. Буби, пересь, висись адями, монэ бадзым йоно чиновник карыны малпа вал: королевской судын служить, пе, мед кароз, бадзым жаловань, пе, мед басьтоз. Нош мон ялан малпаськылй зарезьёстй уян сярысь.

Мореости но океанъёсти калгыны мыным туж бадзым шуд луоз кожасько вал.

Мынэсьтым мар малпамме буби шодылиз. Огпол чукна со-

монэ отиз но вожез потыса вераз:

— Мон тодйсько: вордскем юртысь пегзыны малпаськод. Со йонтэм уж. Тыныд кылёно. Тон кылид ке, мон тыныд зеч бубы луо, нош пегзид ке, куректон тыныд!

Татын солэн куараез дырекъяны кутскиз но со каллен гинэ

йылтиз на:

— Висись мумид сярысь малпа... Со тонэн люкиськонлы vs чида.

Синъёсаз синвуосыз чильыр адскизы. Со укыр яратэ вал

монэ, мыным зеч карыны гинэ малпалля вал.

Мыным пересь жальпотыны кутскиз но мореетй ветлон сярысь уг малпа ни шуыса юн-юн кыл верай. Э, нош коня кенунал ортчиз но, мынам зеч малпанъёсылэсь номыриз оз кыльы ни. Монэ нош ик море дуре кыскиз. Мачтаос, парусъёс, тулкымъёс, чайкаос, тодмотэм странаос, маяк тылъёс уйвотам адскыны кутскизы.

Бубиным вераськеме бере кык-куинь арня улыса, мон одно ик гуртысь пегзыны кариськи. Мумилэн мылкыдыз каньыл но-

капчи дыръя мон со доры лыкти но гажаса верай:

— Мон дас тямысме тырмытй ини, нош та арлыдын судья ужлы дышетскыны бер. Кытчы ке службае ке но пырысал, мон озьы но, коня ке нунал улыса, кыдёхысь шаеръёсы пегзысал. Кыче ке ужлы дыши ке но, сое пумаз вуттыны уг чида — дунчеез мынам тйни сокем адземе потэ, Африкае, Азие вуылэме потэ. Оскалтон понна, таманлы гинэ ке но монэ морее буби мед лэзёз шуыса, соин вераськыны курисько тйледыз; моряклэн улонэз мыным оз ке кельшы, мон берто но нокытчы уг кошкыни. Буби монэ умоен мед лэзёз, сотэк мон ас тодэменым кошконо луо.

Мумилэн мыным туж вожез потйз но шуиз:

— Паймисько, бубиныд вераськемед бере но кызьы со сярысь малпаны дйсьтйськод! Бубид тонэ мореетй ветлонъёс сярысь пыраклы вунэтыны косйз ук. Бен со тынэсьтыд умойгес вала ук, кыче уж борды тыныд кутсконо. Ма веранэз, астэ быдтэмед потэ ке, коть али ик кошкы, нош тодыса ул: ми бубиныд ноку но зеч кылмес ум вералэ тынад со калгонэдлы. Мон тыныд юртто шуыса, юнме тон оскемед. Уг, али та вераськемед сярысь мон бубидлы пал кыл но уг вера. Берло ини, море вылын улонэд курадзонэ, шугадзонэ вуттйз ке, мумыдэ пыкылэмед медам луы, со но лэзиз ук шуыса.

Берло ини, далай улыса, тоди: муми со вераськеммес ваньзэ.

сдигтэм бубилы верам. Буби куректонэ усем но лулзыса солы

шуэм:

— Уг валаськы, ма солы кулэ. Ас вордскем шаераз со капчиен гинэ шудзэ но азинлыксэ шедьтысал ук. Асьмеос узыресь овол ке но, коня ке ваньбурмы вань. Нокыче шугатэк солэн асьме бордын улэмез луоз. Нош калгыны потиз ке, со адзымтэ шугсекытэз адзоз но берло жалялоз, бубилэсь ой кылзиськы шуыса. Уг, мынам сое море вылэ лэземе уг луы. Ас вордскем шаерлэсь палэнын со чолак огназ луоз. Шугадзонэ шедиз ке, сое лиятись эшез но уз луы ни. Соку солэн ас йонтэм выремзэ вормемез потысал на но, бер луоз!

Котьма ке но, коня ке толэзь улыса, мон ас вордскем юртысьтым пегзи. Озьы со луиз. Огпол мон коня ке нуналлы Гулль городэ мынй. Отын одйг эшеным пумиськи. Со бубизлэн корабляз Лондонэ кошкыны дасяське вылэм. Монэ со ас сьораз мыныны сюлвориз, кораблын дунтэк мынод шуыса лопкытиз.

Тйни озьы, бубилэсь но мумилэсь но юатэк-вератэк, — йонтэм нуналэ! — 1651 арын 1 сентябре мон, дас укмысам мы-

нись егит пи, Лондонэ кошкись корабле пукси.

Умойтэм лэсьтй: возьыттэм синмыным мон кельтй пересь мумы-бубыме, визькенешсэс ой кылзы, соосты сюдонэз-утялтонэз ой чакла. Мыным туж жоген ик куректоно луиз озьы лэсьтэме понна.

КЫКЕТИ ГЛАВА

Море вылым нырысетй приключениос

М илям корабльмы Хамберысь потыса öз вутты на — уйпалась кезьыт тöл пельтыны кутскиз. Инбам пилемен шобырскиз. Корабльмы туж кужмо лэйканы öдъяз.

Мон ноку но море вылын ой вал на но, мынам сюлмы шуг луиз. Иыр пороме, пыдъёсы куалекъяло, оскисько, ожыт гинэ ой усьы. Котьку ик, корабль шоры жужыт тулкым вуыку, танитани выём кадь потэ. Котьку ик, корабльмы жужыт тулкым йылысь усьыку, со ноку но уз жутскы ни шуыса оскылй.

Сюрс пол мон кыл сётъяй: улэп кыли ке, пыды чурыт музъем вылэ нош ик султйз ке, соку буби доры берто но вань улытозям ноку но корабльлэн палубаяз уг туба ни.

Мынам таче визьмо малпанъёсы сильтол бугыръяськытозь-

лы гинэ тырмизы.

Нош тол чалмиз, тулкымъёс буйгазы но, мыным капчигес

луиз. Пумен-пумен мон морелы дышыны кутски. Зэм, мынам морелэсь кышканэ чылкак öз быры на. Жытпал куазь сэзьдйз,

тол пуксиз но паймымон сайкыт жыт луиз.

Уйбыт мон номыре шодылытэк колй. Чуказеяз инбам сыче ик сайкыт но чылкыт вал. Шунды пиштэмен пылатэм море чик толтэм дыръя вераны луонтэм чебер суредлы пормемын, сыче суредэз мынам ноку но адземе ой вал на. Мынам морелэсь кышканэ чылкак быриз. Мон огпумысь буйгай, мылкыд капчиомиз. Паймыса учкисько море шоры: со толон гинэ вожомем, жалясьтэм но кышкыт потэ на вал, нош туннэ тани чалмыт, мусо.

Соку бен, юри кадь, мон доры эще, ас сьораз мыныны лоп-

кытись маке, лыктиз, пельпумам чапкылэ но вера:

— Я, кыче мар мылкыдыд, Боб? Эчешымон оскисько, тон кышкад. Вера ини шонерзэ: ожытак тол пельтыны кутскылыку тон туж кышкад ук?

— Ожытак тол? Умой «ожытак тол»! Сыче кышкыт силь-

толэз мон малпаны но ой быгаты

— Сильтолэз? Э, тон нодтэм! Иське, тон сое сильтол кожад? Ми сямен со пичи тол гинэ! Бен тон море вылын выль мурт на: кышкад ке но паймонэз овол... Мыном-ай, эсьмаса, пунш позьтытом, быдэн стакан юом но сильтол сярысь вунэтом. Утьай, макем шулдыр нуналэд! Куазед шукырес чебер ук, бен-а?

Вакчияк вераса, мынам уже морякъёслэн сямен ик луыса кошкиз: пунш позьтизы, мон кудзи но жегатскытэк гуртэ бертонэ сярысь кыл сётэмме, вань верамъёсме, вань малпамъёсме винае выйтй. Чалмыт, толтэм луиз но, мон соку ик тулкымъёс выйтэмлэсь, ньылэмлэсь кышкамысь дугдй но вань азьло зеч малпамъёсме вунэтй.

Куатетй нуналаз ми Ярмут рейдэ вуим. Сильтол бере тол милемлы пумит вал, соин ик милям жог мынэммы оз луы. Ярмутын якорь куштоно луим. Мынон нялтэ пельтись толэз витьыса,

ми сизьым-а яке тямыс-а нунал сылим.


Рейдэ со куспын Ньюкаслысь трос корабльёс вуизы. Ми сокем кема ом ик сылысалмы, дыр, ву жутскемен чош ик шуре пырысалмы, тол нош пумен кужмояз, ог вить нунал ортчыса, со вань кужмысь пельтыны кутскиз.

Якорьёс но якорь канатьёс милям юнэсь вал бере, матросъёсмы чик оз шугекъяське. Суднозылы нокыче кышкытэз овол шуыса соос оско вал но, матрос сямъя, ваньмон дырзэс шудонлы, шулдыръяськонлы гинэ быдтылизы.

¹ Пунш— ром нимо огшоры винаен, лимон сокен, шербетэн сураса лэсьтэм косн.
2 Рейд, гавань — судноослэн дугдылон интызы (море дурын).

Озьы ке но, укмысэтй нуналаз чукна тол уката кужмояз но, жоген ик шторм шукыръяськыны кутскиз. Трос ветлэм-адзем морякъёс но зол-зол кышкатскизы. Мон чем кылылй, кызьы капитанмы ас каютаяз' пыраса-потаса мон возтим ортчылыкуз каллен нукыртылиз: «Бырим!»

Озьы ке но, со матросъёслэсь ужамзэс сак эскерылиз, корабльзэ утьыны котькызьы выриз.



Та дырозь мон ой кышкалля: оскыса улй — та сильтол но нырысетйез кадь ик умоен ортчоз. Нош ачиз капитан ваньмызлы бырон вунз шуэм бере мон туж кышкай по каютаысь бызьыса потй палубае. Вань ултозям таче кышкыт ужпумез ой адзылы на вал. Море вылтй жужыт гурезьёс кадесь туж бадзым тулкымьёс ветло, куинь-ньыль минуталы быдэ сыче гурезь ми вылэ погыльскылэ.

Кышкаменым мон нырысь жоломи но палэнэ учкылэме оз луы ни. Берлогес ини мышкам учки но валай, макем кышкыт шугадзонэ ми шедиськеммы. Матын сылйсь кык секыт судноосын матросъёс мачтаоссэс корало — корабльёслы ожытак ке но капчигес мед луоз.

Кин ке но шётэм куараен кеськиз, азьпалан, ми дорысен жыны миля кемын, сылйсь корабль али гинэ выиз шуыса.

Собере эшшо кык судноос якорьёссы бордысь ишкалскизы; сильтол соосты море шоры нуиз. Ма луоз ини соослы? Соослэсь вань мачтаоссэс сильтол тйяз.

Пичиесь судноос умойгес возькизы, бен куд-огезлы соослы

¹ Каюта — пароходысь компата.

но йотиз ик: кык-куинь судноосты ми возти ик пырак море шоры кыскиз.

Жытазе штурман но боцман капитан доры вуизы но шуизы:

судноез утён понна фок-мачтаез корано луоз.

— Одиг минут но жегатскыны уг яра! — шуизы соос. — Косэ но ми сое чогом!

— Ожытак витём на али, — шуиз капитан, — сильтол, оло,

пуксёз.

Солэн мачтаез чогемез уг поты вал, нош боцман оскымон вераз: мачтаез кельтоно ке, корабль ву пыдсы лэзькоз. Соку капитанлы соя кариськоно луиз.

Нош фок-мачтаез чогем бере грот-мачта² сокем кужмо шо-

наськыны одъяз — тазэ но чогоно луиз.

Вуиз уй. Малпамтэ шорысь трюме васькись одйгез рос кеськиз, судное ву пыре шуыса. Трюме мукетсэ матросэз лэзизы. Солэн ивортэмезъя, ву ньыль фут кеме жутскем ини.

Соку капитан команда сётйз:

— Кыске вуэз! Ваньды помпаос борды!

Сыче командаез кылэме бере мынам кышкаменым сюлмы ик шымырскиз: кулйсько кадь потйз мыным, пыдъёсы пузектйзы, гачоло уси койка вылэ. Нош матросъёс монэ вырзытъяло, донгало, ужлэсь палэнскыны уг сёто.

— Тырмоз тыныд тэк улыны, ужано ини! — шуизы соос. Ма карод, мон помпа доры мынй но мылысь-кыдысь ву кыскыны кутски.

Со куспын коня ке пичиесь грузовой судноос толлы пумит сылэмзы луымтэысь якорьёссэс жутизы но море шоры потизы.

Соосты адзыса, капитан приказ сётиз пушкаен ыбыны но озьы милесьтым шуге-леке шедеммес тодытыны. Со пушка ыбемез кылыса, номырзэ валатэк, мон судномы куашказ кожай но жолак уси, сокем кышкай; бен, соку котькудиз ассэ утён сярысь малпаз но, монэ нокин оз чакла, мыным мар луэмез нокинлэн но тодэмез оз поты. Монэ пыдыныз палэнтыса, помпа борды интые мукетыз матрос султиз. Ваньмыз монэ кулэм кожазы. Озьы мон кема кылли.

Сазьтйськыса, мон выльысь уж борды кутски. Ми вань

кужыменымы ужаськом, нош трюмын ву весь йылэ.

Суднолэн выёнэз туж тодмо вал ини. Бен, шторм ожытак чалмыны кутскиз ке но ини, гаване пырытозь ву вылын возькыны быгатонмылы одйг пичи но осконмы ой вал ни. Соин ик

¹ Фюк-мачта — азыпал мачта. 2 Грот-мачта — шорлось мачта. 3 Трюм — суднолэн улысь люкетэз, отчы груз тыро. 4 Помпа — вуэз кыскон насос.

капитанмы пушкаосын ыбылэмысь оз дугдылы, быремлэсь милемды, оло, кин ке но мозмытоз кожаса.

Берло ини милемлы матысез пичи судно юрттыны понна шлюпказэ лэзьыны кариськиз — маке луэм лу. Шлюпка, бекырсконо кадь вырыса, ми доры матэ вуиз. Ма бен, ми соку ик отчы пуксыны ом быгатэ, малы ке шуид, адямиос быронзылэсь но кышкатэк вань кужмынызы полсазы ке но, шлюпкаез милям корабльмы борды дугдытыны уг луы. Ми соослы канат куштим. Канат пумез кутэмзы кематэк оз луы — тулкым сое палэнэ нуэ. Нош одйг сэзь матрос олокызьы кутыны быгатиз канат пумезшудмы вылэм, лэся. Ми соосты корма улэ кыским но ваньмы ик шлюпкае ваським. Соослэн корабльзы доры вутскеммы потэ вал, нош тулкымъёсты вормыны ом быгатэ: соос милемды ярдур пала шукко. Со пала гинэ полсаны но луэ вылэм.

Дас вить минут но оз ортчы, милям корабльмы выйыны

кутскиз.

Шлюпкамес сэрпаллясь тулкымъёс сьорти ми ярдурез адзыны ом быгатылэ — соос сокем жужытэсь вал. Одиг чапе гинэ, шлюпкамы тулкым йылэ жутскылыку, ми мувырысь трос калыкез адзылим: матэгес вуэммы бере милемлы юрттыны дасяськыса, ваньмыз отын солань-талань бызьыло. Нош ми мувыр пала туж каллен матынскиськом. Жытпал гинэ мырдэм-мырдэм мувыре потыны быгатим.

Ярмутэ милемлы пыдын кошконо луиз. Отын милемды зеч мылкыдо пумитан вите вылэм: милесьтым таче шуге-леке шедеммес азывыл ик тодыса, городын улисьёс милемды умоесь коркаосы пыртизы, ческыт сюдизы, Лондонэ яке Гулле вуыны коньдон сётъязы.

Гулль дорынгес ик Йоркын мумы-бубыосы уло вал. Мазэ веранэз, мыным бертоно вылэм. Ас тодэменым пегземме про-

стить карысалзы но, ми ваньмы кыче шудо луысалмы!

Нош кин ке кыскем кадь, мон нош ик морской приключениосты утчаны мылкыдай, море вылын выль курадзонъёс но кышкытъёс луонэз тоди ке но. Мынам котькыти ветлон-адзон йонтэм мылкыды оз чалмы. Мон выльысь малпаны кутски, кызьы гинэ корабле шедьыны но мореос но океанъёс вылтй вань дуннеез котыртыны.

Мынам эше (самой со выем судно кузёлэн пиез) туж куректэ но кунэрес учке. Али луэм курадзон сое шугъяськытэ. Со монэ бубиныз тодматскытиз. Таиз но выем судноез понна дугдылытэк куректэ. Море вылтй ветлон мылкыдме пиезлэсь тодыса, пересь мон шоры лек тусын кадь учкиз но шуиз:

¹ III люпка — юн лэсьтэм пыж, лодка.

— Егит адями, тыныд морее потаны ноку но уг яра ни. Мон кылэм вал, тон кышкась но нуныяса будэтэм пи шуыса, пичигес кышкыт дыръя но куаляк усиськод шуыса. Сыче адямиос моряке уг ярало. Жоггес берты но мумы-бубыеныд уръяськы. Море вылти калгонлэсь кышкытсэ тон ас вылад шодид ини.

Солэсь шонер верамзэ мон шодй но номыре пумит вераны ой быгаты. Озьы ке но, мон ой берты — мыным ортчыт возьыт вал матысь адямиослэн син шоразы адскыны. Вань бускельёсмы монэ серекъялозы кадь потйз; та удалтымтэ ужен сэрен мон вань эшъёсылы но тодмоосылы серекъян арбери гинэ луо кады потйз.

Берло мон чем гинэ шодыли: адямиос, тужгес ик егит дыръязы, сьолыклэсь уг возьдасько, мыдлань ужамзэс мечак верамлэсь возьдасько. Соос сыче ужъёссэс йонтэм уг шуо, кудъёсыз понна асьмеос соосты нодтэмесь лыдъяськом, соос умойтэм ужамзэс мечак вераменызы зеч, дано лэсьтэм ужээс йонтэмен лыдъяло, сыче ужзы понна ик соосты визьмо шуыны луэ ке но. Мон но соку сыче ик вал. Корабль выйыку шуге-леке вуылэме сярысь малпанъёсы пумен толзизы, вунизы но, мон, Ярмутын кык-куинь арня улыса, Гулле ой мыны, Лондонэ кошки.

КУИНЕТИ ГЛАВА

Робинзон пленэ шеде. — Пегзон

23

жылтэм но ужтэм пиналъёс, мон кадьёс, урод эшъёс полы шедё но, ар, кык ортчыса, шонер сюрес вылысь чылкак йыромо. Шудэ вань-а, мар-а — мон сыче ой луы.

Лондонэ вуэм берам мыным одйг пересь, дано капитанэн тодматскыны удалтйз: со мыным трос юрттйз. Сокугес гинэ со ас корабленыз Африка дуръёсы Гвинеяе ветлэм. Отчы ветлыкуз со трос табыш поттэм но выльысь со шаеръёсы ик кошкыны дасяське вал.

Вераськыны быгатэменым мон солы яраськем. Ваньмон дыръяз со чем гинэ монэн вераськыса пукылиз. Море сьорысь шаеръёсты адзем потэмме тодыса, монэ со аслаз корабляз мыныны чортиз.

— Тиледлы со ноконя но уз сылы, — шуиз со, — мынэмды понна но, сиськемды понна но коньдон уг басьты. Кораблын ти мынам куное луоды. Нош сьорады портэм вуз басьтэмды луэ

ке, тй сое Гвинеяын дуно дунын вузаны быгатоды. Ваньзэ со табышез тй асьтэлы басьтоды. Оскалтэ, тйледлы та сюрес удалтоз, оло.

Та капитан зэмез но шонерез яратись вал, котькин солы

оскылиз. Озьы бере, мон солэсь шумпотыса кылзиськи.

Гвинеяе кошкыкум мон сьорам, вузкарыны шуыса, пичигес вуз кутй: ньыльдон фунт стерлинглы! портэм чыры-пыры басьтй — дикарьёс та вузэз тужгес ик басьто.

Со ньыльдон фунтэз мон ас родня выжыосы пыр поттй, мон соосын гожтэтьёс пыр кусып возисько вал. Вузкарыны малпасько шуыса верай соослы, мынэсьтым мумыме оло бубыме та нырысетй ужам ожытгес ке но коньдоны юрттыны соос дэмлазы,

дыр, шуыса малпасько.

Африкае та ветлэме вань калгемъёсы полысь тужгес ик удалтэмез вал шуыны луоз. Мазэ веранэз, со удалтэм уже капитанлэн каньыл но шырыт вылэменыз пормемын. Со монэ сюрес вылысен математикалы но корабельной ужлы дышетйз. Со мылысь-кыдысь мадыылйз аслэсьтыз опытсэ, нош мон солэсь кылзыны но дышетскыны яратылй.

Со ветлэменым мон моряк но купец но луп: мон со чырыпыры вузэлы вить фунт но укмыс унция² зарни луо воштй. Лондонэ бертэме бере солы мон трос коньдон басьтй.

Озьыен, табере асме ачим узыр промышленник лыдъяме

луэ вал ини.

Мынам шудэ сыче, лэся, Англие бертэмез берегес ик мынам капитан эше кулйз. Соин ик мыным кыкетйзэ ветлоно луизини аслым ачим оскыса гинэ, нокинлэн валэктэмезтэк по юрттэмезтэк.

Мон Англиысь потй со кораблен ик. Таиз ветлонэ мынам самой шудтэмез луиз. Кыдёке ветлйсь адями, оло, ноку но тачесекыт адзонэз оз адзылы.

Огпол зарпотыку, кема уяса ветлэм бере Канарской островъёс но Африка куспыти мыныкумы, ми вылэ ожалскизы пиратъёс — морской разбойникъёс. Салехысь турокъёс вал соос. Соос милемды кыдёкысен ик адзиллям но ми сьоры вань парусъёссэс волъяса уиськизы.

Соослэсь пегзыны оскыса, ми но вань парусъёсмес волъямы. Нош жоген тодмо луиз, ог вить-куать часкын соос одно ик сутозы ини. Ожмаськыны дасяськонэз ми валам. Милям дас кык пушкамы вал, нош тушмонлэн — дас тямыс.

 $^{^1}$ Фунт стерлинг — английской коньдон; ог дас зарии манетэн чоша вал. 2 Унция — фунтлэц $^1/_{16}$ люкетэз.

Нуназе бере куинь час котырын со корабль милемыз сутиз но, янгышаса, ми доры корма ласянь матынскон интые, паллян нал борт ласянь вуиз. Сыче янгышамээс шодыса, ми соос шоры отысь тямыссэ ик пушкамес мертамы но чош ыбимы.

Турокъёс кык сюлэсь ожыт ой вал, соин ик милям ыбылэммылы пумит, пушка залпен гинэ öвöл, кык сю пычалэн но чоли

Ярано-ай, милесьтым нокинэ но оз йоттэ: ваньмы ик кылим. Озьы вачепумит вутскеммы бере пиратской судно жыны милялы палэнскиз но выльысь урдскыны дасяське ини. Нош ми выльысь асьмеды утьыны дасяськиськом.

Табере тушмонъёс мукет палти вуизы но, бортамы багоръёсын думиськыса, ог куатьтон адями милям палубаямы кужмысь пыризы. Нырысь ик мачтаосмес но тирлыкъёсмес кораны

кутскизы.

Ми соосты ыбылыса пумитамы но палубаысь кык пол улляны быгатылим. Озьы ке но, милемлы сётсконо луиз — корабльмы азьлане кошкыны уг яра ни вал. Милям куннез виемын, тямысэз сосыртэмын. Милемыз, пленэ кутыса, мавръёслэн морской портазы Салехе нуизы.

Мукетъёссэ англичанъёсты пыдло шаеразы, лек султан доры нуизы, нош монэ разбойникъёслэн суднозылэн капитанэз ас бордаз аслыз рабе кельтиз, малы ке шуид, мон егит но про-

вор адями вал.

Мон зар-зар бордыны кутски: бубилэн кылъёсыз тодам лыктизы. Со шуылиз ук: вазь-а, бер-а, шудтэме шедёд, юрттйсь но уз луы. Табере со шудтэм кылёнэз адзи ини кожай. Нош мон ой но малпалля, али та куректонъёсы азыпалан курадзонъёсылэн зарыт вужерзы гинэ вылиллям шуыса.

Мынам выль господинэ, разбойникъёслэн суднозылэн капитанэз, монэ ас бордаз кельтиз бере, мон осхыса ули, нош ик грабить карыны мыныкузы со монэ но ас сьораз басьтоз шуыса. Мон юн оскыса улй, куке но сое кыче ке испанской яке португальской военной корабль кутоз но соку монэ берен эрике

поттозы.

Нош мынам осконэ жоген толзиз, малы ке шуид, господинэ нырысьсэ ик морее потыкуз монэ гуртаз кельтиз но юрт котыраз сьод ужээ ужаны косйз.

Со нуналысен мон пегзон сярысь гинэ малпай. Нош пегзыны уг луы: мон чолак огнам но кужымтэм. Пленникъёс полын

¹ Корма — суднолэн берыз.

² Борт — суднолен дурыз, бордез.
3 Палуба— суднолен выл площадкаез.
4 Мавръёс — Северной Африкаысь арабъёс-мусульманьёс.
5 Порт — трсе нароходъёс дугдылов интыё город.

мыным оскымон одйг англичанин но ой вал. Кык ар чоже мөн улй пленын, мозмонэлы одйг но оскытэк.

Нош куинети араз пегзыны удалтиз ик.

Со тазьы луиз. Мынам господинэ ялан, арнялы быдэ огпол-а, кык пол-а, корабельной шлюпка кутоз но морее кыдёке чорыганы ветлоз вал. Котьку сыче ветлоназ со монэ но Ксури нимо одйг пичи пиез сьораз басьтылйз. Ми полысамы но быгатэмъямы солэсь мылкыдзэ жутъямы. Нош мон, та сяна, туж усто чорыгась вылйськем на бере, со милемыз куддыръя огнамес, со Ксуриен чошеннамес, чорыг дуре лэзьялляз — сыче дыръя милемыз пересь мавр, солэн родня выжыез, эскерылйз.

Огпол мынам кузёе кык йоно мавръёсты аслаз парусной шлюпкаяз уяны чортйз. Та уяса ветлон азелы со жытазе ик шлюпкаяз туж трос сион-юон дасяз. Шлюпка бадзымос, волмыт. Кык ар талэсь азьло ик кузёе корабельной плотниксэ косэм отчы пичигес каюта лэсьтыны, нош каюта пушказ — сион-юон возён кладовой. Та кладовое ик мон вань сионэз тыри.

— Куноослэн, оло, пойшурамзы потоз,— шуиз кузёе.— Ко-

рабльысь куинь пычалэз кут но шлюпкае ну.

Мон ваньзэ косэмез лэсьтй. Палубаез миськи, мачта йылэ флаг жутй. Чуказяз чукнаысен ик шлюпкаын пукисько, куноосты витьыса. Малпамтэ шорысь кузё огназ лыктэ но шуэ: куноосы туннэ уз мынэ ни, соосты ужъёссы жегатйллям. Собере со милемлы куиньнамылы — мыным, Ксури пичи пилы, маврлы — морее чорыг дуре мыныны косйз.

— Мынам эшъёсы мон доры жыт сиськыны лыктозы, соин ик, чорыг тырмыт кутйды ке, соку ик мыным вае,— шуиз со.

Тйни отын уго нош ик сайказ мынам эрике потон сярысь кемалась малпанэ. Табере мынам судное вал ини. Кузёе кошкыса гинэ вуттйз но, мон дасяськыны кутски,— чорыганы ой дасяськы, нош кыдёхетй уяны. Зэм, мон ой тоды, кытчы вуттоз сюресэ, нош котькыче сюрес умой, пытсэт улысь гинэ кошкыны мед луоз.

— Асьмелы сион запас кутыны кулэ вылэм. Куноослы дасям сионэз кузёлэсь юатэк асьмелэн сиеммы уз лу ук,— шуи мон маврлы.

Пересь соглаш луиз но сухариен бадзым корзинка но куинь кувшин шог ву ваиз.

Кузёлэн вина ящикезлэсь кытын сылэмээ мон тодйсько вал но мавр провизия дуре ветлытозь мон вань бутылкаосты судное выжтй, кладовое пуктылй— соос азывыл ик кузёлы дасямын кадь вал ини.

Со сяна, мон бадзым люк (ог витьтон йырвонка секта) сюсь ваи, собере одйг туго сйньыс, тйр, пила но молоток кутй. Вань-

мыз та милемлы берлогес туж яраз, тужгес ик сюсь, солэсь ми сюсьтыльёс лэсьтылим.

Мон эшшо одйг амал шедьтй на но номыре шöдйсьтэм маврез пöяны быгатй. Солэн нимыз Измаил вал но, сое ваньмыз

Моли шуылйзы. Вот мон шуи солы:

— Моли, судноын кузёлэн пычалъёсыз вань. Мар бен, тон öжытак порох но коня ке зарад шедьтысал ке, умой луысал. Нуназе сиськыны асьмелы, оло, туливитьёсты ыбыны удалтысал. Кузё порохсэ но дробьзэ кораблын возе, мон тодисько.

Ярам, — шуиз со, — ваё.

Собере со ваиз бадзым сурон сумка, отын йырвонка но жыны, оло солэсь но тросгес, порохез луысал, собере вить-а, куать-а йырвонка дробен тырмытэм мукет сумка. Озьы ик со пуляос но басьтэм. Ваньзэ ми сое шлюпкае тырим.

Со сяна, кузёлэн каютаысьтыз öжытак порох шедиз на, одйг бадзым бутылез басьтй но, пыдэсысьтыз виназэ кисьтыса,

со порохез отчы пони.

Кузь сюрес вылысен вань кулэ луонозэ тйни озьы дасяса, ми гаваньысь потйм, чорыганы кадь. Аслэсьтым визнанъёсме чолтй но нокинэ ой куты. Чорыг кыскаку мон визнанъёсме юри ой поттылы.

— Татын асьмеос нокинэ ум кутэ! — шуи мон маврлы. — Буш киын бертэммы понна кузёмы уз ушъя. Морее пыдлогес кошконо. Отйын чорыг, оло, умойгес кыскалоз.

Мынэсьтым озьы юри тупатэмме шодытэк, мавр соглаш

луиз но парусэз волъяз.

Нош мон руль бордын пуки. Судномы морее куинь миля кеме кошкиз но, мон парусъёсме лябомытй, нош ик чорыганы кутскем кадь. Собере, рульме пичи пилы сётыса, мон пыж ныр пала вамыштй, мавр доры мышласянь матынски, сое зыгыртыса жутй но морее куштй. Со соху ик ву вылэ лоптиз, малы ке шуид, со пробка кадь уя вылэм. Со, шлюпкае басьты шуыса, кесяськыны кутскиз, тонэн чош коть дунне пыдсы но мыно шуэ. Соку ик со монэ сутысал — сокем жог уиськыса лыктиз судно сьоры (тол ляб гинэ вал, шлюпка мырдэм азъланьске). Мавр тани-тани сутоз ини. Озьыез адзыса, мон каютае бызи, пычал кутй, мавр шоры мертасько но шуисько:

— Мынам тыныд урод лэсьтэме уг поты, тон монэ эн керзегъяськыты! Тон зеч уяськод, море чалмыт, ярдурозь тыныд уяса потыны номыр кадь ик уз луы. Берытскы берлань, соку мон тонэ уг иса; нош пыжлэсь од ке кыльы, ыбыса йырдэ пасяло, мон аслым эрик утчаны юн-юн малпай.

¹ Миля — 1,8 км.



Мон шоры чорк чорк учкыса, пичи пи пальпотиз.

2. Робинзон Крузо.



Со ярдур пала берытскиз но чик шуге вуылытэк мувырозь уяса вуиз шуыса оскисько.

Мазэ веранэз, пичи пиез морее куштыса, мынам та маврез

сьорам басьтэме луысал, нош пересьлы оскыны уг луы вал.

Пыжлэсь мавр кылем бере мон пичи пи пала берытски

но шуи:

— Ксури! Тон мынэсьтым кылзйськид ке, мон тонэ бадзым адями каро. Магометлэн но солэн бубы тушезлэн нимынызы мыным оскымон луондэ вера, сотэк мон тонэ но али ик морее кушто.

Мон шоры чорк-чорк учкыса, пичи пи пальпотйз, собере кыл сётйз мынэсьтым котьку кылзйськыны но мон сьоры котькытчы мыныны. Куараез сокем каньыл мылкыдо кылйськиз— оскытэк

кылеме оз луы.

Уяса кошкись мавр син азынсь ышытозь мон, толлы пумит шонеръяса, пыжме море шоры нуи — Гибралтар пала кошкиськом мед кожалозы.

Куазь жытмыны кутскем бере ик, мон öжытак восток пала возькыса, юг пала шонертыны кутски, малы ке шуиды, ярдурлэсь кыдёке палэнскеме öз поты. Чырмыт тöл тöла, нош море вылын чалмыт но, ми зол кошкиськом.

Чуказеяз куинь час азын, нырысьсэ азыпаламы музъем адскыку, ми Салех сьоры сю витьтон милялы юг палагес вуиськеммы вылэм ини, мароккской султанлэн но котькыче мукет африканской эксэйлэн владениосыз сьоры кыдёке вуиськеммы. Милям матынскон ярдурмы чылкак адямитэм вал.

Нош мон пленын сокем кышкась луи но мавръёс киулэ нош ик шедемлэсь сокем кышкаса мынй,— умой толъя кариськыса, якорез лэзьылытэк но ярдуре поталлятэк вить нунал чоже юг пала кошки.

Вить нунал ортчыса, тол воштиськиз: юг палась пельтыны кутскиз но, уиськемлэсь мон уг кышкаськы ни вал бере, ярдуре потыны кариськи, кыче ке пичи шур усёнэ якорьме кушти. Кыче со шур, кытын, кыче шаерын со бызе, кыче адямиос отын уло — мон номыр вераны уг тодиськы. Мувырысь мон адямиосты ой адзы, бен адземе но соосты уг поты вал.

Одйгез гинэ мыным кулэ вал — шог ву. Ми та шуре жытпал кожим, пеймыт луиз ке, уяса потом но котыр интыез учком шуим. Нош пеймыт луиз гинэ но, мувырысь кышкыт куараосты кылйм: отын лыдтэм уно сьосьес уло вылйллям, соос сокем вожомыса вузо, ыргето, уто, черекъяло—мискинь Ксури кышкаменыз ожыт гинэ оз кулы но чукиа вуытозь мувыре потонтэм вылысь мыным сюлворыны кутскиз.

- Я, иське, Ксури,— шуи мон солы,— витём! Нош, оло, нуназе дыръя асьмеос отысь адямиосты адзом, соослэсь асьмелы сьось тигръёслэсь но левъёслэсь сярысь но уродгес луоз, оло.
- Асьмеос соосты пычалэн ыбом,— шуиз со серекъяса.— соос пегзозы!

Пичи пилэн сыче сэзь мылкыдызлы мон шумпотй. Азьпалан но со сыче ик сэзь мед луоз шуыса, мон солы одйг гучых вина удй.

Čo верамъя ик лэсьтй. Уйбыт ми якорь вылын сылйм. Пыжысь потатэк, киямы пычалэн чукнаозь одиг чирым но ом колэ.

Мынэмысь дугдэммы бере кык-хуинь час ёрос улыса, мувырысь ми кыче ке но ортчыт бадзым сьосьёслэсь (кычезэссычезэс ми асьмеос но ом тодэ) ыргетэмээс кылйм. Сьосьёс ярдуре ик вуизы, вуын салкыматскон понна, лэся, шуре пыризы, жомбыллясько но погыллясько; озьы вырыкузы чир кесясько, ыргето но вузо. Сыче шимес куараосты мон та дырозь ноку но ой кылылы на вал.

Ксури кышкаса куалекъя, зэмзэ верано ке, мон ачим но шоми.

Нош одйгез шимес сьось милям судномы пала уяны кутскиз. Солэсь уямзэ кылыса, ми кыкнамы ик уката юнгес кышкамы. Милям сое адземмы уг луы, нош жуштэмезъя но соретэмезъя шодским: та вераны луонтэм бадзым но лек сьось.

- Со лев, дыр, шунз Ксури, якорьмес жутом но кошком татысь!
- Ум, Ксури,— пумитаз верай мон,— асьмелы якорь бордысь лэзькыны кулэез öвöл. Асьмеос канатмес гинэ кузьгес лэзём но морее пыдло палэнском— сьöсьёс асьме сьöры узуиське.

Нош со кылъёсме вераса гинэ вуттй, судномы дорысен чылкак кык полыс ёрос кемысь гинэ со тодмотэм сьосез адзи. Мон ожытак куалектй, озыы ке но, соку ик каютаысь пычалме басьтыса, ыби. Со берлань берытскиз но мувыр пала кошкиз.

Ыбеме чузъяськем бере мувырын верантэм вожомем ыргетон жутскиз: татысь сьосьёс пычал куараез кылылымтэ на, лэся, ноку но. Соку мон умой-умой валай ини, татын уин дыръя ярдуре потыны луонтэм шуыса; нош нуназе потыны дйсьтыны луоз-а— сое но ми озьы ик ум тодйське. Кыче ке дикарь кнулэ шедён яке левлэн, тигрлэн гижы улазы шедён одйг кадь нк овол-а ма! Озьы ке но, татын-а, мукет интыын-а, милемлы одно ик мувыре потыны кулэ, малы ке шуид, вумы одйг шапык но оз кыль ни. Чидантэм юэмпотон курадзытэ. Я, кема витем чукнамы но вуиз. Ксури вераз: мон сое лэзи ке, со мувыре коласа потоз

го шог ву поттыны сюлмаськоз. Малы тон мынод, нош мон уг пуыса юзмелы со тазьы валэктиз:

— Дикой адями вуиз ке, со монэ сноз, тй луло кылёды.

Та валэктэмаз монэ туж яратэмез кылиськиз но мынам-

пушкы ик тыриз.
— Тапи ма, Ксури,— шун мон: — кыкнамы ик мыном, нош ликой адями вунз ке, асьмеос сое ыбом но, со тонэ но, монэ но-

v3 сны ни.

Мон пичи пилы сухари но одйг гучык вина сётй; соберемувыр пала кыстйським но, вуэ тэтчыса, мувыре коласа кошким. Пычальёс но ву смыртон кык кувшинъёс сяна, сьорамы ми

номыр но ом басьтэ.

Судномее енн азыысытымы ыштонтэм понна мынам ярдурлэсь кыдёке палэнскеме öз поты. Дикарьёслэн шур уллань ми доры асьсэлэн кузесь пыжъёсынызы васьконзылэсь но кышкыт вал. Нош Ксури, ву дурысен миля кемысь нёжалэз адзыса, кувпинэн отчы вамыштиз.

Витёнтэм шорысь адзисько: со берен бызе. «Дикарьёс уг унсько меда со сьоры? — малпай мон кышкаменым. — Оз кышкамеда со кыче ке сьосьлэсь?»

Мон солы юрттыны бызи но, матаз вуыса, адзи: тыбыраз солэн маке бадзым ошкемын. Со асьмелэн лудкечмы кадьзэ кыче ке пичи пойшурез вием, солэн гонэз мукетгес но кукъёсыз кузесьгес. Кыкнамы ик та пойшурлы шумпотйм, нош мон уката ик шумпотй Ксурилэн трос умой шог ву шедьтэмез сярысь иворезлы.

Кувшинъёсмес вуэн тырмытыса, со вием кечмы котырынюондыр лэсьтйм но азыпала вырзим. Та интыысь адями пытьыезом но адзылэ.

Та пичи шур усёнысь потэммы бере азьлане кошкыкумы милемлы шог ву басьтыны олоконя пол мувыре кожано луылиз на.

Огпол вазь чукна ми жужыт муныр доры дугдим. Ву будыны кутскиз. Ксури, мынамлэсь сэзьгес синмыныз адзыса, синыртиз:

— Кошком татысь кыдёкегес. Учке-ай, тйни отын вырйылып кыче моко кылле! Тавиысь со зол колэ, нош сайказ-маразке, асьмеос бырим!

Мон учки Ксурилэн возьматэмез пала но, зэм ик кышкыт сьосез адзи. Со тупыттэм бадзым лев вылэм. Вырйыл улынгес кылле вал со.

— Кылзы-ай, Ксури,— шуи мон,— мын мувыре но ви се левез.


[·] Муныр — мыс.

Пичи пи кышказ.

— Мыным сое вионо! — кушетскиз со. — Ма монэ со кутэз

кадь ньылоз ук!

Мон солы номыр но ой вазь ни, выремысь гинэ дугдыны косй, собере каютаысь вань пычалъёсмес ваи (милям соос куинь вал). Одйгзэ, самой бадзымзэ, мон кык узвесь кусокен зарадай, гумыяз нырысь ик зечкос зарад порох поныса; мукетаз кык бадзымесь пуляос лэзи, нош куинетйяз — пичиесьгес вить пуля.



Нырысетй пычалэз кутй но, умой-умой мертаса, мон сьосез ыби; мон солэн йыраз мертай, нош со ымнырээ пыдыныз согыса кыллеменыз зарадэ пыдаз йотйз но солэсь пыдес лызэ пыргытиз. Лев ыргетйз но султйз, сосыртэм пыдызлэсь висемээ шодыса, соку ик ланьырскиз, собере куинь пыд йылаз султйз, туж кужмо ыргетыса, чутык-чутык кошкиз. Сыче шимес ыргетэмез мынам ноку но кылэме ой вал на. Йыраз йоттымтэеным мон ожыт возьытэ но уси. Минут но жегатскытэк кыкетйзэ пычалэз басьтй но сьосез нош ик ыби: таяз умой йоттйськем. Лев усиз, ляб зазырес куараен шокчылыса.

Сосыртэм сьосез адземез бере Ксурилэн вань кышканэз ортчиз но, со мувыре куриськыны кутскиз.

— Я, иське, мын! — шуи мон.

Пичи пи вуэ тэтчиз но мувыр пала уяса кошкиз: пал киыныз гинэ ужа, палаз пычалзэ возе. Шер-шер кыллись сьось доры матаз ик мыныса, со пычал гумызэ солэн пеляз пониз но сьосез тыпак вииз.

Мазэ веранэз, левез ыбон — со усто маке, нош солэн

сйльыз сныны уг яра, сонн ик туж жаляй, малы гинэ тайе кулэтэм пойшурлы куннь зарадээ быдтймы. Нош Ксури та вием левлясь мазэ-созэ ке но уже кутыны луоз шунз. Пыжамы вуэммы бере со мыласьтым тйр куриз.

— Малы? — юай мон.

— Солэсь йырзэ чогыны, — шуиз со.

Кужымез бз тырмы: солэн йырзэ чогемез бз луы, пал пыдзэ гинэ чогиз но шлюпкае ваиз. Со ортчыт бадзым дев пыд вал. Соку мынам тодам лыктиз, девлэн куэз милемлы малы ке но яралоз, дыр, шуыса. Соин ик мон солэсь кузэ ниыны малпай. Ми выльысь мувыре кошким, нош та уж борды кызьы кутскыны ик бй вала. Ксури мынэсьтым амалогес вылэм.

Быдэс нунал ужамы ми. Лев нионмес жытпал гинэ быдэстйм. Ин солэсь кузэ каютамылэн липет вылаз золтйм. Кык нунал куспын со шунды шорын чылкак куасьмиз но, мон сое ас-

лым валес кари.

Та ярдурысь потыса, ми ог дас, дас кык нунал чоже шоне-

рак юг нада кошким.

Милям сион-юонмы бырыны кутскиз, соин ик запасмес луэмезъя туж шыръяны турттйм. Мувыре шог вулы гинэ поталлямы.

Гамбия яке Сенегал шуръёслэн усёназы, Зелёный мыс доры вуэме потэ вал, малы ке шуид, отысен кыче ке европейской кораблен пумиськыны оскисько вал. Мон тодыса улй: соин ой ке пумиськы, мыным мореысь островъёсты утчано яке сьод куо адямиос полын быроно луоз — мукетыз сюрес ой вал.

Мон озьы ик тодйсько вал: ваньмыз Европаысь лыктйсь судноос, котькытчы соос мед мынозы — Гвинея палъёсы-а, Бразилие-а яке Ост-Индие-а — Зелёный мыс возтй ортчо. Соку ик мынам шудэ Зелёный мыс дорысь европейской судноен пумиськон бордын луоно кадь потйз.

«Ой ке пумиськы,— шуи мон аслым ачим,— быронэ их со-

луоз».

НЬЫЛЕТИ ГЛАВА

Дикарьёсын пумиськон

ош ог дас нунал ортчиз. Ми ялан юг пала мынйськом. Нырысь пал мувырын чалмыт вал. Собере ми кык-куины интыысь ярдурысь шорамы учкись гольык сьод адямиосты адзылим.

Огпол мон мувыре потыны но соосын кенешыны малпай. Нош Ксури, мынам визьмо кенеш сётйсе, шуиз:

— Эн ветлы! Эн ветлы! Кулэ öвöл!

Озьы ке но, дикарьёсын вераськыны быгатон понна мон ярдурлы матэгес мыныны кариськи.

Соос мынэсьтым малпамме валазы, лэся, но мувыртй ми

сьоры кема бызизы.

Мон синйылтй, соослэн кивалтосъёссы öвöл; огез гинэ кияз кузь векчи боды возе. Ксури вераз мыным, со, пе, соослэн шибодызы, дикарьёс соин туж кыдёке лэзяськыны быгато но паймымон шонер йöттыло. Соин ик мон соослэсь палэнынгес возьки но, киосыным пöртэм шонаса, верасыкыны выри, милемлы сион кулэ шуыса валэктыны тырши. Соос валазы но асьсэос озьы ик мыным шонаны кутскизы: пыждэс дугдытэ, пе, тüледлы ми сион ваём, пе.

Мон парусме лэзи, пыж дугдйз. Кык дикарьёс кытчы ке бызьыса кошкизы, жыны час куспын вуттйзы кык бадзым юдэс куасьтэм сйль но та шаерын будйсь кыче ке ю тысен кык мешок. Ми ум тодйське вал, кыче та сйль но кыче ю тысь, озыы ке но созэ но, тазэ но кутыны дась луэммес возьматим.

Нош кызьы басьтод со чектэм кузьымез? Мувыре потэммы уг луы: дикарьёслэсь кышкаськом, нош соос милесьтым кышкалло. Соослы но, милемлы но одйг кадь кышкыт луонтэм пониз дикарьёс тазьы каризы: тысен мешокъёссэс но сйльзэс ву дуре тырыса, асьсэос палэнскизы, ваньзэ сое пыжамы пыртылыны дыр сётйзы но собере азывыл интыязы ик вуизы.

Ми соослы, киосынымы возьматыса, тау карим, соослы

номыр кузьыммы милям ой вал.

Жоген ми но соослы бадзым юрттэт сётыны быгатим.

Ярдурысь кошкыса ом вуттэ, кытй ке ой вал — гурезь сьорысь кык бадзым кышкыт сьосьёс потйзы. Соос пырак море дуре бызё. Огез мукетыз сьоры унське кадь адскиз. Ву дурын сылйсь адямиос, тужгес ик нылкышноос, ортчыт кышказы. Кияз шибодыен сылйсез гинэ интыысьтыз оз вырзылы, нош мукетьёсыз кир-пазь пегзизы. Нош сьосьёс пырак море дуре бызё, сьод адямиосты огзэ но оз исалэ. Соос озьы бызён сяменызы ик пырак вуэ тэтчизы но уяны кутскизы: пыласькон понна лыктйллям вылэм, лэся.

Малпамтэ шорысь огез пыжмы доры вуиз. Мон сое ой но витьы, озьы ке но, ой куалекты: пычалме жог зарадаса, мон тушмонэз пумитаны дасяськи. Ыбыса йоттон кеме матэ вуэмез бере мон курокме лэзи, пуля солэн йыраз йотйз. Соку ик со выиз, собере ву вылэ лоптиз но берен ярдур пала уяз, я выйылыса, я нош ик ву вылэ лоптылыса. Ымаз ву пырыса но вирыз

вияса, со кулонэныз нюръяське. Мувыре вуытозяз со чоньдйз.

Пычал ыбем куараез но тылэз адзыса, дикарьёслэсь макем куалектэмээс нокыче кылын но вераны уд быгаты: кышкаменызы куд-огез ожыт гинэ оз кулэ, музъем вылэ шойёс кадь супрак

дензы.

Нош сьосьлэсь внемынзэ адзыса, соослы матэгес лыктыны возьматэмме адзыса, соос сэзёмизы но ярдуре ик люкаськизы; внем сьосез вуысь шедьтэмзы потэ вылэм, лэся. Солэн выем вадьсаз ву горд виресь вал на, соин ик мон сое жог шедьтй. Шоез гозыен кышласа, гозылэсь пумзэ дикарьёслы сэрпалтй но, соос со внем сьосез ярдуре кыскизы. Со чебер чибориё леопард вылэм. Дикарьёс, со возы султыса, паймеменызы киосерс выллань жутъязы; соос валаны оз быгатэ, маин мон сое вии.

Мукетыз сьось, пычал куараелэсь кышкаса, мувыре потиз

но гурезь сьоры пегзиз.

Мон шодії — дикарьёслэн вием леопардлэсь сйльзэ сиемзы потэ. Чапак таче визь лыктиз: соос мынэсьтым тае кузьым кадь басьтизы ке, умой луоз. Мон киыным шонаса возьмати: сое асьтэлы басьтэ, пой.

Соос мыным туж тау каризы но соку их уж борды кутскизы. Пуртъёссы öвöл, лэчыт дуро пуосын ужаса, соос шöйлэсь кузэ сокем жог но капчиен ниизы, макем асьмеос сое пуртэн но öй лэсьтысалмы.

Соос мыным сйль чекто вал но, мон сое асьтэлы сётйсько шуыса возьматй,— сйльзэс ой куты, кузэ гинэ кури, сое соос мыло-кыдо сётйзы. Со сяна соос мыным эшшо сион-юон ваизы на. Мон со ваемзэс шумпотыса кутй. Собере мон соослэсь ву кури; одйгзэ кувшинмес кутыса, мон сое йырин уллань кымалтй. Озьы мон солэсь бушсэ но сое тырмытыны кулэез возьматй. Соку соос асьсэ сяменызы маке кеськизы. Ожыт улыса, кык нылкыминоос бадзым кыдатэм горд сюй посуда ваизы но ярдуре пуктйзы (горд сюез соос шунды шорын кыдато, дыр). Пуктйзы но азьло сямен ик палэнскизы. Мон Ксуриез вань кувшинъёсынымы мувыре ыстй но, со соосты вуэн тырмытьяз.

Тйни озьы ву но сион люкаса, зеч мылкыдо дикарьёсын мон люкиськи но ярдуре кожаллятэк дас одйг нунал чоже азьвыл сямен ик азьлань мынй. Берло ини ог дас вить миля кемысь азьпалась мон сюбег кузь мычиськем музъемез адзи. Куазь чалчал вал но, со мычиськем музъемез котыртыса копихон понна мон морее шонерски. Мычиськем мувырлэн чапак пум вадьсаз вуыкумы ярдурысен ог куать миля кемысь океан палась мукет сыче ик музъемез адзи. Соин ик туж оскыса малпай: сюбег мычиськем музъем — Зелёный мыс, нош кыдёкынгес адскись

музъем — Зелёный мыслэн одйг островез. Нош со островъёс туж кыдёкын, соин ик соос пала мыныны ой дйсьты.

Малпамтэ шорысь мон пичи пилэсь кеськемзэ кылй:

— Господин! Господин! Корабль но парус!

Пичи Ксури куаретэмез луонтэм кышказ: солэн кузёезлэн милемды уйыса ыстэм кораблез шоры учырамы кожаз со. Нош мон тодйсько, мавръёс дорысь ми туж кыдёке кошким ини но

табере соослэсь кышканэз öвöл ни.

Мон каютаысь жогак потй но огпумысь кораблез адзи. Солэсь португальской вылэмзэ но тодмай. «Эриктэм адямиосты нуллйсь, лэся, та,—малпай мон.— Гвинея пала негръёс дуре мынэ, дыр». Нош умой-умой учкыса, мон валай: судно мукет пала мынэ но ярдуре кожыны уг ик малпа. Соку мон вань парусъёсты жутй но, корабльысь адямиосын вераськыны шуыса, море шоры кошки.

Жоген валай, туж кужмо мыныса но судно доры уд вуы, корабльын мынэсьтым сигнальёсме уз валалэ. Чапак соку, корабльлэсь палэнтй кошкемзэ адзыса, шугекъяськыны кутскыкум, милемыз палубаысен подзорной трубаен адзиллям, лэся Берло верамзыя, пыжмес соос кыче ке но выем европейской судноысь кожаллям. Ми матэгес мед вуомы шуыса, корабль калленгес мыныны кутскиз но, ог куинь час куспын ми со доры вуим.

Мынэсьтым кин луэмме юазы, нырысь ик португальской кылын, собере испанской, собере французской кылъёсын, нош одйгээ но сыче кылъёсты мон ут тодйськы вал.

Берло ини одйгез матрос, шотландец, монэным английской кылын вераськыны кутскиз. Солы мон валэхтй: мон — англичанин, пленысь пегзи, пой. Соку монэ но эшме туж зеч мылкыдын отизы корабле. Жоген ми шлюпкаенымы валче палубае вуим.

Эрике потэмме шодэме бере шумпотэмме вераме ик уг луы. Мон рабстволэсь но быронлэсь но мозмытски! Шудэ мынам пачылмиз. Быронлэсь мозмытэмез понна мон канитанлы вань ас котырме чектй. Нош со оз басьты.

— Мон тйлесьтыд номыре но уг басьты, — шуиз со. — Бразилие вуим ке, вань котыръёстэ берен басьтод. Мон тйледды быронлэсь мозмытй умой валаса: мыным но, оло, таче шугелеке шедёно луоз. Макем мон шумпотысал но шудо луысал, тй но мыным тазьы ик юрттысалды ке! Сое но эн вунэтэ: ми тйледыз Бразилие нуиськом, нош Бразилия Англилы кыдёкын, мон тйлесьтыд сион-юондэс басьтй ке, тй отын но сютэм кулоды. Берло быронэ вуттон понна-а мон тйледды мозмытй! Озьы, озьы, сеньор, мон тйледыз Бразилиозь дунтэк нуо, нош тйляд котырды, вузады ке, отын коня ке улыны но тырмоз, шаерады бертон дунлы но яралоз.

ВИТЕТИ ГЛАВА

Робинзон Бразилиын улыны кариське.— Со нош ик морее кошке. — Кораблез куашканэ шеде

*

апитан, кылын гинэ öвöл, ужен но зеч мылкыдо адями вылэм. Со вань верамъёссэ умой быдэстйз. Одйгзэ но матросэз мынам котыры борды йöтскылыны öз лэзьы, собере вань котырме нимын-нимын гожъяз, аслазэныз огазе тырыны косйз, нош гожъямзэ мыным сётйз, Бразилие вуэммы бере мон котъкуд тйрлыкме быдэскын басьтыны мед быгато шуыса.

Солэн шлюпкаме басьтэмез потйз. Шлюпка зэм ик усто вал. Капитан сое ас корабляз басьтыны малпаз но дун куронме юаз.

— Тü,—шунсько,— мыным сомында зеч лэсьтйды бере, мон та пыжелы нокызьы но дун пуктыны уг быгаты. Кöня сётоды, сомында ик яралоз.

Соку со шлюпкалы Бразилие вуэм бере ик тямыстон червонец тырыны вылысь гожтэм обязательство сётыны дэмлаз. Нош отысен мукетыз дуноенгес басьтйсь шедиз ке, капитан но мыным сыче дун ик тыроз.

Бразилие мынонмы туж умой быдэсмиз: кызь кык нунал уяммы бере ми Всех Святых нимо бухтае пырим. Татын мон чылкак шöдü ини вань курадзонъёсылэсь ортчемзэс, ултйям раб луонысь мозмемме но улонэлэсь выльысь кутскемзэ.

Португальской корабльлэн капитанэзлэсь монэн зеч мылкы-

до выремзэ мон ноку но уг вунэты.

Нуэмез понна со мынэсьтым одйг грош но оз басьты, берен сётйз вань котырме, куинь кувшинме гинэ но, лев ку понна ньыльдон дукат но леопард ку понна кызь дукат тыриз, оглом вераса, со мынэсьтым ваньзэ басьтйз, маи гинэ мынам мултэсэз вал, мае гинэ мыным вузаны каньыл вал, со полын ик винаен ящик, кык пычал но кылемез сюсь (со коняез ке сюсьтыллы мынйз). Вакчияк верано ке, солы трос котырме вузаса, Бразилие потэм бере мынам кисыям кык сю кызь зарни коньдонэ тырмиз.

Мынам Ксуриеным люкиськеме уг поты вал: со мыным туж эскьмон эш луиз; со мыным эрике потыны юрттйз. Нош мон дорын солы уж оз луы ни; уката ик сое сюдыны быгатонэлы мон ой оскы. Соин ик тае капитан ас бордаз корабле кельто но матрос каро нуумин мон тук нуумист

матрос каро шуэмлы мон туж шумпотй.

Бразилие вуэммы берегес ик капитан эше монэ тодмоезлэн корказ пыртйз. Со сахар плантацилэн но сахар заводлэн кузёєз вылэм. Мон со дорын кема улй но соин йырин сахар лэсьтон ужен тодматски.

Татысь плантаторъёслэсь макем зеч улэмзэс но макем жог узырмемзэс адзыса, мон ачим но, пырак азелы Бразилие кыльыса, со уж котыре кутскыны кариськи. Вань коньдонэлы мон арендае музъем участок басьтй но луоно плантациелэсь но азбар юртъерелэсь кыче луонзэс малпаны кутски. Лондонын коня коньдонэ кылемын вал на, сое но мон татчы ик кутыны кариськи.

Мынам плантацие Уэллслэнэн артэ вал. Фамилияез солэн сыче, Лиссабонысь вуэмын. Выжыезъя со англичанин вылэм, Португалиын кемалась улэ ни. Ми соин туж эшласькыса улйм. Солэн, мынам сямен ик, оборотной капиталэз бадзым ой вал но, нырысетй кык арзэ ми кыкнамы ик мырдэм-мырдэм котмес тырыны быгатылйм. Нош музъеммес пумен зол ужаммыя ми узырмыны кутским.

Бразилиын ньыль ар ёрос улыса но ас ужме пумен паськытатыса, мон, вератэк но тодмо ини, испанской кылэз но тодй, бускельёсыным но тодматски, озьы ик милемлы тужгес матысь моредур городысь, Сан-Сальвадорысь, купецъёсын но тодмо луи. Тросэз соос мыным матысь эшъёс луизы. Соосын пумиськылыкум мон чем мадьылй Гвинея дуръёсы кык пол ветлэмъёсы сярысь, отысь негръёсын кызьы вузкарон мынэ но кызьы отын чыры-пыры котыр понна — кыче ке чигвесьёс, пуртъёс, тйръёс, пиялаос но со выллем чыры-пырыос понна — зарни гизь но слон лы басьтыны макем капчи луэ.

Верамъёсме соос котьку сак кылзылизы но со сярысь кема кенешылизы,

Огпол тазьы куинез мон доры вуизы но туж лушкемен, нокинлы супыльтонтэм вылысь, веразы:

— Тй шуиськоды, тйляд ветлэм интыосады капчиен шедьтыны луэ быдэс груда зарни луо но мукет дуно котыр. Ми Гвинеяе зарни вайыны корабль келяны медйськом. Отчы мыныны мылкыдды луоз-а? Тй та ужлы одйг грош но тыроно уд луэ. Ми тйледлы ваньзэ сётом, ма гинэ кулэ вошъяськой понна. Ужамды понна тй но милемын огмында ик барыш басьтоды.

Зеч музъемо Бразилие мыным кемалы кылёно вылэм, со чектэм ужзылэсь куштйськоно вылэм но, верасько ук, аслам шудтэмелы котьку ик ачим янгыш луисько. Выль морской приключениосты тодэме-адземе потэменым чидатэк но та чектэмзылэсь шумпотэменым йыры ик поромиз.

Азьвыл дыръя со ветлонэз яратонме вормыны быгатымтэе но бубилэн зеч визькенешезлэсь кылзйськымтэе сямен ик, али но со бразильской эшъёсылэн лопкытись чектонзылы пумит султыны ой бытаты.

Тодмоосылы мон шуи: «Гвинеяе мон шумпотыса мыно,

одйгзэ гинэ курисько — монтэм дыръя владениосме чаклалэ, нош мон ой ке берты ни, соосын мынам вераса кельтэмея толійсьяське».

Мынэсьтым верам мылкыдме соос быдэстыны юн-юн кыл сётйзы по сое гожтэм обязательствоен юнматйзы. Нош мон, оло кулыпы жымод шуыса, завещание лэсьтй: вань юртме, музьемме по ваньбурме мон португальской капитанлы, улонме утиселы, вераса кельтй. Татчы ик гожтй на: ваньбурелэсь коня ке люкетсэ Англие, пересьмем мумы-бубыосылы келялэ.

Корабль дасямын вал но, вераськеммыя компаньонъёсы

отчы вуз но кулэ котыр тыризы.

Тани нош ик — шудтэм нуналэ! — 1-тй сентябре 1659 арын мон корабльлэн палубаяз туби. Со чапак со нуналэ вал, ку тямыс ар талэсь азьло мон буби но муми дорысь пегзи, соин

сэрен ас егит дырме такем йонтэм быдтй.

Дас кыктой уяса, ми экватор вамен выжим но сизьым градус но кызь кык минута северной широтаын вал ини. Соку ми шоры малпамтэ вылысь шторм ожалскиз, шонергес вераса, туж кужмо толпери жутскиз. Со юго-восток паласен кутскиз, собере огпала пельтыны одъяз но берло ини северо-восток паласен сокем кышкыт кужымен пелляз — ми дас кыктой чоже вожомем тол пельтэмъя, маке луэм лу шуыса, уяны кариським.

Мазэ веранэз, вань та дас кык нунал чоже мон часлы быдэ кулонме витьыса улй, бен ми полысь нокудиз но улэп кыльыны

ёз оскылы ни.

Огпол вазь чукна (тол сыче ик юн пельске на вал) одигез матрос кеськиз:

— Музъем!

Кытчы вуэммес тодыны оскыса, каютаысь потыны но ом вуэ — судномы луо шуккеме пуксиз. Шуак дугдэмен йырин палубае туж кышкыт кужымен тулкым шуккиз но ваньмы каютае пыроно луим.


Корабль луое сокем пыдло пуксиз, сое отысь поттыны малпанэз ик ой вал ни. Милемлы ас йырмес мозмытон сярысь гинэ сюлмаськон кылиз на. Милям кык шлюпкамы вал. Одйгез корма сьорын ошкыса улйз, нош шторм дыръя сое руль борды пажгатйз, собере со оло выиз, оло сое вутулкым ишкалтйз но морее нуиз. Мукетыз кылемын, нош сое ву вылэ лэзыны удалтоз-а — нокин уг тоды. Нош малпаса улонэз ой вал ни: корабль минутлы быдэ шори пилиськыны шедёз.

Капитанлэн юрттйсез шлюпка доры бызиз но, матросъёс юрттэмъя, сое ву вылэ лэзиз. Ми ваньмы, дас одйг мурт, шлюпкае пуксим но вожомем тулкымъёслэн волязылы сётским, малы ке шуид, шторм шодскымон чаломиз ке но, ярдуре кышкытэсь

бадзым тулкымъёс вуыло на но мореез зэмээ ик визьтэммем

шуыны луэ.

Милям югдурмы уката кышкыт луиз: ми сэзь адзиськом, пыжмес али ик кымалтоз но мозмеммы уз луы. Парусмы ой вал, бен луысал ке но, со милемлы чылкак пайда ой сётысал. Ми ярдур пала полысам секыт мылкыдын, вныны валтоно адямиос кадь. Ваньмы туж зеч валаськом, шлюпкамы музъем доры матэгес вуиз ке, сое вутулкым шуккоз но шелеплы пыргытоз. Толэн азьланьскись макеос, ми кужмысь полысам, ас быронмес ас киынымы матэ карыса.



Милемыз озьы ог ньыль миля кеме нуиз но, шлюпкамес мышласянь гурезь жужда тулкым шуккиз. Со берлоез кужмо шуккет луиз. Шлюпкамы кымаськиз. Ми ох! шуыны но ом вуэ — ву пыдсы вуиськеммы. Сильтол милемыз сопала-тапала пазяз.

Вуэ выем берам мон туж шугектй, сое нокыче кылын но уд гожты. Мынам туж зеч уяме луэ, нош соку ик ву вылэ потэме оз луы но ожыт гинэ ой жока. Тулкым жутйз монэ, мувыр пала кыдёке ик нуиз, пазыгиськиз но берлань кошкиз, нош мон ныылонам трос ву пыремен мырдэм луло кыли. Ожытак шокчи но, йырсазы пыриз. Музъемлэсь такем матынзэ (малпаме сярысы туж ик матынзэ) адзыса, мон туж жог мувыр пала шонерай. Мукетыз тулкым вуытозы отчы вуыны оскисько вал, нош жоген валай, солэсь кошкыны уг вуы шуыса: море мон шоры бадзым гурезь кады лыктэ, вожомем сьось кады уе. Солы пумит нюръ-

яськыны мынам кужыме ой вал ни. Мувыре нуись тулкымъёслы мон ой пумитъяськылы ни, нош соос берлань чигнаны кутско ке, мон, озьы но тазьы вырыса, татчы мувыр пала ик кыльыны

турттйсько.

Мукетыз тулкым монэ ог кызь, куамын фут кеме вуэ согиз. Собере жутйз но вераны луонтэм жог нуиз мувыр нала. Ву кошкемъя вань кужмысьтым кема уяса мынй, воньдыса ёжыт гинэ ёй кулы. Соку ик выллань жутскемме шёдй. Жоген киосы но йыры ву вылэ потйзы, шудэ вылэм, лэся, мыным капчияк луиз. Выль тулкым вуытозь кык секундлэсь трос ёз ортчы ни ке но, мон лулскыны вуи, соин мыным кужым пыриз.

Выль вуэм тулкым монэ нош ик йыр вылтйм ик шобыртйз нош табереяз мон ву улын сокем кема ой улы. Ву тулкым берлань кошкыса гинэ вуттйз но, мон солы сётскытэк мувыр пала

уяны кутски но пыд улам ву пыдэсэз шодй.

Ог кык секунд чоже сылй, гадь тыр лулзи но берпум куж-

мыным мувыр пала бызьыны кутски.

Нош али но мон вожомем морелэсь палэнскыны ой быгаты на: со нош ик вуиз. Тулкымъёс монэ эшшо кык пол жутылйзы на но мувыре нуизы. Та интыын ярдур туж нялмыт вал.

Берлоез тулкым туж кужмо шуккиськиз скала борды, шок-

чеме но оз луы ни, номырзэ но ой вала ни.

Кудняла ке мон чылкак вырзылонтэм улй. Соку монэ море нош ик ас котыраз кырмыны вуысал на ке, мон одно ик вуэ бырысал.

Шудэ вань на вылэм, чапак дырыз дыръя сазьяськи. Тани али ик монэ нош ик тулкым шобыртонэз адзыса, мон гич-гич кырмиськи из ярдур борды, шокамысь дугдыса, та тулкымлэсь ортчемзэ вити.

Татын, музъемлы матын, тулкымъёс сокем жужытэсь ой вал ни. Ву берлань кошкем бере мон быгатэмея азьлань бызи но кос мувырлы туж матэ вуиськем, выль тулкым, вылтим погыльскиз ке но, монэ берен морее нуыны оз быгаты ни.

Мон коня ке вамыш бызи на но чурыт музъем вылэ вуэмме шоди. Ярдурысь из вырйылэ жутски, турын-куар вылэ уси. Татын мыным кышкыт ой лась ни: ву мон доры пазыгиськыны уз быгаты ни.

Мон малпасько, гробысь улзыса султэм адямилэсь шумпотэмзэ тырмыт умой возьматйсь кыльёс овол, дыр! Мон бызьылыны, тэтчаны кутски, киосыным шонасько, эктй но, кырзай но. Вань мугоры мынам, тазьы шуыны яра ке, кулонлэсь мозмемме валанэн тырмиз.

Нош чапак соку тодам лыктйзы выем эшъёсы. Мыным со-ос жальпотйзы, малы ке шуоно, татйе вуытозь мон тросэныз со-



Ярдурысь из вырйылэ жутски, турын-куар вылэ уси.

осын эшласькыны вун. Тодам ваисько ымныръёссэс, нимъёссэс. Ма бен, соос полысь мон огзэ но ой адзы ни. Соослэн пытьыоссы но оз кыле ни, тулкымен вуттэм куинь шляпаоссы, одйг колнаксы но кык пало-пало башмакъёссы сяна.

Корабльмы сылон пала учкыса, жужыт тулкымъёс сьорти мон сое мырдэм адзи — сокем со кыдёкын вал. Мон шуи аслым: «Зэм но, та чудо, такем сильтол дыръя такем кыдёкысь мувыре мынам вуэме быдзым чудо».

Кулымон кышкытысь мозмеме сярысь шумпотэмме сыче кылъёсын вераса, тодам лыктиз: музъем но, море кадь ик, кышкыт луоз, оло, кытчы шедемме мон чылкак уг тодиськы ук. Та тодмотэм интыез мыным алигес ик котырак учконо, эскероно.

Со сярысь озьы малпай гинэ но, лоптэм мылкыды огпумысь сйяз: мынам мозмеме, шонерзэ верано ке, чылкак мозмон вылымтэ, азьланьын монэ кышкыт курадзон, куректон вите. Вылам кос сйнысэ но оз кыльы ни, нош воштон дйськутэ овол. Сионэ но овол, кужымме юнматыны шог вуэ но овол. Азьпалан ма монэ вите? Яке мон сютэм куло, яке сьосьёслэн пинь улазы быроно луо. Нош котьмалэсь кышкытэз — мынам нокыче пычалэ ой вал: векчи пойшуръёсты но сионлы ыбылэме уз луы, сьосьёслэсь но утялскыны номырин. Пурт, чильым но тамакен коробка сяна, сьорам номыр но вылымтэ.

Тачеез малпаса, мон ярдуртй визьтэммем кадь бызыылыны кутски.



Уй вуэ ини, шымырак луись сюлмыным мон юай аслэсьтым: «Та интыосын сьосьёс ке уло, ма гинэ монэ, вите меда?

Соос сион утчаны котьку но уин поталляло ук».

Матын лабрес, уло-ваё писпу сылэ. Мон со писпуэ тубоно но отын уйбыт пуконо кариськи. Сьосьёслэсь утялскыны номыр мукетсэ мон ой шедьты ни. «Чукна чаклало ини, кыче кулонэн бырыны умойгес луоз, малы ке шуод, та интыын улыны луоно овол», — шуи мон аслым ачим.

Мынам туж сюэ куасьмиз. Мон ог жыны иськем кеме пыдло мынй, шог ву шедьтыны оскыса. Осто, шумпотонэ! Зэм ик мон

пичи шурез адзи но макем шумпотй!

Юыса но кот сюмамме выйтон вылысь ымам ожытак тамак поныса, мон писпу доры берытски, туби отчы но, умойгес инты утчаса, тупатски, умме уси ке но медам салиськы шуыса. Собере мон вакчигес улваез чоги, кин ке лыктон азелы валтос дасяй, лач-лачгес пукси но сур-сур умме уси—чидантэм жадеме вормиз.

Мынам интыям тросэзлы ик такем кöлыны öй кылдысал, дыр,— сокем ческыт кöлй. Тазьы кöлэм бере такем сэзь, капчи

мылкыдын нокин ик ой сайкасал, дыр.

КУАТЕТЙ ГЛАВА

Рэбинзон нокин улйсьтэм островын.— Корабльысь тйрлыкъёсты поттылэ но аслыз улон инты лэсьтэ

Мон бер сайкай. Куазь сайкыт вал. Тол чалмем, море чашетэмысь дугдэм.

Огназэ кельтэм корабльмы шоры учкыса, мон чылкак пайми: со азьвыл интыяз öвöл ни. Сое табере мувырлы чарак матэгес шуккем — мынам туж юн шуккиськем из ярдуре доры ик. Уин ву йылыса, со вырзем, луоз, но со татчы вуиз, дыр. Табере со мынам кöлэм интыысеным милялэсь кыдёкын öвöл ни. Сое тулкымъёс сöриллямтэ, лэся: ву вылын со шонер пуке.

Мон соку ик кораблямы пыраны но отысь сион но туж кулэ тйрлыкъёс поттыны малпай.

Писпуысь васькыса, мон нош ик котырак учки. Нырысь ик син шорам пуксиз милям шлюпкамы, со бур палан, татысен ог кык миля кемын, ярдурын кылле. Со доры вуыны малпаса, мон со пала мынэм вал но, шонер сюрес кузя отчы мыныны уг луы вылэм: мувыре пыдло пичи бухта, ог жыны миля пасьта маке, мычиськемын но сюресэз висъя. Мон берытски, мыным корабле жоггес шедьыны кулэ вал: отысь сион шедьтыны оски.

^{3.} Робинзон Крузо.

Нуназе бере море чылкак чалмиз но, ву туж трослы синйз,

мон корабль доры кыдёке лазег азьтй мынй.

Отын мынам нош ик сюлэм бордыны кутскиз: сильтоллэсь ой ке кышкасалмы, корабльмес ой ке кельтысалмы, ми табере ке но ваньмы улэп луысалмы ук, табере мон валай сое. Шторм дугдэмез витёно гинэ вылэм, мувыре ми туж умой потысалмы но, мон тавиысь та чалмыт кырын курадзоно ой луысал.

Чолак огнам кылемме малпаса, бордыны кутски. Нош куректонлы бордэмен уд юртты шуэмез тодам вайыса, мон нош ик мыныны кариськи. Кылиськыса вуэ пыри но уяса кошки.

Нош самой секытэз азьпалан вылэм на: корабле тубеме уг луы. Со лазег азьын пуке, соин ик быдэсах вуысь потэмын, нош кутскон интыез ик öвöл. Мон кема уяй со котыртй но чапак канатэз адзи (паймисько, кызьы гинэ со мынам син шорам соку, ик оз адскы). Со люкысы лэзькемын но пумыз туж вылын вал, мырдэм сузьыны быгатй. Канат кузя кубрике туби. Корабльлэн ву улысь люкетэз пась каремын, трюмын ву пуке. Корабль чурыт луо шуккем вылын пуке, берыз жутскемын, нырыз вуэ йотымон ик улэ. Озьыен, кормае ву шедымтэ, кос кылемын, отчы тырем котыръёс огез но котмымтэ. Мон отчы дыртй, мынам котьмалэсь азьло тодэм потиз, кычеосыз котыръёс сориськемын, кычеосыз умой кылемын.

Корабльысь ваньмыз сион-юон чылках кос кылемын, нош мон кот сюмамен курадзисько вал бере, нырысь ик кладовое мыни, кисыосме сухариен тырмытъяй но дырез юнме быдтонтэм понна кораблез эскерыса ветлонъям ик пумен сиськисько. Каюткомпаниысь мон бутылка ром шедьтй но отысь коня ке гучык зизти, малы ке шуод, азыпал ужанлы кужымме юнматыны кулэ вал.

Котьмалэсь азьло мыным пыж кулэ луиз — аслым яранооссэ тйрлыкъёсты мувыре выжтыны. Нош пыжез, оволтэм маека, кытысь басьтод, нош луонтэмзэ кулэ карыны — пайдатэм уж. Маке но мукет амал шедьтоно луиз. Кораблын запас мачтаос, стеньгаос но реяос вал. Та материалысь мон пур лэсьтыны кариськи но уж борды сюлмо кутски.

Капчиесь коръёсты конязэ ке бырйыса, ву нуэмлэсь гозыен думылыса, мон соосты борт сьоры уськытьяй. Собере кораблысь лэзьки, ас палам ньыль корез кыски, вылласянь вакчиесь кечат понэм пулъёсын юнматыса, соосты пумъёстизы тачтач юн керттылй но, мынам пур выллем маке пормиз.

Пуре монэ умой ворме, нош бадзым грузлы со ортчыт кап-

чи но пичи вал.

Люк — корабль пушкы пырон бс.
 Кубрик — матросъёслэн улон интызы.

Мон выльысь корабле тубоно луи. Отын мон корабельной плотникмылэсь пилазэ шедьтй но запас мачтаез куинь люкетлы вандй, тйни соосын их мон пурме бадзыматй. Та уже мыным туж секыт усиз, озьы ке но, улонэлы вань кулэзэ дасяны тыршонэ монэ буйгатъяз; огшоры дыръя тае быдэстыны кужыме ой тырмысал, нош али тани ваньзэ лэсьтй.

Табере мынам пуре паськыт но юн луиз, тырмыт трос гру-

зэз вормымон.

Ма тыриськоно ини та пур вылам, ву шуккемлэсь ма кароно

луоз? Кема малпаны дыр öвöл, дыртоно.

Нырысь ик мон пур вылам корабльысь вань шедем пулъёсты тыри, собере та пулъёс вылэ матросъёсмылэсь куинь шыкыссэс пуктй. Соослэсь замокъёссэс тйяса, пушкысьтызы вань арбериоссэ, котырээ куяй. Мон октй но бырйи сычеоссэ котыръёсты, кычеосыз аслым тужгес кулэ луозы. Бырйи но шыкысъёсы тыри. Одйгаз шыкысэ тыри сион: рис, сухари, куинь круг голландской сыр, вить бадзымесь кусок шупатэм гурткеч сйль (кораблын та милям нырысетйез сионмы вал) но судноысь курегъёсты сюдыны Европаысь кутэм йыдымес; коня ке йыдымы кылиз на, курегъёсмес кемалась ми сиим. Та йыды чабеен сурамын вал; мыным со туж ярасал, нош берло тодмо луиз — сое комакъёс изъянтйллям. Со сяна, мон коня ке ящик вина но капитанмылэсь ог куать галлон рисовой водказэ шедьтй.

Та ящикъёсты но мон озьы ик пур вылэ пуктылй, шыкысъ-

ёсын артэ.

Со вискын, тыриськон куспетим, ву будыны кутскиз но, ма карод на: ву дуре кельтэм камзолме, дэремме но жилеткаме ву нуэм.

Табере мынам чулкие но пыдесозям вакчи дэра штание гинэ кылизы на, корабль доры лыктыкум соосты мон ой кыльылы. Сое адзыса, аслым дйськут дасян сярысь но малпай. Корабльын котькыче дйськут трос вал, нош мон одйг кузээ гинэ басьтй- ай, малы ке шуод, мыным кулэ луизы трос мукет котыр, нырысь их ужан тйрлыхъёс.

Туж кема утчаме бере мон плотникмылэсь тйрлык ящиксэ шедьтй. Та мыным зэмзэ ик туж дуно шедьтон луиз, тае мон соку быдэс корабль тыр зарниен но ой воштысал. Ящикез пур вылэ пуктй но пушказ ой ик учкылы, малы ке шуоно, мон зеч тодйсько вал, кыче тйрлыкъёсыз отын вань.

Табере мыным пычалъёс но зарадъёс утчано ини. Қаютаысь мон кык умоесь пычалъёсты но кык пистолет шедьтй, соосты мон порох сюрен, пичи пуйы дробен но кых вуж сыномем шпа-

¹ Галлон — кизер макеосты мертаны тупатэм английской мертэт; 3,75 латр.

гаосын артэ пур вылэ интыяй. Тодйсько, милям куинь пичи бекчеосын порохмы вал, нош кытынзэс ой тодылы; озьы ке но, умойгес утчаса, мон соосты шедьтй. Одйгез котмем, нош кыкез чын-чын косэсь, соосты но пур вылам интыяй. Табере пур вылам тырмыт тыриськемын, вырзыны кулэ ини. Пур вылын парустэк, рультэк ярдуре мынон— капчи овол: пумитам ожытак гинэ тол пельтиз ке, вань тыриськеме пуреным валче бекмыльскыны шедьтоз.



Мынам шудам море чалмыт вал. Ву будыны кутске, со монэ ярдуре вуттыны кулэ. Уката ик солань тол ыртыны кутскиз. Со-ин ик, корабельной шлюпкалэсь кык-куинь сориськем полысъессэ кутыса, мон мувыр пала дыртй. Соку ик пичигес бухтаез син-йылтй но пурме отчы шонертй. Визыл вамен мон сое мырдэм выжтй, берло ини полысэным ву пыдсы пыкиськыса пыри; ву синыны кутскиз, пуре вань грузэныз кос мувыре кылиз.

Табере мыным котырысь интыез эскероно но улыны ярамон инты шедьтоно, отчы вань котырме тырыны но умой возьыны мед луоз. Кытчы вуэмме ялан уг тодйськы на: материке-а, острове-а. Татын улйсь адямиос вань-а? Сьосьес татын вань-а? Ог жыны миля кемын, солэсь ожыт кыдекынгес-а, меч жужыг выр адске. Котырак учкыны понна мон отчы тубыны кариськи. Пычал, пистолет но порох сюр кутыса, мон эскериськыны кошки.

Вырйылэ тубыны секыт. Вырйылэ тубем берам мон ва-

лай, макем урод вылэм азьпал улонэ: мон островын вылйськем! Котыр ласянь море волскемын. Кыдёхысь, запад палась ог укмыс миля кемысь кык островъёс но коня ке мычиськем рифъёс сяна, нокытын музъем уг адскы. Со островъёс мынамезлэсь но пичиесь.

Мон мукетсэ но тодыны быгатй. Котырак кыр будосъёс гинэ, одйг пичи гырем-копам музъем но уг адскы. Озьыен, улйсьёс зэмээ ик öвöл.

Сьосьёс но татын вылымтэ, лэся, эсьмаса, мон та дырозь огзэ но ой адзы на. Со понна тылобурдоос туж трос, соос кыче ке тодмотэмесь, тйни соин ик тылобурдоез ыбоно луылыку мон ноку но ой тодылы, яра-а сиыны талэн сйльыз, уг-а.

Вырйылысь васькыкум мон одйг туж бадзым тылобурдо-

ез ыби, сик дурын писпуын пуке вал со.

Татын нырысьсэ тазьы пычал куара кылйськиз, дыр. Ыбыса но ой вутты на — син вадьсын пилем кадь тылобурдоос жутскизы. Котькудиз ас сяменыз кесяське вал, нош одигезлэн но черекъямез мыным тодмо тылобурдоослэн куаразылы оз тупа.

Со ыбемзэ верано ке, мон сямен, со асъме душесмылы тупа: гон тусыз но, ныр тусыз но душеслэн кадь, гижыосыз гинэ вакчиесьгес. Солэн сйльыз шой зын кылйське вал но, соин ик мон сое сиыны ой быгаты.

Нырысь нуналэ тодэмъёсы тйни сычеесь. Собере мон пуре доры берытски но котырме мувыре поттылыны кутски. Та ужлы мынам вань кылем нуналэ быриз.

Жытазе мон нош ик малпаны кутски уйлы кытчы но кызьы интыяськон сярысь.

Мечак музъем вылэ выдыны кышкасько — мон вылэ кыче ке сьось урдскиз ке? Соин ик, колыны ярдурысь умойгес инты бырйыса, мон сое котырак шыкысъёсын но ящикъёсын кенерай, нош та кенерлэн пушказ пулъёслэсь тылыс выллем маке тупатй.

Запасъёсы быризы ке, кызьы мон аслым сион потто — со ужпум но монэ сюлмаськытйз: тылобурдоосты но ыбем куарае пумитэ сикысь потэм кык пичи пойшуръёсты, асьме лудкечмы выллем макеосты сяна, нокыче лулоосты мон татысь ой адзылы.

Марым, монэ соку мукет ужюгдур тросгес малпаськытйз. Корабльысь басьтыны луоно кадьзэ матын но ваньзэ ой басьты на; отчы тросэз мыным ярано кадь тйрлыкъёс кылизы на, тани нырысь ик парусъёс но канатъёс. Тйни соин ик, номыр уз ке люкеты, нош ик корабле ветлыны кариськи. Нырысь сильтол жутскыку ик сое шелепен-шелепен тйялоз шуыса

малпай. Вань мукет ужъёсме кельтыса, судноысь котырезжоггес жоктоно луиз. Берпум кортчогез мувыре поттытэк буй-

гатскыны уг яра.

Сыче уж котыре кутскыны малпаме бере чакланы одъяй: пур вылам ик-а мыноно, оло нырысетияз сямен уяса-а мыноно. Уяса мыныны умойгес луоз, дыр, шуыса чаклай. Табере мон тылысам кылиськи, кечато улдэремен, дэра штанен но гольык пыдам туфлиен гинэ кыли на.

Нырысетияз сямен ик, мон корабле канат гозы кузя туби, собере выль пур лэсьти но со вылын туж трос кулэ тирлык, котыр выжтй. Нырысь ик плотникмылэн пичи чуланысьтыз шедьтэм котыръёсты кутй: кык-а, куинь-а мешок кортчог (кортчогъёс кузьёсыз но вакчиосыз вань), отвёртка, ог кык

дюжина тир, нош тужгес кулэез — зуд.

Собере мон канонирмылэсь шедьтэм коня ке котырзэ кутй на: куинь корт лом, кык пичи бекчеын пуляос, ожытак порох. Со сяна, корабльысь мон туж трос дйськут шедьтй, со возы ик запасной парус, гамак но коня ке валес, миндэр кутй. Ваньзэ мон тае пур вылэ тыри но, удалтиз уга, ваньзэ ик умоен мувыре вуттй.

Корабле кошкыкум мон кышкасько вал, монтэм дыръя сион-юонме кыче ке сьосьёс тус-тас медам каре вал шуыса.

Шудэ вылэм, нокин исамтэ.

Кыче ке пичи сьось гинэ монтэм дыръя сикысь вуэм но одиг шыкысэ вылын пуке. Монэ адзыса, со ожытак палэнскиз но соку ик дугдиз, бер пыд йылаз султиз, чик кобертэк дол-

дол мон шорам учке, тодматскемез потэ кадь.

Та пичи сьось чебер вал, кыр кочыш выллем. Мон со шоры пычалэн мертай, нош со мазэ-созэ валатэк интыысьтыз оз но вырзылы. Соку мон солы сухари лэзи. Сухарие трос ке но ой вал, сое шыръяно ке но вал, та пичи сьосьлы мон туж синмаськи, соин ик сухариме но ой жаля ни. Со лыктиз, зынъяськиз, сухариме сииз но, ческыт кошкемен, лэся, нюлышъяськиз. Нош ик куремез потэ на вал. Мон солы со сяна номыр ой сёт ни. Co ожыт пукиз на но кошкиз.

Собере мон палатка возъян котыре кутски. Сое мон, сикысь чогылэм майыгъёсыз чогъяса, паруслэсь лэсьтй. Палаткаям ваньзэ пыртылй, ма гинэ шундылэсь но зорлэсь сориськыны шедёно кадь вал, нош котыраз буш ящикъёсты но шыкысъёсты пуктылй — шодтэк шорысь адямиос яке сьосьёс

урдскемлэсь утялскон понна озьы лэсьтй.

Палаткае пыранме педласянь бадзым шыкысэз урдыса:

^а Канонир — пушкарь, артиллерист.

пытсай. Нош пушласянь пулъёсын кенераськи. Собере, музъем вылэ валесме вальыса, йыр улам кык пистолетме понй, ва-

лесэным артэ пычалме дасяй но выдй.

Корабль куашкам бере нырысетй уйзэ тазьы валес вылын кöлй. Мон гань-гань кöлй чукнаозь, солы паймонэз ик öвöл: талэсь азьвыл уез туж öжыт кöлй но быдэс со нуналэз ужай — нырысь ик корабльысь тйрлыкез пур вылэ тыри, собере сое мувыре выжтылй.

Нокинлэн но, али мынам кадь, такем бадзым складэз ой вал, дыр. Нош мыным со но ялан ожыт потэ на. Корабль матын сылэ на дыръя, мыным ярано кадез одйг тйрлых но отчы

кыле на дыръя, мон ваньзэ ик мувыре поттыны выри.

Тужгес ик удалтйз куинетй ветлэме. Вань котыръёсты ёзнай но вань гозыосты сьорам кутй. Соку ик мон бадзым кусок запасной парусина ван, со милемлы парусъёсмес кышъяны дасямын вал; со сяна, котмем порохен бекчеез вуттй на, сое мон корабле кельтылэм вал. Берпумаз ини мон вань парусъёсты одйгтэм мувыре вуттй; соосты мыным кусокен-кусокен вандылоно луиз но люкетэн-люкетэн поттылоно луиз. Ма, солэн умойтэмез ой вал, малы ке шуод, парусъёс мыным кораблен ветлыны кулэ ой вал ни, вань кулэзы — соослэн материалзы бордын.

Табере корабльысь чылкак ваньмыз басьтэмын ини, мае гинэ огназ мурт жутыны быгатэ. Сумбрес, секыт тйрлыкъёс гинэ кылизы на, соос борды мон мукет мынэмам кутски. Канатъёс бордысен öдъяй. Котькуд канатэз мон жутъяны, интыяны кужыме сузьымон кусокъёслы корай, тйни озыы люкетэн-люкетэн куинь канатэз выжтй. Со сяна, корабльысь тйрен люкылыны луымон вань кортъёсты октй. Собере, вань кылем пулъёсты кораса, соослэсь мон бадзымос пур лэсьтй, со вылэ вань та секыт котырме тыри но берен кошкыны вырзи.

Таяз мыным öзгес удалты: пуре туж секыт луиз но сое нуыны шуг йöтйз. Пичи бухтае пырыса, ярдур пала мыныкум пуре кымалскиз но вань грузэным валче вуэ уси. Ой выйысал, малы ке шуод, со уж луиз ярдур дорынгес ик. Мынам грузэ ваньмыз кадь ик выиз уга, котьмалэсь ортчып кортэ жальпотйз, со мыным тужгес ик ярасал.

Зэм, ву синыны кутскем бере мон ваньзэ сямен канат кусокъёсме но коня ке кортъёсме мувыре поттыли, нош со понна ялан зымылоно луиз, со монэ жуммытиз.

Корабле мон нуналлы быдэ ветлылй, ялан ик маке но выльзэ вуттылй.

Островын мон дас куиньмой чоже улисько ини. Та куспын корабле дас одиг пол вуыли, мувыре чылкак ваньзэ ик

ваи, мае гинэ адямилэн кык киыз жутыны быгатэ. Чалмыт куазь кемагес пукысал на ке, мон оскисько, люкетэн-люкетэн

быдэс кораблез ас котырам вуттысал.

Дас кыкетйзэ мыныны дасяськыкум тол жутскемез шодй. Озьы ке но, ву синэмез витьыса, мон котьма ке но корабле кошки. Нырысь ветлэмъёсам каютамес туж умой эскери, отчы номыр но кыльымтэ ни кадь вал. Нош али пыри но син шорам йотйз пичи гинэ шкап, кык ящикен маке; огысьтыз мон куинь бритва шедьтй, бадзым качы но ог дасо ёрос зеч вилкасс, пуртъёс; мукетаз коньдон вылэм, коняез ке европейской, коняез ке бразильской азвесь но зарни монетаос, ваньмыз куамын куать фунт стерлинг мында.

Та коньдонъёсты адзыса, мынам сереме потиз.

— Номырлы ярантэм жаг,— шуи мон,— малы тон мыным табере кулэ на? Вань та зарни люкез мон, эсьмаса, одйг пичи пурт понна сётысал. Интыяны но тонэ нокытчы; васькы бен море пыдсы! Тон выж вылын кыллыысал ке, жутыны мыкырскыса ой ик курадзысал, зэм ик.

Нош öжытах малпаса, мон со коньдонэз парусинае би-

нялтй но бордам кутй.

Море уйбыт шукыръяськиз, чукна югыт луыку палатка-

ысьтым учки но, корабльлэн пытьыез но кыльымтэ ни.

Табере мынам кутскеме луэ ини нырысетй нуналысен ик шугъяськытйсь уже борды — кыр сьосьёслэсь но, адямиослэсь но кышкыттэм луымон интыяськыны. Кыче улон инты лэсьтоно? Пещера копано-а, палатка пуктоно-а?

Берло мон созэ но, тазэ но лэсьтоно кариськи.

Ярдуре быръем интые улыны уг яра шуыса мон жог валай: со нюр, улыг инты, море дурын ик. Сыче азын улыны туж урод. Уката ик юон шог ву матын овол. Мон мукетсэ улыны яранозэгес инты утчаны кариськи. Мынам улон интые шунды пыжемлэсь но, сьосьёс вуэмлэсь но утялтэмын мед луысал; кос азын мед сылысал; матынгес ик шог ву мед луысал. Со сяна, мынам коркасеным одно ик мореез адзыны мед луысал.

«Кылдэм ке, оло, монэ татысь мозмытыны корабль вуоз,— шуылй мон аслым ачим,— нош мореез адзытэк улй ке, оо мозмон учырез мон шöдытэк ик кылё».

Адзиськоды ини, мозмыны осконэ ялан возиськиз на.

Тырмыт кема утчаме бере мон улон инты пуктыны умой сэрег шедьтй. Жужыт вырйыллэн бамалаз пичигес чошкыт инты вал со. Вырйыл со дорозь ик туж меч ваське, соин ик вылласянь кин ке мон доры вуонлэсь кышканэз ой вал. Та борддорын пещерае пыран пась выллем гыркез вань, нош но-

кыче пещераез öвöл. Тüни отчы ик, пырак со гырк вадьсы, вож гуждор вылэ мон палатка пуктыны кариськи.

Та инты вырйыллэн северо-западной бамалаз луэ, соин ик отын жытозь сайул возиське. Нош жытпал сое пуксись

шунды югдытэ.

Палатка пуктэмелэсь азьло мон йылсо боды кутй но со гу вадьсысен полукруг гожтй, диаметрез ог дас ярд . Собере вань со полукруг кузяна мон кык чур йылсо майыгъёс чогъяй. Кык чур майыгъёс куспы коня ке вис кельтй но сое мон йылозяз ик котыртй корабльысь ваем канат юдэсъёсын. Соосты мон рядэн-рядэн вылысьтыз вылаз тыри, нош пушласянь та кенерме пыкетъёсын юнматй. Кенере мынам данъямон пормиз: со вискытй пырыны, со вамен выжыны уз быгаты адями но, сьось но. Та уж котырын кема выроно луиз, сикын пучъёс коратозь, соосты лэсьтйськоннам нуллытозь, лусйытозь но музъеме чогъятозь туж трос дыр ортчиз.

Заборе остэм луиз. Улонтиям пыраны падза тупати. Пы-

рыкум-потыкум мон сое ялан заборе борды урдылй.

СИЗЬЫМЕТИ ГЛАВА

Робинзон выль улон интыын. - Кеч но кечпи

репостям вань котырме — сион-юонэз, пычалъёсты но мукетсэ — нуллыны секыт вал. Та ужме мырдэм быдэстй. Соку ик мукетыз борды кутсконо луиз: бадзым йыгмыт палатка пуктыны.

Тропической странаосын, тодмо ини, огвакыт туж кужмо но вистэм кема зорылэ. Зор-котлэсь утялскон понна мон палаткаме кык полэс кари: нырысь ик пичигес палатка пуктй, со вылтй бадзымзэгес возъяй. Педпал палаткаме вылласянь брезентэн шобыртй, брезентэз мон парусъёсын чош кораблыысь поттэм вал.

Табере мон музъем вылэ куштэм валес вылын ой кола ни, туж умой тупатэм гамакын колай— та гамак милям капитанмылэн юрттисезлэн вал.

Мон вань сион припасме, вань зорен сориськоно кадьзэ арбериосты палаткаям пыртылй. Кенераськемам вань котырме пыртылэме бере татчы пыран пасез мон зол-зол пытсай но со азьло верам падзаен йылтйз пыран-потаны кутски. Тй-

¹ Ярд — кузьдалаез мертаны английской мертэт, метрлэсь ожытак вакчи...

ни озьы улй мон юнматэм крепостьын кадь, котькыче кышкытлэсь кенераськыса, соин ик мынам гань-гань кöлэмэ

луылйз.

Кенерме быдэстыса, пещера копаны кутски, гурезьысь азывыл дась гыркез муратыса. Пещера чапак палаткае сьоры учыраз но мыным йогу интые луиз. Гудыса поттэм изъёсты но сюез мон, палатка пыр потаса, пичи азбарам кенер возы люкай. Озыы азбаре ог фут но жыны жужда мудэт выллем луиз.

Вань та ужъёс трос дырме кыскизы. Нош соку мон малпай ини трос мукетыз сярысь. Кöня ке происшествиос но луи-

зы, соос сярысь ик али вераны малпасько.

Огпол тазьы, палатка пуктыны но пещера гудыны дасяськыкум, малпамтэ шорысь сьод пилем вуиз но сильзор кисьтыны кутскиз. Собере чилектиз, ортчыт кышкыт гудыртиз.

Татын бен номыр ик паймонэз ой вал, монэ ачиз чилектэм сокем оз кышкаты, макем кышкатйз чилектэмлэсь но

жоггес ортчем малпанэ: «Мынам порохе!»

Сюлмы ик шымыраз. Ортчыт кышкаса малпай: «Огпол гинэ чашйыса вань порохе быроз! Нош сотэк сьосьёслэсь утялскыны но аслым сион поттыны но уг быгаты ни». Паймод ук: мон соку ой но малпа, порох пуштоно ке, нырысь ик мон ачим быро шуыса.

Тйни со учыр монэ туж мур малпаськытйз. Сильзор дуглэм бере ик ас улон интыме тупатъян но юнматъян ужъёсты ог вадеслы куштй но столярной но вуриськон уж борды кутски: порох возыны пичи мешокъёс но пичи ящикъёс дасяй. Вань порохме öжытэн-öжытэн люкылыса, пöртэм интыосын утялтыны кариськи, ваньмыз чош со ноку но пуштыны медам быгаты шуыса.

Та ужлы кык арня ёрос дыры быриз. Вань порохе мынам ог кык сю ньыльдон фунт вал. Ваньзэ мон сое пичи мешокъесы но пичи ящикъёсы тырылй — ог сю люкетлы люкылй.

Та порохен пуйыосты но ящикъёсты гурезь путэтъёсы, нокызьы но нюр-кот шедёнтэм интыосы, ватылй но котькуд интыез туж валамон пусйылй. Котмем порохо бекче сярысь моной кышкалля, сое азывыл кабеныз ик «кухняям» (пещераме озьы нимай) пуктй.

Со куспын ик нуналаз огпол, нош куддыръя солэсь чемгес но, мон коркасьтым пычалэн поталляй татысь природаен тодматскон понна но, удалтиз ке, кыче ке пойшурез ыбонпонна.

Нырысьсэ ик сыче экскурсие мыныса, мон тоди: та островын кечъёс уло вылэм. Мон туж ик шумпоти, нош та кечъёс ортчыт проворесь но сакесь вылиллям, соин ик матазы лушке-



Мон кыче ке вырйылэ тубисько но нюкысь кечъёсты ыбылйсько.

мен лыктыны нокызьы но уг луы. Бен солэсь мон ой кышка:

вазь-а, бер-а мон соосты кутыны дышо малпай.

Жоген мон одйг паймоно кадез адзи: кечъёс гурезь йылын дыръя мон нёжалтй вунсько ке, вань кеч уллё мынэсьтым петзе; нош кечъёс улйын, мон гурезь йылын лунсько ке, соку соос монэ уг но шодо кадь. Мон тае озьы валай: таослэн синъёссы мукет портэмесь, вылиысь адземзы уг луы. Со дырысен мон тазьы пойшураны кутски: кыче ке вырйылэ тубисько но нюкысь кечъёсты ыбылйсько.

Нырысь ыбеменым ик егит кечез вии, со сьорын нонись пиез вал. Кечпи мыным лулысь-сюлмысь жальпотиз. Мумиз усем бере со оз пегзы, мумиз возын ик гань-гань сылэ но мыным оскыса кадь, шорам учке. Со гинэ ма: ыбем кеч доры мынй, пельпумам жутй но гуртэ нуыны вырземе бере кечпи мон сьорам калъяськиз. Озьы ми корка дорозям ик вуим. Кенер дорысен мон кечме музъем вылэ интыяй, кечпиез киям кутй но сое кенер вамен азбарам пыртй. Мон сое будэтыны но бордам дышетыны малпасько вал, нош солэн сиемез уг луы на вылэм, соин вандоно луи. Та кык животъёслэн сйльзы мыным кемалы тырмиз. Запасъёсме, тужгес ик сухариме, луэмъяз шыръяныгес турттыса, мон öжытэн сии.

Выль коркам умой-умой интыяськеме бере гур яке учог выллем маке лэсьтон сярысь малпаськоно луи. Озьы ик пу но

дасяно вал.

Кызьы мон со ужме быдэстй, кызьы йогуме бадзыматй, кызьы мон ас улонме кыче ке сыче каньылати, со сярысь пырпоч верало азыпалан.

ТЯМЫСЭТЙ ГЛАВА

Робинзонлэн календарез. — Робинзон ас улон интызэ лэсьтэ

🕽 стровын улыны кутскеме бере ик тодам лыктйз, календарь ой ке гожъя, ортчись дырез но уг вала ни, арня нуналэз огшоры нуналъёслэсь висъяны но уг быгаты шуыса.

Календарь мон тазьы лэсьтй: бадзым корез тирен лусин но монэ, сильтол сэрпалтыса, мувыре поттэм интые тае музъеме мертти. Та юболэн йылаз ваменак паськыт пул шукки но со вылэ бадзымесь букваосын таче кылъёс пуртэн гожти:

> ,Татын мон нырысьсэ лёгиськи та острове 1659 арын 30 сентябре".



Мон юбо вылам нуналлы быдэ чогылыса пусйылй.

Со дырысен мон юбо вылам нуналлы быдэ чогылыса пус-йылй. Куать вакчиесь чогемъёсы бере одйгзэ кузьгес чогылй: со арня нунал луоз вал; толэзьлы быдэ нырысетй числоез возьматйсьсэ мон уката кузьгес чогылй. Тйни озьы мон календаре вылэ нуналъёсты, арняосты, толэзьёсты но аръёсты пусйылй.

Верай вал ини, корабльысь дас одйг полскын ма но ма котыр ваемме, нош векчи тйрлыкъёс сярысь пал кыл но ой поттылы; соос туж ик дуноесь ой вал, нош озьы ке но мыным туж умой юрттйзы. Озьы, кылсярысь, мон шедьтй капитанлэн но солэн юрттйсезлэн улон интыосысьтызы чернила, пероос но бумага, куинь-а, ньыль-а компас, куд-ог астрономической приборъёс, подзорной трубаос, географической картаос но корабельной журнал. Ваньзэ соосты, малы ке уз яралэ-а шуыса, мон одйгаз шыкысэ тыри. Собере мыным португальской кылын коня ке книгаос шедизы. Мон соосты но утялтй.

Милям кораблямы кык кочышмы но пунымы вал. Кочышъёсты мон пур вылын ик мувыре поттй, нош пуны, корабле нырысь ветлыкум ик, ачиз вуэ тэтчиз но мон сьоры уяса потйз. Кема аръёс чоже со мыным оскымон эш луиз. Ас валамезъя со мыным лулысь-сюлмысь служить кариз. Со мыным адями чотын кадь ик потйз, вераськыны гинэ уг быгаты вал. О, макем дуно тырысал мон, со вераськыны кутскысал ке!

Черниламе, пероосме но бумагаме мон котькызьы но шыръяны сюлмаськи. Чернилае вань дыръя монэным ма луэмъёсты ваньзэ жикытак гожъялляй; чернилае быриз но гожъяськемысь дугдоно луиз, малы ке шуод, чернила лэсьтэме оз луы но со интые мае кутыны ой тоды.

Оглом вераса, складам котькыче портэм тйрлыкъёсы вал ке но, мыным, чернила сяна но, туж тросэз оз тырмылы на: мынам музъем ужаны нокыче тйрлыке — лопаткае но, кукчое но ой вал. Сйньысэ, веньёсы но овол. Мынам улдйськутэ номырлы ярантэм луиз. Нош мон жоген ик сотэк веглыны дыши, туж ик со кулэ ой вал.

Тйрлык тырмымтэен мынам котькыче уже туж каллен ортчылиз но мыным секыт йотылиз. Коркаме кенерен котыртыны ожыт гинэ ар ёрос оз ортчы. Сикысь зокесь пучъёсты кораны, соосты майыгъёслы вандылыны, йылсаны, дась майыгъёсты корка дорам нуллыны — ваньмызлы талы трос дыр кулэ луиз. Майыгъёс туж секытэсь, одйген гинэ нуллыны быгати. Куддыръя одйг майыгез лусйыны но вайыны кыктой чоже вырыли, куинетиез нуналэ сое музъеме чогъяны бырылиз.

- 46 -

Майыгъёсты музъеме шуккылыкум нырысь пал мон секыт пу нушыен ужай, собере корабльысь ваем корт ломъёсы сярысь тодам лыктйз но, нушы интые, соосты кутй, озьы ке но соос умоесьгес вал ой шуысал. Огъя вераса, майыг чогъян уж мыным самой жуммымон но мылкыдтэм быдэсъян уж луиз. Ма нош мыным-а солы жожтйськонэз вал? Мон тэк улон дырме кытчы быдтыны ик ой тодылы ук, нуналлы быдэ ялан островетй сион утчаса калгон сяна, мынам мукет уже ой вал.

Дырын-дырын монэ сюлэм пилиськымон мозмон кутылэ. Та секыт мылкыдме вормыны мон перо кутй но асме ачим оскытыны выри, та урод улонам но умоез ожыт овол шуыса.

Бумагаме шори люки но паллян палаз гожтй «урод», бур палаз — «умой». Тани мынам ма пормиз:

Урод

1

Мон чик нокин улйсьтэм мозмыт острове куштэмын, татысь мозмыны нокыче осконэ овол.

2

Мон вань дунне калыхлэсь палэнтэмын; калык дуннеысь уллям калгись адями мон.

3

Мынам дйськутэ öжыт. Тани жоген ик вылтырме шобыртыны номырин луоз.

Δ

Адямиос-а, сьосьёс-а вылам урдсконо ке, мынам асме ачим утеме уз луы.

5

Мыным вераськыны но эш овол, мылкыдэз жутйсе но буйгатйсе но овол.

Умой

1

Нош мон улэп кыли, вань эшъёсы выизы, быризы ке но.

2

Нош мон сютэм ой кулы, та кос кырын ой быры.

3

Нош татын куазь ялан пось, диськуттэк но ветлыны луоз.

4

Нош та островын адямиэс но, сьосьёс но овол. Асме шудоен лыдъяме луэ — монэ Африка мувыре оз сэрпалты: отын оломар мында лек сьосьёс.

5

Нош мон ас улонэлы вань кулэ запас лэсьтыны вуи ини, вань улытозям сион-юонэ тырмоз.

Таче малпамъёсы мыным бадзым сюлэм юнмег луизы. Мозмыны но ортчыт куректыны уг яра шуыса мон адзи, валай, малы ке шуоно, самой секыт куректонын но буйгатскон шедьтыны луэ но, кулэ но.

Улон юртэлэсь кычезэ гожти ини. Гурезь баме кык полэс майыгъёсын котыртыса юн пуктэм палатка со. Нош табере



мынэсьтым кенерме борддор шуыны луысал ини: педласянь со возы ик лач-лач, кык фут зокта музъем жутй. Нош коня ке улыса (умой тодйсько на ке, арен палэн ортчем бере), жутэм музъем вылам стропила тупатй, сое гурезь баме пыкъяй, стропила вылэ улвай но бадзымесь кузесь куаръёсты волдыса, липет лэсьтй. Тйни озыы мынам азбаре липет улын луиз но, зоръёслэсь кышканэ оз луы ни. Вадесэз вуэ ке, островам вистэм-вожтэм зорыны кутске шуыса мон верай ини.

Лыдзисе тодэ ини, ваньбурме мон ваньзэ ик крепостям пыртылй. Нырысь мон сое азбаре гинэ вуттй, собере палаткае мышкысь вырйыл улэ копам пещерае тыри. Нош мон верано луисько: нырысь-валысь мынам котыры радтэм люкамын вал, азбарам берытскон интыез но ой вал ни. Ваньзэ радэзъя интыяны понна мон пещераме будэтыны кариськи.



Мон котьмалэсь изьло аслым жок но пукон лэсьтй.

Азбарам пыран пасьме пытсам бере, озьы ке, иське, сьосьес вуэмлэсь кышканэ толзем бере мон нош ик пещераме паськытатыны но кузятыны кутски. Шудэ вылэм, гурезьлэн музъемез бугрес, небыт вылэм. Бур пал урдэссэ коня кулэ сомында гудыса, мон уката бур палагес гудыны кутски но кенере сьоры кыре потон пась лэсьтй.

Музъем улти та ветлонэ — юртысьтым лушкем потанэ, — азбарысь чик кöбертэк кошкыны но бертыны амал сётэм сяна,

кладовоелэсь интызэ но чарак бадзыматиз.

Та ужме быдэстыса, аслым мебель пормытыны кутски: мыным тужгес ик кулэ лунзы жок но пукон. Музъем вылын ожытак шумпотонме но жоктэк, пуконтэк быдэсак сюлмам кутэме уг луылы — сиськыны но, гожъяськыны но, лыдзиськыны но калык радъя ой быгатылы.

Тйни озьы мон столяр луи.

Со дырозь мон столярной тйрлыкъёсты огпол но киям ой кутылы. Озьы ке но, ужанын жог валаменым, одно ик быдэстыны тыршеменым талы умой дыши, кулэ тйрлык луысал ке, котькыче мебель лэсьтыны быгатысал.

Нокыче тйрлыктэк шуэмысь одйг тйрен но струген гинэ но мон трос арбери лэсьтй; нокин но, мон сянаез, такем вашкала амалэн, такем трос кужым быдтыса оз лэсьтйськы на вал, дыр. Пул понна мон писпуэз погыртоно луисько, собере улвайёссэ сузяно, собере сое пул кадь луытозяз лусъёно. Та амал туж пайдатэм но жегыт, малы ке шуоды, быдэс писпулэсь одйг пул гинэ потэ. Бен ма карод, чидано луылйз. Со возы ик дыры но, ужаме но дуно ик оз сылэ; одйг овол-а бен, кытчы но малы соос бырылйзы?

Озьыен, мон котьмалэсь азьло аслым жок но пукон лэсьтй. Отчы корабльысь ваем вакчи пулъёсты кутй. Собере вашкала амалэным кузь пулъёс лусйи но йогуам ог фут но жыны пасьтаесь коня ке жажыос огез улэ мухетсэ тупатй. Соос вылэ кортчогъёсты, корт но мукет векчи котырме тыри,— огъя вераса, вань котырме интыяй, куке маке кулэ луиз ке, котькудзэ ик огпумысь шедьтыны мед быгато.

Йогу борддоръёсы мон озьы ик коня ке чогъёс шуккыли но соос вылэ пычалъёсме, пистолетъёсме но мукетъёссэ ошыли

Собере пещераме кин ке адзысал ке, хозяйствоын котьма портэм кулэ котыр люкам склад та шуысал, дыр. Та складэ пыраны мыным зэмээ ик шумпотон луэ — сокем трос портэм ваньбурез отын, ваньмыз сокем радызъя тыремын но ошылэмын.

Тйни со дырысен ик мон дневник гожъяны кутски, нуналскын вань ужамме отчы гожъялляй. Нырысь пал мыным тожъяськонэн йырин ой вал: мынам уже лыдтэм уно вал; со сяна, соку монэ туж секыт малпанъёс шугъяськытйзы, мон кышкалляй, соос дневникам медам шодске вал шуыса.

Нош табере, мозмонме кутыса, юнме шорысь малпаськонъёсын но осконъёсын асме ачим буйгатэмысь дугдыса, улон интыме тупатъяны кутскем бере, ас хозяйствоме радъям бере, жок но пукон пормытэм бере, огъя вераса, каньыл но умой интыяськеме бере, мон дневнике борды кутски. Сое татчы быдэсак пыртйсько, лыдзиселы тросэз гожтэм фактъёс азывыл главаосысь тодмоесь ке но ини. Верасько на, мон сое ялан, жикытак гожъяй, чернила бырытозь. Чернилае быриз но дневникме аналтоно луиз.

УКМЫСЭТЙ ГЛАВА

Робинзонлэн Эневникез. -- Музъем зуркан

30 сентябре 1359 арын. Милям корабльмы, море шорын туж кышкыт сильтол улэ шедьыса, сориськиз. Вань экинаж', мон сянаез, выиз; монэ, шудтэм Робинзон Крузоез, та каргам островлэн (сое мон Курадзон остров шуи) ярдураз сэрналтиз.

Уй вуэм бере мон писпуэ туби, малы ке шуоно, сьосьёслэсь кышкасько вал. Уйбыт туж юн колй, зориз ке но.

І октябре. Чукна сайкаса, мон адзи: ву йылэм но корабльмес, лазег азыысь вырзытыса, мувырлы матэ вуттэм. Сомыным оскон сётйз, тол пуксиз ке, корабль доры ветлыны удалтоз но сион но мукет кулэ котыр шедьтэме луоз шуыса. Ву синыны кутскем бере ик мон корабле васьки. Нырысь мон лазег вуэтй мынй, собере уяса кошки. Та нуналэ лумбыт зоремысь оз дугдылы, нош тол чылкак пуксиз.

1-ысен 24 октябрёзь корабльысь тйрлыкъёсты нуллй. Ву синэм бере мон отчы мынылй, нош ву будыку бертылй. Котырме пур вылын поттылй. Вань та нуналъёсы зорылйз; куддыръя куазь ожытлы гинэ чеберскылйз: татысь широтаосын соку зорон вакыт, лэся.

25 октябре. Уйбыт, лумбыт зориз но кужмо тол толаськиз. Кораблез уй чоже шелеп карем; солэн сылэм интыяз кыче ке куашкам, чигылэм люкъёс гинэ адско, соос но ву сины-

и Суднолон экипажез — солон командаез.

ку гинэ кыре потыло. Та нуналэ мон лумбыт тйрлыкъёсы котырын выри: зорен медам сориське шуыса, шобыръяй, бинялляй.

26 октябре. Улон интылы умой сэрег шедьтй кадь потэ.

Сое кенерано луоз.

97-ысен 30 октябрёзь. Туж кужмо ужай: выль улон ин-

тыям вань котырме нуллй, ялан зориз ке но.

31 октябре. Чукна, кыче ке но пойшурез ыбыны оскыса, нош соин чош ик татысь интыез но учко шуыса, островети пычалэн калги. Кечез вии. Кечпиез мон сьоры лыктиз, гуртозям ик келяз. Турын сиемез уг луы на вылэм, соин ик сое но мон вандоно луи.

I ноябре. Выль интые, гурезь борды ик, бадзым палатка

лэсьти но отын чогъёс борды гамакме оши.

4 ноябре. Пойшураны, ужаны, колыны но маке чыры-пыры ужъёс лэсьтыны нимаз часъёс висъяса, мон ас дырме люкыли. Чукна ик, уг ке зоры, ог кык-куинь час чоже островети пычалэн ветлисько, собере дас одигозь ужасько, дас одиге сиськисько, дас кыкысен кыкозь шутэтскисько (нуналлэн самой пось вакытэз соку луэ), кыкысен нош ик уж котыре кутскисько. Берло кыктой чоже вань ужано часъёсам жокме быдэстыны выри. Соку мон туж лябыт столяр вал на. Нош ёрмон малы но уз дышеты! Берло ини мон котьмалы но кибашлы луи. Мон интыын котькин но озьы ик дышысал, дыр, паймонэз ик овол.

13 ноябре. Зориз; музъем но омыр шодскымон сайкомизы но шоканы капчигес луиз, нош зорыку кышкыт чилекъяз, гудыръяз, мон порохе пуштэмлэсь кышкаса улй. Сильзор дугдэм бере мон вань порохме туж пичиесь люкетъёслы люкылыны но портэм интыосын ватыса возьыны кариськи — ваньмыз чош пуштыны медам шедьы.

14, 15, 16 ноябре. Вань та нуналъёсы порохлы пичи ящикъёс лэсьтй, котькудаз одйг-кык фунт тэрымон. Туннэ вань порохме со ящикъёсы тырылй но огзылэсь огзэс кыдёке гурезь путэтъёсы ватылй. Толон бадзым тылобурдоез вин. Кызьы нимаське, уг тодйськы. Сйльыз солэн туж ческыт вал.

17 ноябре. Ваньбурме жикытгес интыяны понна палаткае сьоры пызырес сюё гурезе туннэ пещера гудыны кутски. Нош та ужлы куинь тйрлык кулэ: кукчо, корт лопатка но сюез поттылыны тачка яке корзинка, соосы мынам огез но овол. Ужме аналтоно луиз. Кема малпай, со тйрлыкъёс интые мае кутыны луоз яке кызьы соосты лэсьтоно? Кукчо интые корт ломен ужаса оскалтй: со ярано вылэм, нош туж секыт. Собере корт лопатка но тачка кулэ на. Корт лопаткатэк нокызьы но

копаны уз луы, нош мон чылкак уг тодйськы, кызьы сое лэсьтоно яке маин воштоно.

18 ноябре. Сикысь шедьтй самой со писпуэз яке со выжы писпуэз, кудзэ Бразилиын шуо «кортпу» — сокем со юн маке. Одйгзэ мырдэм погыртй, тйре чылкак ныжомиз. Бадзым пуклёк чогыса, мон сое мырдэм вуттй юрт дорам — сокем со секыт вылэм! Талэсь мон лопатка лэсьтыны кариськи. Та пу ортчыт чурыт вал но лопатка лэсьтыны туж кема выри. Озыы ке но, мон лопатка лэсьтй. Ныдыз милям Англиын лэсьтэмзылэсь одйг но урод оз пормы, лопаткаез гинэ озгес пишмы. Сое вылтиз кортэн шуккыны кулэ вал, нош листовой кортэ мынам ой вал, соин ик со кемалы оз чида. Бен мон нырысь-валысь соин трос гинэ ужай, дуннеын одйг лопатка но таче амалэн, такем кема лэсьтэмын ой вал, дыр, ке но.

Мыным тачка яке корзинка кулэ на. Корзинка сярысь мон малпаны но ой дисьты: сое керттыны небыт ньоръёс кулэ луысалзы. Нош мон, кема утчаса но, сикысь ой шедьты сычеоссэ. Тачка лэсьтыны быгатонэ, оло, тырмысал но, тачкалы питран кулэ ук, нош сое лэсьтон сярысь кызьы-мар шуыны ик ой тоды. Со сяна, питранэз корт черс вылэ бырттоно ук, сои но мынам овол. Та малпамме куштоно луиз. Тачка интые мон пичигес тусь лэсьтй, пулъёсты ящик кадь шуккылыса. Та тусьын мон копам сюйме поттылй.

Пичи тусь лэсьтыны, лопаткаез сярысь, капчигес вал. Нош ваньзэ — пичи тусь, лопатка но тачка лэсьтыны öжытсэ ньыль нунал быдтй (чукнаосы пычалэн ветлэмъёсме вератэк озьы). Верано ке, мон туж шер нуналэ гинэ пöйшураны öй поталля, кыче ке пöйшур вайытэк бертэме ик öй вал кадь.

23 ноябре. Лопатка но пичи тусь лэсьтыса быдэстй. Соос дась луизы но нош ик пещера копаны кутски. Дыры но кужмы тырмытозь лумбыт копай. Йогулы но, тйрлык складлы но, кладовойлы но, кухнялы но, столовойлы но тырмымон волмыт инты кулэ луиз.

10 декабре. Озьы мон чапак дас тямыс нунал ужай. Ужме быдэстй ини малпасько вал, шодтэк шорысь туннэ отын огпалтиз музъем куашказ. Ортчытгес паськыт копаськем, лэся. Туж бадзым куашкам но, мон берло кышкай: соку пещерае кемдысал ке, мыным шайгу копась но кулэ ой луысал ни, дыр. Та учыр мыным трос выль уж сётйз: пещераысь вань куашкам сюез поттылоно, нош котьмалэсь ортчыт — табере волдэтэз пыкъяно луоз, сотэк нош ик куашкан уз луы ни шуыса оскыны уг луы.

11 декабре. Туннэысен уж борды кутски. Кык юбо гинэ пуктй-ай. Пумъёсазы быдэн кык паськыт пул кечат юнматй.

17 декабре. Нырысетй кык юбоосты зол-зол юнматй но эшшо коня ке юбо пукти на, вылиязы озы ик пулъёс юнмати. Табере нокыче куашкан кышкыт уз луы ни. Юбоосты ралэн пуктыли, висъет кадь борддор пормиз. Та ужлы быдэс арняе быриз. Та нуналысен 20 декабрёзь йогуэ жажыос тупати, висъет борды кортчогъёс шуккыли но ошыны луонооссэ вань котыръёсме ошыли.

20 декабре. Вань тйрлыкме пещерае ваи но интыяй. Табере хозяйствое ладъяськиз. Эшшо одйг пукон лэсьтй на, сион возьыны коня ке пичиесь жажыос тупати: буфет выллем маке

пормиз. Тани пулъёсы туж ожыт кылё ни.

24 декабре. Уйбыт но лумбыт зориз. Коркасытым ой пота.

26 декабре. Зор ортчиз. Сайкиськиз. Юзгес луиз.

27 декабре. Кык кечпиосты ыби; огзэ вии, мукетызлэн куказ гинэ йöттü, соин ик пегземез öз луы ни; мон сое кутü но гозы йылын юртам ваи. Татын солэсь куксэ учки: со чигемын вылэм но, мон сое жик-жик бинялтü.

Валэктон. Кечпиез бурмытй: чигем кухыз бурмиз но, со туж сэзь бызьылыны кутскиз. Дорысьтым оз петзы: сое туж кема дышетй, со мон котырам дышиз но кошкемез оз поты ни. Палаткае азьын гуждор вылын сиськылйз. Со шоры учкыса, мыным нырысетйзэ тодам лыктйз пудоживот вордыны, зарадъёсы но порохе бырон азе мыным сион соку дась луысал.

28, 29, 30, 31 декабре. Куазь туж пось, толтэм, чыс-чыс. Юртысьтым жытъёсы гинэ поталляй пойшураны. Вань хозяй-

ствоме пумозяз радъяй.

1 январе 1660 арын. Пось уг сйя; озьы ке но, туннэ пойшураны кык пол потай: вазь чукна но жытазе. Нуназе шорын шутэтски. Жытазе нёжалэтй кыдёке, остров пыдсыгес вегли но трос кечъёсты адзи; соос туж кычесь, матазы уг лэзё. Пуныен кечаны малпай.

2 январе. Туннэ сьорам пуныме басьтй но кечъёс вылэ узатй; номыр оз пишмы: пунылы пумит быдэс уллё берытскиз. Кышкыт луонэз пуные туж умой валаз, шодске, — номыр сямен но матазы оз мыны.

З январе. Кенер лэсьтыны но котыртйз мудэт жутыны малпай. Мон ялан кышкасько на кыче ке тушмонъёс вуэмлэсь. Со мудэтэз мон жужыт но зок лэсьтыны выро.

Кенере сярысь азывыл страницаосын гожъямын вал ини, соин ик дневникысьтым со сярысь вань верамзэ татчы уг пыр-

тйськы.

Соин чош ик уж вискын мон нуналлы быдэ пойшур утчаса сикетй ветлй, тодмо ини, куазь умой дыръя. Озьы ветлыкум трос пайдаё открытиос лэсьтй. Тани, кылсярысь, нимаз портэм

выжы дыдыкъёсты адзи, соос писпуосы уг каръясько, асьмелэнъёсыз кадь, нош гурезь путэтъёсы кар лэсьто, соин ик соос адямилы каньылэн шедьтымонэсь.

Огпол тазьы карысьтызы пиоссэс кутылй но утялтыса бордам дышетон понна соосты гуртам ваи. Мон кема соосын выри, нош соос бурдъяськизы но огез борсьы мукетыз лобзыса кошкизы. Соослы ярамон сионэ луымтэен-а, мар-а лобзылйзы соос.

Та тылобурдоос ческыт сйлёесь но соослэсь туж умой сион дасяны луэ. Соин ик соосты каръёсысьтызы чем гинэ кутылыны кутски.

Та куспын мон туж кибашлы лэсьтйськыны дыши, золос столярлэсь одиг но ляб уг ужаськы ни вал тирен, струген.

Озьы ке но, куд-ог тйрлыкез лэсьтыны озьы ик ой дышы. Кылсярысь, бекчеез ик. Верай уга ини, мынам корабльысь ваем кык-а, куинь-а бекчеосы вал, соос вылысь адзем карыны луысал, дыр, но, кызьы гинэ ой выры, бекче пормытыны ой быгаты, коня ке арня дырме быдтй ке но. Пыдэссэ но пуктэме, ву виянтэм жыбияме но оз луы. Озьы ик куштй мон со кутскемме.

Собере мон сюсьтылтэк курадзи. Тазьы жытме ке ини (нош жытмылйз сизьым час ёрсын), валесам выдоно луэ. Ми Ксуриен Африка дуртй калгыкумы сюсьлэсь сюсьтыл лэсьтылэммес чем гинэ тодам вайылй, нош сюсе мынам ой вал. Малпаны быгатй одйг амал гинэ: пойшураса виылэм кечъёслэсь койзэс койтыл кисьтыны кутсконо. Мон зэмээ но аслым койтыл тупатй: горд сюйлэсь плошка лэсьтй, собере сое шунды шорын кыдатыса вози, шораз сйньыс интые гозылэсь кужээ позыртй. Лампае туж ляб жуалляз, сюсьтыллэсь уродгес. Со чем лопыръяськиз но кысылйз.

Огпол тазьы, хозяйствоям вань со ужъёсыным вырыкум, кыче ке кулэ тйрлык утчаса складам бугыръяськи но ки улам йыдыен пичигес мешок шедиз. Иыдыез ми кораблямы возем курегъёслы, зазегъёслы нуиськом вал. Мешоке кылем вань кидысэз комакъёс сйсъяллям (котьма ке но, мешоке учкыса, отын кыдэз сяна овол ни кадь потиз). Мешокез мыным порохлы кулэ луэмен сое азбарам гурезь улэ куртки.

Сильзоръёслэсь öжыт гинэ азьло вал со. Со учыр сярысь мон кемалась вунэтй, мешокме курткем интыез но уг тодйськы ни вал.

Нош тани толэзь ёрос ортчиз но, мон гурезь улысь, пещера дорысь ик, коня ке вож удъёсты адзи. Нырысь мон малпай: та кыче ке но татысь будос, азывыл адзымтэ маке. Коня ке арня ортчыса, вож турынъёс (соос ваньмыз ог дас, дас кык

куро вал) милям Англиын будйсь огшоры йыды шепъёс кадесь шепаськизы. Та тодэме-адземе верантэм паймытйз. Мон шуылй аслым ачим: «Та чудо: та кышкыт кос кырын улонме возьыны йыды ас сяменыз, кидыстэк будэм».

Тазы малпаменым мынам пушкы тыриз но синвуэ ик потйз. Таче чик тодымтэ-адзымтэ маке мон понна луэмын шуыса мон асме шудо лыдъяй. Нош чудо таин гинэ оз быры: сокугес ик йыды куроос вискытй мукет будосъёс адскизы. Рисъёс вылйллям, мон соосты капчиен тодмай, малы ке шуод, Африкаын улыкум рисэз бусыысь чем гинэ адзылй.



Та рис но, та йыды но мон сярысь сюлмаськись инмарлэн сётэмез шуыса оски. Нош соин чош ик мыным татын эшшо тросэз мукетыз но дасямын на кожай. Вань азьвыл ветлэм интыостйм нош ик ветлй, котькуд мучез, гурезь улъёсты учкылыса, вань сэрегъёсты бугыр поттй, утчаськи, нош нокытысь но рисэз но, йыдыез но ой шедьты ни.

Соку гинэ мырдэм тодам лыктйз татчы, пещерае доры, курткем йыды кыдэн мешоке. Чудое огшоры гинэ валамон луиз!

Син азяды пуктэ вал тй, макем тыршыса октй мон вуэм шепъёсты (июль толэзьлэн берло нуналъёсаз). Музъем вылысь вань тысьёссэ одйгзэ но кельтытэк октй но соосты оскымон, кос интые ватй. Ваньзэ люкам ю тысез кидыслы кельтй: дыр вуоз но мынам ю тысе кизьыны но, няньлы но тырмымон луоз шуыса оски.

Нош ньылетй араз гинэ мон конязэ ке ю тысез няньлы висъяны быгатй, соку но туж ичизэ гинэ. Нырысетй араз кизьыса будэтэм ю тысе ваньмыз сямен ик бырыны шедиз уга: дырлэсь кулэ вакытсэ ой шедьты, куазь кос улон азыын кизи но тросэз кидысъёс оз потэ. Та сярысь мон берло верало.

Иыды сяна, мынам, верай вал ини, кызь-а яке куамын-а рисъёсы будйзы. Рисэз но озьы ик туж жикыт октй, ваньзэ кидыслы кельтй. Бератаз, рисэ тырмыт люкаськем бере, солэсь нянь табань пыжыны кутски (нянь пыжон интые ой вал). Бен собере коня ке дыр ортчыса, зэмос нянь пыжон амал но малпай.

Я, дневнике котыре ик берытскисько.

14 апреле. Кенере быдэсмиз, педласянь мудэмын. Номыр со-талэсь кышкано медам луы шуыса, пыран öсме тыпак пытсай, кенер борды тубат урдыса, забор йылтй гинэ пыран-потаны кариськи. Педласянь учкыса, озьыен, шöдыны но öй луысал адямилэсь улон интызэ.

16 апреле. Тубатме быдэстй, пырасько но потасько забор йылтй, тубатме котьку но сьорам жутъясько. Табере мон котырак кенерамын ини. Крепостям чарак волмыт, татчы пырыны но забор йылтй сяна уг луы.

Кенераськонме быдтэме бере чуказеяз ик одйг уж луиз, со монэ туж кышкатйз но соин йырин вань ужаме öжыт гинэ юнме öз быры, бен ачим но öжытак öй кулы.

Со уж тани кызьы луиз.

Мон маке но лэсьтйсько вал азбарам, палатка сьорын, пещерае пыран азьын. Шодтэк шорысь пещералэн волдэтысьтыз, дуртйз ик, чапак мынам йыры вадьсысь, музъем куашканы кутскиз. Волдэтэз пыкъяны пуктылэм азьпал юбоос кышкыт тачыртыса чигылйзы. Мон туж кышкай, нош ма луэмзэ ой вала. Музъем бугресэн, азьвыл сямен ик, волдэт куашказ кожай.

«Кенер пушкам татчы кыли ке,— малпай мон,— монэ сюй улэ согоз. Пегзоно татысь!»

Мон тубатме кутй но забор вамен потй.

Музъем вылэ лёгиськыны ой вутты на, соку ик валай: таиз куашкан музъем зуркамен йырин луэм. Пыд улам музъем лэйка, коня ке минутскын куинь туж кужмо зуркам шодскиз, туж юн пуктэм юрт но быдэс ой кыльысал. Море дурын сылйсь из гурезылэн йылыз, туж зол гудыртыса, уллань васькиз — сыче кышкыт куараез ноку но кылэме ой вал на.

Море тулкымъяське но позе; мореын музъем зуркан, островын сярысь, кужмогес ортчиз кадь потэ.

Номыр таче сярысь мон азывыл ой кылылы но табере

чылкак абдрай, куалектй. Музъем лэйкамен монэ морской висён кутйз, корабль лэйкаку сямен ик. Вукекъяны кутски. Кулисько ини кожай.

Куашкась из гурезьлэн чашетэмез монэ сазьтытиз. Монваланы кутски. Иырам шурдыт малпан пыриз: палаткае вылэгурезь куашкаса вань тирлыкъёсме, сионме пырак азелы согиз ке, ма каром на, кызьы улом на татын? Сюлмы нош икикак луиз.

Куинетизэ зуркам бере чаломиз. Мон сайкиськыны кутски, мылкыд капчигес луиз. Озьы ке но бертыны ой дисьты на. Ма карыны валатэк, туж секыт мылкыдын мон кема пуки

на музъем вылын.

Со куспын пильмаськиз, зорон азьын кадь пеймыт луиз. Капчи гинэ тол жутскиз, нырысь ляб, собере кужмогес но кужмогес; жыны час ортчем бере кышкыт сильтол жутскиз. Море шукыяськиз, бугырскиз но вузыса ярдуръёсаз жугиське. Писпуосты выжыенызы валче погыръя. Озьы ог куинь час кыстйськиз. Таче вожомем сильтолэз ноку но адземе ой вал на. Собере сильтол чалмыны кутскиз. Кык час ёрос ортчыса, чал-чал луиз но ведра дурен кисьтэм кадь зорыны кутскиз.

Чуказеяз, 18 апреле, зориз но, мон лумбыт гуртам пуки. Табере, буйгаса, тазьы чакланы кутски: та островын музъем зуркалля бере, мыным пещераын улыны уг яра, малы ке шунд, вазь-а, бер-а, гурезь одно ик куашкалоз но монэ пачкатоз; палаткаме, озьыен, мукет азе, шара интые, пуктыны кулэ. Нош сьосьёслэсь но адямиослэсь утялскон понна, татын лэсьтэме

кадь ик, борддорен котырсконо луоз.

Кык нунал йоже, 19 но 20 апреле, юрт пуктыны лумбытлумбыт выль инты утчай. Мыным пумен валамон луиз: выль интые воштйськыны туж трос дыр кулэ луоз, соин ик куашкамлэсь кышкаса ик коня ке улоно луоз на, малы ке шуил, кенерамтэ интыын улыны уката но кышкытгес. Нош озыы ке но, дырме юнме быдтытэк выль интые кенераськон борды кутскыны малпай: со дась луиз ке, соку ик отчы палаткаме выжтоно луоз. 21 апреле ас малпамме быдэстыны кутски.

22-ысен 27 апрелёзь. 22 апреле чукбыт мон ас планме быдэстон сярысь малпай. Бадзым шугез — тйрлык уг тырмы. Мынам куинь бадзым тйре но туж трос пичи тйръёсы вал (ми соосты сьод адямиосын вошъяськыса вузкарыны нуиськомы вал), нош ялан ужамен но туж чурыт улэсь-ваесь писпуосты корамен ваньзы соос пинё-пинё луизы, ныжомизы. Зэм, мынам зудэ вань, нош оген муртлы соин шериськыны уг луы, кин ке

но сое бергатись кулэ.

Бадзым политической ужпум котырын вырись одйг госу-

дарственной кивалтись но сомында йырвизьзэ оз быдты, дыр, мамында визьме мон быдти та зудэз китэк бергатон амалиутчаса.

Бератаз мон колёса пормыти, пыдын лёгаса, зудэз е бергатэ, кыкез ик киосы воля кылё. Тае тупатонын мон быдэс ар-

ня чоже выри.

Валэктон. Солэсь азывыл мон нокытысь но ой адзылы пыдын бергатон зудэз, адзылй ке но, кызыы лэсьтэмзэ ой чакла. Бератаз валай, Англиын таче зудъёс котькытын но ванывылэм, шол соослэн иззы мынамезлэсь пичигес луылэ вылэм: мынамез туж бадзым но секыт.

28 но 29 апреле. Туннэ но, толон но лумбыт тйрлыкъёсме

шери; зудлы тупатэм бергатонэ түж үмой ужа.

30 апреле. Туннэ шоди сухариелэсь бырон калэ вуэмзэ. Туж ик шыръяно. Вань мешокъёсты лыдъяй но нуналлы одиг сухарилэсь трос сиыны ой кариськы ни. Туж секыт луоз инита, но ма бен карод.

ДАСЭТИ ГЛАВА

Куашканы шедем корабльысь Робинзон тüрлыкъёс поттэ. — Со островез эскере. — Висён по мöзмон

мае. Туннэ чукна ву синон дыръя кыдёхысен ву дурысь кыче ке бадзым арбериез адзи, татысен со бекчелы кельше вал. Учкыны мынй но, зэм ик со бекче вылэм.

Отын ик корабльлэн трос тйяськылэм люкетъёсыз кирпазь усьылэмын. Сильтол тае мувыре поттйз, дыр. Мон мукет палаз, корабльлэн мугорыз адскон пала, учки но, вулэн вылйяз со укыргес жужыт потэмын кадь адскиз.

Бекчеын котмем порох вылэм: со ваньмыз котмыса измем. Озьы ке но, мон та бекчеез вылэгес питыртй, морее медам вутты ни шуыса. Нош ачим кос кылем море пыдэстй корабль люк доры чакланы мынй — мыным ярамонэз отысь маке уз шедыны ни-а меда.

Коня ке мыныса, адзи: корабль паймоно кадь воштиськем. Солэн берыз кемалась палдэм но, тулкымъёс сое чылкак тияллям. Азьвыл луое пырем ныр палыз табере ог куать футкеме жутскем. Со сяна, палуба ласянь сое луо шуккем, та палтиз ик, мувырлань, луо шуккемо лазег инты кылдэм, соин мон табере корабль возы ик вуыны быгатисько ни. Нош азьвыл ог ньыль сю метр кемысен ик со доры уяса мыноно луылиз. Корабль пуксемлэн сыче воштиськемез нырысь пал монэл

паймытйз, нош берло мон валай ини, музъем зуркамен та озьы

луэм шуыса.

Музъем зуркан дыръя корабль чылкак куашкам, пилиськылэм. Со нуналысен тол но ву визыл портэм тирлыкъесты мувыре шуккылиз, соосты пась трюмысь ву гылтыса поттылэ вылэм.

Кораблен луэм уж мынэсьтым вань малпанъёсме бордаз кыскиз. Выль интые воштйськон сярысь мон малпаны ик вунэтй. Чуказеяз быдэс нунал мон малпай, кызьы гинэ пырыны луоз корабль пушкы. Та уж капчи ик ой вал, малы ке шуод, солэн вань пушкыз луоен тырмемын вал. Нош монэ со оз кышкаты: мон дыши ини ноку но, нокыче ужын но керзегъяськытэк, нокыче секытлы сётскытэк улыны. Мон кораблез пичиенпокчиен нуллыны кутски, мынам таче улон югдурам ваньмыз кулэ луоз шуыса тодйсько вал.

З мае. Пила кутыса, кораблез (сьорпалзэ) вандыны

оскалти, но дугдоно луиз — ву будыны кутскиз.

4 мае. Чорыг визнай, нош сионо кадьзэ огзэ но ой куты. Акыляк потыса, кошкыны малпасько вал ини но, визнанме берпумзэ чолтыса, пичи дельфинэз кутй. Мон талы туж шумпотй. Визнан ачим лэсьтй: си интые вуж пыш гозыез позыртй, нош курикъёссэ езлэсь лэсьтй. Озьы ке но, визнаса куддыръя коттырымон чорыг кутылй. Сое мон шунды шорын шупатыса сиылй.

5 мае. Корабльын ужай. Одйг корзэ вандыса уретй, палубаысь куинь бадзымесь пужым пулъёсты палгытй, соосты огазе керттылй но ву будэм бере соос вылын мувыре кошки.

24 мае. Кораблын ик ужасько на. Трюмын тйрлыкъёс ёркыт тыремын вал; мон соосты ломен вырзытъяй но нырысетй ву будыку ик лöптйзы: кöня ке пичи бекчеос но кык матросской шыкысъёс. Нош тöл, мувыр палась пельтыса, соосты морее кыдёке вуттйз. Тани туннэ тöл воштйськиз но, тулкымъёс бадзым бекчеез ярдуре сэрпалтйзы. Со бекчеын бразильской парсь сйль вылэм но со номырлы ярантэм луэм, малы ке шунд, бекчее трос кузьыт ву но луо пырем.

16 июне. Мувырысь бадзым черепахаез шедьти. Азывыл

мон соосты татысь ноку но ой адзылы.

17 июне. Черепахаез жу вылын пыжи. Со пушкысь ог куатьтон пузъёссэ шедьтй. Вань ултозям но таче ческыт сйль ой сиылы на вал, лэся. Паймонэз овол: островын та дырозь кеч сйль но тылобурдо сйль гинэ сиылй.

18 июне. Чукнаысен жытозь зоре, мон уг потаськы. Мынам тодэмея, та шаерын кезьыт зоръёс уг луыло ке но, лум-

быт маке кынмисько кадь.

19 июне. Висисько на: толалтэ сямен туж кынмисько: 20 июне. Уйбыт синме ой кыньылы: йыры туж висе но мугоры кезегъяське.

21 июне. Чылкак уродми! Туж кышкасько висёнлы сёт-

скыны но кужымме ыштыны. Ма луоз соку мыным?

22 июне. Туннэ мыным умойгес луиз кадь, но уг тодйськы, кемалы-а.

24 июне. Шодскымон умойгес луиз.

25 июне. Туж кезегъясько. Сизьым час чоже я кынмылй, я посектыли. Посяса но жоломыса чалмытски кадь.

26 июне. Умойгес луиз. Вань сйль запасэ быриз. Кужыметуж лябыт ке но, пойшураны ветлй. Кечез вии, сое мырдэммырдэм гуртам вуттй, пичи юдэссэ жу вылын пыжи но сии. Шыд позьтэме потэ вал — кастрюляе но, горшоке но овол.

27 июне. Нош ик туж юн кезегъяй, лумбыт сионтэк но юонтэк кылли. Юэме потыса кулйсько вал, нош ву дуре мыны-

ны пыд йылам султэме оз луы.

28 июне. Уин сю куасьмемен курадзи. Палаткаын но, йогуын но одйг шапык но ву ой вал бере, чукнаозь курадзоно луи. Чукна пал гинэ умме усиськем. Эмъюм дасяй: тамак ву но ром. Сое юи но пушкын сураськыны кутскиз. Озьы ке но, ожыт капчияй.

30 июне. Лумбыт нокытйы öз висьы. Öй кынмы. Пычалэк потай, кемалы öй: кыдёке ветлыны кышкай. Нуназе черепаха пузъёсты сии, ческыт потыса сии.

Жытазе нош ик со эмъюмме юи: голон со мыным туж юрттиз вал.

Озьы ке но, чуказеяз, І июле, мыным нош ик секыт луиз: азьвыл кадь кужмо ке но ой, куалекъяй ик.

З июльысен кезегъян öз кутылы ни. Нош чылкак бурми

кык-куинь арня ортчыса гинэ...

Озьы мон дас толэзь улй та куректон островын. Мон дырозь ноку но адями пыд лёгиськылымтэ та шимес мувыръёсы. Соин ик татысь мозмонлы нокыче осконэз öвöл.

Табере, улон интые юн кенерен котыртэмын бере, мон островез пыр-поч эскерыны кариськи, кыче ке выль животъёс

но будосъёс, мыным пайдаё луоноосыз, öвöл меда.

15 июльысен эскерыны кутски. Нырысь ик мон пуръёсыным дугдылэм пичи бухтае доры мынй. Татчы пичи шур усе. Та пичи шур кузя ог кык миля тубыса, мон валай: мореысь ву отчы уг вуы вылэм, малы ке шуод, та интыысен вылйын шур зу чылк-чылк но шöг. Интыен-интыен шур куасьмылэм: соку татын кöс улон вакыт вал.

Шурлэн ярдуръёсыз улыгесь, чебересь возьёс вылтй бызе-

«со. Котькытын сок-сок жужыт турын жужамын, нош отйяз, вырйыл бамын, трос тамак будэ. Ву та жужыт интыозь уг жутскы, соин ик татын тамак умой пушъем. Отын мукет будосъёс но вал, оычеоссэ мон ноку но ой адзылы на; соослэсь кычезэссычезэс тодыса, аслым пайда поттыны, оло, быгатысал мон.



Мон кассаваез' утчай, пось палан улйсь индеецъёс солэн зыжыезлэсь нянь пыжо. Тае ой шедьты. Со понна мон адзылй алоэ² но сахарной тростник будосъёсты. Нош мон ой тодылы, луэ-а со алоэлэсь маке сион дасяны. Сахарной тростник ас ся-

меныз будэ но соин ик сахар лэсьтыны оз яра.

Чуказеяз, 16 числое, мон со сюрестй ик кошки но озёлогес, возъёс пуме, вуылй. Отысь трос портэм емышъёс шедьтй. Котьмалэсь тросгес дыняос. Виноград модосъёс, писпуос котыртй биниськыса тубиллям; вылысен чебересь кисьмам виноград зускиос ошиськылэмын. Та шедьтэме монэ вераны луонтэм паймытйз но шумпоттйз. Нош мыным дырыз дыръя годам лых-

 ¹ Кассава — векчи писпу, выжыяз питательной крахмалэз трос. Сое Америкаын будэто.
 2 Алоэ — тропической будос, венё-венё маке; асыме палан сое укно вылым

тйз: Бербериын улыкум отын коня ке невольникъёс-англичанъёс, трос виноград сиыса, кот висёнэн кулизы, соин ик мон сое оскалтэм кадь гинэ сии. Мон виноградэз мукет сямен сион карыны амал шедьти: шунды шорын куарсатыны но, изюм пормытыса, сиыны. Изюмез азьпаллы но дасяны луоз, со ческыт но, тазалыклы но умой.

Та нуналэ мон колыны гуртам ой берты. Сике кылеме потиз. Та острове шедеме бере нырысети уе сямен их, мон писпуэтубыса коли но озьы сьосьёс урдскемлэсь утялски.

Умой кöлй, нош чукна азьлань потй. Озьы ик север пала ог ньыль миля мынй на. Выльзэ туж умой нёжалэз шедьтй. Одйт вырйылысь кезьыт пичи шур ваське. Со восток пала бызе.

Нёжалэтй, кык вырйылъёс вискытй, мынй. Нёжал паймымон чебер. Ваньмыз татын вожектэ, сяськаяське. Адямилэн киыныз утялтэм, будэтэм садэ вуи кадь. Котькуд куак, пичи писпу, котькудйз сяська ортчыт чеберъяськемын. Татын кокос пальмаос, апельсин но лимон писпуос туж трос будо, ношемышъёс ожытаз гинэ вал. Мон вож лимонъёсты октй но лимон сокен ву юылй. Таче юон мынам кот пушкылы умой тупаз но сюме туж юзматъяз.

Мон куиньмойскын гинэ вуи гуртам (озьы шуыло ини табере мон палаткаме но пещераме). Лоптэм мылкыдын малпалляй со адзем емышо нёжалэз, солэсь котыр синмаськымон интызэ; син азям пуктылй сикъёссэ, толъёслэсь зеч утялскемын вылэмзэ, макем трос но ческыт ошмес вуэз. Ваньзэ соосты малпай но валай: аслым корка пуктон инты островлэн самой урод азяз бырйнськем. Озьы валаса, мон, тодмо ини, сяськаяськись вож нёжалэ, емышъёслэн каразы, воштйськон сярысь малпаны кутски. Отысь ярамон инты шедьтыса, сое сьосьёс вуэмлэсь юнматыны кулэ.

Та малпан мынам йырысьтым ноку но оз кошкылы: чебер нёжаллэн вож-вожез монэ бордаз кыске вал. Отчы воштйськон сярысь малпаменым мон туж шумпотылй. Нош со планме умой-умой эскереме бере, палаткаысеным мореез адзыса улэмме, озьы бере, таче огнам улонэ, оло, воштйськоз на шуыса пичигес осконме чакламе бере мон аслым ачим верай: вырйыльёс вискысь нёжалэ воштйськыны мыным нохызьы но уг яра. Монэ острове вуттйсь урод рок¹, оло, мукетсэ но мон кадь ик шудтэм муртэ татчы вуттыны быгатоз. Озьы луиз ке, со мурт котькин мед луоз, мон сое умой эшме кадь пумитало. Ма веранэз, шодтэк шорысь озьы луонлы осконэ ожыт ке но, остров пыдсы, морелэсь палэнэ, вырйыльёс но сикъёс вискы инты-

¹ Рок — судьба, кылдэм (удмуртъёс «озьы кылдэм, дыр» шуо).

яськон со астэ ачид пырак азелы татчы пытсан луысал, татысь

мозмон сярысь малпанэз вунэтон луысал.

Озьы ке но, мон ас нёжалме сокем яратй — быдэс июль толэзез отын улй но аслым отчы мукет юрт лэсьтй. Со нёжалэ тылыс пуктй, сое жужыт лач-лач кык полэс кенерен котыртй, нош майыгъёс вискы улвай тыри; пыраны-потаны, вуж юртам кадь ик, урдылоно тубатэ вал. Тйни озьы мон татын но сьосьёс вуэмлэсь кышкатэк улыны быгатй. Та выль интыям мыным туж умой потэ вал но отын лумбыт-лумбыт улылй; борсьысь-борсе кык-күинь уй колалляй, отын шоканы но тужгес капчигес вал.

«Табере мынам море дурын коркае, нош нюлэскын дачае вань», шуылй мон аслым. Та «дачаме» августозь лэсьтыны

выри.

З августэ мон адзи, шунды шоры ошылэм виноград зускиосы туж усто куасьмиллям но изюмлы пормиллям. Мон соосты соку ик октыны кутски. Дыртоно вал, сотэк соос зор улын сорисьхысалзы но мынам толалтэ азелы запасэ ваньмыз кадь ик бырысал, нош запасэ узыр ик вал: ожытсэ кык сю бадзым зускиос. Пуысь берло зускиез коркам нуэме бере ик сьод-сьод пильмаськиз но туж юн зорыны кутскиз. Чик дугдылытэк кык толэзь чоже коттиз: 14 августысен октябрьлэн жыныозяз. Куддыръя со чылкак потоп вал, соку мон трос нуналъёс чоже пещераысь потаны ой быгатылы.

Та куспын мыным шумпотымон кузьым вуиз: семьяе йылйз. Огез кочыше кемалась ышемын вал, чоньдиз кожай но жаляса улй. Шодтэх шорысь со август пумын куинь пиосыныз бертиз.

14-ысен 26 августозь зоремысь оз дугдылы но, мон юртысьтым ой ик поталля, малы ке шуод, висеме дырысен зор улэ шедьылэмлэсь возькылй. Со вискын, куазь чеберскемез витьыса пещераын пукытозям, сион-юон запасэ бырон калэ вуиз, соин ик мон кых пол пойшураны но потаны дйсьтылй. Нырысяз мон кечез вии, нош кыкетйяз, 26 числое, туж бадзым черепахаез кутй, солэсь сйльзэ аслым сион дасяй. Оглом вераса, соку мынам сиськонэ тазьы радъяськылйз: чукна сиылй одйг зуски изюм, нуназе — кеч яке черепаха сйль юдэс (сйлез жу вылын пыжылй, позьтон но пыжон посудае ой вал), жыт кык-а, куинь-а черепаха пуз.

Зорлэсь ватскыса та дас кыктой чоже пукыкум нуналлы быдэ кык, куинь час музъем копай. Йогуме будэтыны кемалась малпасько вал ини но сое ялан пыдло но пыдло огласянь гинэ копай но педло, кенер сьоры, потй.

Табере мынам шонерак потан интые кылдйз, тубат урдылытэк каньылэн гинэ потаме но, пыраме но луэ. Со, мазэ веранэз, каньыл вал, нош азьвыл кадь сокем оскымон ой лась ни:

азывыл мынам юртэ котырак кенерамын вал но кин ке вуэмлэсь кышкатэк кöламе луылйз, нош табере мон доры вуыны шуг ик öй вал. Уг валасыкы, бен кызыы мынам тодам но öз лыкты, островын мыным кышканы нокинлэсь ук, кечлэсь бад-зымзэ мон татысь одйг животэз но öй адзылы на ук!

30 сентябре. Секыт мылкыдын верано луисько, острове вуэмелы туннэ ар тырмиз. Пул вылысь чупетъёсме лыдзи но татын шыркак куинь сю куатьтон вить нунал улиськем ни.

Шудэ вуоз меда та тюрьмаысь куке но эрике потыны?

Алигес шоди чернилаелэсь бырыны кутскемзэ. Сое ожытэнгес кутылоно луоз: та дырозь мон нуналлы быдэ но котьма чыры-пырыосты гожъялляй, табере улонысьтым тужгес бадзым луэм ужъёсты гинэ гожъялляло на.

Та дырозь улыса, мон шоди: зоро вадесъёс зортэм вадесъёсын огкадь вошъяськыло, соя ик зорлы но кослы но азывыл ик дасяськеме луылиз.

Верано ке, та амалэ капчиен öз шедьы. Сое соку таче луэм уж но возьматэ. Зоръёс бере ик, шунды Южной полушарие потэм бере, мон малпай: со азьвыл верам рис но йыды запасме кизьыны чапак умой дыр вуиз. Мон соосты кизи но удалтэмзэ чидатэк витисько ини. Нош кутскизы ук кöс толэзьёс, музъемын одйг шапык но ву öз кыльы ни, одйг тысе но öз поты. Ярам коть мон рисме но, йыдыме но быдэн сузь запаслы кельтэм вал. Аслым ачим тазьы ик шуи: «Вань кидысме уг кизьы-ай, та палась куазез мон уг тодйськы на, озыы бере, кизён, октон-калтон дырез уг валаськы на». Тазьы чакласа ужаме понна мон асме туж ушъяй, малы ке шуид, вань кизем тысьёсы куасьмыса быризы кожай. Нош кöня ке толэзь ортчем бере зорыны кутскиз но, ваньмыз сямен ик кизем тысьёсы потйзы, соку гинэ кизем кадь! Макем пайми мон талы!

Няне будытозь но вуытозь мон пичигес выль уж лэсьтй, со мыным берло бадзым пайда сётйз.

Зоремысь дугдыса куазь чеберскем бере, ноябрь ёрсын вал со, мон нюлэс дачаям ветлыны потй. Мон отчы коня ке толэзьёс чоже ой ветлы ни вал, озьы ке но, дачае азьвыл кадь ик, сое нокин исамтэ. Тылысме котыртйсь кенер гинэ вошкем. Со кык полэс вал, тодском ини. Кенере озьы ик быдэс, нош майыгъесыз куаръяськиллям — кузь улвайёс, выжыос лэзьяллям, майыгаса пушйись бадыпуос сямен. Матысь вож векчи писпуосты чогылыса майыгалляй вал уго мон. Та вожектэм кенерме адзыса, мон туж пайми, шумпотыса учкылй. Огкадесь будэтон понна мон котькудзэ вож майыгме чышки но, соос абдрамон пушйизы.

Азбаре котырак ог кызь вить ярд пасьта вал ке но, майыгъ-

ёсысь пормем писпуослэн улвайёссы быдэс азбарез жоген шобыртйзы, пось нуналэ отчы сайулскыны луылиз. Сое чакласа, мон нош ик коня ке дасо сыче ик майыгъёс кораны но соосты котырак вуж коркае котыртй чогъяны тодам лыктиз. Озьы ик лэсьти. Азьвыл кенерелэсь ог тямыс ярд кемысен кутскыса, писпуосты кык чур чогъяй. Соос улзизы но жоген мынам улэп кенере пормиз: со монэ нырысь ик шундылэсь сайялляз, собере мукетызлы но тужгес кулэ ужлы юрттиз.

ДАС ОДЙГЕТЙ ГЛАВА

Робинзон островзэ эскере

врос пол мон аслым корзинка керттыны выри, нош вань шедьтэм ньоръёсы чигылись луэмен мынам номыр но оз пормылы.

Пичи дыръям мон туж яратылй городамы улйсь корзинка кутась доры ветлыны но солэсь кызьы ужамээ учкыны. Табере со мыным туж яраз. Вань пиналъёс сямен ик, мон но котьмае адзись вал но мойыослы котьку ик юрттыны дась улй. Ас тодмоелэн, корзинка керттисьлэн, ужамез шоры учкыса пукылй, быгатэмея солы ачим но юрттылй. Пумен-пумен, со кадь ик, усто дыши корзинка керттыны. Тйни озьы али мынам корзинка кутаны материалэ гинэ ой вал на. Берло ини тодам лыхтиз: со кенер майыглы корам писпуосылэн ньоръёссы уз яралэ меда? Со писпуослэн вайёссы асьме бадьпулэн кадесь куасалляськисесь луыны кулэ кадь ук. Оскалтыны кариськи.

Чуказеяз их дачаям мынй, самой векчиоссэ бырйыса, коня ке вайёсты вандй. Соос корзинка керттыны туж яраноесь вылйллям. Тросгес ньор коран вылысь кыктэтияз мон тирен лыкти. Кема утчано оз луы: та выжы писпуос татын лачак будо. Корам

ньоръёсме азбарам пырти но вати.

Зорон вадес вуиз но, мон туж трос корзинка кутай. Соос мыным портэм кулэ ужъёсылы яразы: соосын сюй нуллй, портэм тйрлыкъёсме тырылй но мукет. Зэм, мынам корзинкаосы шакресэсь луизы, вольыт кареме ой лась, озьы ке но, ас интыязы яраллязы, мыным со гинэ кулэ вал.

Со дырысен мон чем гинэ корзина керттыли: вужъёсыз сориськылизы, выльёсыз кулэ луылизы. Мон котькычезэ лэсьтылй, пичизэ но бадзымзэ но. Тужгес ик муресь, юнэсь корзинкаос керттылй ю тысь возьыны; соосты мешокъёс интые кутыны дасяй. Зэм, мынам ю кидысэ али трос ой вал на, нош мон вуоно аръёсы трос ю тысь люканы малпалляй.

Мон верай вал ини вань островме котыртэме потэм сярысь, пичи шурозь, нёжалэ пуктэм тылысэ дорозь трос пол вуылэме сярысь.

Отысен островлэн мукет пал дураз потыны луэ, нош сое мынам адземе ой вал на. Пычалме, пичи тйрме, тросгес порох, дробь но пуля басьтй, шуге-леке шедемлэсь кык сухари но бадзым зуски изюм кутй но сюрес вылэ потй. Мон сьорам, котьку кадь ик, пуные бызе.

Тылысэ доры вуэм бере мон дугдылытэк азыпала, западэ, кошки. Ог жыны час мыныса, малпамтэ шорысь мореез адзи, нош мореысь кыче ке музъем адскиз на.

Нунал яркыт шундыё вал, музъемез мон сайкыт адзисько, нош материк-а, остров гинэ-а со — шонер ой вала. Со жужыт пачкес вырйыл западысен юге кыстйське но мынам островелы туж кыдёкын — чакламея, ог ньыльдон миля кемын, солэсь но кыдёкын овол ке.

Ма сыче со музъем — валаны ой быгаты. Одйгзэ гинэ юн тодйсько вал: музъем — Южной Америкалэн кыче ке люкетэз, дыр, но испанской владениос дорысен кыдёкын ик овол, дыр, со. Оло, со музъем вылын адями сиись дикарьёс уло но, мон отчы шедысал ке, улон югдуръёсы уката но уродгес луысалзы.

Та малпаменым мон туж ик шумпотй.

Иське, мон юнме каргаськем ас улонме. Со уката но секытгес луоно на вылэм. Иське, мон чик юнме асме курадзытйськем со сярысь жаляса, малы монэ сильтол, мукет азе вуттытэк, чапак татчы куштэм. Озьыен, мон тау кароно луисько озьы кылдэмлы, татчы вуыны шедемелы.

Озьы малпаса, дыртытэк азьлань мынйсько. Али ветлон интые, нырысьсэ интыяськеме сярысь, тужгес ик синмаськымон шуыса мон вамышелы быдэ шöдйсько. Котькытын вож кушъёс, туж чебересь сяськаос, шулдыресь арамаос, чебер кырзась тылобурдоос.

Татын попугайёс туж трос вылэм. Одйгзэ кутэме потйз: сое бордам дышетыны но вераськыны дышетыны малпай. Трос пол вырыса, одйг пинал попугаез кутэме луиз: бодыен солэсь бурдзэ сосыртй, лобземез оз луы ни. Шуккеменым уйжомем: мон сое сазьяй но палаткаям ваи. Берло ини мон сое ас нимме вераны дышетй.

Море дурозь вуыса, мон уката оски — улыны та островлэсь самой урод интызэ бырйиськем.

Ас палысьтым ар но жыны чоже куинь черепахаез гинэ кутй, нош татын вань вудур соосын тырмемын. Татын портэм

тылобурдоос сьод пилем кадь лобало. Кудзэ-огзэ соосты мынам адзылэме но ой вал. Куд-огезлэн сйльзы туж ческыт вылэм, нимъёссэс уг ке но тодйськы. Мыным тодмо тылобурдоос полын умойёсыз пингвинъёс вал.

Озьыен, нош ик верасько на, та ярдур мынамезлэсь котьма ласянь ик умойгес. Озьы ке но, татчы лыктыны одйг пичи но мылкыды ой вал. Ас палаткаям кык ар ёрос улыса, мон сокотыре дыши, нош татын мон асме мынйсь-ветлйсь куно выллем чакласько, маиз ке но татын мыным уг тырмы но гуртам бертэме потэ.

Ву дуре потыса, восток пала ог дас кык миля ортчи. Та интыез шедьтон понна музъеме жужыт майыг чогъялтй. Таберелыктыкум мон татчы мукет ласянь вуо шуыса чаклай но бертыны потй.

Мон мукет сюрестй бертыны малпай.

«Остров сокем бадзым ик öвöл, — малпай мон, — татын йыромыны уз луы. Маке луиз ке, вырйылэ тубо но вуж улон интыме адзо».

Нош мон янгышаськем. Ву дурысь кык-куинь миля кеме палэнскыса, мазэ-созэ валатэк паськыт нёжалэ васькиськем; котырак туж жокыт будйсь нюлэсо вырйылъёс та нёжалэз лачлач котыртйллям, соин ик кытчы вуэмме ой ик вала. Сюресме мон шундыя шедьтысал, но со понна шонерак тодыны кулэ, тавиын шунды кытын, ма шорын луэ. Нош соку, куинь-а, ньыль-а нунал чоже татй калгыкум, куазь пильмо вал, шунды чик но оз поталля. Бератаз ини мон берен море дуре, со майыг чогъялтэм интые потоно луи.

Отысен азьло сюрестим берти. Дыртытэк, чем шутэтскылыса мыни, малы ке шуод, куазь ортчыт пось вал, нош мон вылын трос секыт тирлыкъёс — пычал, зарадъёс, тир.

ДАС КЫКЕТЙ ГЛАВА

Робинзон пещераяз вуэ. — Солэн музъем ужамез

торт палам вуон азьын пуные кечез кышкатйз но кырмиз, нош кекатыны оз вуы: бызьыса мынй но сое талай. Мынам сое сьорам басьтэме потэ вал; мон кемалась малпай ини, кык кечпиосты кутыса, быдэс уллё будэтыны, соку порохе бырон дырлы мынам сйльы дась луысал.

Кечпилы чырты кал тупатй но гозы йылын валтй; гозы мон вуж канатъёсты сэрттэм кужысь пунылй, сое котьку ик кисыям нуллй. Кечпи. пыкиське ке но каллен мынэ. Дачае доры вуыса, сое мон азбарам кельтй, ачим азьлане мынй: юртам вуоно кады ик уг потйськы ни вал. Малы ке шуод, толэзьлэсь кема калти ини.

Вераме ик уг луы, макем шумпотыса вуи мон вуж коркам но выльысь выдй гамаке (валесэ) вылэ. Островетй та коня ке калгыкум выдон интые но вылымтэен туж жади но аслам коркае паймымон усто, лякыт потиз.



Ог арня чоже шутэтски но умойгес сиськыса улй. Мон та нуналъёсы туж кулэ уж котырын выри: Попкалы клетка лэсьтй. Попкае котырам чылкак дышиз но монэн туж эшласькиз.

Собере мынам тодам лыктиз дачаын пытсэтын улись кечпие. «Отысь вань турынэз сииз, дыр, ини, вань кельтэм вумеюиз, дыр, ини но табере сютэм кылле, дыр», — шуыса малпай. Со доры ветлоно вал. Дачае вуыса, мон сое азъвыл кельтэм интыысьтым ик шедьтй. Ма, марым, солэн кошкемез но ойлуысал ук. Со сионтэк кулиське вылэм. Мон матысь писпуюсысь куаро вайёсты чогыли но солы кенер сьоры куяй.

Сиськемез бере мон сое нош ик гозы йылын валтыса нуыны малпай, нош со сютэм улэменыз востэммем, гозы кулэ öз луы ни: пуны сямен, мон сьöры ачиз вамыштüз.

Сюрес вылын мон сое чем сюдылй. Тйни соин ик со, мукет мынам гурт животъёсы кадь ик, яратйсь, кылзйськись луиз, мон борды туж дышиз, котырысьтым одйг вамыш но оз кош-

кылы ни.

Декабрь вуиз, йыды но рис жужан вакыт. Кизем участоке бадзым ой вал, малы ке шуод, кос улэмен нырысетй арын вань потэм юэ быриз но тотькуд сорт кидысэ быдэн осьмушка бүшельлэсь трос оз кыльы ни.

Алияз юэ туж удалтйз, нош шумпотонэ юнме луиз, бусыям туж трос тушмонъёс ветлыны дышиллям. Соослэсь утялскыны ик луонтэм. Со тушмонъёс — нырысь ик, кечъёс, собере лудкеч шуон сьосьёсы. Рислэн но йыдылэн вож курооссы соослы ческыт потэм, шодске: соос бусыям уй но нунал кыллылйзы, юос шепасыкыны вуэмлэсь азыло ик вож курозэс юмылак сиыса быдтылйзы.

Та тушмонъёслы пумит амал одйг вал: быдэс бусыез кенеран. Мон озьы ик лэсьтй. Та уже туж секыт усиз, уката ик дыртыса выроно луэмен, малы ке шуод, сьосьёс ю-няньме тустас карыса быдтйсько вал. Ярам коть, бусые бадзым ик ой вал но кенерме куинь арняскын быдэстй.

Кенере умой пормиз. Сое быдэстытозям нуназе со тушмонъёсты ыбылыса кышкатъяй, нош уй азелы кенер борды пуныме думылй, со чукнаозь утылйз. Тйни ваньзэ озыы карыса, тушмонъёс мон доры оз вуылэ ни, юосы жог тысяны кутскизы.

Ю-няне шепаськем бере ик выль тушмонъёс кылдйзы: васямесь тылобурдоос вуизы но луд вадьсам поръязы, кошкеме бере ю вылэ лэзькыны чакласа. Мон соку ик соос шоры ыби (пычалтэк ноку но ой ветлылы). Ыбыкум ик луд вылысь мукет тылобурдо уллё жутскиз, сое мон азьвыл ой но адзылы.


Та монэ умой-умой шуэрскытйз.

«Тазьы ик коня ке нунал тарказы на ке,— зеч луэ, вань осконъёсы,— шуылй мон аслым ачим: — мынам нокыче кидысэ уз луы ни но, мон няньтэк кылё».

Ма кароно? Қызьы мозмоно та выль ишанлэсь? Номыр малпаны уг пормытиськы. Коть уй-нунал но котыраз пуконо мед луоз, ю-няньме утялтыны кариськи.

Нырысь ик, тылобурдоослэсь коня изъян лэсьтэмзэс тодон понна мон вань бусыме котыртй. Ю-няне трос ик изъянтэмын вылэм, нош удалтэмез кужмо вал бере, сомында ышемез чок но

¹ Бушель — пызь-кеньыр мертан английской мера, 36 литрлы чона.



Мон соосты жутй но мукетъёссэ кышкатон понна жужыт юбое оши.

шуыны луысал, кылемээ гинэ утялтыны мед быгатысал. Тылобурдоос матысь писпуосы ватскизы но кошкемме витё. Мон пычалме зарадай но бусыысь кошкем выллем вырэй. Лушкаськисьёс шумпотйзы но ю вылэ борсьысь-борсьысь васькыны кутскизы. Мынам туж воже потйз солы. Вань уллёлэсь васькемээ витьыны малпасько вал, но ой чида ни.

«Али изъянтэм котькуд тысь понна мон азьпалан, оло, бы-

дэс сукыри няньтэк кылёно луо», шуи мон аслым.

Кенер доры бызи но ыбылыны кутски; куинь тылобурдоос интыязы ик кылизы. Мон соосты жутй но мукетъёссэ кышкатон понна жужыт юбое оши. Озьы кареме паймымон юрттйз — малпаны ик уд быгаты, ява: бусыям одйг тылобурдо но оз пуксьылы ни. Та палась ваньзы ик лобзизы; котьма шуэ но, со куинь шойёс юбо йылын ошкыса улытозь мон одйгзэ но ой адзылы ни. Талы туж шумпотэмелы котькин оскоз, дыр.

Декабрьлэн пум палаз ю-няне вуиз но та арын кыкетизэ

ю тысь октй.

Мынам кусое но, сюрлое но ой вал. Трос малпаськыса, та уже паськыт шашкаез кутыны кариськи (сое мон мукет оружиен валче корабльысь ваем вал). Бен мынам юэ трос ик ой вал, сое октыны-калтыны секыт ой усьысал. Октон-калтонэз но мон ас сяменым быдэстй: шепъёссэ гинэ вандылй но бадзым корзинкаеным нуллй. Ваньзэ октэме бере шепъёссэ киыным посй. Осьмушка бушель тыр кидыслэсь кык бушель ёрос рис шедьтй но сомында ик кидыслэсь кык но жыны бушельлэсь тросгес йыды (мынам мертэтэ ой вал но, чакласа гинэ верасько).

Ю-нянелэн таче удалтэмез монэ бурдъяськытиз. Табере мон оскыны быгатисько ини азыланын нянь запасэ луонлы. Нош соин валче мон азе выль шуг-секытъёс кылдизы. Кызыы тысез вукотэк изоно? Кызыы пызез пужноно? Кызыы нянь нырконо? Кызыы нянь пыжоно? Номырзэ ик тае мынам лэсьтэме углуы. Сыче ёрмонэ шедеменым мон вань юме кидыслы кельтыны кариськи, нош вуоноез кизён вакыт кутскытозь та ёрмон югдурысь потон амал утчаны, мукет сямен вераса, ю тысез няньлы

пормытон амал шедьтыны.

ДАС КУИНЕТИ ГЛАВА

Робинзон посуда лэсьтэ

Зорыку, юртысьтым потаны луымтэ нуналъёсы, уж висъёсын мон попугайме вераськыны дышетй. Со мыным туж тумошо потылиз.

Кöня ке урокъёс бере со аслэсьтыз нимзэ тодйз ини, нош собере, жог ке но öз, сое юн но валамон вераны дышиз.

Нырысьсэ мон татын муртлэсь верам кылзэ кылй —

«Попка».

Попкаеным мон ужан нялтэ гинэ вераськылй. Соку мон туж кулэ уж бордын выри — гордсюй посуда лэсьтон амалъёс утчан бордын йырме тйяй, нош номыр пишмытыны ой быгатылы: ярамон гордсюй ой вал.

«Гордсюй гинэ шедьтоно, — малпай мон, — горшок-а, тусь-



ты выллем кыче ке посуда-а лэсьтыны секыт ой луысал. Зэм, горшокез но, тусьтыез но кыдатыны кулэ, нош мон пось шаерын улисько ук, татын шундылэн посез котькыче гурлэсь но зырдыт. Котьма ке но, посудае, шунды шорын куасьмыса, тырмыт юнмалоз. Сое киын жутылыны луоз, отын тысь, пызь но ваньзэ кос продуктъёсты возьыны луоз».

Соин ик шуи: ярамон гордсюй шедьтй ке, тысь возьыны коня ке бадзым кувшин лэсьто. Пораны луымон сюй посуда ся-

рысь мон али ой но малпалля на.

Лыдзисе одно ик жалясал, оло нош серекъясал но монэ, солы верасал ке, кызьы мон быгатытэк та уж борды кутски, мынам киулам кыче йонтэмесь, сумбресэсь, икыр-кукыресь арбериос пормылизы, коня мынам лэсьтэмъёсы шер-вай кошкылизы гордсюез небыт ныркеменым но ас секытсэ вормыны быгатымтэеныз. Куд-ог горшокъёсы пось шунды шоры пуктылыны

дыртэменым пилиськылизы, мукетъёсыз куасьмемзылэсь азывыл

ик, нырысьсэ йотскылыкум ик пырдылизы.

Кык толэзь чоже ялан мыкырскыса ужай. Трос кужыме быриз умой гордсюй утчанэ, сое копанэ, гуртам вайылонэ, нырконэ. Туж кема вырыса, мон кык шотэмесь сюй посудаос пормытй, соосты кувшин шуыны оз луы на.

Озьы ке но, соос туж кулэ арбериос луизы. Горшокъёсы шунды шорын умой чурытомем бере мон лачмытак соосты жутьяй но юри соослы керттэм корзинкаосы пуктылй. Корзинкаос но посудаос вискысь буш интыосы мон рис но йыды куро тыри. Та нырысетй горшокъёсме ю тысь возьыны тупати. Нюркот продукт возьыса, соос супырзозы шуыса кышкай. Бератаз ини, юме изыны амал шедьтй ке, отын пызь возьыны умой луоз.

Гордсюез бадзым посуда лэсьтэме оз удалты. Векчи посуда — пичиесь питырес горшокъес, тэркыос, пичи кунганъес, кружкаос, чашаос но мукет со выллемъёс — лэсьтэме умойгес пормылиз. Векчи посудаез лэсьтыны но капчигес, со сяна, соос шунды шорын огкадыгес кыдало но юнэсыгес луо.

Озьы ке но, тужгес кулэзэ ужме ой быдэсты на: мыным пораны луымон посуда кулэ, тыллы но со мед чидасал, ву но отысь медам зизасал. Нош та горшокъёсы сычеесь овол на.



Огнол пось эгыр вылын сйль пыжыны бадзым тылски. Сйльме пыжем бере эгыръёсме кысыны малпай но соос вискысь горшок юдэс шедьтй. Со горд луытозяз зырдам но из кадь чурытомем. Та шедьтэмелы мон шумпотымон пайми.

«Горшок юдэс тыл полын такем кыдам бере, тыл вылын

гордсюй посудаез но тазьы ик усто кыдатыны луоз ук»,— шуи мон аслым.

Тыллы но, вулы но сётскисьтэм гордсюй посуда лэсьтыны быгатэмелы оскеме бере таче пичи муген но сокем бадзым шумпотэмез дунне вылын одйг адями но оз адзылы кадь потнамыным.

Горшокъёсылэсь сйямзэс чидатэк вити, одйгаз ке но ву поныса, отын жоггес сйль позьтэме потэ вал. Горшокъёсы туж усто пормизы. Кеч сйлен аслым туж умой шыдлым позьтй. Ма мазэ веранэз, со полы кубиста но сугон юдысал на ке, отчы ик табань пызь шуккысал на ке, со уката умойгес луысал.

Табере мон малпаны кутски ю тысь изон сярысь, шонергес вераса, ю тысь нелькыны луымон из гыр лэсьтон сярысь. Вуко лэсьтон сярысь вераськонэз ик ой вал: одйг пар киослы та ужез быдэстыны луонтэм уга.

Нош гыр лэсьтыны сокем ик капчи ой вал: из коран ужын мон, мукет ужъёсын кадь ик, номыр валасьтэм вал, со сяна, мынам тйрлыкъёсы но ой вал. Гырлы ярамон юн, гыркйыны луымон бадзым из утчаса одйг нунал гинэ ой быдты, озьы но номыр ой шедьты.

Мынам островам бадзым изъёс вань, нош соос бордысьиз кусок куалгытыны нокызьы ой быгаты. Бен та пызырес луо из гыр лэсьтыны ой но ярасал, секыт туёнэн туйыку со одно ик пырдоз но пызь полы луо шедёз.

Тйни озьы, юнме утчаськонъёслы трос дырме быдтыса, из гыр лэсьтон малпанме куштй но пу гыр лэсьтыны кариськи: талы материал но шедьтыны капчигес вал.

Зэмзэ но, нюлэскысь мон туж юн но бадзым кыпыез син-йылтй, интыысьтыз мырдэм вырзытй. Мон сое тйрен лусйи, собере, гыркйыса но сутыса, гоп лэсьтй. Бразилиысь горд кысъем адямиос пыж лэсьтыкузы озьы ужало. Мазэ веранэз ини, та мыным туж секыт усиз.

Гырме озьы быдэстыса, корт писпу шуонысь мон талы туён тупатй. Гырез но, туёнэз но вуоно аран дырозь азелы ватй. Соку, чакламея, мынам ю тысе тырмыт люкаськыны кулэ но солэсь коня ке люкетсэ пызьлы висъяно луоз.

Табере малпаны кулэ ини, пызь дасяме бере кызьы няньме:

котыны, ныркыны.

Нырысь ик мынам маялэ ой вал; марым, та шуг ужез лэсьтэме нокызьы ик ой луысал, соин ик мон маял сярысь ой сюлмаськы ни. Нош кызьы пыжод гуртэк? Со зэмээ ик йыртиян луиз. Озьы ке но, мон сое воштыны амал шедьтй.

Тэркы выллем туж паськытэсь но лазегесь коня ке посудаюс лэсьти но соосты тылын кыдати. Мон соосты араны кут-

скемлэсь далай азьло дасяй но кладовое ватй. Музъем вылын азьвыл ик тылыскон интые дасямын вал. Со — аслам ик зеч-зеч кыдатыса лэсьтэм кирпичъёсылэсь чошкыт квадратной (шоне-

рак вераса, квадратной ик овол) площадка.

Нянь пыжон дыр вуэм бере мон та площадка вылэ бадзым тылски. Пуэ жуаса бырем бере мон вань эгырзэ пасьтана волди но кирпичъёс гордэктымон зырдатозь коня ке озьы вози. Соку мон вань эгырзэ палэнъяй но кирпичъёс вылэ няньёсме тыри. Собере азьло дасям сюй блюдоме соос вылэ кымай, нош блюдо вылэ жу тыри.

Ма шуоды? Няньёсы пыжизы, самой умой гурын кадь.

Макем умой потыса оскалти мон выль пыжем няньме. Улытозям но таче ческыт сионэз ой сиылы на кадь.

Оглом вераса, мон жоген туж умой пыжись-порасьлы порми; огшоры нянь пыжонэз веранэз ик овол ни, мон рисысь пудинг но табань пыжыны дыши. Кутэм няньёс гинэ ой пыжылы,— кеч но тылобурдо сйлен сяна, кутыны номырин вал.

Островам куинетй арзэ улонэ быдэсак та ужъёс бордын

вырыса ортчиз.

ДАС НЬЫЛЕТИ ГЛАВА

Робинзон пыж лэсьтэ но аслыз выль костюм вуре

верло дыре мон ялан со музъем сярысь малпай, кудзэ адзылй островелэн мукет ярдурысеныз. Сюлмам ялан жалямысь ой дугдылы, малы гинэ мон сопал ярдуре улыны ой пуксьы; со музъемез адзыса улоно луысал ке, отчы вутскыны мон кызыы ке но амал шедьтысал кадь потылиз. Бен отчы вутскысал ке, оло, эрике но мозмыны бытатысал.

Тüни ку мон уно пол тодам выйылü пичи Ксури тодмоме но урдэсказ парусэн кузь пыжме, соин африканской ярдуръёс валлин сюрс милялэсь трос ортчиськиз ук. Нош мар пайдаез на

со тодэваёнлэн?

Корабельной шлюпкаез учкыны малпай. Тйни со лек сильтол дыръя корабльмы куашказ уга, соку со шлюпка мынам улон интыысеным ог коня ке миля кеме сэрпалскем вал. Шлюпкамы со сэрпалскем интыязгес ик кылле. Кужмо тулкым сое кымам но ожытак вылэгес, луо шуккем вылэ пуктэм; со кос интыын кылле, котыраз вуэз овол.

Та шлюпкаез тупатыны но ву вылэ лэзьыны быгатысал ке, нимысьтыз трос курадзытэк мынам Бразилие вуэме луысал. Нош сыче ужлы кык ки гинэ уг тырмы. Валамон ини, та шлюпкаез интыысьтыз вырзытыны мыным сыче ик вормонтэм уж луэ, ма-

кем вормонтэм уж луэ островме интыысьтыз вырзытон. Озьы ке но, оскалтыны кариськи; нюлэскы мынй, зыр карыны зöк пучъёс корай, пуклёосты кык каток лэсьтй но ваньзэ сое шлюпка доры вуттй.

«Сое пыдэс вылаз гинэ берыктыны мед быгатысал,— шуылй мон ас поннам,— тупатонэз секыт уз луы ни. Туж усто пыж пормоз, соин море вылэ кышкатэк потыны луоз».

Та пайдатэм ужлы мон кужымме чик ой жаля.

Та котырын ог куинь-ньыль арня выри. Со гинэ ма: такем бадзым тйрлыкез мынам лябыт кужыменым вырзытыны уз луы шуыса валаме бере мон выль амал шедьтй. Мон оглал дурысьтыз луоез копаны кутски, талэн пуксем шорыз вошкоз но со ачиз пыдэс вылаз пуксёз маллай; соин чош ик мон со улэ пу писъёс тырылй сое аслым кулэ луон пала пуксытон понна.

Шлюпка зэм ик пыдэс вылаз пуксиз, нош ужме быдэстонэлы мон одйг но матэ ой вуы: мынам сое ву вылэ вуттэме соку но оз луы на. Со улэ зыр но донгеме уг луы ни, бератаз ас кутскемелэсь куштйськоно луи. Нош озыы ке но, материке кошкыны вожомем мылкыды оз сйя. Та адземпотостэм ярдурысь кошкыны нокыче быгатонэ овол шуыса адзи ке но, океанэ потон мылкыды пичи но оз лябомы, очкарем кадь уката юн будйз.

Берло ини тодам лыктиз: ачим кыче ке но пыж лэсьтыса оскалтоно шат.

«Пыж лэсьтыны,— чаклай мон,— нохыче ик тирлыкъёс кулэ овол, малы ке шуод, со быдэс корез гыркиыса лэсьтиське; таче ужез огназ муртлэн но быдэстэмез луоз».

Верано ке, пыж лэсьтон мыным самой капчи уж кадь потизно со сярысь каньыл мылкыдын малпалляй. Та ужез быдэстыны мыным, дикарьёслы сярысь, капчигес но луоз кадь потиз.

Дась луэм бераз пыжме ву вылэ кызьы лэзён сярысь моной ик малпалля, нош учконо ке, та уж тйрлык тырмымтэлэсь но секытгес вылэм.

Куке но татысь кошконэ сярысь малпаськонэ йырысьтым оз кошкылы ни. Нош ачим туж сайкыт валасько: пыжез мореети ньыльдон вить миля кеме нуыны капчигес, ву доры ньыльдон вить ярд кеме гыж кыскыса нуыны секытгес луоз.

Вакчияк вераса, пыжен луэм ужын мон сыче визьтэм кадьвыри, кызьы гинэ луоз визьтэм кариськемез тырмыт визьмомуртлэн.

Быдэсак аслам малпаськонэлы сётйськеменым лыдъяны но ой сюлмаськы ни, тырмоз-а мынам кужыме тае быдэстыны.

Пыжез ву вылэ лэзён сярысь малпан мынам йырам чылках оз но вуылы шуыны уг луы,— вуылйз со, нош мон солы маза ой сётылы, котьку ик таче юмал малпанэн выйтылй: «Нырысьик пыж лэсьтом-ай, отйяз ини малпалом, кызьы сое ву вылэ лэзьыны. Одно ик кыче ке но амал шедьто!»

Мазэ веранэз, ваньмыз со тумошогес вал! Нош зырдам мылкыды вань чакласьконлэсь кужмогес луиз но, мон кема малпаськытэк тйр борды кутски. Мон ортчыт бадзым кедрапуэз погыртй, солэн дйньыз выжы дортйз вить фут но дас дюйм зöкта вал, нош йылыз, кызь кык фут кемын,— ньыль фут но дас одйг дюйм; собере та писпу пумен векчиоме но йылыз улваесь луэ.

Малпаны гинэ кулэ, кöня кужым кулэ луиз та зöкта пислуэз погыртыны!

Я огласянь, я мукет ласянь коралляса, мон сое кызь нунал чоже погыртыны выри, со сяна, улвайёссэ кораны но бадзым, лабрес йылзэ чогыны дас ньыль нунал кулэ луиз на. Быдэс толэзь чоже мон та корме педласянь лусйи, пыдэсаз килы выллем пормытыны выри, кильтэк пыжлэн ву вылын шонер пукемез ой луысал ук. Куинь толэзь чоже пушсэ гыркйи. Таяз мон тылтэк но быгатй: вань та бадзым но жегыт ужез ожонэн но молотэн быдэстй. Берпумаз ини паймымон усто пыж пормиз, туж бадзым, номырзэ шодытэк кызь вить муртэ жутыны вормымон, озьы бере, монэ но вань котырыным валче вормымон.

Шумпотонэн пачылмыса учки мон аслам лэсьтэм пыже шоры: улытозям но быдэс одйг писпулэсь гыркъем таче бадзым пыжез ой адзылы на вал. Со понна дуно ик усиз со мыным! Жадеменым катьтэммыса, коня пол меда чогыли та писпуэз!

Котьма ке но, ужлэн жыныез быдэстэмын. Пыжез ву вылэ лэзён гинэ кылиз на. Сое быдэстыны быгатысал ке, та музъем шар вылын куке но кутскылэм вань морской ветлылонъёс полысь самой тыштэм-дуртэмез, самой дйсьтытэз мынам малпам ветлонэ луысал.

Нош ву вылэ лэзьыны вань выремъёсы юнме быризы: пыже ас интыяз ик кылиз!

Пыж лэсьтэм нюлэскысен ву дорозь сю ярдлэсь нокызьы но кыдёкын ой вал. Нош нюлэс нёжалын сылэ, ярдур палан вырйыл, мей яр. Та нырысетйез могзет луиз. Нош мон сэзь кутски сое палэнтыны: нюлэскысен ву дурозь нялмыт васькон пормытон понна вань мултэс музъемзэ палэнэ мычоно вал. Коня кужымме быдтй мон та ужлы—малпаны ик кышкыт, нош эрике потыны тыршыку кужымез жаляськод на-а ма!

Озьыен, нырысетй могзетэз палэнтй: пыжлы сюрес дась. Нош со номырлы но оз юртты: коня курадзи-туртски, пыжме

¹ Киль — лыжлэсь пурт дур кадь лусъем мышпал пыдэссэ озьы шуо



Берпумаз ини паймымон устэ пыж пормыти.

интыысьтыз вырзытыны ой быгаты, талэсь азьлогес корабель-

ной шлюпкаме вырзытэме луымтэ кадь ик.

Соку мон море но пыж вискысь кусыпез мертай но канава гудыны кариськи: пыжез ву дуре вуттыны ке уг луы, вуэз пыж доры вуттоно. Гудыны кутскем вал ини но, луоно каналэлэсь мурдалазэ но пасьталазэ йырвизьмам чаклам бере, та ужез огназ мурт кöня лэсьтыны выроз шуыса лыдъям бере тодмо луиз — сое быдэстыны мыным öжытсэ дас-дас кык ар кулэ луоз.

Ма бен карод, куштйськи та бордысь.

Мон вань лулыным-сюлмыным жожоми но соку гинэ тодам лыктйз, макем йöнтэм луэ уж борды озьы дырез но кужым тырмонэз но лыдъятэк шуак гинэ кутскем уж!

Та пайдатэм уже бордын вырыкум островын улэмелы ньыль ар тырмиз.

Корабльысь ваем тросэз тйрлыкъёсы но дйськутэ я чылкак номырлы ярантэм луизы, я бырон калэ вуизы, нош корабльысь октэм сион-юонъёсы быро вал ини.

Чернилае борсьы ик мынам вань нянь (сухари) запасэ быриз. Быгатэмея мон сое туж шыръяны выри. Берло ар но жыны чоже мон нуналаз одйг сухарилэсь трос сиыны ой дйсьтылы. Озьы ке но, бусыысьтым люкам ю тысьме сионлы мылетыны кутскытозь ар ёрос одйг пыры но няньтэк пуки.

Дйськутэ та дырлы посьтыса быриз. Мынам кечат пужыё дэремъёсы (ог куинь дюжина ёрос) гинэ вал на, соосты мон матросъёслэн шыкысъёсысьтызы шедьтэм вал. Соосты мон тужгес жикыт утялтылй; островам чем дыръя туж пось луылйз, дэрем полэс гинэ ветлылй. Уг тодйськы, ма гинэ карысал мон со дэрем запастэк.

Ма веранээ, таче пось интыын мынам гольык но ветлэме луысал. Нош вылтырам маке но дйсямын дыръя мон шунды посьлы умойгес чидалляй. Тропической шундылэн сутйсь тылсиосыз вылкуме пульдымон сутылйзы, нош дэреме сое шундылэсь сайултылйз. Со сяна, вылтыры но дэреме вискын омырлэн ветлэмез монэ сйятылйз. Озьы ик мон ноку но ой дышылы шунды шорын гольык йыр ветлыны; котьку ик, ызьытэк потаме бере, йыры висьыны кутскылйз.

Вань кылем дйськутме туж жикыт нуллоно луиз.

Нырысь ик мыным куртка кулэ вал, азьвылъёссэ ваньзэ ик нуллыса быдтй. Соин ик мон матросъёслэсь тэк кыллись бушлатъёссэс курткаослы тупатыны кариськи. Таче бушлатъёсын матросъёс тол уйёсы возьмаськыса сыло. Мон вуриськыны кутски, шонергес вераса, вандылыны но венен кунгыръяны



Мон вуриськыны кутски.

кутски, малы ке шуод, зэмээ вераса, мон шузи-мазигес вуриськись вал.

Котьма мед луоз но, мон озьы но тазьы кык-а, куинь-а куртка пормыти, лыдъямея соос мыным кемалы тырмозы. Штань вурыны нырысь кутскылэмме веранэз ик овол, малы ке шуод, со уже мынам возьытэ вуымон оз удалты.

Собере жоген ик мон дисяськыны выль амал шедьти но со

дырысен диськутлы ёрмытэк улй.

Уж сыче вал. Вань виылэм пойшуръёслэсь куоссэс мон утялтыли. Котькудзэ куэз, пучъёс вылэ золтыса, шунды шорын куасьтыли. Нырысь-валысь гинэ валамтэеным шунды шорын кемагес возьыли, соин ик нырысьёсыз куосы туж чурытэсь луизы, малы ке ярасалзы на меда. Со понна мукетъёсыз туж умоесь вал. Тини соосты ик мон мыддоринтыса аслым бадзым ызыы вури. Гоно ызыые туж умой удалтиз но со материалысь ик быдэс костюм (куртка но штань) аслым вурыны кариськи. Штаньме мон вури вакчи гинэ, пыдесозям, туж волмыт кари; курткаме но паськыттес кари — соиз но, таиз но мыным нырысь ик посьлэсь утялскон понна кулэ вал ук.

Вандэмез но вуремез, шонерзэ верано луэ, номырлы но оз яралэ; плотник мон ушъямон ой вал, нош вуриськись уката ик. Котьма ке но, мынам вурем дйськутэ мыным туж яраз, тужгес ик зорыку коркась поталлян дыръя: вань зор ву кузь гон кузя васьхылйз но, мон чылкак кос кыльылй.

Куртка но штань вуреме бере мон аслым зонтик пормытыны малпай.

Мон адзылй, кызьы сое Бразилиын лэсьтыло. Отын посен йырин нокин но зонтиктэк уг ветлы, нош мынам островам одйг но юзгес ой вал, бен оло посьгес но, малы ке шуод, со экваторлы матынгес. Посьлэсь ватскеме уг луы, тросгес дырме педлон ортчытьяй. Ёрмеменым котькыче куазен потано луэ, нош куддыръя шунды шорын но, зор ултй но кема ветлылоно. Огкылын вераса, зонтик мыным чидантэм кулэ луиз.

Зонтиклы тупась маке лэсьтытозь трос курадзи, трос дыр ортчиз. Пормыти кадь ини потэ, нош учконо ке, номырлы ярантэм тирлык порме, кык-куинь пол озыы выри. Вырыса, вырыса мон пормыти но умоёс зонтик лэсьти. Усьяськись но ворсаськись лэсьтэме потэ вал мынам, отын ик вал бадзым шугез. Бен, вырзылисьтэм лэсьтыны сое туж капчи вал, нош соку сое ялан волъямен нуллоно луысал, озыы каньыл ой луысал. Верай уга ини, мон со секытэз ворми, зонтике усьяське-ворсаське. Мон сое гоно кечкуосын золти: зор ву гон кузя нялмыт липетэти кадь ваське, самой пось шунды тылсиос но со пыр потыны уг быгато.

Та зонтикен мон нохыче зорлэсь но ой кышкалля, самой пось куазен но посьлэсь ой курадзылы, нош кулэ луымтэез дыръя сое пытсалляй но кунулам нуллй.

Озьы мон островам гань-гань, номырлы ёрмытэк улй.

ДАС ВИТЕТИ ГЛАВА

Робинзон мукетсэ пичигес пыж лэсьтэ, соин остров возтй котырскыны оскалтэ

шшо вить ар ортчиз, макем тодам лыктэ, со куспын нокыче ик бадзым событиос оз луэ.

Улонэ азывыл сямен ик мынэ — чалмыт, огсыр; мон вуж интыям ик улйсыко, азывыл сямен ик ужасыко но нюлэсканы ветлйсыко.

Мынам октэм-калтэм няне табере быдэс арлы тырме ини, виноградэ тырмыт. Соин ик нюлэскын но бусыын мон азьло сярысь но трос ужай.

Котьмалэсь трос ужай выль пыж лэсьтон бордын. Табере мон пыж лэсьтэм гинэ öвöл, сое ву вылэ но лэзи: жыны милялэсь вакчигес канал кырыса, мон сое со сюбег каналэтй пичи бухтае поттй.

Нырысетйзэ пыжме мон, лыдзисе тодэ ини, туж бадзым лэсьтй, сое интыяз ик кельтоно луи, ас йонтэмелы памятник выллем. Со мыным ялан тодам уськытьяз, азыланын визьмогес луыны кулэ шуыса.

Нош табере мон валасагес выри. Зэм, мон али но пыжме ву дорысен ог жыны миля кемын лэсьтй, малы ке шуод, матысьгес умой писпу ой шедьты. Нош табере мон пыжме ву вылэ лэзьыны быгатонэлы оскыса тырши. Мон адзи, алиез мынам кутскем уже кужымелэсь вылтй овол, соин ик мон сое пумаз вуттыны кариськи. Кык ар ёрос выри пыж лэсьтон котырам. Та ужелы кужымме ой жаля, малы ке шуод, мынам море вылтй уяме туж потэ вал.

Верано луэ, мон та выль пыжме островысь пегзыны ой лэсьты. Со малпанэн мыным кемалась люкиськоно луиз. Пыже пичи, острове дорысен материкозь ньыльдон-а, тросгес-а миляез уяса выжыны малпанэз ик овол.

Табере мынам выльыз пичигес планэ кылдйз — остров котыртй котырскон гинэ. Огпал ярдураз мон огпол вуылй ини но, со ветлэмам тодэмъёсы-адземъёсы монэ сокем лопкытизы—соку ик вань ярдурез эскереме потыны кутскиз.

Тани али, пыже вань дыръя, островез мореети котыртыны

малпай. Сюрес вылэ потэмлэсь азьвыл мон зеч дасяськи. Пыжелы туж пичи мачта лэсьтй но парусина мылесъёсысь сыче

нк туж пичи парус вури.

Пыже дась луэм бере мон солэсь мынонзэ оскалти но парусэн со туж усто мынэ шуыса оски. Соку мон бераз но ныраз пичигес ящикъёс пуктыли, отчы сион-юон, зарадъёс но сюрес вылэ басьтоно котырме тырыны малпай. Пычалме возьыны пыж пыдэсам сюбег гинэ жолоб кыри. Собере зонтикме пыж берам возъяй: вужерез йыр вадьсам мед усёз но монэ шундылэсь мед сайялоз.



6 ноябре мон сюрес вылэ потй.

Чакламе сярысь, мон далай кема ветли. Уж тазьы луиз. Острове ачиз бадзым ик овол ке но, восток пала учкись ярдурез пала кожеме бере мон азе малпамтэ шорысь могзет султиз. Та интыын ярдурысен скалаос сюбег убоен кыстисько; куд-огез скалаос ву улэ шедемын, мукетъёсыз ву вылын чогыр сыло, та сюбег убо ог куать миля кеме пыдло, морее, кыстиське, нош озёлынгес, скалаос сьорын, ог миляен жыныен кеме луо шуккем кыстиське на. Озьыен, соосты котыртон понна ярдурысен туж кыдёке кошконо луиз. Та туж кышкыт вал.

Нырысь мон берытскыны но малпалляй, малы ке шуод, ву улысь скала убоез котыртон понна море шоры макем кыдёке мыноно луонэз мынам пыр-поч тодэме оз луы; дйсьтытскыны кышкасько. Со сяна, мон уг тодйськы, берытскеме луоз на-а. Соин ик мон якорьме лэзи (сюрес вылэ потон азям кораблысь

шедьтэм корт кунгроме якорь выллем лэсьтыса дасяй), пычалме кутй но мувыре потй. Матысь ик жужыт пичи гурезез адзыса, мон со йылэ туби, татысен скалаослэн кыстйськись убозылэсь кузьдалазэ учкыса гинэ мертай но сое котыртыны кариськи.

Со скала убо доры ой но вуы, ортчыт кышкыт мур интые кемди но соку ик морелэн кужмо кошкись визылаз шеди. Вуко арыкын кадь монэ бергатыны кутскиз, кутиз но нуиз. Ярдуре кожыны яке татысь палэнскыны малпанэз ик ой вал ни. Ма гинэ карыны быгати на мон? Визыллэн дуразгес возькыны но шораз шедемлэсь утялскыны выри.

Со куспын монэ ялан кыдёке нуэ. Лябытгес ке но тол луысал ке, парусме возъяны быгатысал, нош море вылын чылкак чалмыт вал. Мон полысэным вань кужмысьтым ужасько, нош визылэз вормыны ут быгатйськы но улонэным люкисьжисько кадь ини. Мон тодйсько, таиз монэ пыдло нуись визыл коня ке миля кемысен мукетыныз островез котырскыса кошкись визылэн ваче вуозы но, солэсь азьло палэнскыны ой ке быгаты, мон одно быро. Нош палэнскыны быгатонме чик уг адзиськы.

Мозмонэ ой вал: монэ тыпак бырон вите — море тулкымъёсын овол (море чалмыт вал), нош кышкыт, сютэм кулон вите. Зэм но, ярдурысь мон мырдэм вормымон бадзым черепахаез шедьтй но сое сьорам пыже басьтй, мынам озыы ик тырмымон шогвуэ но вал — гордсюй кувшинъёсы полысь мон самой бадзымаз ву басьтй. Нош пумтэм-йылтэм охеанэ ышем шудтэм ветлисьлы, музъем тусэз но адзытэк сюрс миляос ортчыны луоно ветлисьлы со гинэ ма гинэ?

Шимес, мозмыт острове сярысь табере мон рай сярысь кадь тодам вайылії но малпанэ одйг гинэ на — со раям берытекон. Мон со пала киосме жутыса учкылй.

— О, шуд сётйсь пустыняе! — шуылй мон. — Мон тонэ ноку но уг адзылы ини. О, ма монэн луоз? Кытчы нуо монэ жалянэз валасьтэм тулкымъёс? Та чебер но монэ утялтйсь островме каргаса, огнам улонэ сярысь зульыса макем мон тау карыны валасьтэм вылйськем!

Озьы, табере острове мыным дуно но мусо потыны кутскиз. Сое нош ик адзыны осконэным пыраклы люкиськисько ини шуыса малпаны туж секыт луиз.

Монэ пумтэм-йылтэм ву вылэ нуэ. Нош мынам шуэктэме туж бадзым ке но, мон куаляк усьыны ой сётскы но чик дугдылытэк полсаны выри, визылэз вамен выжон вылысь но рифъёсты котыртон вылысь пыжме север пала шонертыны вырисько.

Шодтэк шорысь нуназе пал капчи тол жутскиз. Та монэ сэзёмытиз. Нош син азяды пуктэ-ай мынэсьтым шумпотэмме:

лябыт тол жог кужмояны кутскиз но жыны часкын зеч юн толлы:

пормиз ук!

Соку азе монэ кыдёке вуттйз острове дорысь. Жутскы вал со дыре бус — мынам быронэ ик со луысал! Компасэсь сь брам ой вал, островме син шорысьтым ыштысал но кудпаламыныны мон ой валасал ни. Нош мынам шудэ вылэм на: соку нунал шундыё вал но, бус луон оз шодскылы.

Мачтаме пукти, парусме жути но севере шонерски, визы-

лысь потыны тыршыса.

Пыже, тöлъя берытскыса, визыллы пумит кошкыны кутскиз но, мон воштйськемез шöдй: ву шöдымон чылкытгес луиз. Мон валай, визыл кыче ке но маке лябомыны кутске, малы ке шуод, азывыл жог кошкыкуз ву ялан ик пож вал. Зэмзэ ик, бур палысьтым, востохысь, соку ик адзи кöня ке утёсъёсты (котыразы жальыртйсь тулкымъёслэн тöдыы шукызыя соосты кыдёкысен тодманы луэ вал). Тйни со утёсъёс ик, сюрессэ пытсаса, визылэз калленато вылэм.

Жоген мон валай. Соос, визылэз калленатэм гинэ öвöл, сое кыклы люхыса лэзё вылэм: одйгез, главноез, öжытак гинэ юг пала палэнске, утёсъёсты паллянэ кельтыса, нош мукетыз чутрак берлань берытске но северо-западэ кошке.

Эшафот вылын сылон дыръя помилование басьтыку яке чыртые пурт донгонзы азьын разбойникъёслэсь мозмыку кыче луонэз асьсэос тодэм муртъёс гинэ валалозы тае тодэме дыръя мынэсьтым ортчыт шумпотэмме.

Сюлэме шумпотонэн пачылмиз, пыжме берлань кошкисьвизылэ шонертй, парусъёсме кужмогес луэм толья возъяй но

шулдырен берлань кошки.

Жытазе вить час ёрсын мон ярдуре вуи но, умой инты синйылтыса, мувыре доры мынй. Пыдъёсы музъем вылэ лёгиськем

бере шумпотэмме нокыче кылын но уд вера!

Макем мусо потйз чебер островелэн котькуд пичи писпуэз! Толон гинэ сюлмам мозмон ваись та вырйылъёс но нёжалъёс шоры мон пось мусоян мылкыдын учкисько. Кыче шумпотй мон, нош ик адзо шуыса бусьюсме, арамаосме, пещераме; осконо пуныме, кечъёсме! Кыче чебер потйз мыным море дурысь тылысэ дорозь сюресэ!

Нюлэс дачаям вуыкум жытмиз ни. Мон кенер вамен выжи,.

сайулэ выдй но, туж зол жадемме шодыса, жог умме уси.

Нош кинлэн ке куараез сайкатэмлы макем мон пайми! Бен, со адями куара вал! Татын, островын, адями вылэм но, со уй-шор уин зол-зол кеськиз:

— Робин, Робин, Робин Крузо! Куанер Робин Крузо!.

¹ Эшафот — казнить карон инты.



"Куанер Робин Крузо! Кытын тон вал?"

Кытчы тон шедем, Робин Крузо? Кытчы тон шедем? Кытын тон вал?

Туж кема полысаса жадеменым мон сокем туж юн кöлü, огпумысь сайканы но öй быгаты, со вазьылэмез уйвöтам кылйсько кожай.

Нош черекъям куара вуёмымон кылиське:

— Робин Крузо, Робин Крузо!

Берлогес сайкай но кытын вылэмме валай. Нырысь ик мон туж юн кышкай. Кучермем синмыным котыр учкыса, чатрак йырме урдй но — кенер вылысь аслэсьтым попугайме адзи.

Мазэ веранэз, тйни со ик мон шоры вазьылэ, чапак со кылъёсты ик пычкылэ, мае мон солы таче ик жальмыт куараен чем гинэ вералляй. Туж умой вераны дышем мынэсьтым со кылъёсме. Пуксёз вал со чиньы вылам, йырыныз ымнырам йотскоз но мозмыт зулёз: «Куанер Робин Крузо! Кытын тон вал но кытчы шедид?»

Нош со попугай шуыса оски ке но, татчы попугайлы сяна, нокинлы вуыны шуыса оски ке но, мон кема буйгатсхыны ой быгаты.

Мон чылкак ой вала, кызьы со вуиз та дачаям, собере, малы со лобзем чапак татчы, нош мукет интые овол.

Та мынам осконо Попкае шуыса туж юн оски вал бере ини, сыче малпанъёсын йырме тйятэк мон со шоры нимыныз вази но солы киме мычи. Адямиез яратйсь тылобурдо соку ик чиньы вылам пуксиз но выльысь вазьылйз:

— Куанер Робин Крузо! Кытчы тон шедид?

Монэ выльысь адземеныз со шумпотйз кадь. Верапэз нк овол ни, татысь кошкыкум сое пельпумам пуктй но сьорам нуи.

Морской экспедициын дыръя бадзым кышкытэ шедьылэме мореетй уян мылкыдме кемалы кысйз. Со адзем кышкытэ сярысь трос нуналъёс чоже малпалляй.

Мазэ веранэз, мынам пыже островлэн тапал дураз, юртэлы матынгес, луоно ке, умой луысал, нош сое кельтэм интыысьтым кызьы татйе вуттыны? Островме восток ласянь котыртыны мон ой вырысал ни: со сярысь малпаса гинэ но мынам сюлмы икак луэ но вирсэръёсам виры кынме. Островлэн запад пал дуръёсыз мыным чылкак тодмотэмесь. Нош мар: сопал дуртйз но визыл тапал дуртйз кадь ик кужмо но жог кошке ке? Соку со монэ вуысь изъёс шоры сокем ик зол сэрпалтоз, макем зол нуиз мукетыз визыл море шоры ик.

Огкылын вераса, та пыжме лэсьтон но ву вылэ лэзён мыным туж секыт йöтйз ке но, соин сэрен йырез быдтытозь, эсьмаса, пыжтэк кылёд, шуи мон.

Табере мон вань аслым кулэ луись киужъёслы усто луи.

Нырысь-валысь мон тüрен ужаны чик уг быгатüськы вал, табере мон умой плотник радын луыны быгатысал ини, тужгес ик ичи инструментэз лыдэ басьтоно ке.

Горшок лэсьтон ужын но (малпамтэ шорысь!) мон трослы азински: бергась круго станок лэсьтй, соин тйни мынам уже жоггес но умойгес кошкиз; сумбресэсь, учконтэмесь арбериос интые табере мынам мынчырес, учкымон посуда пормыны кутскиз.

Нош мон чильым лэсьтыны пормытэм нуналам кадь, оло, ноку но сокем ой шумпоты но ой данъяськы. Ма веранэз, чильыме мынам самой вашкала тусо вал — огшоры гинэ кыдатэм гордсой, вань мукет сой посудае кадь ик, зэм, сои мынам матын но чебер оз луы. Озьы ке но, со тырмыт юн пормиз, чынэз умой кыскыны луиз, нош котьмалэсь ортчыт, со чильым вал ини. Бен тамак кыскыны пинал дырысенымгес ик дышеменым таче чильым лэсьтыны малпанэ быдэсмиз уга. Кораблямы чильымъёс вал ке но, островын тамак будэмез тодымтэеным мон соосты ой басьты.

Та пуналъёсы адзи порох запасэлэсь шодскымон синыны одъямзэ. Мылкыды урод луиз, сюлмаськыны кутски, кытысь порох шедьтод на? Вань порохе быриз ке, ма гинэ каром на? Кызьы гинэ кечъёсты, тылобурдоосты ыбыло на? Зэм ик-а кулытозям сйль сионтэк кылё ини?

ДАС КУАТЕТЙ ГЛАВА

Рэбинзон ас котыраз кыр кечъёсты дышетэ

Островын дас одйгеті арзэ улыкум, порох запасэ бырыны кутскыку, мон умой-умой малпаськыны одъяй, кызьы гинэ кечъёсты улэпкын кутылон амал шедьтыны. Тужгес ик мынам мумы кечез пиосыныз валче кутэме потэ вал.

Нырысь пал мон выос пуктылй но кечъёс отчы шедьылйзы. Нош пайдаез öжыт луэ: кечъёс, сионме сиыса, выосме тйяло но пегзо гинэ вал. Езэ öвöлэн выосты вуж векчи гозыосысь лэсьтылоно луылйз.

Соку мон кион гуос гудыса оскалтй. Кечъёслэсь сиськылон интыоссэс тодыса, мон отчы куинь мур гуос гудй, плетёнка-осын согылй но вылаз рис но йыды шепъёс тыри. Жоген мон шöдй: кечъёс та гуосам ветлыло— шепъёс сиемын но котырак кеч пытьыос адскыло. Табере мон умой-умой кутон вылысь тупатй. Чуказеяз ик одйг гуысьтым бадзым пересь кечтакаез

шедьтй, нош мукетысьтыз — куинь кечпиосты: одйгез така но кыкез мес.

Пересь кечтакаез мон лэзи, сое ма карыны ой вала. Со ортчыт кыч но лек вал, улэпкын кутыны сое ой луысал (со доры гуэ васькыны мон кышкай), нош виыны сое кулэез ик ой вал. Ньор кыметме жутй но, кечтака гуысь пыльк! тэтчиз но кукыз чигымон ворттыса кошкиз.



Сютэм улон левъёсты но востэммытэ вылэм, нош мон соку сое ой тодылы. Кечтакаез соку мон ог куинь-ньыль нунал чоже сютэм возьысал ке, собере солы сион-юон вайысал ке, со кечпиосылэсь одйг но урод ой востэммысал.

Верано ке, кечъёс туж валасесь но кылзйськисесь животъёс. Соос котырын умой выроно ке, бордэ дышетыны шугик öвöл.

Нош, верасько на, соку мон сое ой тодылы. Кечтакаез поттыса, мон мукетаз, кечпиос шедемаз, гу дуре мынй. Куиньзэс ик оген-оген поттылй, гозыен огазе керттылй но мырдэм гуртам вуттй.

Кема мон соосты сиытыны ой быгаты. Мумы йолэз сяна, мукет сионэз соос уг тодо на вылэм. Нош котсы сюмам бере соослы мон коня ке но йыды куштй но, соос ожытэн-ожытэн сиыны кутскизы. Жоген ик соос мон котыре дышизы но чылкак востэм луизы.

Со дырысен кеч вордыны кариськи. Мынам кечъёсы быдэсуллё мед луозы шуыса тырши, малы ке шуод, порохе но дробебырон азелы аслым сйль шедьтон амал та гинэ вал.

Арен-палэн ортчыса, мынам кечъёсы, кечпиосын валче лыдъяса, дас кык тырмизы, нош эшшо кык ар улыса, мынам уллёе ньыльдон куинёзь йылйз. Дыр ортчемъя мон вить возькенеръёс лэсьтй. Кечъёсме огысьтыз огаз возе поттылыны пичиесь ыбесъёс лэсьтэмын.

Табере мынам бырылонтэм сйль но йол запасэ луиз. Вераноке, кечъёсты вордыны кутскыкум мон йол сярысь ой но малпалля. Берло гинэ соосты кыскыны кутски.

Монэ ас семьяеным жок сьорын сиськемме адзысал ке, самой секыт мылкыдо, серекъясьтэм адями но пальпотытэк: ой чидасал, дыр. Жок сьорын мон йыр — островлэн королез но кузёез, вань калыкелэн улонэныз зол тодйсьяськись: мынам казнить но простить кареме луэ, эрик сётэме но, пытсаме но луэ. Мынам калыке полын одйг бунтаре но ой вал.

Адзе вал, кыче, король кадь, мон огнам сиськылй, нош котырам пуке ас калыке. Яратон Попкаелы гинэ монэным вераськылыны луэ. Кемалась пересьмем но чылкак валасьтэм пуные котьку ик бур палам пуксе, мыд-мыд палам кык кочышъес пуко, аслэсьтым сион сётэмме витьыса. Озьы сион сётон нимысьтыз капчи мылкыдме возьматэм луэ вал.

Та кочышьёс корабльысь ваемъёсыз ой вал. Соосыз кемалась кулйзы ини но, мон соосты аслам коркае возы ватй. Соос полысь огез островын пияз; кык пиоссэ мон кельтй но, соос мон котырам туж дышизы, мукетъёсыз нюлэскы пегзизы но лудмизы. Улыса-вылыса островын туж трос кочышъёс йылйзы, соослэсь утялскыны ик оз луылы ни: соос мынам кладовоям пырало, сион-юонме нулло. Кыксэ-а, куиньзэ-а ыбеме бере гинэ соос монэ оз исалэ ни.

Верасько ук, номыр ёрмонэз адзытэк мон зэмос королькадь улй; мон возын котьку ик быдэс штат кылзйськись придворнойёсы вал — адямиос гинэ ой вал. Собере, лыдзисе адзозали, мынам владениосам ортчыт трос адямиос но вуизы.

Кышкыт морской путешествиосы ноку но потантэм вылысычурыт кыл сётй, озьы ке но, ярдур валлин ветлыны киулам пыж воземе туж потэ вал. Мон чем малпалляй, кызьы гинэ сое островлэн тапалаз, корка палам, выжтыны луоз. Нош тае быдэстыны шуг луонэз валаса, котькуд полаз ик асме буйгатылй, пыжтэк но мыным умой али шуыса.

Ачим но уг валаськы, оломалы мынам со тубам гурезям. ветлэме потйз. Отчы тубыса, нош ик учкеме потылиз, ма пор-

тэмесь ярдуръёс, кытчы кошке ву визыл. Берлогес мон ой чида ни но сюрес вылэ потй — табереяз пыдын, ву дуртй.

Пот вал милям Англиямы ульчаосы мынам кадь костюменым дйсяськем адями— вань калык, мон оскисько, кышкаса пегзысал яке серекъяса погылляськысал; та дйськутэным Йорк-



ширетй кызьы ветлонме син азям пуктыса, ас шорам учкылыса, мон ачим но пальпотылй.

Иырам жужыт, номырлы кельшисьтэм кечку ызыы чокморскемын, тыбырам кузь ызыы беры ошкемын — со мынэсьтым чырты сьорме шундылэсь сайултэ, нош зорыку чырты сьорам ву пырыны уг лэзыы. Пось шаерын гольык вылтыре зор шедемлэсь уродэз номыр но овол. Собере со материалысь ик вурем кузь камзолэ пыдесозям кыстйське. Штане кузь гоно туж пересь кечтака кулэсь вуремын но пыдкотъёсме жыныозязы соге. Чулкие чылкак ой вал, нош башмакъёс интые мон аслым тупатй — кызыы шуыны ик уг тодйськы ни — урдэсъёсазы керттэто огшоры сапегъёс выллем маке. Та пыдкутчанэ, вань дйськутэ кадь ик, туж тумощо адске.

Камзол вылтим мон кечкулэсь лэсьтэм паськыт сурон е керттыли; е бычы интые кык векчи сюмыс тупати, кыкпал урдсам ик быдэн кычес вурзи — шпага но кинжал нуллыны öвöл, нош пила но тир нуллыны.



Мон сюрес вылэ потй-табереяз пыдын, ву дуртй.

Со сяна, мон пельпум ваментим, сыче их кычъёсын тупатыса, сюбеггес сюмыс керттэт нуллй. Та керттэт борды паллян палаз мон кык пуйы вурзи: огаз порох, мукетаз дробь. Тыбырам корзина ныпиямын, пельпумам пычалэ, нош йыр вадьсам — туж бадзым ку зонтик. Зонтике вераны луонтэм шотэм, озьы ке но шуисько, сюрес вылэ ветлон котыръёсы полысь самой кулэез вал, дыр, со. Зонтикелэсь туж кулэез пычалэ гинэ вал.

Экваторлы матын улэменым но шунды пыжемлэсь одйг но кышкамтэеным мон ымныр тусыя негрлы тупаны кулэ кадь вал, нош мон сыче ойгес вал. Нырысь ик мон тушме лэзи. Со олома кузя будйз. Собере сое мычи, мыйыкме гинэ кельтыса; со понна мыйыкме мон ортчыт усто будэтй, зэмос турецкой мыйык. Со малпаны луонтэм кузь луиз, Англиысь адямиос солэсь кышка-

салзы.

Нош тае мон кыл куспын гинэ верасько: ымнырылы но мугорылы синмаськымон учкисьёсы островын трос ик ой вал,одйг овол-а ма, кыче тусо вал мон! Вылтусэ сярысь кыл тупамъя гинэ вераськыны кутски, та котыре уг берытскылы ни.

ДАС СИЗЬЫМЕТЙ ГЛАВА

Малпамтэ шорысь шугъяськон. — Робинзон ас улон интызэ юнматэ

о куспын паймымон уж луиз, гань-гань улонме со чыл-

как сориз.

Нуназе ёрсын море дурти пыже доры мынисько вал но витёнтэм шорысь (кышкаменым вылтыры юзыр-кезьыр луиз) луо вылысь адями пытьыез адён, гольык пыдын ветлэмыч!

Мон дугдй но сылйсько, интыысьтым вырземе но уг луы

ни, чашъем бере кадь, убирез адзем кадь.

Кылзиськыны кутски, котыр учкисько, нош номыр сычетачеез ой но кылы, ой но адзы.

Интыез умойгес учкон понна мон ярдур бамалтй бызьыса вылэ туби; нош ик море дуре васьки; море дуртй коня ке мынйнохытысь номыре ой шедьты: адямиос алигес ветлиллям шуыса,

одиг та пытьы сяна, нокыче мукетыз тодметьёс овол.

Мон выльысь берытски на со интые ик. Мынам тодэме потиз, овол ни-а мукет тодметьёс. Мукет пытьнос ой вал ни. Оло, синпортман та? Оло, та пытьы адямилэн но овол? Ой, мон öй янгыша! Со зэмзэ ик адями пытьы вал: мон сайкыт адзи пыдберлэсь, чиньыослэсь, пыдпыдэслэсь бервылзэс. Кызьы со тат-



Витёнтэм шорысь мон адями пытьыез адзи, гольык пыдын ветлэжын!..

чы шедем? Қытысь потэм та адями? Тодыны турттыса малпаменым номыр ик ой пормыты, номырзэ ой вала.

Туж шугъяськыса, пыд улысь музъемез но шодытэк, мон ас дорам берти. Йырам малпанъёсы сурасько. Мон лулы поты-

мон кышкай.

Кык-куинь вамышлы быдэ мышкам учкылй, котькуд куаклэсь, котькуд писпулэсь кышкалляй. Кыдёкысен адскись котькуд лйялэз адями кожалляй.

Вераны но уд быгаты, кыче кышкыт но витёнтэм тусо адскылйзы вань предметъёс мынам кучермем синъёсылы, кыче урод малпанъёс поръязы мынам йырам, кыче йонтэмесь ужрадъёс кутыны малпай мон сюрес вылысен.

Крепостям вуыса, мон кенер сьоры усьтыр-табыр тэтчи,

сьорам кин ке уиське кадь.

Мынам тодам но оз лыкты ни, кенер вамен тубат урдыса выжи-а, яке осэтй, гурезе копам пырантй пыри-а; чуказеяз но тодам уськытэме оз луы ни.

Пуны уллёлэсь кышкаменызы пегзыса, одйг лудкеч но, одйг зичы но ас каразы ватскыны сокем уз дыртэ, макем мон дыртй ас юртам.

Уйбыт ой колы но аслэсьтым ачим сюрс пол юалляй:

хызьы, ма сямен татчы адями шедиз?

Острове юнме шорысь шедем кыче ке дикарьлэн пыд пытьыез, дыр, со. Оло, соос татын трос вал? Оло, соос пыженызы морее потйзы но, соосты татчы визыл яке тол шуккиз? Озьы но, дыр: соос татын мувырын коня ке улйзы но собере нош ик морее кошкизы, малы ке шуод, соослэн та пустыняе кылемзы озьы ик оз поты, вылды, кызыы мынам соосты аслым бускель кареме ой потысал.

Ма веранэз, соос пыжме адзиллямтэ, адзысалзы ке, островын адямиос уло шуыса шöдысалзы, утчаны кутскысалзы, монэ одно ик шедьтысалзы.

Отысен монэ кышкыт малпан чушказ: «Нош соос адзиллям ке пыжме?» Та малпан монэ курадзытйз, шугекъяськытйз.

«Зэм, соос нош ик морее кошкизы,— шуылй мон аслым ачим,— нош со номыре но уг зэматы на; соос берытскозы, соос одно ик берытскозы уно мукет дикарьёсын, соку монэ шедьтозы но сиозы. Нош монэ öз ке но шедьтэ, одно ик бусыосме но кенеръёсме адзозы, вань юме тус-тас карозы, кечъёсме сьöразы нуозы но, мон сютэм куло».

Сыче кышкыт тодэме бере нырысетй куинь нуналъёсы ас крепостьысьтым чик ой пота, озьыен тйни сютэм но улыны кутски. Котырам трос сион-юон уг возиськы вал. Куинетй нуналаз мынам йыды табаньёсы но вуэ гинэ кылизы на.



Тазьы жол октылй виноград.

Мон озьы ик шугекъяськи соин но: жытлы быдэ кысконо кечъёсы али кыскытэк кылё. Озьы кельтыса, жалесь животъёслы сехыт луэмез мон тодйсько вал; со сяна, соослэн йолзы уздыа ни. Мынам шугекъяме зэмаз: тросэз кечъёсы висьыны кутскизы но йол сётэмысь но дугдйзы шуоно луэ.

Ньылетй нуналаз мон юнматски но потй. Соку ик мынам одйг малпанэ кылдйз, со монэ тыпак азьвыл кадь сэзёмытйз. Кышканъёсы жужан дыръя, шодсконысен шодсконэ вуылыкум но номыр борды дугдыны быгатытэк улыкум, мынам чапак тодам лыктйз: та адями пытьы сярысь историез мон ачим ой потты меда, аслам пытьые ик овол меда со. Пыжме учкыны талэсь азьло ветлэмелэн одйг пытьыез кылиз, вылды. Озьы ке шуоно, мон ялангес ик мукет сюрестй бертылй, нош со кемалась вал ини. Оскыса вераме луэ на-а, чапак та сюрес кузя ой берты шуыса?

Бен, со озьы ик вылэм, со аслам пытьые шуыса асме оскытыны выри но кулэмысь улзем шой сярысь аслаз малпам выжыкылэзлэсь кышкам шузи мурт выллем луи.

Бен, зэмээ но та аслам пытьые вал!

Та осконэн юнматскыса, портэм кулэ ужъёсын гуртысьтым потаны кутски. Мон нош ик нуналлы быдэ дачаям ветлисько. Отын кечъёсме кыскисько, виноград бичасько. Нош тй адзысалды ке, макем дйсьтытэк мон отчы ветли, кызьы, корзинкаме сэрпалтыны но соку ик ури-бери пегзыны дась луыса, бермеазьме учкыли, соку ти монэ одно ик кыче ке кышкыт преступник кожасалды.

Нош ик кык нунал ортчиз на но, мон сэзьгес луи. Мон асме ачим оскытй, вань кышканъёс тумошо янгышеным пормемын шуыса. Нош нокыче озьы-тазьы малпанъёсы медам луз ни шуыса, мон эшшо огпол со ярдуре ветлыны но валантэм пытыез аслам пытьыеным чошатыны кариськи. Кыкез ик пытьыос огкадесь ке луизы, оскеме луоз: монэ кышкатйсь пытьы мынам асламез вылэм, мон аслэсьтым ачим кышкаськем.

. Сыче малпанэн ик мон сюрес вылэ потй. Нош та валантэм пытьы интые вуэме бере мыным нырысь ик валамон луиз: пыжысьтым васькыса бертыкум мынам та интые вуэме номыр сямен но ой луысал, нош эскерон понна гольык пыдме со пытьы вылэ лёги но мынам пыды трослы пичигес вылэм.

Сюлмы нош ик кышканэн шымырскиз, мон кезеген висьыку кадь дырекъяй; выль сямен валаны турттонъёс йырам поръяны кутскизы. Отчы, мувыре, алигес адями вуылэм, оло одйг овол, нош вить яке куать адямиос вуылйллям шуыса чылкак оскыса бертй.

Соос сьорлось адямиос овол, та островын улись адямиос шуыны но мон дась вал ини. Зэм, та дырозь татысь одйг адямиез но ой шодылы, озьы ке но, соос оло татын кемалась ватскыса уло ини, озьыен, монэ котькуд минутэ шодтэк шорысь кырмыны быгатозы.

Мон кема йырме тияй, кызьы утялсконо со кышкытлэсь.

Нош нокыче амал шедьтэме уг луы.

«Дикарьёс мынэсьтым кечъёсме шедьтйзы ке,— шуылй мон ас поннам,— шепаськись ю-нянё бусыме адзизы ке, соос ялан та острове выль добычалы ветлыны дышозы; нош улон интыме синйылтйзы ке, отын улйсьёссэ одно ик утчаны кутскозы но мон котыре вуозы».

Соин ик мон посекъян мылкыдын малпай вань кеч кенеръёсме тйяны, вань пудоме поттыны, собере кыксэ ик бусыме копаны но озьы тйни вань рис но йыды удме быдтыны, берло ини юртме быдтыны — тушмон та островын адями ваньлэсь нокыче туссэ валаны медам быгаты.

Та кышкыт адями пытьыез адземе бере ик мынам сыче малпанэ кылдйз. Кышкытэз витён аслаз кышкытэзлэсь котьку ик кужмогес луэ, уродэз витён — аслаз уродэзлэсь дас сюрс поллы умойтэмгес.

Уйбыт кöлэме öз луы. Со понна чукна пал, умме усьытэк жуммемен, мон туж юн кöлüськем но сэзь, капчи мылкыдо сай-кай, таче сайкыт мылкыды кемалась öй вал ни.

Табере мон нод-нодгес малпаны кутски но тани кыче малпанъёсы вуи. Мынам острове — музъем вылысь одйгез туж чебер инты. Татын туж умой куазь, тылобурдоос трос, портэм будосъёс уно. Материклы со матын бере, паймонэз ик овол,
отын улйсь дикарьёс асьсэ пыжъёсазы татчы одйг-ог вуыло,
дыр. Бен, собере, соосты татчы оло ву визыл яке тол но вуттылэ. Валамон, татын ялан улйсьёс овол, нош татйе вуылйсь
дикарьёс татчы дугдыло. Островын дас вить ар чоже улытозям
та нуналозь адями пытьыез ой адзылы; иське, дикарьёс татчы
вуыло ке но, соос ноку но кемалы уг дугдыло. Нош та дырозь
соослы татчы кема азелы кыльылыны пайдатэм яке кипалтэм
ке вылэм, азьланьын но озьы ик луоз шуыса малпаны кулэ.

Озьы бере, мыным кышкытэз одйг гинэ — островам кунояськыкузы соос доры шедёнлэсь кышкан. Нош соос вуизы ке но, ми пумиськомы ик меда, малы ке шуод, дикарьёслы татын номыр карыны, татчы вуылыса, соос котьку ик бертыны дыртыло, дыр; собере, тодэм кадь вераны луэ, соос котьку дугдыло мынам улон интыелэсь чылкак палэнэ, мукет пал ярдуре.

Нош отчы шер ветлисько бере, дикарьёслэсь сокем кыш-канэз ик öвöл. Бен, мазэ веранэз, острове соослэн нош ик ву-

онзы азе аслым умой ватскон инты дасян сярысь малпаськоно

ик луиз.

Табере мыным куректоно луэ ни пещераме паськытатыкум отчы педласянь пыран ос лэсьтэме понна. Озьы-а, тазьы-а—та янгышамез тупатыны кулэ вал. Кема малпаськеме бере юртэ котыре эшшо одйг кенер лэсьтыны кариськи— пещераысь потанэ кык кенер вискы мед шедёз шуыса чаклай.

Бен мыным забор лэсьтоно оз но луы: ог дас кык ар талэсь азьло вуж кенере котыртй кык чур мерттэм писпуосы оскымон борддор луизы ини,— сокем чем мерттэмын вал со писпуос но сокем кужмо соос пушйизы. Быдэссэ та жыны кругез юн борддорлы пормытон понна писпу висъёсы майыгъёс гинэ чогъяно на вал. Мон озьы ик лэсьтй.

Табере мынам крепосте кык борддорен котырскиз. Нош мынам ужъёсы таин оз йылпумъяське. Педпал борддор сьорысь волмыт интые мон бадыпу выллем писпуосты ик мертти. Соос туж умой выжыясько но ортчыт жог будо. Кызь сюрс модослэсь ожыт ой мертты, дыр, шуыса малпасько. Тушмонъёсты кыдёкысен ик адзыны понна та писпуос но борддор вискы мон бадзым буш инты кельтй, озьытэк соос писпу сайултй лушкемен вуыны быгатозы.

Кык арскын коркае котыртй арама вожектйз, нош витькуать арскын монэ котыртйз жужыт, потыны луонтэм сик: сокем паймымон, малпаны луонтэм жог пушйизы со писпуос. Одйг адями но (дикарь-а со, тöдьы-а) öй малпасал табере, та сик сьöрын корка ватскемын шуыса. Крепостям пыраны-потаны (педпал борддоре пась öй кельты ни бере) мон падзаен тупатски, сое гурезь борды урдылыса тубай-васькай. Падза палэнтэмын ке, чыртызэ чигтытэк одйг адямилэн но мон доры пыремез öй луысал.

Тйни коня секыт уж ныпияй мон ас пельпумам со кышкатскеменым сэрен гинэ! Чылкак огнам, адямиослэсь палэнын сокем кема улыса, мон адямиослэсь пумен сйялски, адямиос мыным сьосьёслэсь кышкытэсьгес потыны кутскизы.

ДАС ТЯМЫСЭТЙ ГЛАВА

Робинзон вала, солэн островаз адями сиисьёс вуыло шуыса

уо вылысь адями пытьыез адземе нуналысен кык ар ортчиз, нош азьло кадь каньыл мылкыды öз ик вуылы ни. Ганьгань улонэ быриз. Котькин, кин гинэ кема аръёс чоже кышка-

са улоно луылйз, валалоз, кыче мозмыт но секыт луиз мынам улонэ со нуналысен.

Огпол тазьы островетй калгыкум мон солэн запад пал пумаз шеди. Отчы ноку но ой вуылы на. Ярдуре вуытэк пичи вырйылэ жутски. Витёнтэм шорысь море вылын кыдёкын пыж адске кожай.

«Синмы поя, лэся, монэ,— малпай мон.— Вань та кузь аръёс чоже нуналлы быдэ море шоры учкылыкум мон огпол но татысь пыжез ой адзылы ук».

Оломалы подзорной трубаме сьорам ой куты. Мынам сыче трубаосы одйг гинэ ой вал; мон соосты корабльысь ваем шыкысысь шедьтэм вал. Нош соос гуртам кылизы. Синъёсы ик вось луымон кема учки ке но, сайкыт валаны ой быгаты, зэм ик-а со пыж. Вырйылысьтым ву дуре васькыку мон номыре ой адзы ни; озьы туннэ ке но уг тодйськы, ма меда вала со. Эскеремысь дугдоно луиз. Со нуналысен мон аслым чурыт кыл верай гуртысьтым ноку но подзорной трубатэк потантэм вылысь.

Ву дуре вуыса (татчы мон, верай ини, азывыл ноку но ой вуылы), валай — мынам островам адями пытьмос трос гинэ луыло вылэм. Бен табере мон валай, восток пал мувырын, дикарьёслэн пыжъёссы дугдылонтэм интыын, ой ке улысал, тодысал ини соослэсь островам чем вуылэмээс, талэн запад пал ярдуръёсаз ялан дугдылэмээс, лек юондыр карылэмээс но соку адямиосты виылэмээс но сиылэмээс.

Пичи вырйылысь васькыса, море дуре вуэме бере адземе монэ чылкак гуньдытйз. Быдэс вудуртй адями льюс костасько: йыркобыос, лысьомъёс, суй-пыд льюс. Та адями льюсты адзыкум макем кышкамме вераме их уг луы!

Мон тодйсько вал, дикой калык выжыос куспазы ялан ожмаськыло шуыса. Море вылын но ожмаськонъёссы чем гинэлуыло: одйг пыж мукетыз вылэ урдскылэ.

«Котькуд ожмаськемзы бере,— малпай мон,— вормисьёс та мувыре асьсэлэсь военнопленной вссэс вуттыло но татын, сьось сямзыя, соосты виыло но сиыло, дыр, малы ке шуод, соос ваньзы адями сиисьёс».

Матысьгес ик мон синйылтй котресак чошкыт площадкаез, солэн шораз ик тылскем бервыл адске вал: тани татын, кошкемыт юонъёссэс ортчытъякузы, адями сиись бабасыръёс пукылйзы, дыр.

Ваньмыз та монэ туж паймытиз, та интыын жегатскыса, кыче кышкыт улэ шедёнме но мон соку ой вала ни. Такем сьось ужлы туж воже потиз но котькыче кышканэ толзиз.



Быдэс вудуртй адями лыос костасько.

Та выллем сьось ужъёс сярысь мон уно пол кылылй вал, нош та дырозь ноку но аслым соосты адзылыны оз кылдылы на. Юзыр-кезьыр луыса палэнски мон та шурдыт интыысь. Вукекъяськыны кутски. Мон жоломыса ожыт гинэ ой усьы. Нош сазьяськеме бере татын одйг минутлы но ой жега ни—вырйылэ бызьыса туби но аслам улон палам кошки.

Запад пал ярдур кыдёке кылиз ини, нош мон буйгатскыны ялан уг быгатйськы на. Берло ини мон дугдй, öжытак валатски но малпаны кутски. Та йöнтэм муртъёс, валай ини мон, острове добычалы ноку но öз ветлылэ. Соослы номыр кулэ öй вал, дыр,

нош оло татысь номыр кулэзэ шедьтыны оз оскылэ.

Осконо луэ, мынам островелэн нюлэсо интыяз соос уно пол вуылизы, дыр, нош асьсэлы яранозэ номыре оз шедьтэ, луоз.

Иське, туж эскериськыса улоно. Островын ог дас тямыс ар улыса но мон татчыозь татысь огпол но адями пытьыез ой адзылы бере, татын мон эшшо дас тямыс ар чоже уло на, дыр, но дикарьёслэн син шоразы уг йоты, соос шоры витёнтэм шорысь немдо ке шат. Нош сыче кемдонлэсь кышканэз овол, малы ке шуод, табере мынам вань сюлмаськонэ одйг гинэ луыны кулэ: островын улэмелэсь вань пытьызэ умойгес ватыны тыршон.

Мылкыды луысал ке, кытысен ке лушкем азыысен дикарьёсты мынам адземе луысал, нош мынам соосты адземе но уг поты вал,— сокем юрзымесь потылйзы мыным со вир юись сьосьес, огзэсты огзы зверьёс сямен сиисьёс. Сокем адями тустэм сямо муртъёс луыны быгато шуыса малпан гинэ но монэ секыт куректонэ уськытылйз.

Кык ар ёрос мон чих потатэк улй аслам владениосам — гурезь улысь крепостям, нюлэскысь тылысам но кечъёслы нюлэс шоры котыртэм интыям. Та кык ар чоже мон огпол но ой ветлы пыжме учкыны.

«Эсьмаса мон аслым выль судно лэсьто,— малпай мон,— соиз пыже азьло интыяз ик мед кылёз. Сое вайыны кышкыт. Мореысен, сопал ярдурысен, мон вылэ адями сиись дикарьёс омырскыны шедьтозы но, ас пленникъёссэс сямен ик, монэ качалозы».

Эшшо ар ёрос ортчиз на но, берло ини мон отысь со пыжме поттоно кариськи: туж ик бен секыт вал выльзэ лэсьтыны! Вуысал но со кык-куинь арскын гинэ, со дырозь море вылтй ветлыны мон азьвыл кадь ик ой быгатысал.

Мон сое островелэн восток пал дураз умоен вуттыны быгатй, татын солы котырак мей скалаосын сайултэм туж усто бухта шедиз. Островлэн восток пал ярдуръёсыз валлин морской визыл ортче но, мон тодйсько, дикарьёс отчы дугдыны номыр сямен но уз дйсьтэ.

Лыдзисе уз ик паймы, дыр, тазьы шугаса но кышкаса возькеменым сэрен мынам ас улонме умоятыны сюлмаськонэ чылкак быриз. Выль амал утчанъёс визьмысьтым кошкизы. Сионюонме умоятон сярысь сюлмаськонэн йырин ой вал ни, малы кешуоно, мон улонме утён сярысь гинэ малпай на. Дикарьёс шарккетэмме кылозы шуыса кышкаменым мон кортчог но шуккыны, пу но пильыны ой дйсьтылы. Ыбылйськон сярысь малпанэз иковол ни.

Нош котьмалэсь ортчыт — тыл тылсконо луэмлы быдэ мон вераны луонтэм кышканы кутскисько, малы ке шуод, нуназа туж кыдёке адскись чын монэ котьку шараяны быгатысал. Соин ик мон тылын лэсьтоно вань котырме (соос полын ик горшок лэсьтонме) сик полы, выль интыям, поттй. Нош сион пораны но нянь пыжыны каньылгес мед луоз шуыса, эгыр сутыны кариськи. Со эгырен эстыку чыныз но уг поты. Пичи дыръям ас гуртам мон адзылй, кызьы сое суто. Зок улвайёсты огазе люкано, ожоен согоно но сутоно. Улвайёс эгырмем бере мон ваньзэ со эгырез коркам пыртылй но пу интые сутылй.

Тазьы огпол, эгыр сутыны потыса, жужыт гурезь улысь коня ке писпу чоги но татысь маке гуэз адзи. Туж тодэме потыны кутскиз, кытчы вуттоз та гу? Мырдэм-мырдэм мон отчы пыри но пещерае вуи. Пещера туж волмыт но адями султымон жужыт вал. Нош, шонерзэ верасько, мон отысь пыремелэсь жогтес потй.

Пеймыт пещера пушкысь мечак мон шоры кык синъёс учко, пещерае педласянь пырись жомалэс югыт пиштэмъя со синъёс кизилиос кадь чиляло. Мон ой тоды, кинлэн со синъёсыз — адямилэн-а, дьяволлэн-а. Мае ке малпаны вуытозь мон пещераысь пырс! потй.

Ожыт улыса, мон мазэ-созэ валаны кутски но асме ачим сюрс пол визьтэм шуи.

«Чолак огназ кызь ар чоже шимес островын улйсьлы чортъёслэсь кышканы уг тупа,— шуи мон аслым.— Зэмээ ик, та пещераын мынэсьтым кышкытэз нокин ик öвöл ук».

Сэзь-сэзь кариськыса, мон жуась сэрегпум кутй но выльысь пещерае пыри. Сэрегпуменым ас пыд азьме югдытыса куинь вамыш но вамыштыны ой вуы, азьвыллэсь но золгес кышкай: мон туж зол жуштэмез кылй; вось луэмлы чидатэк адями озьы жуштэ. Собере, кыче ке уйбыртэм кадь, висо-висо куараос но нош ик секыт жуштэм кылйськиз.

Мон чигнай, кышкаменым чылкак пузектй, вань вылтыртим кезьыт нюлам васькыны кутскиз, йырсиосы пештырскизы. Иырам шляпае луысал ке, музэ усьысал, дыр. Озьы ке но, мон юнматски, выльысь азьланьски но йыр вадьсам жутэм тыллэн югытэз.

шорын музъем вылысь бадзым, ортчыт шотэм пересь кечтакаез адзи!

Со чик вырзылытэк кылле но кулон азяз секыт лулзылэ; со пересь луэменыз чоньдэ, лэся. Жутскыны быгатэмзэ тодон ионна мон сое каллен гинэ чыжи. Со жутскыны оскалтиз, но



оз быгаты. «Мед кыллёз ини,— малпай мон.— Со монэ но кышкатэм бере, татчы мерскыны малпам котькуд дикарез но талэсь ожыт vs кышкаты, дыр!»

Мон оскисько, одйг дикарь но, нокин но та гуэ пырыны ой дйсьтысал. Собере, верано ке, шыпыт ватскон инты утчась мон кадь адями гинэ та пеймыт гуэ пырыны нодъяськысал.

Чуказеяз мон аслэсьтым лэсьтэм куать койтылме (соку мон кеч койысь туж зеч койтыльёс лэсьтыны дышем вал ини) сьорам кутй но берен пещерае мынй.

Пещералэн азыз паськыт вал но пыдло пыремъя пумен сюбега. Соин ик пыдло, сюбег интые, мон ныыльпыдъяськысо ог дас ярд кеме мынй. Верано луэ, отчы пыдло пырыса, кытчы, ма шоры вуонэз тодымтэме малпано ке, мон бадзым дйсьтыт подвиг лэсьтй. Тани мон шоди: вамышлы быдэ коридор пась-

кыт но паськыт луэ. Ожыт мыныса, пыдйылам султыны оскалти но—сылыны веськасько вылэм. Пещералэн волдэтэз ог кызы фут жужда. Мон кык койтылме жуати но сокем син мальдытись суредэз адзи, кычезэ мон улытозям но ой адзылы на вал. Мон волмыт пещераын сылисько. Кык койтыллэн югытэз солэн чилясь борддоръёсыз бордысь пиштэ, соос сюрс портэм тусо тылъёсын жуало. Пещералэн изэз борды пичиен-пичиен кынмылэм алмазъёс-а вал со, оло мукет дуно изъёс-а? Мон сое ой тоды. Шонергес вераса, зарни вал, дыр, со.

Мон нокызьы но ой малпалля, музъем ас пушказ таче паймымон макеосты ватыса возе шуыса. Син мальдымон чебер пещера та. Солэн пыдэсыз кос, чошкыт, векчи луоен согиськемын. Нокытыназ но пурысьтам яке мускытам интыосыз овол, нокытыназ но юрзымесь нумыр-кибыос уг адско. Одйг гинэ умойтэмез — пыранэз сюбег, нош мыным со умойтэмез котьмалэсь но дуно ук, малы ке шуод, мон чапак таче лушкем ватскон инты сярысь сюлмаськыса улй, нош талэсь но лушкемзэ интыез уд ик шедьты, дыр.

Мон та шедьтэмелы ортчыт шумпотй но жегатскытэк аслам пещераям троссэ дуно котырме вайыны малпай — нырысы ик порохме но вань запас пычал-тйрлыкме, мукет сямен вераса, кык пойшуран пычалме но куинь мушкетме.

Тйрлыкме но котырме выль интые нуллыкум мон со кот порохен бекчеме нырысьсэ усьтй. Та порох ваньмыз номырлы ярантэм луэмын кожаса улй, нош сыче шугъяськонэ юнме вылэм — бекчеям котыр куинь-ньыль дюйм мурда гинэ ву пычам: котмем порох измем но юн ком пормем, со комын вань кылемез порох пушмульы ком пушкысь тысь кадь кыллем. Тйни озьы мон малпамтэ шорысь туж умой порохен узырми.

Макем шумпотй мон сыче берекетлы! Ваньзэ та порохез—со куатьтон фунтлэсь öжыт öй луысал—умойгес утялтон понна мон пещераям нуллй, дикарьёс вуон учырлы ас киулам куинь-а, ньыль-а фунт гинэ кельтй на. Выль кладовое пуля лэсьтон сьод узвесьме но нуи.

Табере мон нокинлы но пырыны луонтэм пещераосын улэмвылэм вашкала батыръёс кадь потйсько ини аслым ачим.

«Коть вить сю дикарьёс островетй монэ утчаса мед ветлозы, ватскем интыме уз шедьтэ,— шуылй мон аслым,— нош шедьтйзы ке но, мон доры пырыны уз дйсьтэ!»

Выль пещераысьтым соку шедьтэм пересь кечтака чуказеяз кулйз но мон сое кыллён интыяз ик соги: пещераысь сое поттыны выремлэсь озын согыны каньылгес вал.

Островын кызь куинетй арзэ улйсько ини. Солэн природагезлы но куазезлы туж дыши. Дикарьёс вуонлэсь кышкан öй ке луысал, мон вань кылем нуналъёсме берло часозь ик татын ортчытыны соглаш луысал, соку мон выдысал но та пересь кечтака сямен ик кулысал.

Берло аръёсы, дикарьёслэсь кышканэ ой вал на дыръя, мон аслым куд-ог шудон-серектонъёс шедьтй, соосын мон ас дыр-

ме, азывыл сярысь, шулдыргес ортчытьяй.

Нырысь ик, верай вал ини, мон Попкаме вераськыны дышетй. Со муспотымон супыльтэ, кылъёсты ладэн-ладэн, валамон вера, солэсь туж умой потыса кылзылй. Кычеез ке мукетыз попугай талэсь умой вераськысал меда? Со мон дорын кызь куать арлэсь ожыт оз улы. Кема-а улонэз кылиз на вал, мон уг тодйськы; Бразилиын улйсьёслэн верамзыя, попугайёс сю арозь улыло.

Со сяна но кык попугае вал на, соос но вераськыны быгатизы но кыкназы ик черекъяллязы: «Робин Крузо!» Нош Попка кадь матын ик зеч оз вазьылэ. Зэм, сое мон кема но туж сюлмо пышети.

Пуные дас куать ар чоже мыным оскымон эш вал. Собере со пересьмеменыз чалмыт гинэ кулйз. Мон ноку но уг вунэты, макем юн яратылйз со монэ.

Ас юртам кельтэм кочышъёсы но кемалась мынам бадзым

семьяе полы пыризы ни.

Со сяна, мон кык-а, куинь-а кечпиосты бордам возьылй, соосты ки вылысьтым сиыны дышетй. Мон котырам ялан ик туж трос тылобурдоос улйзы: мон соосты ву дурысь кутылй, лобземзы медаз луы ни шуыса, бурдъёссэс шырылй. Жоген соос мон борды дышизы но ос кусыпе вуыкум их чирекъяса люкаськыло вал.

Крепость азям мерттылэм писпуосы жокыт пушйизы но отын туж трос тылобурдоос улыны кутскизы. Соос лапегесь писпуосы кар лэсьтыло но пи поттыло. Ваньмыз та мон котырам бугырскись улон монэ, огнам муртэ, шумпоттэ но буйгатэ.

Тйни озьы, шуисько уга, дикарьёс вуэмлэсь кышкан ой ке луысал, мон умой, гань -гань улысал но ас улонэлы ой жожкы-

сал.

ДАС УКМЫСЭТЙ ГЛАВА

Дикарьёс нош ик Робинзонлэн островаз вуыло. — Корабльлэн куашкамез

4

Мон бусыын чукнаысен жытозь ужасько. Огпол тазьы, чукна

зарпотыку юртысьтым потыса, мон чылкак абдрай: пещера дорысеным ог кык миля кемын бадзым тылскемез адзи.

Абдраса интыям ик пуми.

Озьыен, островам нош ик дикарьёс вуиллям! Кыдёке, палэнэ, вуиллямтэ-ай соос, татйе, мынам улон палам, дугдйллям.

Дикарьёс шоры жимемлэсь кышкаса вамыш но вамыштыны

дйсьтытэк мон аслам юртэ котырысь сике ватски.

Бен татчы кыльыса но буйгатскеме оз луы: кышкасько, дикарьёс островетй ветлыны кутскизы ке, гырем-кизем бусыске, пудо уллёме, улон интыме адзизы ке, островын адямиос уло шуыса соку ик валалозы но монэ шедьтытозязы утчаськозы. Жегатскыны уг яра ни вал. Мон жог гинэ кенере сьоры выжи, пытьыме ыштон понна борсям ик тубатме жутй но асме возьманы дасяськи.

Мон вань артиллериме (мушкетъёсме озьы шуисько вал), кык пистолетъёсме учки но зарадай, берло шокчонэ кысытозь нюръяськыны малпай.

Крепостьме утён понна ма карыны на малпаса, мон отын ог

кык час чоже улй.

«Макем» жаль ух, быдэс войскоям адямиез одйг гинэ, малпай мон.— Мынам чакланы-тодыны ыстоно кадь разведчихь-

ёсы но öвöл ук».

Ма луэ ини тушмонъёс дорын — мон уг тодйськы. Озьы тодымтэен сюлмы шуг улйз. Подзорной трубаме кутй, мей гурезь борды тубатме урдй но гурезь йылэ ик туби. Отын музъем вылэ кымин выдй но трубаме тыл адземе шоры мертай. Отын ожытсэ укмыс дикарьёс вал. Ваньзы ик соос тылскемзы котырын пуко, чылкак гольыкесь.

Бен соос шунскыны öз тылске—сотэк но куазь пöсь. Валамон ини, та тыл вылын соос адями сйлез асьсэлы сиыны пыжо! «Пöйшурзы», валамон, дасямын вал ини, нош луло на-а, вие-

мын-а, мон уг тодйськы.


Адями сиисьёс та острове кык пыжъёсын вуиллям, али со пыжъёссы ву дурын мувырын сыло: ву синон вакыт вал но, мынам кышкытэсь куноосы берен кошкыны вылысь ву будэмез витё, лэся.

Озьы ик луиз: ву будыны кутскиз гинэ но, дикарьёс пыжъёсазы пуксизы, кошкизы. Вераны вунэтйськем ук, кошкемзылэсь час-а, часэн жыныен-а азьло соос мувырын эктйзы: мон трубае пыр умой адзылй соослэсь шотэм выремзэс но тэтчамъёссэс.

Дикарьёс островысь кошкем бере мон гурезьысь васьки, пельпумам кыксэ ик пычалъёсме жутй, кус пулсам кык пистолетъёсме, бадзым сабляме донги но жегатскытэк сояз вырйылэ

мынй, кытысен мон, мувырысь адями пытьыез адземе бере, нырысьсэ чакласькыны кутски.

Со интые вуыса (вылам секыт пычалъёсы ванен мон кых часлэсь ожыт ой мыны), море пала учкалтй но островысен материк пала эшшо куинь пыжен кошкись дикарьёсты адзи на.



Та адземе монэ туж кышкатйз. Мон ву дуре бызисько. Та злодейёслэн соку гинэ эктыса, шулдыръяськыса кышкыт сиемюэмзылэсь кылем-мылемъёссэ — вирез, лыосты но адями сйль тодэсъёсты — адзи но воже потэмен ожытак гинэ ой кеськы.

Мынам сюлмы вожпотонэн тырмиз, та йырвандйсьёсты сокем адземпотостэм кари — вир юэмзы понна соослы йыркурме лек берыктэме потыны кутскиз. Мон аслым ачим кыл сётй: азъланьын та мувырын йонтэм юонзэс адзи на ке, мон соос вылэмыно но, котьконя соос мед луозы, ваньзэсты одйгтэм быдто.

«Чок, мед быро мон соослы пумит нюръяськонын, чок, мед качалозы соос монэ,— шуылй мон аслым ачим,— нош син азям адямиосты чик кöбертэк сиыны мон уг лэзьы!»

Озьы дас вить толэзь ортчиз, нош дикарьёс уг вуыло. Ожмаськон мылкыды со куспын одйг но оз сйялля; адями сиисьёсты быдтон сярысь гинэ малпалляй мон соку.

Соос вылэ шодтэк шорысь урдскыны малпай, тужгес ик, со берпум ветлэмзы дыръя сямен, нош ик кык группалы люкиськизы ке.

Мон ой чакла соку сое: вань вуэм дикарьёсты виыли ке но (шуом, дас-а, дас кык-а луозы соос), мыным, чуказеяз ик-а, арня улыса-а, оло нош толэзь ортчыса, выль вуэм дикарьёсын жугиськоно луоз. Отияз нош ик выльёсызлы пумит ожмаськоно

луоз, озьы пумаз вуонтэм, ачим но соос кадь ик адями виы-

лисьлы пормытозям.

Дас вить-а, дас куать-а толэзь мон чик пуксён инты шедьтытэк сюлэмшуген улй. Кöламе öз луылы, уйлы быдэ кышкыт уйвöтъёс адзылй, валес вылысьтым четак султылй, быдэс куалекъяса.

Куддыръя мон дикарьёсты виылйсько кожаса воталляй но,

уйвотам мон вань ожмаськемъёсмес пыр-поч адзыли.

Нуназе но мон одйг минут но гань-гань улонэз ой тодылы. Таче секыт мылкыдэн улэменым берло мон, оло, шузимон калэ но вуысал, шодтэк шорысь одйг уж ой ке луысал, маин валче мынам вань малпанъёсы соку ик мукет пала оръяськизы.

Та уж луиз островын кызь ньылетй арзэ улыкум, май шо-

рын, уродос пу календарелы осконо ке.

Со нуналэ, 16 мае, лумбыт кужмо толаськиз, гудыръяз, чилекъяз, шукыръяськон оз висъяськылы одйг пичи но. Нуналэз сыче ик бугрес уй воштиз. Мон бер жытазе книга лыдзисько вал, сюлэм шугме вунэтыны тыршыса. Малпамтэ шорысы пушкаен ыбем куараез кылй. Море палась кылйськиз кадь потиз мыным.

Интыысьтым жогак вырзи, гурезь борды тубатме ури-бера урдй, дуно дырме секундазэ но ыштэмлэсь кышкаса, вылэ тубыны кутски. Чапак гурезь йылэ вуэм берам кыдёхын море вылын тыл чилектйз но, зэм ик жыны минутскын кыхетйзэ пушка ыбем куара кылйськиз.

«Мореын кыче ке но корабль быре,— шуи мон аслым.— Со озьы ивор сётъя, быронлэсь мозмытонлы оске. Матынгес кыче ке мукетыз корабль вань, дыр, но солэсь юрттэмзэ витьыса, таиз озьы ивортылэ, луоз».

Шугектй ке но, мон одйг но куаляк ой усьы, валаны вун: та адямиослы юрттыны кужыме овол ке но, со понна, оло, соос мыным юрттозы.

Минутскын мон котырысьтым вань силёез бичай, люкай но жуатй. Пу кос вал; со огнумысь араз, туж толо ке но вал, зеч жуаны кутскиз, корабльысен, зэмзэ ик со корабль вал ке, мынэсьтым сигналме адзытэк ой кыльысалзы. Тылме зэмзэ ик адзиллям, малы ке шуод, тылскеме гомзем бере выльысь пушка ыбем куара кылйськиз, собере нош но нош, ялан со палась ик.

Мон тылме уйбыт, чукна югыт луытозь, тылски, нош чылкак югыт луыса, чукна бус ожыт толзиз но море вылысь мечак восток палась кыче ке но сьод арбериез адзи. Со бен корабльлэн корпусэз вал-а, парус-а, мон подзорной трубаети но валаны ой быгаты, малы ке шуоно, висмы туж кыдёкын но море вылысь бус чылкак толзымтэ на вал.



Мон котырысьтым вань силёез бичай, люкай но жуати.

Мореын адскись арбериез чукбыт учкыса улй но жоген валай, со уг вырзылы шуыса. Малпано луэ вал ини, со озьы корабль сылэ якорь вылаз.

Мон ой чида: пычалме, подзорной трубаме кутй но юго-восток палась ярдуре, морее кыстйськись из убо кутскон интые,

бызй.

Бус пуксиз ини. Матысь утёс йылэ тубыса, мон пыр-поч адзи куашкам корабльлэсь корпуссэ. Сюлэмме куректон шымыртйз. Уин со ву улысь адскисьтэм скалаос шоры мырзиськем но ортчыт зол морской визыллэн сюресэз соос шоры тымиськон интыын дэмзем, лэся. Самой та скалаосын сэрен ик мон куке ёжытак гинэ ой быры.

 T_a бырыны шедемъёс, островме адзысалзы ке, шлюпкаоссэс ву вылэ васькытысалзы но татчы мувыре потыны сюлмась-

кысалзы, дыр.

Нош малы меда соос пушкаен ыбылйзы мон тылскем

бере ик?

Оло тылскем тылме адзыса, соос ву вылэ шлюпказэс лэзизы но мувыр пала лыктыны кутскизы, нош шукырес сильтолэз вормыны оз быгатэ но, палэнэ шуккиськыса, выизы? Оло нош куашкамзылэсь азьло ик соос пыжъёстэк кылизы? Сильтол дыръя озьы луэ ук: судно выйыны кутске ке, солы капчи карон понна адямиослы шлюпкаоссэс вуэ лэзьяно луэ. Оло та корабль огназ ой вал? Оло таин чош ик мореын эшшо кык-а, куинь-а корабльёс вылйллям на но, соос, сигналээ кылыса, та шудтэм братсы доры матэ лыктизы но калыксэ утизы? Бен озьы луиз шуыны но уд дйсьты: мукет корабльлэсь нокыче бервылээ но мон ой адзы.

Нош котьма ке но, мон со шудтэмъёслы юрттыны ой быгатысал, соослэн быремзы сярысь куректй гинэ.

Мыным соос но, ачим но жаль вал.

Со нуналэ мон уката чидантэм куректыны кутски тазьы огнам улэме понна. Кораблез адземе бере ик мон валай, макем юн мозмиськем мон адямиослэсь, макем туж адземе потэ соослэсь ымнырээс, кылэме потэ куаразэс, киоссэс кырмаме, соосын вераськеме потэ! Ачим но ой шодылы ымылэсь ялан таче кыльёсты верамээ: «Ах, соос полысь кыкез-а, куинез-а, коть одйгез ке но, улэп мед кыльысал но мон доры мед вуысал! Со мыным эш но юлтош луысал, куректонмес но шумпотонмес ог-огмылы верасалмы».

Огнам улытозям мон огпол но такем юн кулэ ой карылы адямиосын пумиськонэз.

— Одйгез ке но! Ой-ой, коть огез ке но! — оло, сюрс пол шуыли мон. Та кылъёс мынэсьтым улонме уката мозмыт каризы; соосты вераллякум мынам киосы кырмиськылйзы но пиньёсы вось луымон ваче куртчылйськизы.

КЫЗЕТИ ГЛАВА

Робинзон ас островысьтыз кошкыны оскалтэ

Стровын улытозям озьы ик ой тоды, бырем корабльысь кин ке улэп кылиз меда.

Корабль куашкам бере кöня ке нунал улыса, мон корабль куашкан вадьсысь выем юнгалэсь шöйзэ шедьтй. Мон со шоры туж юн куректыса учки. Солэн ымнырыз макем муспотымон,



сайкыт мылкыдъем егит адске! Со улэп ке луысал, оло мон сое яратысал но мынам улонэ шудогес луысал!

Нош берыктыны луонтэм сярысь малы чигиськонэз на. Мон кема ветлй ву дуртй, собере нош ик со адями шой доры лыктй. Со вылын вакчи дэра штань, лыз дэра дэрем но матрос куртка дйсямын. Та адямилэсь национальностьсэ номырин но тодыны ой лась: кисыосаз, кык зарни коньдонэз но чильымез сяна, номыриз ой вал.

Сильтол чусомиз. Пыже пуксьыса, со корабль доры вутскеме потиз. Мазэ веранэз, мон отысь трос аслым кулэзэ шедьтысал. Нош монэ отчы, со сяна, тужгес ик сыче оскон кыскиз на: оло корабле кин ке луло кылемез вань на, сое мон кулонлэсь, оло мозмыто.

Робинзон Крузо.

^{1 10} н г а — матросэ дасяськись егит пи.

- 113 -

«Сое мон ути ке,— шуи аслым ачим,— мозмыт улонэ сай-

жытгес но шулдыргес луоз».

Сыче малпанэн тырмиз мынам сюлэме: со куашкам судное бетлытэк мон уин но, нуназе но буйгатсконэз уг тоды шуыса шодйсько. Мон шуи аслым:

«Котьма мед луоз, мон отчы вутскыны оскалто. Шугъяськыса но секыт малпаськыса улытозь, мыным одно ик море вылэ

потоно».

Сыче малпанэн мон аслам крепостям берытски но секыт но

кышкыт сюрес вылэ дасяськыны кутски.

Нянь, бадзым кувшинэн шöг ву, одйг бутылка ром, изюмен корзина но компас кутй. Вань та дуно котырме ас вылам ныпияса, пыже кыллён пал ярдуре кошки. Пыжысьтым вузэ кисьтй, котырме отчы тыри но мукетсэ котырме вайыны бертй. Табере бадзым мешокен рис ваи, шöг вуэн мукет кувшин, пичиесьгес ог кык дасо йыды табань, бутылка кеч йöл, одйг юдэс сыр но зонтик.

Ваньзэ тае мон туж секытэн пыжам ваи но вырзи. Нырысь мон полсаса мынй ярдуртйгес. Островлэн северо-восток пал дураз вуыса, парусме жутоно но морее потоно вал ини, нош мон дйсьтытэк дугдй.

«Мыноно-а, öвöл-а?.. Дйсьтоно-а, öвöл-а?» — юай мон аслэсьтым ачим.

Островелэн палэнтйзгес ортчись морской визыллэн жог кошкись вуэз шоры учки, нырысьсэ пыжен потакум макем кышкытэ вуылэмме тодам ваи но, азыпала мынон мылкыды сйяны кутскиз. Татын кык визылъёс ваче вуо но, котъкудаз мон мед шедё, кыкез ик монэ морее кыдёке нуозы. Ма луоз мыным соку?

 * Мынам пыже пичи ук,— шуи мон аслым,— шоро-куспо тöл гинэ но пот * йз ке, сое соку ик тулкым шуккоз но быронэ ик со луоз».


Озьы малпаса, мон чылкак кышкай но ас малпам ужелэсь куштйськыны дась вал ини. Пичи бухтае ву дуре дугдй, пыжысьтым потй но вырйылэ пукси, мур малпаськыны кутски, ма кароно табере.

Жоген ву йылыны кутскиз; мон адзи, уж сокем ик кышкыт вылымтэ шуыса: ву синыку визыл лыктоз вылэм островлэн юг палысьтыз, нош ву будонлэн визылэз — север палысьтыз, тйни соин ик мон та куашкам судноысь бертыкум север пал дуразгес кариськи ке, соку мыным номыр ик уз луы.

Озьыен, кышканэз вылымтэ. Мон нош ик мыло-кыдо луи но чуказеяз зарпотыку ик море вылэ потыны кариськи.

Пеймыт луиз. Матрос бушлатэн шобырскыса, мон пыжын нк кöлü, нош чукна сюрес вылэ потü.

Нырысь мон морее, пырак север пала, шонерски, восток пала кошкись визыл вылэ вуытозь. Монэ туж жог нуыны кутскиз но мон, кык часлэсь но ичигео мыныса, куашкам корабль доры вуи.



Шимес суред пуксиз син азям: корабль (испанской, лэся) нырыныз кык утёсъёс вискы ёркам. Берыз нуэмын; ныр палыз гинэ быдэс кылем, мачтаосыз выжытйзы ик чогылэмын.

Борт дураз вуи но, палубаын пуны адскиз. Монэ адзыса, со вузыны, никсыны кутскиз. Мон сое оти но, со, вуэ тэтчыса, мон доры уяса вуиз. Сое пыжам жутй. Сиемез но юэмез потыса, со кулэ вылэм ни. Нянь сётй, со кутскиз ук сиыны, толбыт сютэм улэм кион кадь. Котыз тырем бере мон солы ожытак ву сётй но, со сокем аксым юыны кутскиз, эрик сётысал ке, пилиськымоназ юысал, дыр.

Собере мон корабле жутски. Нырысь ик мон кык адями шойёсты адзи: соос, туж юн ваче ки кутскыса, рубкае пырон азьын кыллё вал. Корабль из шоры мырзиськем бере сое ялан кужмо тулкымъёс шуккылйзы, дыр, кужмо сильтол вал уга; та кык адямиос борт сьоры сэрпалскемзылэсь кышкаменызы ваче ки кутскиллям но озьы ик быриллям, дыр. Жужытэсь ву тулкымъёс палуба вамен туж чем шуккылйллям, соин ик корабль ялан ву пушкын вылэм шуыны луэ. Кинэ ву тулкым нуымтэ, соос каютаосы кулйллям.

¹ Рубка — корабль пункы васькой ёс.

Пуны сянаез, корабльын нокин улэпез кыльымтэ.

Туж трос котырзэс но озьы ик ву нуэм, лэся, вань кылемез котмем. Зэм, трюмысь мон кыче ке бекчеосты адзи, винаен-а, мукетыныз-а вал соос, уг тодиськы, нош соос туж бадзымесь вал, мон соосты вырзытъяны но ой ик кутскылы.

Отын ик коня ке шыкысъёс вал на, матросъёслэн вылэм, лэся; кыксэ мон пыжам васькытй, чик усьятэк. Корабльлэн ныр палыз интые бер палыз быдэс кыльысал ке, мыным трос ваньбур шедьысал, дыр, малы ке шуод, берло мон та кык шыкысысь но куд-ог дуноесь арбериосты шедьтй. Корабль туж узыр вылэм, шодске.

Шыкысъёсты сяна, мон кыче ке спиртной юонэн тырмытэм пичи бекче шедьтй на. Та бекче ог кызь галлон тэрымон, озыке но, сое пыжам вуттыны мыным секыт усиз. Каютаысь кöняке пычал шедьтй, порох возёназы ог ньыль фунт порохез вылэм. Пычалъёсты мон кельтй, соос мыным кулэ ик öй вал, нош порохез басьтй. Озьы ик эгыр тырон пичи лопатказэс но эгыр пачхатон киссэс басьтй: таос мыным туж кулэесь вал. Кык ыргон котелок но ыргон кофейник шедьтй на.

Вань та ваньбурен но пуныен мон корабль дорысь вырзи, ву будыны кутске вал ини. Со нуналэ ик, уйшор бере час ко-

тырын, мон островам вуи, пумак жади.

Ваем ваньбурме выляз пещераям интыяны кариськи, отчы ветлыны матэгес вал. Уйзэ мон нош ик пыжын ортчытй, нош чукна пал, сионэн юнматскыса, ваем котырме мувыре жоктй но умой-умой сое учки. Бекчеын ром вылэм но, шонерзэ верано ке, уродос маке, Бразилиын юэммылэсь лябгес.

Ну, со понна шыхысъёсты усьтй но туж трос кулэ дуно

котыр шедьтй.

Огаз вал, кылсярысь, туж чебер корзинка. Та корзинкаын чебер азвесь пробкаё трос бутылкаос вал; котькудаз бутылкаын—туж ческыт зыно умой ликёр, куинь пинталэсь² ичи уз луы. Отысь ик шедьтй ньыль банка варенья; жаль, соос полысь кыказ морской кузьыт ву пырем но сиыны ярантэм луиллям, нош кык мукетыз туж юн чоксамын вылйллям но одйг шапык но ву пычамтэ. Шыжысысь ик мон шедьтй на чылках юнэсь коня кедэрем, талы туж шумпотй. Собере шедьтй ог дюжина но жыны тодьы дэра ныркышетьёс но со ёрос ик чырты кышетьёс. Таослы мон тужгес ик шумпотй — окыт пось нунальёсы нюлам ымнырез векчи дэра кышетэн чушылыны макем умой ук.

Шыкыс пыдсысь коньдонэн куинь пичи пуйыос шедизы, со-

 $^{^1}$ Галлон — кизер по пазыврес макеосты мертан мертэт, 4,5 литрлы чоша. 2 Пинта — жыны литрлы чошась мертэт.

сяна, пичиесьгес коня ке зарни люкъес, ог фунт сектаесь луысалзы, малпасько.

Мукетаз шыкысын курткаос, штаньёс но камзолъёс, дунтэм материысь вурылэм но тырмыт нуллэм макеос, вылйллям.



Шонерак вераса, та корабле ветлыны дасяськыкум мон тросгес дуно котыр шедьто кожай. Зэм, мон трослы узырми, нош коньдон мыным кулэтэм жаг кадь гинэ вал ук! Вань коньдонме мон куинь-ньыль куз самой огшоры башмакъёс но чулкиос понна мылысь-кыдысь сётысал: соосты мон трос аръёс чоже ой нуллы ни.

Вань ваем котырез осконо интые тырыса, мон нош ик пыже пукси но, полсаса, ярдуртйгес азьло интыям берытски. Гуртам вуыкум уй вал ини. Гуртам ваньмыз азьло кадь ик, номыриз исамтэ: чал-чал, жикыт, умой. Попугай монэ мусо кылын пумитаз, кечпиос туж шумпотыса котырам вуизы, мон соосты вешатэк но шепен сюдытэк ой чида.

Азьло кышкамъёсы со дырысен сйязы кадь, мон вуж сямен ик гань-гань улыны кутски, луд вылам ужай но пудоживотъёсме утялти, соосты азывыллэсь но юнгес ярати.

Озьы мон эшшо кык ар ёрос улй на, чик ёрмытэк, тыр улонэн. Нош вань та кык ар куспын ялан одйг сярысь малпай, кызьы гинэ пегзыны та островысь. Эрике потон сйзись кораблез адземе дырысен та огнам улэме мыным тужгес синазькылес

лунз. Уй но нунал малпаськи та тюрьмаысь пегзон сярысь. Мавръёс дорысь пегземе кадез ке но баркасэ луысал ке, мончик малпаськытэк, кытчы вуонме но тодытэх морее кошкысал.

Берпумаз ини таче малпанэ вуи: мынам мозмытскеме луоз островам вуылись дикарьёс полысь кудзэ ке кутыса гинэ. Умойгес луысал, качаны но сиыны ваем шудтэмъёс полысь одигээ кутысал ке. Мон сое кулонлэсь мозмыто, со мыным татысь мозмытскыны юрттоз. Нош та малпамез быдэстыны кышкыт но секыт: мыным кулэ луись дикарез кутон понна ваньмызлы адями сиисьёслы пумит мыным огнам жутсконо луоз но соосты одигтэм виылоно луоз ук, нош со уж пормоз меда. Со



сяна, аслам эрике потонэ понна ке но, сомында адями вир кисьтоно луоз шуыса малпакум ик мон куалекъяны кутскисько.

Кема мон озыы малпаськи, нош татысь мозмытскеме потон мылкыды вань возьдаськонэз но кышканэз вормиз. Маке луоз лу, нош островам лыктйзы ке, одйгзэ дикарез одно ик куто шуыса юн малпай.

Тйни соин ик мон нуналлы быдэ сямен ветлылй со кыдёкысь ярдуре, кытчы дикарьёс вуыло. Со адями сиисьёс вылэмон шодтэк шорысь ожалскыны малпай. Нош тани арен палэн — далайгес но! — ортчиз ини, нош дикарьёс уг но возьматско. Улыса-вылыса, мон туж чидасьтэм луи но лушкем чакласькыса улонме ик вунэтй, кыксэ но, куиньзэ но дикарьёсты огнамвормысал кадь потыны кутски — сокем вожоми!

КЫЗЬ ОДИГЕТИ ГЛАВА

Робинзон одйгээ дикарез мозмытэ но солы ним сётэ — Пятница

Ма шуыны ик уд тоды яватэ таче паймемелы! Огпол, крепостьысьтым потыса, ву дурысь (малпаме интыысь öвöл — мукетысьтыз) мон адзи вить оло куать буш индейской пыжъёсты. Калыкез уг адскы, лыктэм дикарьёс ярдуре потйллям но кытчы ке ватскиллям, шöдске.



Пыжлы быдэ куать мурт яке солэсь но трос пуксылэмзэс тодйсько вал бере, мон ма карыны ик ёрми. Такем трос тушмонъёсын ожмаськоно луоз шуыса мон одйг но ой малпа вал.

«Соос öжытсэ ог кызё адями, оло нош, куамын но луозы. Кытын бен мыным огнамлы ваньзэ соосты вормыны!» шугъяськыса вералляй мон аслым ачим.

Нырысь ик дисьтытэк ули но ма карыны ой тоды, озьы ке но, ас крепостям пытсаськи но ожмаськыны дасяськи.

Котырак чалмыт вал. Мон кема кылзйськыса улй, дикарьёслэн кесяськемзы но кырзамзы со палась уз кылйськы медам шуыса. Берлояз ини мыным витьыны мозмыт потиз. Пычалъёсме тубат улэ кельти но вырйылэ туби.

Йырме мычыны кышкыт. Со вырйыл сьоры ватски но подзорной трубаен учкыны кутски. Дикарьёс табере пыжъёссы доры вуиллям. Соос куамынлэсь ожыт ой вал. Соос мувыре тылскиллям но тыл йылын маке порало, лэся. Мар пыжемзэс, порамзэс мон ой вала, адзи гинэ, соос тылскемзы котыртй экто. олома портэм но йонтэм тэтчаса, шонаськыса экто.

Подзорной трубаен ялан учкыса, мон адзи: соос пыжъёссы пала бызизы, отысь кык адямиез поттизы но тылскемзы доры нуизы. Соосты вандыны одъяло, шодске. Та дырозь соосты керттылыса пыжъёсын возиллям, луоз. Соос полысь огзэ син куспын уськытизы; йыраз зырен-а, дикарьёслэн асьсэ лэсьтэм пу меченызы-а шуккизы, луоз; соку ик со вылэ эшшо кык-а, куинь-а мурт лэзькизы на но ужаны кутскизы: котсэ кыризы но качаны одъязы. Мукетыз пленник отын ик сылэ, ас черодзэ витьыса.

Нырысетйез бордын вырыкузы дикарьёс мукетсэ вунэтйзы. Пленник мозмыны луонзэ шодиз но улэп кыленэзлы осконэз кылдиз, лэся: со шуак азьланьскиз но синтэм-пельтэм бызьыны кутскиз.

Со ву дурти луо вылти мечак мынам улон интые пала бызе. Шонерзэ верасько, солэсь пырак шорам быземзэ адзыса. мон лулы потымон кышкай. Бен кызьы гинэ ой кышкасал: соку ик ваньзы дикарьёс со сьоры уисько кожай. Озьы ке но, мон ас интыям ик кыли но соку ик адзи: пегзись сьоры кык-а, куинь-а мурт гинэ уиське, мукетъёсыз, коня ке бызьыса, пумен кылизы, али берен тылскем доразы мыно. Со монэ сэзёмытйз. Пегзись ас тушмонъёссэ кыдёке кельтэм бере мон чылкак буйгай. Валамон луиз, пегзисьлы эшшо жыны час чоже тазьы ик жог бызьыны кылдиз на ке, соос сое нокызьы но уз сугтэ.

Со бызисьёсты мынам крепостелэсь сюбег бухта висъя. Со бухта сярысь мон азывыл но уно пол вералляй ини — асыме кораблысьтымы котырез нуллыкум мон пуръёсыным нырысь-валысь отчы дугдылй.

«Ма гинэ кароз меда та куанере, — малпай мон, — бухта доры вуиз ке? Сое уяса выжоно луоз, сотэк солэн пегземез уз ЛУЫ≫.

Нош мон юнме кышкаськем: пегзись адями чик малпаськытэк вуэ лэзькиз, жог уяса выжиз но огпал мувыре потиз, азьвыл сямен ик азьлань бызьыны кутскиз.

Куинь уиськисьёс полысь кыкез вуэ лэзькизы, нош куинетйез оз дисьты: уямез уг луы вылэм, лэся; со ярдурын сылйзсылиз но, кык мукетъёсызлэсь мышсэс учкыса, берытскиз, дыртытэк берлань кошкиз.

Мон шумпотыса учкисько, пегзись сьоры уиськись кык дикарьёс кыктэн дыг уяло.

Тйни соку мон валай, кутсконо шуыса. Сюлмы зырданы

кутскиз.

«Яке али, яке ноку но, — шуи мон аслым ачим но азылань бызи. — Мозмытоно, мозмытоно та шудтэмез, одно ик мозмытоно!»

Чик жегатскытэк тубат кузя гурезь улэ васьки, отчы кельтэм пычалъёсме кутй, собере озьы ик жог туби гурезь йылэ, мукет палаз васьки но бызись дикарьёсты дугдытон вылысь мечак море пала бызыны кутски.

Вырйыл бамалти шонерак васькисько вал бере, жоген мон пегзись но уиськисьёс вискы шеди. Со мышсэ учкылытэк бызе но монэ öз шöды.

Мон солы кеськи:

— Сыл!

Со борысяз учкиз но ас тушмонъёсызлэсь но юнгес мынэсьтым кышказ, лэся.

Матам лыктыны отьыса, мон солы киыным шоналтй, нош ачим каллен вамышъяса мынйсько бызись дикарьёс пумитэ. Азьпалысез мон вадьсыгес вуиз но, мон, прикладэным шуак шуккыса, сое погыртй. Мукетъёссэ дикарьёсты медам бугырты шуыса, ыбыны мон кышкай. Бен та кемысен соос ыбем куараме кылысалзы-а меда, нош кылысалзы ке но, мазэ-созэ ой валасалзы, дыр.

Азьпаласез усем бере солэн эшез, кышкаменыз, лэся, дугдіз. Мон со вискын ялан со пала вамышъясько. Матазгес вуыса, мон шöдй: солэн кияз пукычез но ньöлэз вань, мон шоры мерта, ыбон сяна, номыр кароно öз луы ни. Мертаськи, пычал курокме лэзи но сое интыяз ик васькытй.

Шудтэм адями, кыксэ ик тушмонъёссэ мон вии ке но, ыбемелэн тылызлэсь но куараезлэсь туж зол кышказ, вырзылэмез ик öз луы ни; ма карыны валатэк, со ас интыяз кортчогам кадьсылэ, бен, быгатысал ке, пегзыны ик кариськысал, дыр.

Мон нош ик со шоры кесяськыны кутски, матамгес мед лыктоз шуыса шонасько.

Со валаз: ог кык вамыш вамыштйз но дугдйз, собере нош ик коня ке вамыш лэсьтйз на но нош ик тыпак дугдйз.

• Соку мон шоди: со кезеген висись кадь куалекъя; куанер кышка, лэся, мон киулэ шедиз ке, мон сое кык мукетъёссэ сямен ик виыса кушто шуыса.

Мон сое нош ик ас дорам оти, быгатэмъям сое ялан буй-гатыны выри.

Со ялан матэ но матэ лыктэ. Дас, дас кык вамышезлы

быдэ со пыдесъяськылйз, кулэмлэсь мозмытэме понна тау каремзэ озьы верамез потэ вал, лэся.

Мон со шоры капчи мылкыдын пальпотйсько но ачим ялан

киыным отисько.



Берпумаз ини дикарь чылкак матам вуиз. Со нош ик пыдесъяськиз, музъемез чупаз, со борды ымнырыныз дач кариськиз но, мынэсьтым пыдме жутыса, сое ас йыр вылаз пуктиз.

Сое тазьы валано вылэм, дыр: со мыным кулытозяз раблуыны кыл сётэ.

Мон сое жутй но котьма сямен возьматыны сюлмаськи, солы мынэсьтым кышканэз öвöл шуыса.

Шöдтэк шорысь мон адзи, прикладэн шуккыса погыртэм дикарь кулэмын вылымтэ, жöлматэмын гинэ. Со вырыны но сазьяськыны кутскиз.

Пегзем муртлы со шоры возьматй:

— Тани тынад тушмонэд улэп на, учкы!

Со мынам пумитам ас сяменыз коня ке кыл вераз. Мон солэсь чылкак номырзэ ой вала ке но, вераськем куараез мыным ярамон усто потиз: вань та кызь вить ар улытозям мон адями куараез нырысетизэ кылисько ук!

Бен сыче малпаськонъёслы сётсконэз ой вал: жолматэм дикарь умой-умой сэзёмиз но музъем вылын пукыны кутскиз. Шодйсько, мынам дикаре солэсь выльысь кышканы кутскиз. Та шудтэмез буйгатыны кулэ вал; солэн тушмонэз шоры мон пычалэным мертаны одъяй. Соку мыным дикаре киыныз возьматы-

ны кутскиз — кус пулсысьтым сабляме куре. Мон солы сабляме мычи. Со сое жабрах кутйз, тушмонэз доры бызиз но одйг чо-геменыз солэсь чыртызэ уретйз.

Таче быгатэмезлы мон пайми: пу мечъёсты сяна, вань улытозяз нокыче мукет оружиез оз адзылы ук та дикарь. Бератаз мон валай ини, татйысь дикарьёс меч лэсьтыны туж юн пуэз быръё, соосты ортчыт лэчыт каро, сыче пу мечен но чыртыез чогыса уретыны луэ, анданлэсь чик лябыт овол.

Тушмонзэ виыса, мынам дикаре (мон сое табере мынам дикаре шуо ини) пальпотыса мон доры берытскиз. Пал кияз сабляме возе, пал кияз — тушмонэзлэсь йырзэ. Мон азыын олокызын но вырыса, мон возы музэ со йырез но, сабляез но пониз, вормемезлы шумпотэмээ возыматэ.

Одйг тушмонэз кызьы ыбемме со адзиз но сое со чылкак абдратиз: со оз вала, ма кызьы-о адямиез сокемысен виыны луэ.

Вием мурт шоры со чиньыеныз возьматылэ но сое учкыны куриське. Мон но киосыным выретыса валэктйсько, та мылкыдызлы пумит öвöл шуыса. Со огпумысь отчы бызьыса кошкиз.

Шой азе султиз но чылкак пумиз, мазэ валатэк паймыса, кема со шоры учкиз. Собере мыкырскиз но сое оглал котурдэс вылаз берыктиз, собере мукет палаз. Раназэ адзыса, сое пырпыр учкиз. Пуля пырак сюлмаз йотэм, вирыз но трос потымтэ; вирыз пушказ тымиськем но со туж чаль кулэм.

Кулэм муртлэсь пукычсэ, ньолъёссэ басьтыса, дикаре мон

дорам вуиз.

Соку ик мон берытски но, сое ас сьорам отьыса, татысь вырзим. Киосыным возьматъяса валэктйсько: татчы кыльыны нокызьы уг яра, малы ке шуоно, ву дурысь дикарьёс выльысь уиськозы.

Со но мыным тазьы валэхтыны выриз: дикарьёс та интые вуизы ке, шойёсты медам шедьтэ шуыса, таосты нырысь ик сотоно луоз, пе. Мон соглаш луэмме возьматй но, со соку ик ужборды кутскиз. Коня ке минутскын со киыныз луое мур гу копаз, собере та гуэ одйг шоез ваиз но луоен согиз. Мукет шоен но со озьы ик провор выриз; огкылын вераса, вань ватон ужез дас вить минутлэсь кема оз кыстйськы.

Собере мон солы ас сьорам мыныны киыным возьматй. Ми вамыштйм. Ми кема мынйм, малы ке шуоно, мон сое крепосте ой нуы, чылкак мукет палаз — островлэн кыдёкысь люхетаз, выль пещерае доры.

Пещераысен мон солы нянь, одйг вай изюм сётй, вуэн сектай. Вулы со тужгес ик шумпотйз: жог быземез бере солэн сюэз

туж куасьмем.

Со озьы юнматскем бере мон солы пещера сэрегез возьма-

тй, отын мынам одеялэн шобыртэм рис курое вöлдэмын вал. Татын кöлэмед луоз шуыса солы валэктй.

Куанере выдйз но огпумысь умме усиз. Колыкуз солэсь вылтуссэ умойгес учки.

Со чебер егит адями вал, жужыт, синмаськымон веськыт мугоро; киосыз но пыдъёсыз кужмоесь но чебересь. Шораз учкыса солы ог кызь куать арес сётысал. Солэн ымныр тусыз вылысь нокыче лексэ яке урод сямээ ой адзы, ымнырыз сэзь но сайкыт, чем дыръя востэм сямыз адскылэ, уката ик пальпотылыкуз. Йырсиез солэн сьод, нюж-нюж кузь; йырсиез ымныр вылаз нюжыен-нюжыен усе. Кымесыз жужыт, паськыт; вылкуэз сьод овол, нап лулпу сул кысъем, учкыны ик умой. Ымнырыз питрес, бамъёсыз бускыль-бускылесь, нырыз бадзым оволь ымыз чебер, векчи ымдуро, пиньёсыз чошкытэсь, слоновой лы кадь тодьыесь.

Жыны часлэсь кема оз колы, шонерзэ вераса, нырулиз ги-

нэ, собере султиз но пещераысь мон доры потиз.

Мон соку кенерын кечъёсме кыскисько вал. Монэ адзиз но дорам бызьыса лыктиз, мон азе уськытскиз, мон пала луэмзэ, тау каремзэ возьматыса. Ымнырзэ музэ йоттыса, со нош ик мынэсьтым пыдме ас йыр вылаз пуктиз, оглом вераса, вань быгатэм выросъёсын монэ гажамзэ возьматыны выре, та нуналысен со мыным вань улытозяз служить кароз ини шуэ кадь.

Мыным вераны малпанэз полысь мон троссэ валай. Озьы ик мон но солы валэктыны выри, мыным со туж яра шуыса.

Со нуналысен ик мон сое кулэ кылъёслы дышетыны кутски. Нырысь ик мон солы Пятница ним сётэмме верай (сое кулонлэсь мозмытэм нуналья мон солы сыче ним сётй). Собере мон сое ас нимме вераны дышетй, озьы ик «о-о» но «овол» шуон кылъёсты вераны дышетй но та кылъёслэсь мазэс-созэс валэктй.

Мон солы гордсюй кунганэн йол ваи но отчы кызьы нянь веттылыны возьматй. Со талы жог дышиз, киосыныз возьматыны одъяз, кунояме солы яраз, пе.

Ми пещераын кöлйм, нoш чукна югыт луиз нo, мoн Пятницаез косй сьöрам лыктыны—сое крепостям нуи. Солы кыче ке но сыче дйськут кузьманы малпасько шуыса валэктй. Солы со туж шумпотйз, лэся, бен со чылкак гольык вал ук.

Вием дикарьёсты ватэм дортй кошкыкумы со мыным та шайгуосты возьматйз но мыным котьма сямен валэктыны выриз: милемлы кыксэ ик та шойёсты берен поттоно, оглумысь соосты сионо, пе.

Мон соку ик туж вожпотэмме возьматй, со выллем ужъёс сярысь мыным кылскыны но юрзым потэ шуыса, шойёс борды

йотскылид ке, мон тонэ адземпотонтэм каро шуыса возьмати. Собере ини, жотрак шоналтыса, шайгуос дорысь палэнскыны косй. Лулысь-сюлмысь кылзиськыса, соку ик со палэнскиз.

Собере ми соин вырйылэ тубим, дикарьёс отын на меда

шуыса учкеме потйз.

Подзорной трубаме потти но талэсь азьло соосты адземе пала учки. Нош соос кошкиллям: ву дурын одиг пыжзы но ой вал ни. Кошкиллям, острове кылем эшъёссэс но утчаны сюлмаськиллямтэ ни.

Мазэ веранэз, мон талы шумпотй, нош тае гинэ адземен мынам сюлэм öз чида: öтьымтэ куноосы сярысь шонергес тодэме потйз. Табере мон огнам öй вал ини ук, вöзам Пятницае вань, соин ик сэзьгес но луи, тодэм потонэ но сайказ.

Огезлэн вием дикарьлэн пукычез но ньолъёсыз кылизы. Пятницалы мон соосты басьтыны лэзи. Со дырысь мынам дакаре соосыныз оз люкиськылы ни уй но, нунал но. Пукычен ыбылйськыны со туж быгатэ вылэм. Со сяна, мон солы сабляме, одйг пычалме сётй на, нош ачим кык мукетъёссэ кутй но, ми соин кошкыны вырэим.

Адями сиисьёслэн толло сием-юэм интыязы вуим но, син азямы туж кышкыт суред пуксиз, кышкаменым мынам сюлмы шымырак луиз но вирсэръёсам виры ик кынмиз кадь.

Нош Пятница синмыныз ик оз кыньырты: таче суредъёс со-

лы паймон öй вал vra.

Музъем тросэтй вирен котмемын. Пасьтана куямын пыжем адями сйль юдэсъёс. Вань мувыртй адями лыос пазямын: куинь йыркобы, вить ки, куинь-а, ньыль-а пыдъёслэн лыоссы но мукет портэм лыос.

Ас быгатэмезъя Пятница мыным тодытйз, дикарьёс сьоразы ньыль пленникъёсты ваизы, пе: куиньзэ сиизы, нош ньылетйез со вылэм. (Чиньыеныз со аслаз моля вылаз мырыштйз).

Конешно, солэн валэктэмысьтыз мон ваньзэ ой вала, нош маке со но валаны быгатй. Солэн верамезъя, коня ке нунал талэсь азъло одйг тушмон князьлэн дикарьёсыз но солэн, Пятницалэн, калыкез куспын кужмо ожмаськон вылэм. Мурт дикарьёс вормиллям, трос калыкез пленэ кутйллям. Вормисьёс вань пленнойёсты куспазы люкиллям но виылыны но сиыны вылысь портэм интыосы нуиллям, чылкак озьы ик, кызьы каризы мынам островам лыктылэм со дикарьёс но.

Мон Пятницаез бадзым тылскыны косй, собере вань лыосты, вань сйль юдэсъёсты со тылэ куяны но сутыны косй.

Мон шодски, солэн адями сйль сиемез потэ (ма солы паймонэз ик овол: со но адями сиись вал ук!). Нош мон солы нош ик возьматй, со сярысь малпаны ик юрзым шуыса. Отысен ик мон сое кышкатй, та алэмелэсь оз ке кылзиськы, мон сое виё шуыса.

Собере ми крепостям берытским но, мон соку ик дикарьме

дйсяны кутски.

Нырысь ик мон солы штань дйсяй. Бырем корабльысь поттэм одйг шыкысысь дась вурем кык дэра штаньёс шедизы; соосты öжытак тупатоно гинэ луиз. Умойгес мед луоз шуыса, вань быгатэмме сётыса, мон солы кечкулэсь куртка вури (мон соку умой вуриськись вал ини). Собере лудкеч куосысь солы ызыы вури, туж каньыл но чебер маке.

Тüни озьы мынам дикаре нырысь вакытлы быдэсак дüсяськиз; мон кадь ик умой дüсямын шуыса, мылкыдыз каньыл луиз,

лэся.

Зэм, дйськутэн солы дышымтэ вылысь ёркыт потэ вал, со вордскем дырысеныз гольык улыны дышемын уга; тужгес ик солы штань люкыт кариз. Курткаезлы но жожкылйз со: саесъёсыз кунултйз ёркыт йото но пельпумъёссэ зырало, пе. Соин ик кытйзэ-отйзэ тупатъяно луиз. Пумен-пумен шуглы чидаз но дышиз.

Чуказеяз мон малпаны кутски, кытчы гинэ сое интыяно. Сое умойгес интыяме потэ вал, нош мон солы сокем ик ой оскы на, асэным чош интыяны кышкасько. Мон солы крепостелэн пушпал но педпал борддоръёсыз куспы тырттэм ингые пичигес палатка пуктй, тйни озьы со коркаелэн кенер сьораз луиз.

Нош вань та кышкаса выронъёсы мултэс луизы. Жоген мыным Пятница уж вылын возьматиз, макем юн яратэ со монэ.

Мон сое чылкак эш кари но солэсь возькемысь дугдй.

Ноку но, одйг адямилэн но такем яратйсь, такем оскымон эшез ой вал, луоз. Мыным керзегъяськемзэ но, ваменъяськемзэ но, кескич выремзэ но мон ой шодылы; котьку каньыл но юрттыны дась мылкыдо улыса, со мон бордам дышиз, пиналлэн аслаз бубиз борды дышемез кадь ик. Мон оскисько, кулэ луысал ке, мон понна со улонзэ но шумпотыса сётысал.

Эше ванен мон чылкак шудо луи. Аслым ачим мон кыл сётй сое дышетыны, ваньмызлы пайдаё луонэзлы дышетыны, нош нырысь ик — огмылэсь огмы валаны понна аслам родинаелэн кылыныз вераськыны. Пятница сокем сюлмо дышетскись вы-

лэм — талэсь умойзэ малпаны ик уг луы ни.

Со мылысь-кыдысь дышетскиз, шумпотыса котьмалы дась луыны кылзылйз, валэктэмме валакуз яке ас малпамээ мыным валэктыны быгатыкуз ортчыт капчи мылкыдо луылйз — мыным соин вераськыны, сое дышетыны зэм-зэм бадзым шумпотон вал.

Пятница мон бордын луэм дырысен мынам улонэ каньыл но умой луиз. Мукет дикарьёслэсь кышканэз ке ой луысал ни, мон зэмээ ик та острове ялан улыны кыльысал кадь потэ.

КЫЗЬ КЫКЕТЙ ГЛАВА:

Робинзон вераське Пятницаен, сое умойлы дышетэ

ятница мынам крепостям улыны кутскем бере ог кык-а, куинь-а нунал ортчыса, мынам тодам лыктиз, зэм ик но, мынам сое адями силь сиемлэсь кушкытэме потэ ке, сое пудо силь сиыны дышетоно ук.

«Кеч сйлез со мед веръялоз», шуй мон аслым ачим но сое

сьорам нюлэсканы басьтоно кариськи.

Вазь чукна ми соин нюлэскы мынйм но, корка дорысь кык-куинь миля кеме кошкыса, писпу улысь кык пиё кечез адзимы.

Пятницаез мон суйтиз кути но вырзылыны ой лэзьы ни.

Собере кыдёкысен ик мертай, ыби но одйг кечпиез вии.

Мискинь дикарь, лулоез матаз мынытэк виыны луэмез валамтэеныз (солэсь тушмонзэ виемме со азьвыл адзиз ке но ини), чылкак зудиз. Со куалекъяны, шонаськыны кутскиз но танитани жоломыса усёз кожасько вал ини.

Вием кечпиме со адзымтэ но мон сое, Пятницаез, виыны одъясько вылэм шуыса малпам, кутскиз ук ассэ ачиз киыныз кутылыны, курткаезлэсь созызэ но жутйз, сосырмемын овол-а, вир уг поты-а меда шуыса учкылэ. Аслыз номыр луымтэзэ валаз но мон азе пыдесъяськиз, пыдъёсме зыгыръяны кутскиз но ас сяменыз маке туж кема вераны выриз.

Кылъёссэ мон ой вала, нош шодски — эн виы шуыса со

мыным сюлворе вылэм.

Солы урод лэсьтыны одйг пичи но малпамтэме валэктон понна мон сое китйз кутй, серектй но вием кечпиме вайыны косй. Косэмме Пятница быдэстйз. Солэн кечпиен вырон куспетйз, солэсь малы кулэмээ тодыны тыршон дыръяз мон пычалме нош ик зарадай.

Соберегес ик писпуысь, пычалэн ыбон кемысь, мон бадзым тылобурдоез адзи, асьме душес кадьзэ. Пычалэн ыбылонэз Пятницалы валэктыны малпаса, дикарьме ас дорам оти, чиньыеным возьматй нырысь ик тылобурдо шоры, собере пычал шоры, собере со тылобурдо пукон писпу улысь музъем шоры, тазьы верам сямен: «Тани учкы: мон али сое ыбо но со усёз». Собере ик ыби. Тылобурдо усиз но душес вылымтэ, бадзым попугай



Мон ыби. Тылобурдо усиз.

вылэм. Туж валэктй кадь ке но, Пятница алияз но кышкаменыз шоектиз.

Отысен гинэ мон валай ини, пычалэн ыбылыку малы со тужгес пайме вылэм: со та дырозь огпол но оз адзылы на мынэсьтым пычал зарадамме. Адямилы, сьосьлы, тылобурдолы, вань улэп макеослы котьма кемысен кулон вуттйсь кыче ке лек шайтан кужым та гумыын пуке шуыса малпа вылэм, лэся.

Берло но ыбемелы быдэ ялан кышкалляз на.

Мон лэзьысал ке, со мыным но, пычалэлы но инмарлы кадь восяськысал, дыр, кадь потэ.

Нырысь пал со пычал борды йотскыны но оз дисьтылы, нош со понна соин улэп маин ке кадь вераськоз вал, мон уг кылиськы кожаса; пычал но солы вера кадь потэ вылэм, лэся. Берло ини со мыным вераз: сое медам виы шуыса, пычаллы озьы сюлворем.

Кышкамез öжыт ортчем бере мон со ыбсм тылобурдоез вайыны косй. Со огпумысь бызьыса мынйз но соку ик öз берытскы—тылобурдоез утчано луэм: мон сое вииськымтэ, сöсыртйськем гинэ, ыбем интыысен со тырмыт кыдёке кошкем. Котьма ке но, сое одно ик шедьтэм но ваиз; со öвöл дыръя мон нош ик пычалме зарадай. Дырыз вуытозь солы та пычал зараданэз возьматытэк умойгес луоз шуыса малпай мон.

Эшшо кыче ке но пойшур шедёз на шуыса оскисько на вал, нош нокин оз шедьы ни но, ми бертим.

Со жытазе ик кечпиелэсь кузэ нии но пушсэ хачай; собере тылски но, выль кеч сйлез коня ке вандыса, сюй горшокын сое позьти. Туж умой шыд пормиз. Нырысь ачим веръяй со шыдме, собере Пятницалы сёти. Позьтэм сион солы туж яраз, шыдэз сылалтэмелы гинэ паймиз. Киосыныз но мар со мыным возьматыны кутскиз, солэн сямен, сылал — оскытись, урод сион, пе. Ожыт чепыльтыса, ымаз сылал пониз но сяласькыны кутскиз, оскемез потэм тусо кариськиз, собере ымпушсэ вуэн гылтиз.

Соку мон но сылалтымтэ сйлез куртчи но сяласькыны кутски, сылалтэк сиыны мыным юрзым потэ шуыса возьматй.

Нош Пятница ваменске. Сое сылаллы дышетыны мон озыы ик ой быгаты. Далай улыса гинэ со ас сионзэ сылалтыны кутскиз, озыы но ожытэн гинэ.

Позьтэм кеч сйлен но шыдлымен сюдыса, дикарьме чуказеяз но та кеч сйлен ик кунояны малпай. Со сйлез тыл йылын пыжи, чем дыръя милям Англиын озьы лэсьто. Тыл дуре кык чог шукки, со вамен зыр понй, со вылэ сйль юдэс оши но пыжытозяз сое берыкъяса улй.

Тазьы лэсьтэмелы Пятница ортчыт шумпотиз. Нош пыжем

сйлез оскалтэмез бере мылкыдыз чылкак пачылмиз. Самой чебересь выросъёсыныз со валан сётйз, макем ярам солы та сион, берло ини кыл сётйз, адями сйлез ноку но уз сиы ни шуыса, солы мон, мазэ веранэз, туж шумпотй.



Чуказеяз мон сое ю кутсатй но толытй, та ужъёсты кызьы лэсьтыны азьло ик возьматй. Со жог валаз но сюлмо ужаны кутскиз, уката ик та ужъёслэсь малы кулэзэс тодэмез бере. Нош тае со нуналэ ик тодйз, малы ке шуод, мон сое асьмелэн дасям пызьмылэсь пыжем нянен сюдй.

Жоген Пятница мон кадь ик ужаны дышиз.

Табере, мыным кык адямиез сюдоно луэм бере, азъланьын улон сярысь но малпаны кулэ луиз. Нырысь ик гырон интыез будэтоно но ю-нянь тросгес кизёно. Мон бадзым музъем участок бырйи но сое кенераны кутски. Ужанын мыным Пятница мылысь-кыдысь шумпотыса юрттэ. Мон солы тазьы валэктй: ю-нянь кизьыны та выль бусы луоз, шуисько, табере асьмеос кык кузя, нянь но кыктэн трос кулэ луоз: мыным но, тыныд но. Со сярысь сокем сюлмаськеме солы туж умой потйз: котьма сямен со мыным валэктыны выриз, валасько, пе, макем трос ужед луоз тынад табере. Котькыче кулэ ужлы ассэ жоггес дышетыны куриз, вань кужмысьтым сюлмасько, пе.

Островын вань улытозям та самой шудоез ар вал.

Пятница английской кылын вераськыны тырмыт умой дышиз: котырысь ваньзэ сямен ик предметъёсты со вераны

тодэ вал ини, ветлылон интыосме но тодэ вал, соин ик вань косэмъёсме валаса быдэсъялляз.

Со вераськыны туж яратэ, трос аръёс чоже чалмыт улэме понна табере мон сюлмы каньыл луымон вераськыны быгатйсько ини.

Бен Пятницаез ваче вераськон понна гинэ яратй шуыны уг луы. Нуналысь нуналэ мон юнгес но юнгес дунъяны кутски солясь шонер сямзэ, сюлмо тыршемзэ, капчи мылкыдзэ. Пуменпумен мон вань сюлмыным со борды дыши, бен со но монэ сокем яратиз, макем ноку но, нокинэ но оз яратылы на вал, дыр.

Огпол солэсь мон азьло улэмез сярысь юалляськыны малнай; мынам тужгес ик тодэме потйз, ас вордскем интысэлэсь уг мозмы-а, бертэмез уг поты-а. Соку со английской кылэз сокем зеч тодэ вал ини—ваньмызлы кадь-йк та юанъёсылы валэктэмез луиз.

Тани тазьы мон солэсь ас выжыез сярысь юай:

— Нош ма бен, Пятница, тйляд выжы калыкты кышкасьтэм-а? Жугиськылыкуды тушмонъёссэ со вормылйз-а?

Со пальпотиз но шуиз:

- О, бен, ми туж юнэсь но сэзесь, ожмаськонын но котьку вормиськом.
- Ожын тй котьку вормиськоды шуиськод-а? Нош кызьы бен тон пленэ шедид?
- Милямъёс озьы ке но юн жугизы соосты, троссэ быдтизы.
- Ма кызьы-ось, соос тüледды тышказы шуид вал ук? Тонэ но мукетъёссэ соос пленэ басьтüзы ук?
- Мон жугиськон интыын тушмонъёс олоконя поллы тросгес вал. Соос кырмизы милемыз одйг, кык, куинь но монэ. Нош милямъёс соосты мукет интыын жугизы, мон отын ой вал; отын милямъёс кырмизы соосты одйг, кык, куинь, трос, бадзым сюрс.
 - Малы бен асьтэлэнъёс тйледлы юрттыны оз лыктэ?

— Тушмонъёс одйг, кык, куинь но монэ кутйзы, пыжъёсазы пуктылйзы но нуизы, нош милямъёслэн соку пыжзы ой вал.

- Нош вера-ай, Пятница, пленэ шедем адямиосты тйлядъёс ма каро? Озьы ик-а пыжъёсын кытчы ке кыдёке нуо но этын сио соосты, со дикарьёс сямен ик?
 - Бен, милямъёс но адямиосты сио... ваньзы ик сио.
 - Нош сион азязы соосты кытчы нуо?
 - Портэм интыосы, кытчы малпало, отчы.
 - Нош татчы соос вуыло-а?
 - Бен, бен, татчы но вуыло. Портэм мукет интыосы но.
 - Нош тон соосын татчы вуылид-а?

— О-о. Вуылй. Отйе вуылй...

Островлэн северо-запад пал пумаз возьматиз, солэн выжывысьтыз адямиос котьку отйе люкаськыло вылэм, лэся.

Озьыен, островелэн кыдёкысь дуръёсаз ветлйсь дикарьёс полын мынам Пятница эше но вылэм, сое ассэ но сиыны медо. в интыын со ачиз но адямиез трос пол сиылэм вылэм ини.

Коня ке улыса буйгатски но сое ву дуре нуи (отчы, кытысь мон трос адями лыосты адзи). Пятница та интыез соку ик тодмаз. Солэн верамезъя, огпол, островам со асьсэ адямиосынызы ветлыку, чапак та интыын соос кызь пиосмуртэ, кык нылкышноез но одйг пиналэз вииллям но сииллям. Английской кылын «кызь» шуыны уг тоды вал но, коня адями сиемзэс валэктон понна со артэ-артэ кызь векчи кольыосты тыриз.



Тйни озьы вераськыкумы мон Пятницалэсь юай: та островысен со дикарьёслэн музъемзы дорозь кыдёкын-а, та кусыпез выжыкузы пыжъёссы чем-а выйыло. Татй уян кышкыт вылымтэ: татйын нокинлэсь но выемзэ со, Пятница, уг тоды. Но милям островмылы матэтй морской визыл ортче: чукнаосы со огнала, котьку но толъя бызе, нош жытазе тол но, визыл но чылкак мукет пала берытско.

Нырысь пал мон малпалляй, та визыл ву будэмен, ву синэмен луэ шуыса. Берло гинэ тодй ини, мынам острове палтйгес морее усись кужмо Ориноко шур озьы кошке вылэм, нош мынам острове солэн усён вадьсаз ик вылэм. Нош запад но северозапад палась музъем (сое мон материк кожасько вал) Тринидад.

бадзым остров вылэм, со шурлэн ик усёнэзлэн север палыз вадьсын вылэм та остров.

Со музъем сярысь но отын улйсьёс сярысь мон Пятницалэсь вистэм-вожтэм юалляськыны кутски: юалляй, отйын вудуръёс кышкытэсь-а, море отй бугыръяське-а, адямиос но отйын туж-а лекесь, кыче калыкъёс уло соосын артэ. Котькуд юамелы со туж капчи мылкыдын валэктэ, вань тодэмзэ вера.

Мон озьы ик юалляй, кызьы нимасько со интыосын улйсь дикарьёслэн портэм выжыоссы, нош со ялан огпортэм вера: «Карибэ, карибэ». Мон капчиен валатски, со караибъёс сярысь вера шуыса. Со караибъёс, географической картаосъя учкыса, Америкалэн чапак та люкетаз уло — Ориноко шурлэн усёнысеныз Гвиана дорозь но Санта-Марта город дорозь быдэс ярдур валлинын.

Пятница, со сяна, вераз на: кыдёкын, «толэзь сьорын», толэзь пуксён палан, мукет кылын вераса, солэн родинаезлэсь запад палан, мон кадесь ик тушоесь тодьы адямиос уло (мынам кузь мыйыке шоры возьматиз), со адямиос «трос, трос адямиосты виизы».

Валамон, озьы со испанской завоевательёс сярысь вераз, соос Америкаын асьсэлэн сьосьёс сямен выременызы тодмо луизы.

Мон солэсь юай, тодьы адямиос доры море вамен выжыны луонэз уд тодиськы-а, пой.

Со вераз:

— Бен, бен, со луоз: кык пыжен кошконо.

Солэсь ма вераны тыршемзэ мон кема ой вала, нош берло мырдэм-мырдэм валай: «кык пыжен» шуэмез бадзым шлюпкаен яке огшоры пыжлэсь кык поллы бадзым пыжен шуэм луэ вылэм.

Пятницалэн та кылъёсызлы мон туж шумпотй: со нуналысен мынам осконэ кылдйз та пытсэтысь одно ик потыны быгатонэлы. Нош эрике потй ке, малпасько, бадзым тау кароно луо аслам дикарелы.

КЫЗЬ КУИНЕТИ ГЛАВА

Робинзон но Пятница пыж лэсьто

а ош ик коня ке толэзь ортчиз.

Табере Пятница ваньзэ сямен верамме валаны дышиз. Со зачиз но английской кылын, шонгыльгес ке но, жог вераськыны

[·] Санта-Марта — Колумбиысь город. Каранбской море дурын.

кутскиз. Пичиен-öжытэн мон солы ас улэм-вылэмме верай. Мон верай солы, кызьы мон та островам шеди, кöня ар татын улй, кызьы ортчытй со аръёсты.

Азывылгес ик Пятницалы мон валэктй вал ини пычалэн кызьы ыбылйськемме (тае со зэмээ но уг вала вал): пуляосты



возьматй, порохлэсь пуштэмзэ валэктй но ыбылыны дышетй. Солы одйгзэ пычалме сётй. Пурт кузьмай но, солы со пичи пи кадь шумпотйз. Мон солы портупея лэсьтй, милям Англиын сычеос бордын кортикъёс нулло; кортик интые мон солы тйр сётй, сыче их умой оружие, ужанын но котьку ярась маке.

Мон Пятницалы трос вералляй европейской странаос сярысь, тужгес ик родинае сярысь. Мон солы валэктй улонвылонмес, сямъёсмес, кыллыкмес. Мон мади, кызьы ми дуннелэн вань люкетъёсаз вузкариськом но бадзым корабльёсын уяськом. Мон валэктылй солы, кызьы лэсьтэмын бадзым парусной судно, со куспын ик верай куашкам корабле ветлэме сярысь, со корабльлэсь изъёс шоры шуккиськем интызэ но возьматй; конещно, мынам солэсь сылэм интызэ гинэ возьматэме луиз, малы ке шуид, корабль кемалась куашкаса быриз но вань

² Кортик — кинжал выклем пурт.

¹ Портупея— пельнум вамен керттэм е— сабля нуллыны.

кылем-мылемез морее кошкиз. Озьы ик солы возьматй супырмем пыжез: сильтол милемды та ярдуре шуккыку со пыжын ми быронлэсь утиськыны малпаськом вал.

Та пыжез адзыса, Пятница малпаськонэ усиз но кема чал-

мыт улйз.

 \check{M} он юай солэсь ма сярысь малпамзэ, нош со, к \check{o} ня ке улыса, мыным тазьы вераз:

— Мон таче одиг пыж адзи. Со мынам калыкелэн улон интыез палти уя вал.

Ма вераны малпамзэ мон кема валатэк улй: соос палан дикарьёс таче пыжъёсын уяло-а, оло, таче пыж соос палти оргчиз-а шуыны турттэ.

Берло ини, кема юалляськыса, тодй солэсь ма верамзэ, таче ик пыж мувыре шуккиськем таослэн улон интызы палан.

— Сое ми доры вуттйз лек куазь,— валэктйз Пятница, собере нош ик кемалы чалмиз.

«Соос палан кыче ке но европейской корабль куашказ, дыр,— малпай мон.— Вожомем тулкымъёс отысь со пыжез ишкалтйзы, луоз, но дикарьёс пала вуттйзы». Нош валамтэеным мынам йырам но оз лыкты со пыжын адямиосыз вань шуыса малпаны. Пятницалэсь юалляськыкум мон ялан пыж сярысь гинэ малпай.

— Вера мыным, кыче вал со?

Пятница мыным со пыж сярысь пыр-поч валэктиз но пумаз чик малпамтэ шорысь сэзь мылкыдын вераз:

- Тодьы адямиос оз вые, ми соосты быронлэсь мозмытим!
- Пыжын тодьы адямиос вал шат? жоггес юай мон.
- Бен,— шуиз со,— быдэс пыж тыр тöдыы адямиос!
- Коня вал соос?
- Со мыным дас чиньызэ возьматиз, собере эшшо сизьымзэ.
- Кытын бен соос? Ма соосын луиз?
- Со шуиз:
- Соос уло. Милямъёс дорын уло.

Со монэ выль малпанэ вуттиз: острове котырынгес со кышкыт уин куашкам корабльысь ой вал меда со дас сизьым тодьы адямиос?

Озьы но луоз: корабльзы скала шоры шуккиськиз но, корабльзылэсь одно ик быронозэ шодыса, соос ваньзы ик шлюпкае пуксизы, дыр, собере соос дикарьёслэн музъемазы вуизы, соос полы ик интыяськоно луизы.

Мон кунэрски но лек куараен Пятницалэсь юалляськыны кутски, кытын али со адямиос. Со но озьы ик пось мылкыдын вераз:

— Соос улэпесь. Соослы умой!

Со вераз на, соослэн отын улэмзылы тани ныыль ар тырмоз ини, пе, соосты, обидем-исам гинэ öвöл, котьмаин сюдо, эркын возё.

Мон солэсь юай:

— Кызьы бен дикарьёс тодьы адямиосты оз вие но оз сие? Со вераз:

— Тодьы адямиос милемлы вынъёс луизы. Милям ожмась-

конын вормемъёсты гинэ сио.

Эшшо коня ке толэзь ортчиз на. Огпол ми Пятницаен островлэн восток палаз вуим но вырйылэ тубим: отысен, лыдзисе тодаз вае на ке, трос ар талэсь азъло музъем полосаез
адзи, сое мон Южной Америкалэн материкез кожай.

Вырйылэ нырысь ик Пятница огназ тубиз, мон öжыт бере

гес кыли, вырйыл жужыт но меч вал.

Соку кадь ик, нунал туж сайкыт.

Пятница кема учкиз но витёнтэм шорысь черектйз, визьтэммем кадь тэтчаны, эктыны кутскиз, монэ отьыса кесяське. Мон паймыса учкисько со шоры.

Солэсь таче шумпотон дырзэ мон ноку но ой адзылы на вал. Я, со эктэмысь дугдиз но кеськиз:

— Жоггес, жоггес татчы!

Мон солэсь юай:

— Ма луиз? Малы тон сокем шумпотйд?

— Бен, бен! — шуиз со. — Мон шудо. Тйни отын, учкы... татысен адске... отын мынам музъеме, мынам калыке...

Шумпотэменыз ымнырыз чылкак мукет луиз: синъёсыз чиляло; со отчы, со пала, аслаз чыжы-выжыосыз но матысь тодмоосыз доры озьы ик лобзоно кадь адске. Шумпотэмээ но лоптэмзэ адзыса, мон секыт мылкыдо луи.


«Та адямилы юнме мон сокем зол оски,—шуи мон аслым ачим.— Со мыным эш луэмъяське гинэ, нош ачиз пегзон сярысь гинэ малпа».

Мон со шоры осконтэм мылкыдын учки.

«Али со лачмыт но кылзйськись, — малпай мон, — нош мукет дикарьёс полы вуиз ке, мынэсьтым сое быронлэсь утемме соку ик вунэтоз но ас калыкез кие монэ сётоз; со мынам островам соосты ваёз. Соос виозы но сиозы монэ; та но соосын чош ик капчи сюлмын юоз, азывыл кадь ик, тушмон выжыысь дикарьёсты вормемзэс юондыр карыны татчы ветлыкузы сямен ик».

Со дырысен оскытэкгес улон мылкыды нуналлы быдэ юнмаз.

Толло эшелэсь возькыныгес кутски, сое гажан мылкыды сйяз.



— Тйни отын, учкы, отын мынам музъеме, мынам калыке!

Озьы коня ке арня ортчиз но, мазэ веранэз на, та капчи мылкыдъем егит пиез мон туж умойтэм валаськем.

Мыным пумит олома но урод малпа, дыр, шуыса оскытэктес вырыкум но со мыным озьы ик оскыса улйз; солэн котькуд кылыз сокем капчи мылкыдо, сюлмысьтыз ик верамын луэ — со сярысь урод малпамелэсь мон ачим возьытэ вуи. Мон буйгай но эшме нош ик гажаны кутски. Нош со мынэсьтым сйялскылэмме шодылымтэ но. Со вылысь адзыны луиз солэсь туж каньыл адями вылэмзэ.

Огпол ми Пятницаен нош ик вырйылэ тубыкумы (табереяз море вадьсын бус вал но кыдёкысь ярдуръёс уг адско вал) мон солэсь юай:

- Ма бен, Пятница, родинаяд, ас калыкед доры, бертэмед потысал-а?
- O-o,— шуэ со,— ас калыке доры берытскыны мон, ой, кыче шумпотысал!
- Мар карысал тон отын? юасько мон. Нош ик дикарьлы пормысал-а но азьло кадь ик адями сйль сиысал-а?

... Мынам кылъёсы сюлмаз пычазы, лэся. Соку йырыныз бер-

гатиз но шуиз:

— Öй, öй! Пятница отын ваньзылы шуысал: кызьы кулэ улыны, озьы улэ, нянь сие, пудо сйль, йол сие, адямиез эн сие.

— Ну, тон соослы тае верад ке, соос тонэ виозы.

Со мон шорам учкиз но вераз:

— Уз, уз вие. Зечлы дышетскыны соос шумпотозы.

Собере йылэтиз на:

- Со пыжын вуэм тушо адямиослэсь соос трослы дышет-
 - Иське, тынад бертэмед потэ ик? нош ик юай мон.

Со пальпотиз но шуиз:

- Сокем кыдёке уяса кошкеме уг луы мынам.
- Нош мон тыныд пыж сётысал ке,— юай мон солэсь, ас вордскем шаерад мынысал-а?
- Мынысал! шуиз со пось мылкыдын.— Тыныд но мон сьоры мыноно луоз.
- Кызьы бен мон мыно? пумит верай мон.— Соос монэ соку ик сиозы ук.
- Уз, уз, уз сие,— пось вераз со.— Монэным мынйд ке, уз сие, соос тонэ трос яратозы.

Пятницалэн озыы верамез потэ вылэм ас калыкезлы ивортыны малпамаэ, кызыы мон солэсь тушмонъёссэ вии но солэсь улонзэ ути. Со понна соос монэ юн яратозы шуыса со оске вал.

Собере со мыным мадиз, кыче зеч мылкыдын пумитазы соос асьсэ шаеразы вуэм дас сизьым тодьы адямиосты. Со ды-

рысен, зэмзэ верасько, дикарьёслэн музъемзы вылэ шедьыны но Пятницалэсь верам тушо адямиоссэ шедьтыны малпанэ кылдйз.

Тодмо ини, соос испанецъёс яке португалецъёс. Соосын адскеме но вераськеме луиз ке, ми чош малпалом но татысь мозмыны амал шедьтом. «Котьма ке но,— малпай мон,— ми дас тямыс кузя луэммы бере солы оскон тросгес луоз, огъя ужмы понна ми огкылысь ужаны кутском. Ма гинэ бен мон лэсьтыны быгато огнам, юрттйсьёстэк, ас островам, матысь материклы ньыльдон миля кемысен?»

Сыче малпан юн пуксиз мынам йырам, коня ке нунал ортчы-

са, мон нош ик со сярысь кыл поттылй.

Гуртад бертыны мон тыныд пыж сёто шуи мон Пятницалы. Со нуналэ ик мон сое пыже доры бухтае нуи. Пыжысь вуэз киськаса, мон сое ву дуре кыски по Пятницалы возьматй. Солэсь кызьы мынэмээ оскалтон понна ми кыкмы ик отчы пуксим. Пятница туж умой полысась вылэм: полысъёсын мынэсьтым урод уг ужа. Пыж туж жог кошке ву вылтй. Ярдурысь кошкеммы бере мон шуи солы:

— Я, ма бен, Пятница, тынад адямиосыд доры мыномы-а?

Со мон шоры мозмыт но кунэрес учкиз: сокем кыдёке кошкыны та пыж солы туж пичи потйз, лэся. Озьы ке, шуи мон солы, мынам мукетыз, бадзымгес, пыже вань. Чуказеяз ми соин нюлэскы, мынам нырысетй пыже доры мынйм (лыдзисе тодэ на, дыр, со пыжме мон ву вылэ лэзьыны ой быгаты). Пятницалы та пыж яраз.

— Тачеез яралоз, — ялан шуылиз со. — Татчы трос нянь, ву

но ваньзэ тырыны луоз.

Та пыжме лэсьтэме дырысен кызь куинь ар ортчиз ини. Со дыр чоже со ялан шунды шорын но зор-кот улын кыстаськиз, со путылэм но сисьмем. Озьы ке но, материке ветлон мылкыдме со оз куашкаты.

— Я, эн куректы! Асьмеос чапак таче ик пыж лэсьтом но

тон бертод, шуи мон Пятницалы.

Со пал кыл но оз вазьылы, нош кыче ке куректись но секыт мылкыдо луиз. Ма луиз шуыса юамелы со шуиз:

— Ма понна Робин Крузолэн Пятницалы вожез потэ? Ма

мон лэсьтй?

— Малы тон мынам воже потэ шуыса малпаськод? Мынам сдйг но воже уг поты,— шуи мон.

— Уг поты, уг поты! — ог куать-сизьым пол нукыртиз со.—

Нош малы Пятницалы бертыны косйськод?

— Ма тон ачид ик верад ук бертэмед потэмдэ,— щуи на мон пумитаз.

— Бен, потэ, — шуиз со, — шол тонэн гинэ. Тон но, мон но.

Робин уз мыны — Пятница уз мыны! Пятницалэн Робинтэк бертэмез уг поты!

Монэ кельтон сярысь солэн кылэмез ик уг поты.

— Қылзы-ай,— шуисько мон,— малы мон отчы мыном? Ма каром мон отын?

Со пось мылкыдын мыным пумит вераз:

— Ма отын лэсьтод-а? Трос лэсьтод, умой лэсьтод! Дикой адямиосты умой, визьмо луыны дышетод.

- Мусо Пятницае, лулзи мон, ма верамдэ тон ачид но уд валаськы. Кытын ини мон кадь таче йонтэм муртлы мукетъёссэ умойлы дышетыны!
- Зэм öвöл! кеськиз со керзегъяськыса. Монэ умойлы дышетйд, мукет адямиосты но зечлы дышетод.

— Овол, Пятница,— шуи мон.— Монтэк мын, нош мон тат-

чы огнам кылё, адямиостэк! Улй ук мон та дырозь!

Со кылъёс солы туж жож потйзы, лэся. Со витёнтэм шорысь бызьыса кошкиз матын кыллись тйр доры, кутйз сое, ваиз но мыным мычиз.

— Малы тон мыным тйр сётйськод? — юай мон.

Со пумитам вазиз:

— Ви Пятницаез!

— Малы бен мыным тонэ вионо?— шуи мон.— Тон мыным номыр од кары.

— Нош малы Пятницаез улляськод? — юн вазиськиз со.—

Ви Пятницаез, эн улля!

Солы зэм ик туж жож луэм. Мон солэсь синвуоссэ адзи. Огкылын вераса, мон борды со туж юн дышиз, улляме потыса но сое улляме ой луысал. Мон солы отысен ик верай, собере но чем вералляй на, солэн монэн чош улэмез потыку ноку но уг улля ни шуыса.

Озьыен, Пятница вань улытозяз мыным оскымон эш луэмзэ возьматиз.

Ас родинаяз бертэмез потэ ке но, ас калыксэ туж яратэменыз гинэ бертэмез потэ. Мон но соин чош мыно, соосты "аечлы дышето шуыса оске вылэм.

Нош мон дышетисе ярасьтэм луэмме умой валасько вал.

Озьы шуисько ке но, «тушо адямиосты» адзон понна Пятницалэн родинаяз жоггес кошкон мылкыды одйг но оз кысылы. Берпумаз мон, кемалы кельтытэк, бадзым пыж лэсьтыны малпай: со пыж море шоры потыны дйсьтымон мед луысал.

Нырысь ик тырмыт зок писпу шедьтоно.

Талы жеганэз ой вал: островын сомында тупыттэм зок писпуос будо, соосты кораса, пыж гинэ овол, бадзым кужмо флот но лэсьтыны луысал. Нош мон ой вунэты на нырысетй бадзым пыжме сикын лэсьтыкум янгышамме: сое мон пыдлон сихын лэсьтыны кутски но ву дуре вуттыны ой быгаты ни. Азывылэз янгыше медам луы ни шуыса, ярдурысыгес писпуэз быр ьёно кариськи — туж курадзытэк пыжез вуэ лэзыыны мед луоз.

Ву дуртй лапегесь но векчиесь писпуос будо. Мон ярдурез быдэссэ сямен ик котыртй но нокыче ярасьсэ ой шедьты. Мыным Пятница юрттйз: та ужын со мынэсьтым тросгес вала вылэм. Мон туннэ ке но уг тодйськы на, ма писпулэсь ми сокупыж лэсьтим.

Пыж лэсьтон писпумылэсь пушсэ Пятница сутыны чектэ вал, асьсэлы пыж лэсьтыкузы дикарьёс озьы, пе, суто. Нош мон шуи солы: сое ожонэн, мукет тйрлыкен гырхйыса каньылгес луоз. Сое кызьы лэсьтонэз возьматй но, мон сямен каньылгес шуыса, со соглаш луиз. Пятница та ужлы соку ик дышиз.

Ми мылысь-кыдысь кутским уж борды. Толэзь куспын пыжмы дась луиз. Ми со котырын трос вырим, вылласянь тйръёсын лусиим но милям со зэм-зэм морской пыж пормиз: килез жужыт, бортъёсыз юнэсь; со милемлы туж ярамон вал, чик кышкатэк кызь адямиез вормыны быгатысал.

Судномес вуэ донгыны ог кык арня кулэ луиз на. Та ужлы ми пу катокъёс тупатим. Нош пыжмы сокем секыт, ужась киос сокем ожыт — каток вылын но ужмы ортчыт каллен азъланьскиз, дюймен-дюймен.

Пыжмес вуэ лэземмы бере мон чылкак пайми, — макем сэзь выретэ сое Пятница, макем жог берытскытэ сое сопала но тапала но, макем умой полыса.

Мон юай солэсь, кышкыт öвöл-а таче пыжын море шоры потыны?

— О, бен,— шуиз со,— таче пыж бадзым толо дыръя но кышкыт овол!

Море вылэ потэмлэсь азьло мон одйг уж лэсьтыны малпасько на вал (со сярысь Пятница та дырозь оз тоды на): пыже парусо мачта жутыны, якорь но корабельной канат тупатыны. Мачта лэсьтыны шуг ик ой вал: островын паймымон шонересь, веськресэсь трос кедръёс будо. Пыжмы сылон бухталы матын будйсь одйг вож писпуэз мон бырйи но сое кораны Пятницаез косй. Собере мынам валэктэмея со улвайёссэ сузяз но сое котырак волйз. Мачта дась луиз.

Парус бордын мыным аслым ужано луиз. Кладовойын мынам вуж парусъёсы, умойгес вераса, парусина кесэге вал. Нош та парусинае кызь куать арлэсь кема кылле вал ини; куке но таи парусъёслы ик яралоз на шуыса ноку но ой осхылы ни бере, мон сое утялтыны ой сюлмаськы. Вань та парусинае кемалась сисьмиз ини малпай мон. Зэмзэ но, солэн

сисьмемез трос вылэм. Озьы ке но, маиз ке соиз яраз на. Мон кык юнгес кесэгээ бырйи но вурыны кутски.

Трос кужымме сётй мон та ужелы — со вуриськем ой вал, кыче ке йыринтэм гинэ: веньёсы гинэ но мынам ой вал! Нош



берпумаз куинь сэрего бадзым парус выллем маке тупатим (Англиын таче парусэз «така кук» шуо), собере «блинд» нимо пичи парус лэсьтй на.

Таче парусъёсын мон котьмаинлэсь но умойгес кивалтыны быгатйсько вал, малы ке шуид, Африкаысь пегзем шлюпкамы вылын чапак таче парусъёс вал.


Кық толэзь ёрос выри мон судноям мачта но парус лэсьтыны, со понна та уже чылкыт лэсьтэмын вал. Кык со верам парусъёсты сяна, толлы пумит мыныны мон куинетизэ но тупати на. Сое пыжлэн ныраз юнмати. Галсме воштыкум пыжез мукет пала берыктыны юрттись вал со. Собере мон лэсьти но корма борды тупати туж умой руль, пыжен кивалтонэз со тырмыт капчиятия

Морской судноос лэсьтонын мон дышымтэ но пормымтэ адями, нош руль выллем тупатэмлэсь вань пайдазэ мон умой

¹ Галс — суднолэн тöл ласянь мынон сюресээ, кылсярысь, паллян пал дураз тöл нельтэ не, судно мынэ паллян галсэн.

валасько вал, соин ик та ужлы кужымме ой жаля. Одйг та рульлы гинэ мынам сомында дыры быриз, мамында быдтй быдэс пыжме лэсьтыны но дасяны.

Ваньмыз дась луэм бере мон Пятницаез пыжен кивалтыны дышетй, малы ке шуид, со туж зеч полысась ке но, руль сярысь но, парусъёс сярысь но номыре уг вала вылэм. Рулен ужамме



нырысетйзэ адземез бере но пыжез отчы-татчы берыктылэмен валче паруслэсь я огласянь, я мукет ласянь пельскемзэ адземез

бере со чылкак абдраз.

Озьы ке но, мынам валэктэмея вань та ужлы со туж жог дышиз, усто моряк луиз. Огезлы гинэ со нокызьы дышыны öз быгаты — компасэз валаны. Со палъёсын бусъёс зоро дыръя сяна уг луыло вал бере, компас туж ик кулэ öй вал. Нуназе милям кыдёкысен адскись мувыр шоры кошкеммы луэ вал, нош уин — кизилиосъя. Нош зоро дыръя мореетй но, музъем вылтй но ветлыны öз луылы.

Та тюрьмаын чылкак огнам улэмелы кызь куать ар тырмиз но кызь сизьыметйяз кошкиз. Куиньзэ берло аръёсты лыд полысь чик кышкатэк куштыны луысал, малы ке шуид, островам осконо Пятницае вуэм бере мынам улонэ чылкак воштйськиз.

Зоро дыр матэ вуэ ини, соку лумбыт кадь ик коркан пуконо луоз. Зоремысь дугдонэз витёно луоз, со куспын выль пыжез зорлэсь утён сярысь сюлмаськоно луоз. Сое пичи бухтае ваим, отчы, кытчы мон аслам плотъёсыным дугдылй. Ву будэмез витьыса, пыжмес мувыре ик кыским. Собере пыжмы сылон интые ик, мынам косэмея, Пятница тырмыт мур гу копаз, отчы пыж доке кадь тэрысал. Море ласянь ми сое юн тыметэн висъямы, вулы гинэ сюбег пась кельтим. Табере нош ик ву будон дыръя милям пичи докмы вуэн тырмиз но, ми плотинамес лачлач пытсамы, пыжмы ву вылэ кылиз, нош ву тулкым татчы уг вуылы ни, ву будон дыръя тае море шоры нуыны но уг быгаты ни. Пыжмес зоръёслэсь утялтон понна ми со вылэ трос улвай волдим, со улын со липет улын кадь сылиз.

Табере милям та зоро дырез гань-гань ортчытэммы луиз ини, нош ноябре яке декабре парус улын море шоры потыны дась улйм.

КЫЗЬ НЬЫЛЕТЙ ГЛАВА

Дикарьёсын ожмаськон. — Робинзон испанецез мозмытэ.— Пятница бубызэ шедьтэ.

🗳 оремысь дугдыса, нош ик шунды пиштыны кутскиз но, мон мылысь-кыдысь дасяськыны одъяй кыдёке кошконлы. Мон азывыл ик лыдъяй, кыче запас сион-юон кулэ луоз милемлы, вань кулэзэ дасяны кутски.

Ог кык арня улыса, оло нош, солэсь вазьгес, мон тыметэз тияны но пыжмес докысь поттыны чакласько вал.

Нош милям кошконмылы быдэсмыны кылдымтэ вылэм.

Огпол чукна, сюрес вылэ дасяськонэн вырыкум, мынам тодам лыктиз: мукет сион сяна, сьорамы ожытак черепаха силь но кутыса умой луысал, пой.

Мон Пятницаез оти, море дуре ветлыны но черепахаез кутыны косй. (Ми черепахаосты арнялы быдэ кутылим, малы ке шуод, соослэсь сйльзэс но пузъёссэс ми кыкнамы ик яратйськом вал.)

Пятница бызьыса кошкиз, нош дас вить минут но оз ортчы — со шокпотыса вуиз, чылках лобзыса кадь мон доры кенер сьоры пыриз но ма луиз шуыса юамелэсь азьло ик кеськиз:

— Куректон, куректон! Беда! Умойтэм!

¹ Док — пароходъёс тупатон инты.
— '144 —

— Ма озьы? Ма луиз, Пятница? — юай мон шуэктыса.

— Отын,— шуиз со,— ву дурын, одйг, кык, куинь... одйг, кык, куинь пыжъёс!

Солэн кылъёсыз вылысь мон малпай, ваньмыз куать пыжъёс шуыса, нош берло тодй ини, соос куинь гинэ вылйллям, шуэктэменыз со озьы кык пол вераны шедьтэм.

— Кышканы уг яра, Пятница! Юн но сэзь луоно! — шуи мон, сое сэзёмытыны турттыса.

Куанер туж кышкам вылэм. Со малы ке малпам: дикарьёс сое кутыны лыктйллям, соос сое шедьтозы но качаса сиозы. Со туж куалекъя, кызьы буйгатыны но уг тодиськы. Быгатэмея буйгатйсько. Маке луиз ке, мон но сыче ик кышкытэ шедисько, сое ке сиизы, монэ но соин чош ик сиозы шуыса верасько.

- Нош асьмеос асьмеды утём, улэпкын соос кие ум сётске. Асьмеос соослы пумит ожмаськоно луом, адзод, асьмеос соосты вормом! шуи мон. Тон жугиськыны быгатйськод ук, бен-а?
- Мон ыбылйськыны быгатйсько,— шуэ со,— только соос трос, туж трос кузя лыктйллям.
- Кышканэз öвöл,— шуи мон,— куд-огзэ виом, нош кылемъёсыз пычал куаралэсь кышкалозы но кир-пазь пегзозы. Тонэ вось карыны уг сёты, мон юн возьмасько но тонэ но возьмало. Нош тон озьы ик монэ юн возьманы, вань косэмме быдэсъяны кыл сётйськод-а?
 - Тон косйд ке, мон кулыны но дась, Робин Крузо!

Собере мон пещераысь бадзым кружкаен ром ваи но солы юыны сётй (мон та ромме чурытаса кутылй, соин ик мынам тырмыт запасэ кыле на вал).

Собере ми вань пычалъёсмес люкам, тупатим но зарадам. Со сяна, котьку сямен ик, пуртэстэм сабляме кути, нош Пятницалы тир сёти.

Тüни озьы, ожмаськыны дасяськыса, мон подзорной трубаме кутй но эскериськыны гурезь йылэ туби.

Трубаме море дуре шонертыса, жог гинэ адзи дикарьёсты: соос ог кызь кузя, соос сяна, мувырын куинь керттылэм адямиос кыллё на. Нош ик верало на: пыжъёссы куинь гинэ вылэм, куать öвöл. Тодмо вал ини, та дикарьёс острове одйг муген гинэ лыктэмын — тушмонэз вормемзэс шулдырен ортчытон понна. Кышкыт, виро юондыр карыны дасясько соос.

Мон озьы ик адзи, али лыхтэмазы соос куинь ар талэсь азьвыл, милям Пятницаен нырысьсэ пумиськем нуналамы, ветлэм интыязы дугдйллямтэ, мынам пичи бухтаелы матэгес дугдйллям. Татын вудур нялмыт но, море дуре ик жокыт нюлэс ваське.

Али луоно кышкыт ужзы монэ туж юн посектытиз. Жеганы уг яра ни. Мон гурезьысь васьки но вир юись сьосьёс вылэвитёнтэм шорысь урдсконо шуыса Пятницалы верай.

Соку нош ик огпол юай на солэсь, юрттоз-а со мыным. Табере солэн кышканэз чылкак ортчиз (солы, оло, ром но юрттйз) но сэзь, шумпотэм тусын нош ик вераз, мон понна кулыны но

дась шуыса.

Со посектэме сйяны вуытэк мон дасям пычалъёсты кутй (мукетъёссэ Пятница басьтйз) но сюрес вылэ потйм. Оло, кулэ луоз шуыса, кисыям пичи пиялаен ром понй, Пятницалы запасной пуляен, порохен бадзым мешокез нуыны сётй.

— Лыкты сьöрам,— шуи мон,— одйг вамышлы но эн кыльы, чалмыт ул. Пал кыл но эн юалляськы. Мынам косэметэк

ыбылыны эн дйсьты.

Ярдурлы матысь сик дуре вуыса, мон дугдй, каллен гинэ Пятницаез öти. Зöк писпу шоры возьматыса, сое со йылэ тубыны но учкыны косй, адско-а дикарьёс, ма соос каро. Косэмме со быдэстйз, соку ик васькиз но мыным вераз: дикарьёс, пе, тылскемзы котырын пуко но одйгээ ваем пленниксэс сио, нош мукетыз пленниксы керттылэмын но отын ик луо вылын кылле.

— Собере соос тазэ но сиозы,— шуиз на Пятница. Со иворез кылыса, мынам сюлмы вожпотэмен зырдаз.

Пятницалэн верамезъя, кыкетйез пленник индеец öвöл, солэн музъемез вылэ пыжен лыктэм тöдьы адямиос пöлысь огез. «Кутсконо», шуи мон аслым. Писпу сьöры ватски, подзорной труба кутй но зэм ик мувырысь тöдьы адямиез адзи. Со чик вырзылытэк кылле, малы ке шуид, солэн суй-пыдъёсыз ньöръёсын позыртэмын.

Валамон луиз, со европеец: дйськутэзъя адске.

Азьпалан куакъёс будэмын но, соос полын жужыт писпу сылэ, со доры лушкемен мыныны луэ — куак жокыт пушъемын.

Иыр ке йыр, пыд ке пыд шуыса, со сьосы адямиосты огнам пазыгеме потымон зырдамын ке но вал, бугыръяськись вожпотэмме возьыны ворми но каллен гинэ со писпу доры вутски. Та писпу вырйылынгес сылэ вал. Татысен мон ярдурын ма луэмез сайкыт адзи ини.

Тылскем дурын, лач-лач кариськыса, дикарьёс пуко. Соос дас укмыс кузя. Кöня ке палэнын, керттылэм европеец вадьсы мыкырскыса, кыкез сыло на. Соосты сое вайыны али гинэ лэзиллям, лэся. Соос виысалзы, качасалзы но юисьёслы юдэсэнюдэсэн сйльзэ сётъясалзы.

Мон Пятница пала берытски.

— Учкы мон шоры,— шуи: — мон ма каро, тон но сое ик лэсьты.

Озьы вераменым чош мон одйгзэ мушкетме но пычалме музъем вылэ понй, нош мукетыныз мушкетэн дикарьёс шоры мертай. Пятница но мертаськиз.

- Дась-а тон? юай мон солэсь.
- О-о,— шуиз со.
- Я, иське, ыб! шуи но ми чош ыбим.

Пятницалэн мертамез мынамлэсь шонергес вылэм: со кыксэ вииз но куиньзэ сосыртиз, нош мон кыксэ гинэ сосырти но одигээ вии.

Милям ыбемъёсмылэсь дикарьёс туж юн куалектйзы, сое валаны секыт öвöл ни. Вань улэп кылемъёсыз урызак султйзы но кытчы пырыны валатэк солань-талань бызьылыны кутскизы. Быронэ шедемзэс валазы ке но, со быронлэсь кытысь вуэмзэ соос уг адзо.

Косэмъёсме Пятница ваньзэ умой быдэсъя, мон шорысь синзэ ик уг вошъя. Нырысетй ыбемъёсмы бере дикарьёслы валаны сётытэк мон мушкетме музъем вылэ куштй, пычал кутй, куроксэ жутй но выльысь мертаськыны кутски. Пятница но чылкак мон сямен кариз.

- Тон дась-а, Пятница? нош ик юай мон.
- Дась! шуиз со.
- Ыб! косй мон.

Кык ыбем куараос чош кадь вазизы. Нош ми таяз дробен зарадам пычалъёсын ыбим но виемез кык гинэ вал (котьма ке но, кыкез усизы). Со понна сосыръёсыз трос луизы.

Зуз-вир луыса, соос ярдуртй визьтэммем кадь кышкыт черекъяса бызьыло. Куинез секыт сосырмиллям, лэся,— жог усизы. Берло соос улэп ик кылизы.

Зарадамзэ пычалме кутй но, «Пятница, мон сьорам!» кеськыса, нюлэскысь потй. Сэзь Пятница одйг вамышлы но бере оз кыльы. Дикарьёслэсь монэ адземзэс шодэме бере туж юн кесяськыса азьлань бызисько.

— Тон но кесяськы! — косй мон Пятницаез.

Со мынэсьтым но кужмогес кесяськыны кутскиз. Жаль, вылам секыт тйрлыкъёсы ванен туж жог быземе оз луы. Нош мон нокыче секытэз ой но шодылы, лэся, пыдъёсы йотылытэк кадь бызи шудтэм европеец доры, нош со, верамын вал уга ини, море но тылскем вискын луо вылын кылле вал. Со дорын одйг мурт но кыльымтэ ни. Сое виыны дась улйсь дикарьёс милям нырысьсэ ыбеммы бере ик пегзизы. Визьтэммымон кышкаса, соос море пала кочизы, пыже тэтчизы но уяса кошкыны донгиськизы. Со пыже ик эшшо куинь дикарьёс тэтчыны вуизы на.

Мон Пятница пала берытски но соосты ожалтыны косй. Со

мынэсьтым малпамме соку ик валаз но, пыж пала ог ньыльдон вамыш бызьыса, соос шоры ыбиз.

Витьназы ик пыж пыдэсэ усизы. Ваньзы ик соос виемын кожай мон, нош кыкез соку ик жутскизы. Соос кышкаменызы



тинэ усиллям, лэся. Куинез полысь кыкез виемын, нош куиньметиез султэмез луонтэм сосырмем.

Пятница со тушмонъёсты ыбылон куспын мон пичи пуртме поттй но пленниклэсь суй-пыд керттылэмъёссэ вандылй. Мон солы жутскыны юрттй но португальской кылын юай, кин тон луиськод? Со пумитам вазиз:

— Эспаньоле (испанец).

Жоген со ожытак катьяськиз но улонзэ утеме понна мыным зырдыт тау каремзэ возьматыны кутскиз.

Испанской кылын вань тодэмме малпаса, мон верай солы:

— Сеньор, асьмеос берло вераськом, нош али ожмаськоно луиськом на. Кужымды öжытак вань на ке, тани тüледлы сабля но пистолет.

Испанец, тау карыса, созэ но тазэ но кутйз. Кияз оружиез шодыса, адями чылкак мукет луиз кадь. Кужым но кытысь потиз бен! Толпери кадь омырскиз со злодейёс вылэ но огпумысь кыксэ юдэсэн-юдэсэн кораз.

Зэм, таче подвиглы нимысьты з кужым кулэ ик ой вал: ыбылэмен но шодтэк шорысь нападение лэсьтэмен дикарьёс.

туж юн кышказы но быземзы но, асьсэды возьмамзы но оз луы ни. Пятницалэн ыбеменыз со кыкезлэн пыж пыдэсэ усемзы сямен ик, кышкаменызы тросэз либырак усьылйзы.

Сабляме но пистолетме испанецлы сётэменым киям мушкетэ гинэ кылиз на. Со зарадамын вал, нош зарадме туж кулэ

дыръялы гинэ возисько вал, соин ик ой ыбылы.

Нырысь ыбылэм интыямы писпу улэ пычалъёсмы кылизы. Мон Пятницаез оти но соосты вайыны косй.

Со отчы туж жог бызьылйз. Мон солы аслэсьтым пычалме сётй, нош ачим кылемъёссэ зараданы кутски, испанецлы но Пятницалы верай: оружие кулэ луиз ке, мон дорам лыктоды, пой. Соос мынам косэмелы кылэйськом шуизы.

Мон пычалъёсты зарадан куспети испанец одиг дикарь вылэ чик кышкатэк урдиськем но, соос куспын туж кужмо жу-

гиськон кутскиз.

Дикарьлэн кияз туж бадзым мечез вань. Дикарьёс туж усто ожаллясько та кышкыт оружиен. Тылскем азыын кыллыы-куз испанецез таче мечен ик соос быдтыны малпало вылэм. Али тани сыче меч нош ик солэн йыр вадьсаз урдэмын. Испанецлэсь таче сэзь вылэмзэ мон ой но малпалля: зэм, курадзытэменызы со лябыт на вал, нош туж юн жугиськиз, дикарьлэсь йырзэ сабляеныз кык пол чогиз. Дикарь жужыт, кужмо, сйлёвиро маке. Витёнтэм шорысь мечсэ со сэрпалтйз но, соос ваче пумит кырмиськизы. Испанецлы шуг луиз: дикарь сое огпумысь погыртйз, ас улаз зйбиз но киысьтыз саблязэ таланы кутскиз. Сое адзыса, мон жог султй но юрттыны бызи. Нош испанец оз куалекты: саблязэ со киысьтыз юри лэзиз, куспулсысьтыз пистолетсэ кутйз но, дикарез ыбыса, интыяз ик погыртйз.

Со вискын Пятница одйг но кышкатэк уиське пегзись дикарьёс сьöры. Кияз, тйрез сяна, мукет кивалтосэз öвöл. Ыбылыса сöсыръямъёссэ куиньзэ дикарьёсты та тйреныз кораз ини со,

али пумитаз шедемээ нокинэ но уг жаля.

Испанец, со бадзым дикарез вормыса, мынэсьтым зарадам пычалме басьтиз но мукет кыкъёсыз сьоры уиськиз. Со кыксэ ик сосыртиз. Кема бызьыны солэн кужымез оз тырмы ни но, кыкез ик дикарьёс нюлэскы пегзыны вуизы.

Пятница тйреныз шонаса соос сьоры бызиз. Ранаоссэ чаклатэк огез дикарь морее тэтчиз, пыж сьоры уиськыны кутскиз:

пыжын куинь дикарьёс пегзо вал.

Пятница кык пол-а, куинь пол-а соос шоры ыбиз, но оз йотты, лэся. Кыдёке вуэмзылэсь азьло одйг пыжазы пуксьыса, соос сьоры уиськыны сюлвориз со монэ.

Соосты лэземе мынам но уг поты вал. Мон кышкасько вал: островын ма луэм сярысь ас калыксылы веразы ке, татчы лыд-

тэм трос вуозы, соку милемлы кулонлэсь мозмыны уз луы ни. Зэм, милям пычалъёсмы вань, соослэн ньолъёссы но пу мечъёссы гинэ. Нош милям вудурамы туж трос тушмон пыжъёс вуизы ке, ми, мазэ веранэз, одйгтэм быромы. Соин ик Пятницалэсы кылзйськи мон, пыжъёс доры бызыыса васьки, солы но сьорам. лыктыны косй.

Нош макем мон пайми, пыже тэтчыса, отысь адямиез адземе бере! Со пересь дикарь вылэм. Суй-пыдъёсыз керттылэмын, пыж пыдсын кылле вылэм. Сое но сиыны дасяллям вылэм, шöдске. Котырын ма луэмез валатэк (пыж дур вылтй но учкемез уг луы, сое сокем позыръяллям), кышкаменыз куанер öжытак гинэ кулымтэ.

Позыръям ньоръёссэ мон огпумысь вандй но солы султыны юрттыны малпай. Нош солэн пыдйылаз сылэмез но уг луы; вераськемез но уг луы, няркыт жуштэ гинэ: шудтэм адями малпа вал, лэся, вандыны нуон понна гинэ пертчылйзы шуыса.

Татчы ик Пятница но вуиз.

— Та адямилы валэкты,— шуи мон Пятницалы,— солы эрик сётэмын, солы номыр ум каре, тушмонъёсыз быдтэмын ини.

Пятница та пересен вераськыны кутскиз, нош мон солэнымаз коня ке шапык ром кисьти.

Шумпотон ивор куанер пересез улзытиз: со жутскиз но кыче ке кылъёс сипыртиз.

Вераны ик уд быгаты, ма луиз Пятницалы! Сое соку адзысал ке, самой юн сюлэмо адямилэн но пушкыз тырысал. Пересьлэсь куаразэ кылэмез но солэсь ымнырзэ адземез бере учке вал тй, ма луиз Пятницаен! Со сое зыгыръяны, чупаны кутскиз, бöрдыны, серекъяны öдъяз, мöля бордаз зиптйз, кеськиз, собере со котыртй тэтчаны öдъяз, кырзаны, эктыны кутскиз, собере нош ик бöрдыны, киосыныз шонаськыны кутскиз, ассэ ачиз йыраз, ымныраз тышка,— оглом вераса, визьтэммем кадь выре:

Ма луиз шуэмелы со номыре но уг вера, кема чоже оз вера. Берло ини, буйгамез бере, со валэктйз: та пересь — солэн бубиз шуыса.

Вераме но уг луы, макем мон жальмай, пилэсь сыче яратэмзэ адзыса! Из сюлэмо кадь дикарь, бубиныз пумиськыса, такем шумпотоз, жиль-жиль луоз шуыса уг малпаськы вал.

Нош соин чош ик, талы пи луэмзэ возьматыса, тумошо выремъёсыз шоры серекъятэк учкыны ой быгаты. Ог дас пол со тэтчалляз пыжысь музэ но музысь пыже, я со бубиз возы пуксыылэ, солэсь йырзэ аслаз гольык моля бордаз зыгыртэ, я солэсь пумем суй-пыдъёссэ посыны кутскылэ.

Пересьлэсь зонгырамзэ адзыса, мон сое ромен посыны дэмлай но. Пятница соку ик посыны кутскиз.

Петзись дикарьёсты уён сярысь табере ми вунэтим ни: соосты адзыны ик уг луы ни, кыдёке вуиллям.



Соос сьоры уиськыны ми ом но выре ни. Бен умой кариськеммы, малы ке шуид, кык час ортчыса, сильтол жутскиз, со милесьтым пыжмес одно ик кымасал. Со тол северо-запад ласянь пелля, петзисьёслэн чапак пумитазы. Соос та сильтолэз вормыны оз быгатэ, дыр, но асьсэлэсь музъемзэс адзытэк ик. вуэ быризы, дыр.

Малпамтэ шорысь луэм шумпотон Пятницаез вожомытйз, мынам сое бубиз бордысь палэнтыны мылкыды но оз жутскы. «Буйгатскытоно», малпай мон, палэнэгес султй, шумпотэмезлэсь сйямзэ возьмасько.

Со озьы жог гинэ оз луы. Берло ини мон Пятницалы вази. Со мон доры тэтчаса вуиз, шулдыр серекъяса, капчи мылкыдо, шудо. Мон солэсь юай, бубизлы нянь сётид-а шуыса. Со йырыныз шоназ.

— Нянь овол: юрзым пуны номыр кельтымтэ, ваньзэ ачиз сием.

Со ас шораз возьматиз.

Соку мон сумкаысьтым вань провизиме — пичигес нянь но кык-а, куинь-а зуски изюм поттй но Пятницалы сётй. Со сыче ик сюлмаськон мылкыдэн бубызэ сюдыны кутскиз, пичи пиез сямен. Паймеменыз куалекъямзэ адзыса, мон солы кылем роменым юпматскыны дэмлай, нош ромзэ но со пересьлы сётйз.

Минут ортчыса, мынам Пятницае кытчы ке бызе ини, визьтэммем сямен. Бызьылэ вал со паймоно кадь чырткем. Дугдыны косыса, кытчы быземзэ вераны косыса, мон со шоры кесяськи ке но, оз дугды — ышиз.

Учкисько, дас вить минут ортчыса, Пятница берытске ини, сокем жог уг лыкты. Матамгес вуэмез бере мон адзи, со маке но вае. Со кунган вылэм, бубизлы юыны шöг ву ваем. Со понна со юри бертылэм крепостямы, озьы ик сьöраз кык сукыри нянь кутэм на. Няньзэ со мыным сётйз, нош вузэ (мынам туж юэме потэ вал), кöня ке гучык юыны сётыса, пересьлы нуиз. Пересез ву котькыче ромлэсь умойгес улзытйз: сюэз куасьмемен со кулйське вылэм.

Со юэм бере мон Пятницаез оти но юай: кувщиназ вуэз оз кыльы ни-а, шуисько. Вань на, шуиз со. Мон сое испанецлы сётыны косй: солэн но пересь дикарьлэн кадь ик туж юэмез потэ вал. Испанецлы мон озьы ик пичи нянь сукыри лэзи.

Испанец лябыт на. Писпу улын гуждор вылын чылкак каньсыраса пуке со. Дикарьёс туж юн керттылэмен солэн суй-пыдъёсыз пыктылизы.

Сюзэ выль вуэн юзматэмез бере но нянь сиемез бере мон со доры лыктй но солы одйг зуски изюм мычи. Со чатырскиз, туж тау карыса шорам учкиз, собере султыны турттэ вал, но оз быгаты — пыктэм пыдъёсыз висё вылэм. Та висись адями шоры учкыса, малпаны ик уг луы вал, ма кызьы сокем жадыса но со озьы зол ожмаськиз туж кужмо тушмонэн. Мон солы вырытэк пукыны дэмлай но Пятницаез косй солэсь пыдъёссэ ромен зыраны.

Пятница та косэмме быдэсъякуз мон ялан сое чаклай. Со туж чем берытскылэ бубиз пала, солы маке кулэ овол меда шуыса учкылэ. Пятницалы пересьлэн йырыз гинэ адске вал, малы ке шуид, пересь пыж пыдсын пукиз. Чапак берытскиз но пересьлэн йырыз ышемын; со куспын ик Пятница пыдйылаз вал ини. Со оз бызьы, лобиз кадь: пыдъёсыз музъем борды но оз йотылэ ни, лэся. Нош матаз вуыса, бубизлэсь пыжын чалмыт кыллемзэ адзиз но соку ик ми доры берытскиз.

Соку мон испанецлы валэктй: мынам эше гыныд султыны юрттоз но пыж доры валтыса нуоз, отын ми тонэ улон юртамы вуттом.

Нош Пятница, жужыт, кужмо маке, кема малпатэк сое пиналэз сямен жутйз, тыбыраз ныпияз но нуиз. Пыж доры вуыса, сое со пыж дуре каллен гинэ пуктйз, собере бубиныз артэ пыдэсаз лэзиз. Собере мувыре потйз, пыжез вуэ донгиз, нош ик отчы тэтчиз но полысъёс борды кутскиз. Мон пыдын кошки.

Пятница туж кужмо полысаське, толлы пумит ке но мыноно, пыж туж чаль кошке, мон со сьоры уиськыса уг вуиськы.

Пятница пыжез туж умоен вуттиз гаванямы, бубызэ но испанецез отчы кельтыса, мувырти берлань бызьыса лыктэ.

— Қытчы бызид? — возтим ортчыкуз юай мон солось.

— Одйг пыж ваё на! — бызьыкуз со кеськиз но толпери кадь азьлань лобиз.

Одйг адями но, одйг вал но со сьоры уиськыны ой вуысал — сокем со чырткем бызьылэ. Пичи бухтамы доры мон соку гинэ вуи вал, нош со мукет пыжен вуиз ини. Мувыре тэтчыса, со милям выль куноосмылы пыжысь потыны юрттыны кутскиз, нош кыкназы ик жутскыны уг быгато ни: сокем лябомиллям.

Куанер Пятница ма карыны уг тоды.

Мон но малпаськыны кутски.

— Куноосмес ярдуре кельтылы-ай,— шуи мон солы,— ойдо мон сьöры.

Ми матысь сике кошким, умоєсь кык-куинь шачыос корам но озьылэсь-тазьы гинэ носилка лэсьтим. Висисьёсмес со вылэ

выдтим но крепостьмылэн педпал борддорез доры нуим.

Нош татысен ини ми чылкак паймим, ма карыны отйяз. Кык мойы муртъёсты жужыт кенер вамен выжтыны кужыме ой тырмысал. Нош ик малпаськоно луиз, жоген кызьы карыны мон нош ик тодй. Ми Пятницаен уж борды кутским; ог кык час ортчыса, туж умой парусиновой палатка дась луиз, со вылэ трос лысъёс тырим.

... Та палаткаын рис куроен но ньыль шобретэн кык валес ту-

патим.

КЫЗЬ ВИТЕТИ ГЛАВА

Островын выль улйсіёс. — Англичанчёслэн вуэмзы

В исись куноосмылы улон инты лэсьтэме бере, шутэтскыны но кужым пыртыны шуыса, соосты выль интыязы каръяме бере соослы сион дасяно луиз. Пятницаез мон кеч уллёям лэзи, аресъем кечпиез кутыны. Сое вандыса, со, мынам дышетэмея, сион пораз: жаркой но шыдлым. Шыдлыме йыды но рис поним,

туж ческыт шыд пормиз. Ми кенер сьорын порам (крепость-

пушкын мон ноку но ой тылскылы).

Сиськыны ми выль палаткаын дасяським. Корка пырон лэсьтыса, ньыльнамы сиським. Мон жок сьорын председатель выллем вал но куноосын вераськыны выри. Пятница мынэсьтым верамме соослы берыктэ, бубиныз вераськыку гинэ овол, испанецен вераськон дыръя но берыктэ, малы ке шуид, дикарь кылын со вераськыны умой гинэ быгатэ вылэм.

Нуназеяммы бере, шонерзэ вераса, жыт сиськеммы бере мон Пятницаез косй, пыже пуксьыса, пычалъёсмес вайыны: соосты вайыны ми ом ваньме но отчы ик кельтим вал уга. Нош чуказеяз мон сое дикарьёслэсь шойёссэс но кышкыт виро юон

бервылзэс ватыны лэзи.

Вань косэмме Пятница кулэезъя быдэстэм. Дикарьёслэсь вуылэм бервылзэс со туж лачмыт быдтэм, соин ик, отчы выльысь вуыса, мон сое соку ик тодманы ой но быгаты ни. Вудурнюлэскысь писпуосъя гинэ мон валай адями сиисьёслэсь чапак. татын вылэмзэс но юондыр каремзэс.

Кöня ке нунал улыса, выль эшъёсы шутэтскем но öжытак тупатскем бере, мон Пятницалэн юрттэмезъя соосын вераськы-

лыны кутски.

Нырысь ик мон Пятницалэн бубизлэсь юай: уг кышка-а со, пегзем дикарьёс та острове ас калыкенызы лыктозы но асьмеды быдтозы шуыса.

Пересьлэн верамезъя, со пегзем дикарьёс сыче сильтол дыръя асьсэ доры нокызьы но оз вуэ, дыр, пыжзы кымаськиз но, соос ваньзы выизы, луоз.

— Нош соос улэп кылемын ке но,— шуиз со,— тол соосты палэнэ нуиз но асьсэ тушмонзылэн мувыраз шуккиз, дыр, отын-соосты одно ик сиозы.

Коня ке чалмыт улыса, пересь шуиз на:

— Нош соос, гуртазы умоен вуизы ке но, соку но татчы берытскыны уз дйсьтэ ни. Тйляд шодтэк шорысь вуэменыды, дыбыртэменыды, пычалэн ыбылэменыды соос ортчыт зол кышказы, соин ик эшъёссэс гудыри чашйыса вииз шуозы ини. Нош тйледды — Пятницаез но тонэ — соос лек убиръёс но шайтанъёс кожазы, соосты быдтыны тй инмысь васькиллям шуыса малпазы. Мон ачим кылй, кызьы соос огзылы-огзы веразы со сярысь. Соос нокызьы уг валало ук, кызьы озьы опшоры адямилэн тылын гурзылэмез, гудыри куараен вераськемез луэ, киыныз но шонскытэк кыдёкысен виемез луэ.

Зэм вераз пересь. Берло мон тодй, собере туж кема аръёс улыса но одйг дикарь но оз адскылы ни мынам островам. Со бырем шуэм ньыль пегземъёсмы ас вордскем музъемазы умоен

бертйллям но асьсэ вераськемъёсынызы адямиоссэс кышкатйллям, дыр. Соос полын, оло, таче выжыкыл но пормиз: кин гинэ та вегнам острове султыны вуэ, соосты инмаръёс тылын чушкало, пе.

Озьызэ азьвыл ик тодытэк, дикарьёслэсь йыркур берыктэмзэс витьыса, мон ялан шугъяськыса улй. Бен мон но, мынам пичи армие но ожмаськыны котьку дасесь вал: ми табере ньыль кузя ук ини, ми доры коть сю тушмонъёс мед лыктозы, ноку но ой кышкасалмы соослы пумит ожмаськыны.

Нош соослэн кык сю, куинь сю кузя но вуэмзы луоз ук. Соку соос милемыз вормозы.

Нош нуналъёс ортчо, дикарьёслэн пыжъёссы уг адскыло. Мыным ялан чемгес но чемгес тодам лыктиз материке кошкон сярысь кемаласен малпанэ. Пятницалэн бубиз монэ чем лоп-кытъяз, милям адямиосмы шумпотыса пумиталозы шуылиз, бен кызьы уз шумпотэ, пизэ но, ассэ но пересез быронлэсь мозмыти ук мон.

Нош огпол испанецен умой-умой вераськеме бере малпаськыны кутски, кулэ-а со планме быдэстыны.

Испанец вераз мыным: дикарьёс асьсэ котыре дас сизьым испанецъёсты но португалецъёсты зэм ик утялтйллям ке но, вань та европеецъёс али туж курадзо, пе, куддыръя сютэм но уло. Дикарьёс уг мыскылляло соосты, котьма карыны лэзё, нош асьсэос туж куанер уло но выль лыктэм адямиосты сюдыны уг быгато.

Испанецлэсь мон юалляськи берлозэ кызьы ветлэмзы сярысь. Соослэн корабльзы Рио-де-ла-Платаысь Гаванае мынэ вал, шуиз со, аслэсьтыз дуно пойшур куоссэ но азвесьсэ отчы кельтыса, отысь европейской вузъёсты нуыны кулэ вал солы.

Сильтол дыръя соослэн корабельной командаысьтызы витез адямиоссы выиллям, нош кылемъёсыз, трос нунал чоже юэмзы потэмен но котсы сюмамен курадзыса, берпумаз ини адями сиисьёслэн мувыразы дугдйллям. Та музъем вылэ потыса, туж кышкаса улйллям, соосты тани-тани дикарьёс сиозы шуыса. Соослэн сьоразы пычалзы вылэм, нош пуляоссы но порохсы вылымтэ: бордазы пыже басьтэм порохсы ваньмыз сямен котмем, нош кылемзэ соос кемалась быдтйллям, малы ке шуид, нырысь пал соос пойшураса гинэ сион шедьтылйллям.

Мон юай солэсь, кызьы малпа со, ма луоз дикарьёслэн музъемзы вылэ кылем эшъёсызлы, оз тыршылэ-а соос отысь мозмытскыны. Солэн верамезъя, соос та сярысь трос кенешизы, нош вань тыршонъёссы бордонэн но жожконэн бырылизы.

— Милям,— шуиз со,— морее потымон судномы но, судно лэсьтыны тйрлыкмы но, сион запасъёсмы но ой вал ук.

Соку мон верай солы:

— Мон тиледын шонерак верасько. Кызьы ти малпаськоды, татчы, мынам островам, лыктыны дэмлай ке, эшъёсыд соглаш луозы-а? Мынам сямен, ваньмы чош кыче ке но вудур странае, отысен ас родинаямы вуыны амал шедьтысалмы. Огез гинэ монэ кышкатэ: соосты татчы отьыса, мон асме соос киулэ сётйсько. Нош гажаса отеме понна соос мыным пумит луизы ке?. Оглом вераса, куд-ог адямиослэн тау карон мылкыдзы уг луы. Нош со озьы, ма шуоды, туж ик жож луоз: адямиосты быронысь мозмытод но ачид Выль Испание соослы пленнике шедёд. Попъёс кие шедьытозь яке испанской монахъёслэн тылскемазы сутскыса бырытозь, эсьмаса, дикарьёс монэ мед сиозы. Тйляд эшъёсты татчы лыктысалзы ке, — шуи мон, — оскисько, сомында ужасьёсын бадзым судно лэсьтыны, юг пала Бразилие вуыны яке севере, испанской владениосы, вуыны луымонзэ лэсьтыны номыр кадь но ой потысал. Нош ссослэн киязы оружие сётй ке, нош соос, со понна тау карем интые, та оружиез мон пумитэ берыктизы ке, кужымзы трос луэмез шодыса, эрикме талазы ке, соку соослы сокем зеч кареме понна аслым ачим бордоно луо.

Испанец вань сюлмысьтыз вераз:

— Мынам эшъёсы туж секыт курадзо но отысь мозмыны луонтэмзэс адзыса уло, соин ик мозмытскыны юрттйсь адямилы пумит султозы шуыса мынам малпаме гинэ но уг луы. Кулэ ке, шуэ со, мон та пересен чош соос доры ветло, тйлесьтыд чектэмдэс иворто но тйледлы ответ ваё. Тйляд чектэмдыя луизы ке, мон соосты тй палан луонзы сярысь кыл сётыны косо, соос тй сьоры мынозы со музъем вылэ, кудзэ тй соослы асьтэос возьматоды, гуртазы вуытозязы чик пумитъяськытэк тйлесьтыд асьсэ вождызылэсь но начальниксылэсь сямен кылзйськозы. Тй косылоды, нош ми — кылзйськом, лэсьтом. Кулэ же, асьмеос гожтэм договор лэсьтом, со улэ котькудмы гожком но, сое мон тйледлы ваё.

Собере со вераз аслаз монъя луэмез сярысь али ик кыл

сётыны дась луэмзэ.

— Кулытозям тйлесьтыд кылзйськыса уло,— озьы быдтиз со пось веранзэ.— Тй утиды улонме, мон сое тйледлы сётйсько. Эшъёсы тйледлы кыл сётэмзэс медам сантэмалэ шуыса, мон сак чаклало но котьку тй понна нюръясько.

Озьы мылысь-кыдысь верамез бере вань осконтэме толзиз ни, мон та адямиосты мозмытыны малпай. Соос доры тонэ

но пересез лэзё шуыса испанецлы верай.

Нош соослы кошкыны ваньмыз дась луэм бере ачиз испанец вераны кутскиз, та малпаммес коня ке толэзьлы, оло нош, арлы, кельтоно на шуыса.

— Куноосты отемлэсь азьло,— шуиз со,— асьмелы соосты сюдон-вордон сярысь сюлмаськыны кулэ.

Со чылкак шонер вераз. Сионмы милям ожыт вал. Со мырдэм гинэ ньыль муртлы тырмысал, нош куноос вуизы ке, вань запасмес арняскын быдтозы но сютэм кулыны кемдом.

— Соин ик,— шуиз испанец,— тй лэзе выльвылэз копаны. Со ужез милемлы куиньнамылы сётэ, ми али ик со борды кут-



ском но кизьыны висъяны луонозэ кидыстэс ваньзэ ик кизём. Собере ю вуоз, ю-нянез октом-калтом но, выль адямиосты сюдыны тырмымон луиз кадь ке, соку ми Пятницалэн бубиныз соосты вайыны мыном. Соос та острове али вуизы ке, туж бадзым ёрмонэ шедёзы, озьы уз яра, малы ке шуид, ёрмыса улонысь синазыкылляськон но кер-нор улон потоз.

Та адямилэн азьланьын улон сярысь озьы нод-нод чакламез мыным туж кöтъям луиз. Мон адзи, со зэмзэ ик мыным зечлы сюлмаське, мыным вань сюлмыныз сётскемын.

Ми ньыль кузя кутским выль бусыез гырыны. Пу тйрлыхъёсын быгатэммыя ми музъемез мылысь-кыдысь бугыръям. Толэзь ортчыса, кизён дыр вуэм бере, милям бадзымос копам, бугыртэм музъем участокмы дась вал ини, ми отчы кызь кых бушель йыды но дас куать бушель рис кизим, мукет сямен ве-

раса, кизён понна вань висъяны луэмзэ ик кизим.

Табере, ми ньыль кузя луыса, дикарьёс туж трос вуоно дыръя гинэ милемлы соос кышкыт луысалзы на. Нош ми дикарьёслэсь ум кышкаське но быдэс островетй эркын ветлиськом. Ваньмы ик жоггес татысь мозмон сярысь малпанэн гинэ улйськом вал бере, ми котькудмы ик со осконмес зэматон понна мылысь-кыдысь ужам. Островетй калгыкум мон корабль лэсьтыны ярамон писпуосты пусйылй, Пятница бубиныз со писпуосты коразы, нош испанецез мон соослэн уженызы кивалтыны пуктй.

Мон возьматй соослы, макем секытэн лусйылоно луиз быдэс корысь котькуд пулэз. Ми ваньмы чош выльёссэ сыче пульёс дасяны кутским. Ми ог дас кык ёрос лусйим. Со юнэсь тыпы пульёс вал: кузьдалазы куамын вить фут, пасьталаен кык фут, зöкталаен кыкысен ньыль дюймозь. Валалоды ини, макем

трос кужыммес ми быдтймы та ужлы.

Со дыре ик мон вань быгатэмея пудо уллёме йылэтыны сюлмаськи. Со понна ми полысь кыкез нуналлы быдэ кыч кечпиосты кутылыны ветлылйзы. Тйни озьы милям пудомы ог кызь йырлыдлы йылйз.

Собере эшшо одйг туж кулэ ужмы вал на: изюм дасян сярысь сюлмаськон; виноград чапак соку кисьма вал ини. Ми сое ортчыт трос люкам но куасьтим. Нянен чош изюм милемлы зеч сион луэ. Ми ваньмы ик изюмез туж яратиськом. Талэсь ческыттес сионэз мон, зэмээ ик, уг тодиськы.

Аран дыр но вуиз. Йыды но рис удалтйзы гинэ,— туж чебер шуымон öвöл ик но, табере милемлы коть витьтон адямиез но сюдыны тырмысал. Ми басьтйм дас полэс трос. Тамында ю-няньмы, быдэс общинамылы выль нянёзь тырмем гинэ öвöл, соин чик кöбертэк сюрес вылэ потэммы луысал но Южной Америкалэн котькуд мувыраз вуэммы луысал.

Кытчы бен киськано рисмес но йыдымес? Со понна бадзым корзинаос кулэ луизы. Ми соку ик корзинаос керттыны кут-

ским. Испанец та ужын туж кибашлы вылэм.

Витёно куноосмылы сион-юон тйни озыы тырмыт дасям бере мон испанецез пыж кутыны но соос дуре мыныны лэзи. Мон юн верай: со ваёно адямиос мыным нокыче урод уж уз лэсьтэ, киязы оружиен мон пумитэ уз урдске, вань тушмонъёслэсь монэ утялтозы шуыса кыл мед сётозы. Озыытэк одйг адямиез но вайыны уг яра. Та кыл сётэмзы гожтэмын мед луоз но со улэ котькудйз мед гожтйськоз.

Соку мон кызьы ке вунэтйськем, со испанецъёслэн черни-

лазы но, перозы но ой вал ук.

Озьы валэктэме бере испанец но пересь дикарь сюрес вы-

Кыче шумпотыса мон соосты та сюрес вылэ дасяй! Кызысизым ар чоже пытсэтын улэме дырысен мынам нырысьсэ



татысь эрике потонэлы оскеме луиз. Та адямиослы мон трос нянь, изюм тырыса лэзи, асьсэлы но вуоно куноосмылы но тырмымон.

Я, мон соосты пыже пукти. Кошкон азязы мон соосын тазьы вераськи: берен бертыкузы пыжээс кыдёкысен ик тодманы луон понна соос флаг жутозы. Чебер сюрес сизи но, соос вырзизы.

Соос потйзы толо дыръя, тыр толэзь виын, октябре. Жаль, мынам шонер вераме уг лу, ма нуналэ, ма числое вал со: нуналъёслэсь но арняослэсь лыдзэс ыштыса, мон сое шонертыны ой быгаты ни.

Путешественникъёсы кошкем дырысен кема ортчиз ини. Мон соосты нуналысь нуналэ витисько. Соос маке беромо кадь потэ, тямыс нунал талэсь азьло вуыны кулэ вал ини. Шöдтэк шорысь луиз ноку но малпамтэ уж. Та островын вань улытозям сычезэ учырез ой тодылы на вал.

Одйг чукна зарпотыку, туж юн колон дыръям, мон доры туж юн кеськыса Пятница пыриз:

— Byo! Byo!

Mон соку ик султй, жогак дйсяськи, кенер вамен выжи но кышкытэз чаклатэк тэле бызьыса потй (тэле мынам, верано ке, нюлэс шуымон пушъемын вал ини).

Кышкыт сярысь мон чылкак вунэтйськем, та потэмам мон олома сямен нокыче оружие но кутйськымтэ. Бен мон юн

оскисько вал ук, испанец эшъёсыныз бертэ шуыса.

Нош кыче мон пайми ярдурысен ог вить миля кемысь куннь сэрго парусэн тодмотэм пыжез адзи но! Со пырак остров шоры лыктэ, тапала пельтйсь тол уллямен жог матынске. Со материк палась уг лыкты, островлэн югпал пумысьтыз вуэ.

Бен та милям сокем кема витем пыжмы ой вал. Котьма ке но, возьмаськыны дасяськоно луиз.

Мон Пятницаез косй тэле ватскыны но пыжысь адямиосты сак эскерыны, соос милемлы тодмоесь ой вал уга — тушмонъёс-а, эшъёс-а. Собере бертй, подзорной трубаме кутй, тубатъёсме поттй но быдэс котырез эскерон понна гурезь йылэ туби, кышкытлэсь матэ вуэмзэ шодыкум мон котьку озьы карылй уга.

Гурезь йылэ тубыса ой но вутты, соку ик кораблез адзи.

Островлэн юго-восточной пум палаз, мынам улон интыелы ог тямыс миля кемын, со якорь вылаз сылэ вал. Ярдурысен со дорозь вить милялэсь трос уз луы. Корабль, туж тодмо, английской, бен пыжез но, табере мон умойгес учкыны быгатыса тодмай, английской баркас вылэм.

Вераме но уг луы, кыче портэм малпаськонэ вуттиз монэ

та тодэм-адземе.

Кораблез, уката ик английскойзэ, адзыкум мынам шумпотэме, ас шаерысьтым калыкеным (озьы бере, эшъёсыным) жог пумиськыны шумпотэме вераны луонтэм бадзым луиз.

Нош соин чош ик сюлэмелэн валэктыны быгатонтэм маеке

шодэменыз мон асме сак возёно луи.

Нырысь ик мон аслэсьтым юай, малы английской купеческой корабль та интыосы кожем, мынам тодэмея, англичанъёслэн вань вузкарыса ветлон морской сюресъёссылы палэнэ кожем. Мон тодйсько, сильтол сое татчы вуттыны ой быгатысал,— та берпум нуналъёсы сильтолъёс но ой вал. Корабльын зэмзэ ик англичанъёс вал ке но, мыным дырыз вуытозь возьматскыны уг яра, малы ке шуод, туж шодымон, соос татчы зечен лыктэмын овол. Чик тодмотэм адямиослы оскыса, лушкаськисьёслэн но йырвандйсьёслэн киулазы шедьытозь, эсьмаса, азьланьын но та островам ик уло!

Гурезь йылын сылыса, мон ялан со лыктйсь пыжез эскерисько на.

Витёнтэм шорысь со ярдуре öжытак вуытэк чутрак берытскиз но ярдур валлинтй мынам куке но плотъёсыным дугдылэм

пичи бухтае пала кошкыны одъяз. Пыжын пукисьёс дугдыны умойгес инты чаклало вылэм, лэся. Соос пичи бухтаез оз адзе но мукет интые дугдизы, отысен ог жыны миля кеме.

Мон шудо вылйськем: соос та пичи бухтае пырысалзы ке, улон юртэлэн öc куспаз вуэм кадь луысалзы но — кин тодэ! оло, монэ ас юртысьтым уллясалзы но вань ваньбурме таласалзы.

Адямиос мувыре потйзы но, мон умой валай, таос зэмээ ик англичанъёс, ваньмыз ке öвöл, туж тросэз.

Огзэ-а, кыксэ-а, зэм, мон голландецъёс кожай, но янгышаськем вылэм. Ваньмыз соос дас одйг кузя.

Соос полысь куинез пленникъес карыса ваемын, шодске, малы ке шуид, соослэн нокыче оружизы овол, суй-пыдъессы но керттылэмын кадь потиз. Мон адзи, кызьы нырысь ик мувыре тэтчем вить муртъес соосты пыжысь сюл-кал поттылизы.

Огез пленник, маке сярысь сюлворыса, лэся, туж юн шоналляськиз: киоссэ выретэмез вылысь куректэмез но, жаляны куремез но, шуэрскемез но адскиз.

Со мар верамзэ ик уг вала ни, шöдске. Кыкез мукетъёсыз но, киоссэс урдылыса, маке сюлворо, нош куректэмзэс сокем юн уггес возьмато, лачмытгес возько.

Мон учкисько соосты но номырзэ уг валаськы. Малпамтэ шорысь Пятница мыным кеськиз:

- О, Робин Крузо! Учкы: тöдьы адямиосыд но адямиосты дикарьёс сямен ик сио ук.
- Тон визьтэммид-а, оло, Пятница! шуи мон солы. Таос соосты сиозы кожаськод-а?
 - Конешно, сиозы, шуэ со.
- Уз, уз, Пятница, тон янгышаськод,— шуисько на мон.— Зэм, мон кышкасько, соос соосты виозы, нош сиозы шуыса эн ик малпа.

Син азям ма луэмез мон ялан уг валаськы на, али танийыруж луоз шуыса малпаменым куалекъясько.

Мон адзи кадь ини, одйгезлэн йыр вадьсаз кыче ке оружие чилектиз — кинжал, оло, пурт.

Вирсэръёсам виры ик кынмиз: куанер али ик супырак усёз кожай. Со дыре мон кыче жаляй бордам испанеце но пересь дикаре оволысь!

Мон шодй, огезлэн но разбойниклэн бордаз пычалэз овол. «Умой луысал,— малпай мон,— соос доры али лушкемак мыныны но пырак ыбыны, пленникъёсты мозмытыны».

Нош ужюгдур мукет сямен луиз.

Разбойникъёс пленникъёссэс виыны уг малпало вылэм, шодске.



Одйгезлэн пленниклэн йыр вадьсаз кыче ке оружие чилектиз.

Кышкатыса но мыскылляса, злодейёс таосты кельтизы но асьсэос острове кошкизы, кытчы вуэм интызэс эскерыны малпазы, лэся.

Пленникъёссы доры кык эшъёссэс кельтйзы. Нош соос кудземын вылйллям, лэся: мукетъёсыз кошкизы гинэ но, кыксы ик пыже пыризы но соку ик умме усизы.

Тйни озьы пленникъёс огназы кылизы. Ас кожазы кылемзы бере, мозмытскыны тыршем интые, соос чылкак ма карыны ва-

латэк, котырак учкылыса, луо вылын пуко.

Со мыным островам нырысь нуналзэ улэмме тодам уськытиз. Чапак озьы ик мон но, шузимем кадь котыр учкылыса, ярдурын пуки. Мон но асме ачим озьы ик быронэ шедемен лыдъяй. Сьосьёс монэ медам кесялэ шуыса, мон писпуэ туби но, нырысети уяз кыче но кышкытъёс оз адскылэ син азям! Нош макем гань-гань ули мон та аръёсы! Номыр тачезэ мон соку ой но малпалля.

Чылкак озьы ик та куинь шудтэмъёс но мозмонзылэсь матынзэ тодытэк шöектэм кадь луиллям.

КЫЗЬ КУАТЕТИ ГЛАВА

Робинзон пумиське английской корабльлэн капитанэныз

азбойникъёс острове ву будон дыръя вуизы. Соос островетй калгытозь трос дыр ортчиз; ву синыны кутскиз но, пыжзы мувыре кылиз.

Отын, верамын вал ини, жог гинэ умме усем кык адямиос кылизы.

Час ортчыса, одйгез сайказ, пыжзылэсь кос мувыре кылемзэ адзыса, сое вуэ донгыны оскалтйз но оз быгаты. Соку со мукетъессэ отьыны кутскиз. Соосыз бызьыса вуизы, солы юрттыны кутскизы. Нош пыжзы секыт, луо сокем бугырес но кот, пыжзэс вуэ донгыны кужымзы оз тырмы.

Соку соос, зэм-зэм морякъёс кадь,— нош морякъёс, тодмо ини, чик сюлмаськисьтэм калык, азьпалэз ноку но уг малпало,—пыжзэс кельтйзы но выльысь калгыны кошкизы. Огез кошкыкуз мукетызлы кеськиз:

— Джек! Ма кушты тон сое! Малы киосты пульсатыса вырод! Ву выльысь будыны кутскиз ке, со ачиз лопгоз-ай.

Та английской кылын верамын вал. Зэм ик таос мынам шаерысьтым адямиос вылиллям.

Соос кошкытозь мон яке пуки, крепость кенер сьоры ватскыса, яке гурезь йылысен соосты эскери.

Ву будыны кутскытозь ожытсэ дас час кылиз на.

Озьыен, со дырозь пыжзы луо вылын кыллёз.

Жытазе, пеймыт луэм бере, мон ватскемысьтым пото, та матросъёс доры лушкемен мыно но вань выремзэс, ветлэмзэс эскеро, оло нош, ма сярысь вераськемзэс кылзыны быгато.

Нош али, жытмемез витьыса, нюръяськыны дасяськоно. Табере мынам тушмонэ кужмогес но кышкытгес ук, азьвылэз

сярысь. Соин ик дасяськыны но умойгес кулэ.

Мон кема выри пычалъёсыным, сузяй, зарадай, собере сэзь, умой ыбылйськись луэм Пятницаез тырмыт пычал-тйрлык кутыны косй. Мон солы куинь пычал сётй, аслым кыксэ басьтй. Мукетсэ но оружимес куспамы люким.

Верано луоз, та дйськутэным но котырыным мынам тусы туж воинственной вал. Вылам дйсямын йöнтэм лусьтро курткае но лусьтро ызьые, макес бордам сабляе ошкемын, куспулсам кык пистолетэ, пельпумелы быдэ пычалэ.

Верай ини, жытмытозь мон номыр карыны уг малпаськы вал. Нош нуназе бере ог кык часын, шунды уката кужмо пыжыны кутскыку, мон шöдü, матросъёс ваньзы нюлэскы кошкизы но öз берытске ни. Соос пöсен каньсыразы, дыр, но салкым азын умме усизы, луоз.

Нош пленникъёссылы колонэн йырин овол. Соос, йырзэс ошыса, кыче ке бадзым писпу улын пуко, секыт мылкыдоесь.

Соос дорысен мон дорозь жыны милялэсь но матын.

Соосты нокин уг возьма вал но, мон жытэз витьытэк соос доры мыныны но вераськыны кариськи. Чидатэк тодэме потйз уга, кин маке со адямиос, малы соос татын. Сыче дйсеным ик соос доры потй. Мон борсьы Пятница вамышъя. Со но йырысеныз пыдозяз вооружить каремын, нош со мон кадям лусьтро уг адскы.

Куинь пленникъёс доры мон туж матазы вуи (соос мыным мышкин пуко вал но монэ оз адзе) но испанской кылын зол кеськыса юай:

— Кин тй тачеесь, сеньоръёс?

Малпамтэ шорысь кылыса, соос куаляк усизы, нош шуш дйсяськем тусме адземзы бере соос уката золгес кышказы на, лэся. Одйгез но пал кыл но оз вазьылы, соос пегзыны малпалокадь потиз мыным.

Соку мон соосын английской кылын вераськыны кутски.

— Джентльменъёс,— шуи мон,— эн кышкалэ. Оло, тй асьтэлы эш отысь шедьтоды, кытысь сое шедьтыны уд но малпаське. Мон—англичанин но тйледлы юрттэме потэ. Асьтэос адзись—



Куинь пленникъёс доры мэн туж матазы вуч.

коды, ми чошен гинэ; милям пычалъёсмы но порохмы вань. Вералэ бен шонерак: маин ми тйледлы юрттыны быгатом? Ма таче

луиз тйледлы?

— Милям курадзонъёсмы кема мадыны тырмымон, — шуиз огез пленник, — курадзытисьёсмы матын но минутлы быдэ татчы вуыны быгатозы. Нош тани тйледлы, вакчияк вераса, милям вань историмы. Мон — корабльлэн капитанэз; экипаже бугыръ-яськыны кутскиз. Мон ас матросъёсме котьку яратисько вал, соос но монэ ярато вал. Мынам командае улсын соос туж умой: улизы. Нош соосты мынам судноям та берло дыръёсы каръяськем укылтэм шайка ас палаз кыскиз. Со укылтэмъёс соосты пират луыны, корабльёсты грабить карыны но сутылыны лопкытйзы. Тани та эшъёсы (одйгез — мынам юрттисе, мукетыз пассажир) милемыз эн вие шуыса мырдэм сюлворизы со адямиослы. Бератаз ини соос соглаш луизы но милемыз куиньнаместы кыче ке кыр ярдуре куштыса кельтомы шуизы. Соос озьы каризы. Татын ми сютэм улыса куломы ини шуыса малпамы, малы ке шуоды, та музъем вылын нокин улйсез овол кожаськом: вал. Нош татын милемыз кулонлэсь мозмытыны дась адямиос уло вылэм ук.

— Қытын со укылтэм муртъёс? — юай мон. — Қытчы соос.

кошкизы? Куд пала?

— Тüни соос, сэр¹, со писпуос улын кыллё,— шуиз капитан, матысь нюлэс пала возьматыса.— Кышкаменым сюлмы шымырак луэ: соос тüледыз адзизы, дыр, но али ма сярысь вераськеммес кыло, дыр. Озьы ке, асьмеос бырим! Соос ваньместы ынозы, нокудместы но уз кельтэ.

— Соослэн пычалъёссы вань-а? — юай мон.

— Кык гинэ, со сяна, огез пыжазы кельтэмын.

— Умой! — шуи мон. — Вань мукет ужез мон ас вылам басьтйсько. Соос юн умме усиллям: матазы лушкемен мыныны но соосты виылыны асьмелы шуг ик ой луысал, луло валскын кутыса умойгес уз луы меда? Оло, соос тупатскозы, йыртэмамысь дугдозы но умоесь адямиос луозы.

Капитанлэн верамезъя, со адямиос полын кыкез кышкыт элодейёс вань, соосты жалянэз ик овол. Та кыкезлэсь мозмим ке, кылемъёсыз, со оске, чаломозы но азыло ужазы кутскозы.

Со кыксэ мон возьматыны кури. Такем кыдёкысен соосты, оло, уг но тодма шуиз, нош учыр кемдйз ке, возьмато, пе.

— Мон но, эшъёсы но,— шуиз со,— тйлесьтыд кылзыны дась. Ми асьмеды быдэсак тйляд киулады сётйськом. Тйляд: котькуд косэмды милемлы закон луов.

¹ Сэр, сеньор — господин

— Озьы бере,— шуи мон,— кыдёкегес палэнском, асьмеды соос медаз адзе, вераськеммес медаз кылзэ. Мед колозы ойдо, нош со куспын асьмеос вераськом, ма кароно луоз.

Куиньназы ик султизы но мон сьоры вамыштизы.

Мон соосты нюлэслэн жокытгес интыяз нуи но капитанлы верай:

— Мон тüледды мозмытыны оскалто, нош нырысь ик мон кык условие пукто.

Со мыным пумозяз вераны но оз сёты.

— Мон котькыйе условидэс кутйсько, сэр,— шуиз со.— Злодейёс киулысь корабльме таланы быгатйды ке, монэным но, мынам корабленым но асьтэлы кулэ луэмъя тодйсьяське. Нош тйляд малпамды оз ке пормы, мон тйледын йош татчы ик кылё но кулытозям мон тйляд сюлмо юрттйсьты луо.

Озьы ик веразы солэн эшъёсыз но.

— Озьы ке, — шуи мон, — тани мынам кык условиосы. Нырысь ик, ас корабляды вуытозяды, капитан луэмдэс тй вунэтоды, пал кыл но пумит куаретытэк мынэсьтым кылзоды. Кияды пычал сётй ке, тй нокыче дыръя но мыным пумит, мынам адямиосылы пумит уд урдске, нош кури ке, соку ик мыным берен сётоды. Кыкетйез, тйляд корабльды асьтэлы ик сётэмын луиз ке, тй чик дун басьтытэк монэ но мынэсьтым эшме Англие вуттоды.

Мынэсьтым кыксэ ик та куронъёсме умой быдэстыны капитан вань эшъёсызлэн нимынызы бадзым оскытон сётиз.

- Мон та куронъёстэс,— шуиз со,— туж шонересь лыдъясько. Бен со гинэ ма. Тй монэ быронлэсь мозмытйськоды но вань улытозям тйледлы тау кароно луисько. Тйни малы тйлесьтыд условиостэс мон сюлмысь кутйсько.
- Иське, ум жегатске ни,— шуи мон.— Тани тйледлы куинь мушкет, тани порох, пуляос. Нош табере вералэ, асьмелы ма кароно луоз, тй сямен?

— Тау тüледлы, мынэсьтым визькенеш куремды понна, шуиз капитан,— нош мынам кенеш сётэме луоз-а тüледлы? Тü милям начальникмы, тüляд ужды косон, милям — кылзон.

— Мон сямен,— шуй мон,— соос колыку матазы лушкемен мынйм ке, соосты вань пычалъесынымы чош ыбим ке, вормыны капчигес луоз. Кинлы кулыны кылдэмын, со быроз. Улэп кылемъесыз асьме кие сетскизы ке, сюлворизы ке, соосты, оло, жаляны но луоз.

Капитан дисьтытэкгес пумит луиз, сомында вир кисьтэмез солэн уг поты, луоно ке, со сыче йыружлэсь возькысал вылэм, пе.

— Со адямиос полысь, — йылтиз на со, — кыкез тупатонтэм негодяйес, соос ик мукетъёссэ но таче укылтэм уже лопкы-

тизы. Соос асьме киулысь мозмизы ке, корабле берен вуизы ке, асьмеос бырим, малы ке шуод, соос татчы мукет матросъёсын лыктозы но асьмеды ваньместы виылозы.

— Иське, мынэсьтым визькенешме кутоно,— шуи мон.— Асьтэос адзиськоды, асьмеос котькызьы ке но лек кариськоно

луиськом: асьмелэн мозмонамы со одйг гинэ амал.

Адске, капитанлэн сомында кöлйсь калыкез виыны но сöсыръяны лэземез уг поты, чапак та адямиос тае сютэм бырон калэ вуттиллям ке но.

Озьызэ шодыса, мон верай солы: эшъёсыныд азьлань мын

но ас тодэмедъя тодисьяськы.

Тазьы кенешытозямы, пиратъёс сайкалляны кутскизы. Нюлэскысь куараоссы кылйськизы. Мон адзи: соос полысь кыкез пыдйылазы ини. Капитанлэсь юай, бунт поттыны кутскисьёс таос овол-а, шуисько.

— Овол,— шуиз со,— таосыз кышкатэменызы берло гинэ

соос пала кариськизы, азьвыл умоесь вал.

— Мед кошкозы, иське, ас сюрестйзы,— шуи мон,— ум люкетэ соослы.— Янгыштэмъёслы пулялэсь мозмыны озьы кылдэм, дыр, ини. Нош кылемъёсызлы кошкыны эрик сётйды ке, асьтэ вылэ жожтйське. Соос тйледды кутозы но уз жалялэ ни.

Та кылъёс капитанэз улзытйзы, со ачиз но кык солэн эшъёсыз пычал кутйзы, куспулсазы пистолетъёс донгизы но азь-

лань вамыштйзы.

Одйгез матрос соослэн чаштыртэмзы пала берытскиз но, асьсэлэн пленникъёссылэн киосысьтызы пычалъёссэс адзыса, тревога жутиз.

Бер вал ини: чапак со кеськыку кык ыбем куара шуккиськиз. Ыбисьёс шонер йöттüллям: одйгез пират виемын вал, мукетыз секыт сöсыртэмын. Озьы ке но, таиз пыдйылаз султüз, юрттыны öтьыны кутскиз. Нош отын со доры капитан вуиз.

— Бере усид! — шуиз со. — Табере тыныд нокин но уз

юртты ни. Тани тыныд предательствоед понна кузьым!

Со вераменыз чош пычалзэ жутиз но предательлэн йыраз

туж юн шуккиз, соиз пырак азелы чалмиз.

Табере, куинь адямиосты вератэк — соос нюлэслэн мукет палаз кошкиллям, лэся, — милям куинь тушмонмы гинэ кылиз на, соос полысь огез капчи сосыртэмын вал. Со дыре ми но Пятницаен доразы вуим. Тушмонъёс мозмыны быгатонтэмзэс валазы но сюлворыны кутскизы. Капитан тазьы вераз: «Та урод ужды бордысь куштйськондэс уж вылын возьматйды ке, кораблез берен мон кие басьтыны юрттон вылысь кыл сётйды ке, мон тйлелыз улэп кельтыны дась». Соос со азе пыдесъяськизы но сюлмысьтызы сюлворыны кутскизы.

Соослэн кылъёссылы капитан оскиз но соосты улэп кельтйсько шуиз. Мон талы пумит ой луы, но соослэсь суйёссэс, пыдъёссэс керттылыны косй.

Вань та вераськонъёс быризы но, мон Пятницаез но капи-



танлэсь юрттисьсэ баркас доры ысти, парусъёссэ, полысъёссэ отысь октыны коси.

Жоген со куинь матросъёс но вуизы. Соос кыдёке кошкиллям вылэм но, ыбылэмъёсмес кылыса, али бызьыса вуизы.

Соослэн капитанзы, пленникысь мозмыса, вормись луэм шуыса адзизы но оз ик пумитьяське ни, чик вазыылытэк асьсэды керттылыны сётйзы.

Тйни озьы ми вормим.

КЫЗЬ СИЗЬЫМЕТИ ГЛАВА

Пиратъёсын ожмаськон

абере, ваньмем бере, мынам капитанлы ас курадзыса улэме сярысь вераме луэ ини, солэн ужлумез сярысь, кызыы, ма сямен ас корабльзэ ыштэмез сярысь солэсь юалляськеме луэ ини.

Нырысь ик мон кутски. Мон мади солы та берло кызь сизьым ар чоже улэмелэсь вань историзэ. Со куш-куш кылзйськиз

но быронлэсь мозмыны быгатэмелы чылкак паймиз.

Табере, та шимес островын улэмме рос-прос тодэмез бере, мон сое но солэсь эшъёссэ аслам крепостям оти, отчы ми тубатме пуктыса пырим. Мон куноосылы туж трос сион-юон порай, собере ас хозяйствоме возьмати, кема аръёс чоже огнам улыкум

ужам ужме возьматъяй.

Та адямиослы вань адземзы туж паймымон потйз. Ас сярысьтым вань мадемме соос выжыкылэз кадь кылзйзы. Нош соосты котьмалэсь ортчыт абдратйзы мынам лэсьтэм укреплениосы, жокыт писпуос улысь шедьтыны луонтэм ватэм юртэ. Татын писпуос, Англиын сярысь, жоггес будэмен мынам пичи сике кызь ар чоже жокыт нюлэслы пормиз. Коркае доры со пыртй сюбег пичи сюрестй гинэ выжыны луэ вал, со сюресэз мон писпу мерттыкум юри кельтэм вал.

Мон капитанлы валэктй, та крепость мынам главной резиденцие иуыса, нош со сяна, вань корольёслэн кадь ик, столицае сьорын мынам гужем улон двореце но вань, отчы но мон

одйг-ог вуылйсько.

— Сое мон мылысь-кыдысь возьмато,— шуи мон,— нош али асьмелэн бадзымгес ужмы вань: малпаны кулэ, кызьы тйлесьтыд корабльдэс тушмонъёс киулысь талано.

— Визьмы ик уг тырмы, ма гинэ асьмелы кароно,— шуиз капитан.— Корабле кызь куать адямиос кылемын на. Ваньзы соос мыным пумит вераськемын, сыче урод уж понна милям законъёсмыя казнить карыны кулэ. Пиратъёслы умой тодмо, соос, асьме киулэ шедизы ке, Англие бертэм беразы соку ик ошемын луозы. Сое тодыса, соос, конешно, берпум кужымзы бырытозы жугиськыны турттозы. Нош таче югдурын асьмелы лябыт кужымъёсынымы соослы пумит ожмаськыны малпанэз ик овол.

Мон малпаськыны кутски. Капитанлэн верамез шонер потйз мыным. Жоггес кыче ке но сэзь амал шедьтыны кулэ. Котькыче жеган милемлы бырон луысал: корабльысь мукет шайка пиратъёс татчы вуозы но милемыз ваньместы вандылозы. Котьмалэсь но умойгес луысал соосты кызьы ке амалтыны но соос вылэ шуак лэзькыны. Нош кызьы сое лэсьтоно? Соос тани-тани вуыны быгатозы татчы.

— Отын, кораблын,— шуи мон капитанлы,— пыжзы берен вуымтэен шугъясько, дыр, ини. Тани отын тодэмзы пстоз, ма бен луиз со мувыре келям матросъёслы, собере асьме

¹ Резиденция — государствоен кивалтисьлэн ужан но улон интыез. Татынта кыл серекъяськыса верамын.

доры мукет пыж лэзёзы. Табере соос пычалъёсын лыктозы ини, соку асьмеос соосты ум ворме ни.

Капитан монэн огкылысь луиз.

— Асьмелы нырысь ик,— шуи мон,— сюлмаськыны кулэ, разбойникъёс та баркассэс берен нуыны медам быгатэ шуыса, нош со понна сое уяны луонтэм кароно, пыдэссэ пасяно.

Ми соку ик баркас доры мынйм. Со мей дуро бадзым пыж вал. Баркасын котькыйе ваньбурез трос вылэм. Ми стысь кыйе ке сыйе оружие шедьтйм, порох возён, кык бутылка — огез винаен, мукетыз ромен, коня ке сухари, бадзым кусок сахар (ог вить-а, куать-а фунт), со парусинае бинялтэмын. Ваньмыз соос мыным туж кулэ вал, тужгес ик сахар но вина: созэ но тазэ но мон туж кемалась ой оскалтылы ни.

Ваньзэ та котыръёсты ярдуре поттылыса, полысъёсты, мачтаез, парусэз но рулез сьорамы кутыса, ми баркас пыдэсэз бадзымос пасямы. Озьыен, тушмонэз вормеммы ке но ой луысал, со баркассы ми кие ик кыльысал, талы мон туж ик оскыса улй.

Зэмзэ верано ке, кораблез пиратъёс киулысь таланы быгатонмылы мон сокем ой но оскылы. «Соос милемлы баркасэз коть мед кельтозы,— шуисько мон аслым ачим.— Сое тупатыны секыт ик овол, нош таче судноын мон Подветренной островъёс доры капчиен вуо. Сюрес вылысен испанеце доры но солэн дикарьёс дорын курадзись эшъёсыз доры кожаме луоз».

Баркасэз ву вуонтэм кос интые дэмен кыским но шутэт-

скыны но кенешыны пуксим, ма табере карыны.

Малпамтэ шорысь корабльысь пушкаен ыбем хуара кылиськиз. Собере флаген шонаны кутскизы. Баркасэз öтён сигнальылэм, лэся, со.

Ожыт улыса, нош ик коня ке пол ыбем куара гудыртиз на, флагъёсын дугдылытэк шонало, нош соос пумитэ вазыылись овол: баркас интыысьтыз уг вырзылы. Бератаз ини корабльысь шлюпка лэзизы (ваньмыз та милемлы подзорной трубаети сайкыт адске). Шлюпка ярдур пала лыктэ. Матэгес вуиз но ми адзим: отын ожытсэ дас адямиос, киязы пычалъёсын.

Корабльысен ярдурозь ог куать миля вал, озьыен, шлюпкаын пукись адямиосты ми дыртытэк учкыны быгатйськом. Ми соослэсь ымныръёссэс но адзиськом, малы ке шуод, ву визыл шлюпкаез баркас кыллён интылэсь öжыт восток палагес шуккиз, нош полсасьёслэн чапак со интые ик дугдэмзы потэ вылэм, лэся, соин ик соослы коня ке ярдур валлин мыноно луиз. Тини соку ик ми соосты умой-умой учкыны быгатим. Капитан соосты

¹ Подветренной островъёс — Вест-Индиын, Караибокой морелэнь северо-восток палаз.

ваньзэсты ик тодмаз но отысен ик котькудйзлэсь кычезэ-сычезэ мыным тодытъяз.

Солэн верамезъя, соос полын куинь умой матросъёс вылйллям; соосты кышкатыса та сьод уже кыскизы, луоз, ини, нош со понна боцман но вань мукетъёсыз — йырвандйсь злодейёс но разбойникъёс.

— Мон кышкасько,— йылтйз на капитан,— соосты асьмеос ум ворме, дыр. Ваньзы соос лек калык, табере пумитъяськеммес тодйзы ке, асьмеды уз жалялэ ни. Малпаны ик кышкыт, ма карозы соос асьмеды.

Мон пальпотй но шуи:

- Малы тй кышкан сярысь вераськоды? Асьмелэн шат кышканы правомы вань? Азьланьын асьмелы котьма мед луоз но тавиысь ужюгдурмылэсь одно ик умойгес луоз, озьы бере, таче югдурысь котькычезэ потонэз кулонэз гинэ но асьмелы мозмонэн лыдъяны кулэ. Мынэсьтым татын огнам улэмме тодады вае али. Капчи-а кызь сизьым ар чоже вань дуннелэсь люкиськыса улыны? Эрике потон понна мыным улонме но жалятэк нюръяськыны кулэ. Шат со валамон овол тйледлы? Уг, шуисько на мон, кышкан монэ уг малпаськыты, монэ мукетыз малпаськытэ.
 - Ма сыче? юаз со.
- Бен, тйляд верамдыя, со адямиос полын куинь-а, ньыль-а умойесыз, жаляноосыз вань ук. Соос ваньмыз ик злодейес луысалзы ке, мон чик ой малпаськысал но соосты быдтыны киы пырысал. Асьмелэн соосты вормонмылы мон чылкак оскисько, малы ке шуид, котькудйз та острове лёгиськем адями асьме власть уламы луоз. Соку асьмеос тодом, вионо-а сое, улэп кельтоно-а.

Мон юн куараен, мынясь тусын верай. Мынам вормон мыл-кыды капитанлы пычаз но, ми уж борды пось кутским.

Азьвыл ик, корабльысь шлюпка лэзьыкузы, ми пленникъёсмес пыдло ватыны сюлмаським. Кыксэ, капитан шуэмъя, самой кышкытъёссэ мон Пятницалэн но капитанлэн юрттйсезлэн
возьмамзы улсын пещераям келяй. Со тюрьмаысь пегзыны капчи ой луысал. Соослы отысь маке сямен пегзыны удалтысал ке
но, крепость котырысь жокыт сикын йыромысалзы. Асьсэ калыксылэн куаразы но татчы уз кылйськы, островын ма луэмез
но уз адзе. Татын соосты выльысь керттылйзы, нош Пятница,
котьма ке но, умой сюдйз соосты, пещерае коня ке сюсьтыл
жуатыса кельтэм, нош капитанлэн юрттйсез тазьы вераса кельтэм: нунал-кык чал-чал улйзы ке, соос мозмытэмын луозы:

— Нош пегзыны малпады ке, кошкыны одъякуды ик чик жалятэк ыбом,— шуэм на со.

Соос кыл сётйллям пытсэтын пуконзэс чидаса ортчытыны.

сион но югыт сётэм понна туж тау кариллям.

Мукетъёсыныз ньыль пленникъёсын сокем лек ом выре.. Зэм, кыксэ ми керттылыса ик кельтим на, малы ке шуид, капитан соослы оз оскы, нош кык мукетъёссэ мон, капитан дэмламъя, службае но кути. Кыкез ик соос, мон пала луиськом шуыса, кыл сётизы.

Озьы тйни, та кыкъёссэ но кык эшъёсыныз капитанэз лыдъяса, ми табере сизьым кузя зеч вооружить карем адямнос луим. Табере со лыктйсь дас муртъёсты ми вормомы шуыса оски. Уката ик, капитан верамъя, соос полын умой адямиос вань, соосты асьме пала кыскыны быгатонмылы оскыны луэ вал.

Азьло баркассы сылон интые остров дуре вуизы но матросъёс дугдйзы, шлюпкаысь потйзы но сое мувыре кыскизы, солы мон туж шумпотй. Шонерзэ верано ке, мон кышкаса улй, сосос, маке со луэмлэсь чакласькыса, ярдуре вуытэк якорьзы борды думиськозы но коня ке адямиоссы шлюпказэс возьманы кылёзы, соку ми сое ас киуламы басьтыны ой быгатысалмы ни ук.

Мувыре потыса, соос нырысь ик баркассы доры бызизы. Отысь вань котыръёсыз октэмын, ваньбурез ышем, нош пыдэсыз пырак пась шуыса адземзы бере соослэсь паймемзэс асьтэос валалэ!

Соос баркас котыразы люкаськизы но асьсэ куспазы кема кенешизы, малы та тазьы луэм. Собере, эшъёссэс отьыса, зол-зол черекъяны кутскизы. Нош пумитазы нокин вазись ой лась.

Соку соос котырак султйзы но командая вань пычалъёсынызы чош ыбизы. Нюлэсэтй чаш!! куара чузъяськиз. Озьы но ужзы оз пормы: пытсэтын пукисьёс номыре оз кылэ, нош ми дорамы кылемъёсыз, кылйзы ке но, куара сётыны оз дйсьтэ.

Со куспын пиратъёс, черекъямзылы пумит нокинлэсь вазиськымтэзэ шодыса, ортчыт зол кышказы но соку ик корабле берытскыны кариськизы. Тодмо ини, соос ивор нуо баркассылэн пыдсыз пась луэм сярысь, адямиоссылэн быремзы сярысь — ой ке бырысалзы, соос куаразэс сётысалзы ук шуыса валазы соос.

Кораблез басьтыны быгатонмылы та дырозь оскыса улйсь

капитанлэн табере мылкыдыз чылкак куашказ.

— Ваньмыз быриз! — шуиз со мозмылэс куараен. — Острове вуэм матросъёслэсь ышемзэс корабльын тодизы ке, выль капитан якорь вылысь лэзькыны косоз, соку зеч лу, корабле!

Нош сокугес ик выль ужпум луиз, капитанэз со уката кыш-катиз.

Дас минут но оз ортчы, кошкись шлюпка берытскиз но бе-

рен остров дорамы лыктэ. Шлюпкаысен куспазы кенешыса, соос кыче ке выль амал шедьтизы, дыр.

Ми чал-чал эскериськом.

Ярдуре дугдыса, шлюпкае соос куинь адямиоссэс кельтйзы, нош сизьымез васькизы но, острове мей ярдуртй тубыса, пыдло кошкизы, ышемъёссэ утчаны, лэся. Ми шугъяськыны кутским.

Ярдуре потэмъёссэ сизьымзэ милемлы кырмыны удалтысал ке но, ми куинь мукетъёсыныз валче шлюпкаез лэзьысалмы но, со милемлы нокыче пайдаё ой луысал. Корабле берытскыса, соос одно ик татын ма луэм сярысь вералозы, нош соку корабль зэмзэ ик якорь бордысьтыз лэзькоз но, ми сое пыраклы ыштом.

Ма гинэ карыны? Табере, ма луонэз чидаса возьман сяна, милемлы номыр уг кыльы ни. Сизьымез матросъёс острове кошкем бере кылемъёсыз куинез шлюпкаез ярдурысен кыдёке нуизы но якорьзэ лэзизы. Тйни озьы милемлы сое лушкаса ватыны чик оз удалты ни.

Мувыре потэмъёс кир-пазь оз луэ. Соос, чош возькыса, мынам юртэ возысь пичи гурезь йылэ тубыны кутскизы. Ми соосты туж усто адзиськом, нош соос милемды уг адзо. Милемлы матэгес лыктысалзы ке, ми шумпотысалмы, малы ке шуид, соосты ыбылыны быгатысалмы.

Ми витиськом вал соослэсь островлэн мукет пал дураз мынэмзэс, малы ке шуид, соос тапалаз дыръя милям крепостьысь потэммы уг луы. Нош вырлэн йылаз вуыса (татысен островлэн вань северо-восточной люкетэз, сикъёсыз, нёжалъёсыз кырым пыдэс вылын кадь адско), соос дугдйзы но выльысь кужмо кесяськыны кутскизы.

Берпумаз, нокыче вазьылэмез кылытэк, ярдурысь палэнскемлэсь но кышкаса, лэся, писпу улэ пуксизы но кенешыны кутскизы.

Чукна вуэмъёсыз сямен их, таосыз но умме усьысалзы ке, соку ми соосты оглумысь вормысалмы.

Нош соос умме усьыны уг но малпало. Соос шодо ук, островын маке умойтэм порме, соин ик сак кариськизы, кытысь соослы кышкыт вуонэз уг ке но тодо.

Соослэсь кенешемзэс адзыса, капитан туж умой амал вераз. Со шуиз:

— Асьсэ ышем эшъёссылы соос эшшо огпол сигнал сётыны кариськозы но ваньзы чош ыбозы, дыр. Чапак ыбем беразы, пычалъёссы зарадамтэ дыръя, соос вылэ лэзьконо. Соку, сётскон сяна, соослы номыр карон ой кыльысал ни, ужмы вир кисьтытэк быдэсмысал.

Амал урод öвöл, нош сое быдэстон понна тушмонъёслы тужматын луыны кулэ, милемлы соос вылэ чапак залп сётэм бера-

зы ик лэзьконо ук. Нош соос ми дорысен туж кыдёке интыяськемын, шодтэк шорысь кырмон сярысь малпанэз ик овол.

Бен соос оз но ыбылэ-ай.

Ма карыны валатэк ми ватскыса кема пуким. Бератаз мон верай:

— Мон сямен, уй вуытозь маке карон сярысь асьмелы малпанэз ик öвöл. Уин та сизьымъёс пыже öз ке берытске, асьмеос шöдымтэ улсын ву дуре васьком но пыжын пукисьёссэ кыче ке амалэн асьме пала öтём.

Ми кема пуким ватскыса, пиратъёслэсь вырземзэс чидатэх витим. Кенешонзылэн пумыз но уз луы кожаськом вал ини.

Шöдтэк шорысь соос ваньзы султйзы но мечак море пала кошкизы. Острове кыльыны кышкыт потйз, дыр, но ышем-бырем эшъёссэс утчатэк корабле берытскыны кариськиллям, дыр.

«Ужмы урод! — малпай мон. — Милемлы пырак азелы кораблен люкиськоно луэ, лэся».

Мон та сярысь верай капитанлы, со ма карыны валатэк жоломиз но кодэктиз.

Нош татын мон одйг военной амал выллем шедьтй но соку ик быдэсъяны кутски. Амалэ мудрон ик ой вал,— нош бен сое быдэстон туж усто удалтйз. Пятницаез но капитанлэсь юрттйсьсэ отьыса, мон соосты пичи бухта доры васькыны косй (самой отчы, кудйз вамен куке но уяса выжиз Пятница со сьоры дикарьёс уиськыку), собере, сое котыртыса, ог жыны миля кеме западэ кожыны, гурезь йылэ тубыны но вань кужмысьтызы, пыж доры васьхись матросъёс кылытозь, кесяськыны косй. Матросъёс пумитазы кеськизы ке, мукет интые бызьыса, нош ик кесяськыны, куара сётыны. Тйни озьы, ялан инты вошъяса, тушмонъёсты остров пыдсы пыдло но пыдло валтыны, нюлэскы йыромытозязы, нош соку котыр сюрестй берен татчы, мон доры, берытскыны.

Матросъёс пыжазы пуксё вал ини, вырзыны одъязы ни. Малпамтэ шорысь пичи бухта палась ортчыт кужмо черекъям кылйськиз: озьы Пятница но капитанлэн юрттйсез кесясько.

Пиратъёс соослэсь куаразэс кылйзы но соху ик пумитазы кеськизы, ярдуртй куксы чигмон бызьыса кошкизы куара шоры, нош бухта доры вуыса, дугдоно луизы, малы ке шуид, соку ву будон дыр вал но бухтаын ву туж мур луэмын бал. Соку соос шлюпкае кылем эшъёссэс öтизы но асьсэды пыжын мукет палаз ярдуре выжытыны косйзы.

Сое ик витьыса улй мон.

Пичи бухта вамен выжыса, сьоразы эшшо одйгээ адямизэс басьтыса, соос азьпала бызизы. Тйни озьы шлюпкае кыкез гинэ

кылизы на. Мон адзи, кызьы соос шлюпказэс бухталэн самой пумаз ик нуизы но отын лябыт писпу борды думизы.

Таче ужлы мон шумпотй. Пятницалы но капитанлэн юрттйсезлы асьсэ ужээс быдэсъяны косыса, кылем отрядэз мон ассьорам вамыштыны косй.

Жокыт, жужыт куакъёс полти ватскылыса, ми бухтаез котыртим но витьымтэ шорысь со ярдуре кылем пиратьёс азе потим. Одиг матрос шлюпкаын пуке вал, мукетыз ярдурын нырулыса кылле. Куинь вамыш кемысен адзыса, со шуак султыны вырзе вал но, азыпаламы мынись капитан прикладэн шуккиз-Собере мукетызлы матрослы валатскыны сётытэк со кеськиз:

— Сётскы, од ке сётскы, бырон тыныд!

Та матрос капитанлэн верам куиньёсыз полысь огез вылэм, соос бунтовщикъёс полы ас мылкыдэнызы оз пыриське, кужмысь косэменызы пыризы. Нырысь косыкумы ик со кыл вазыытэк милемлы сётскиз но милям отрядамы пырыны мылкыдээ вераз. Жоген аслэсьтыз та оскытыса верамезлэсь зэм луэмээ уж вылын возьматиз.

Со куспын Пятница но капитанлэн юрттйсез ялан черекъяло, кесясько. Матросъёслэн ваземзылы пумит черекъяса, соосты вань островетй нуллйллям, вырйылысен вырйылэ, сикысен сике, бератаз жокыт интые вуттйллям, отысен ярдуре потыны уинозь нокызьы ой луысал. Тушмонэз макем курадзытэмзы, жадытэмзы асьсэлэн супыр-супыр жадыса вуэмзы вылысь новаламон.

Табере милемлы пиратъёслэсь асьсэ шлюпказы доры берытскемээс гинэ витёно на, соос вылэ шуак урдскыса ми кие пленэ сётскытоно.

Соос жог гинэ оз берытске. Милемлы коня ке час витёно луиз, соку гинэ соослэсь каллен вуэмзэс кылим. Соос кир-пазь луыса вуизы, огез борсьы мукетыз. Азыпалан лыктисьёсыз берлосьёсызлы кесясько:

— Лыктэ жоггес!

Нош берлосьёсыз шуо:

Ум быгатйське, жадемен пыдмы сьолтаське.

Ваньмыз та милемлы пайдаё вал.

Тани соос пичи бухта доры вуизы ини. Та коня ке часъёс куспын ву синыны кутскиз но, писпу борды думем шлюпка мувыре кылиз.

Шлюпка мувырын пуке, нош адямиосыз ышиллям. Сыче суредэз адзыса, пиратъёс кытчы пырыны ик ёрмизы. Урмем кадывузыса, татчы шедемзэс каргаса, соос островетй берло-азыло бызыыло; кесясько, асьсэды тышкасько, мар косиз та вегнам

острове шедьыны, татын яке йырвандйсь разбойникъёс, яке чортъёс уло, соос улэпкын сиозы ук ини.

Трос пол соос ас эшъёссэс, нимынызы вазыылыса, отыы-

лыны кутскылизы, нош, мазэ веранэз, ответ оз басьтылэ.

Жомо-югдоен милемлы адске, кызьы соос, кноссэс сэзъяса, берло-азьло бызьыло. Со юнме бызьылэменызы жадьыса, лулскыны пыжазы пырало, собере нош ик мувыре потыло но нош ик солань-талань бызьыло.

Адямиосы мынэсьтым курисько, пеймыт луиз ке, тушмон вылэ омырскыны. Нош мынам сомында вир кисьтэме уг поты вал но пиратъёсты ожмаськытэк гинэ кутыны кариськи. Главноез, мон тодйсько ук, тушмонлэн пычалъёсыз вань, соин ик аслэсьтым адямиосме лек жугиськонэ поттыны ой дйсьты — быронъёс но луозы ук соку. Витёно вал, тушмонъёс кык яке куинь отрядлы уз люкиське-а меда, нош али мон войскоелы наступать карыны приказ сётй.

Пятницаез но капитанэз мон азьпаламы ыстй. Пиратъёс доры соослы ньыльпыдъяськыса кыстйськоно, кулэ луиз ке, тушмонъёсты мечак ыбылыны мед быгатозы.

Ватскыса соос кема ик öз мынэ: соос шоры öжытак гинэ öз мырзиське асьсэлэнъёссы бордысь олокызыы висъяськыса кошкем куинь пиратъёс, соос пöлын ик боцман (верамын вал ини, та боцман бунт жутйз), нош табере со самой юн кышкась луэм.

Капитан со боцманлэсь, вань та курадзонэз поттйсьлэсь, куаразэ кылэмез бере но солэсь татчы шедемзэ адземез бере оз чида ни, йыркурен зырдаса, пыдйылаз тэтчиз но злодейлэн пырак моляяз ыбиз. Соку, конешно, Пятница но ыбиз. Боцман супрак виемын вал, мукетыз пират сосыртэмын (со кык час веказ но кулйз), нош куинетйез пегзиз.

Ыбылэмъёсты кылыса, мон соку ик быдэс армиме азълань нуи (мынам армиям табере тямыс адями ини). Тани солэн быдэс составез: мон — нырысетй фельдмаршал, Пятница — генераллейтенант, собере капитан кык офицеръёсыныз но куинь рядовойёс — военнопленнойёс, соослы ми быдэн пычал сётйм.

Ми тушмон доры вуыку чылкак пеймыт вал ини, озьыен, валаны ой быгатысал, коня ми.

Огзэ военнопленноез, со матросэз, кинэ пиратъёс пыже кельтйзы (со табере ми полын вал ини), дорам оти но азывыл эшъёсызлы нимъёсынызы вазиськыны косй.

Ыбылэмлэсь азьло мон соосын вераськыны чаклай, пормиз ке, ужез жугиськытэк гинэ быдэстыны. Мынам чакламе туж удалтиз. Ма, со валамон но ини: тушмонъёс кышкаса чылкак уйжомизы, сётскон сяна, соослы номыр оз кыльы ни.

Озьыен, матрос азьпала потйз но вань кужмысьтыз кесясь-кыны кутскиз:

— Том Смит! Том Смит! Том Смит соку ик вазиз:

— Кин монэ оте? Тон-а, Джимми Рой?

Та матросэз со куараезъя тодмаз, лэся. Джимми Рой ответ сётиз:

- Бен, бен, мон со! Том Смит, пычалдэ кушты но сётскы, озьы ке öвöл тй быриды! Ак шуытозь тйледыз быдтозы.
- Бен кинлы сётсконо? Кытын соос отын? нош ик кеськиз Том Смит.
- Татын, вазиз Джимми Рой. Соос витьтон кузя, соос полын ик асьмелэн капитанмы. Тани кык час чоже соос тиледды утчало ини. Боцман виемын, Билл Фраи сосыртэмын, нош монэ пленэ кутизы. Та минутэ ик од ке сётске, улонды быриз тиледды уз жалялэ.

Соку Том Смит кеськиз:

— Юа соослэсь: милемды улэп кельтозы-а? Кельтозы ке, ми сётском, озьы ик тон соослы вера.

— Ярам, мон верало, — вазиз Джимми Рой.

Нош татысен ачиз капитан вераськыны кутскиз ини.

- Эй, Смит! кеськиз со. Тодмаськоды-а куараме? Кылзы бен: тй али ик пычалдэс куштыса сётскиды ке, мон тйледды ваньдэсты жаляло, улэп кельто, Билл Аткинслы гинэ жалян уз луы.
- Капитан, жалялэ монэ, инмар понна! сюлворыны кутскиз Билл Аткинс. Мукетъёслэсь маин мон урод? Мукетъёсыз но мон кадь ик янгышесь ук.

Со чылкак поян гинэ вал, малы ке шуид, Билл Аткинс, азмем пират но разбойник, матросъёсты кемалась йыртэманы жутъяса улйз. Бунт жутскиз но, нырысь ик со урдйськиз капитан шоры, жугыса но урод кылъёсын тышкаськыса, солэсь суйессэ керттылйз. Соин ик капитан солы нокыче условиостэк мед сётскоз шуиз, отйяз островлэн начальникез тодоз ини, улоно-а солы, кулоно-а. (Островлэн начальникез — мон со: табере монэ ваньзы озьы нимало ини.)

Билл Аткинс сётсконо луиз.

КЫЗЬ ТЯМЫСЭТЙ ГЛАВА

Капитан нош ик аслаз кораблезлы командир луз. — Робинзон ас островысьтыз кошке

эьыен, жалян сярысь востэм сюлворыса, пиратъёс пычалзэс куштйзы. Матрос, тйни соосын вераськиз уга, но эшшо кык адями, мынам косэмея, соосты ваньзэсты ик керттылйзы, собере мынам витьтон (зэмзэ верано ке, куинь пленнойёсын валче тямыс) муртъем кужмо армие соосты котыртйз но шлюпказэс талаз. Нош ачим, вылй политикалэн куд-ог чакланэзъя, пленнойёслы уг возьматскиськы.

Ас матросъёсыныз капитан табере чик могатэк вераськыны быгатэ ини. Соосты со изменазы понна тышкаське, ас сётэм кылээс быдэстымтэзы понна юн-юн пыкылэ.

— Пиратъёс луыны но море вылын грабить карыса ветлыны понна тй мынэсьтым корабльме таланы одъяськоды вал,— шуиз со соослы.— Со туж йонтэм, юрзым. Тй вань улытозядылы асьтэды йонтэме уськытйды, асьтэлы асьтэос гу копады, гозы кыче од ке пыре, тау каре, озыы кылдэмын, дыр, шуыса.

Преступникъёс вань сюлмысьтызы, лэся, жаляны куро, ог-

пумысь сюлворо — соосты медам гинэ вие.

— Та мынам киулам öвöл, — шуиз капитан. — Табере тüляд улонэныды та островлэн начальникез тодйсьяське. Тü малпась коды вал, дыр: милемыз шим-шим, нокин улйсьтэм ярдуре пуктыса кельтйды, нош озьы кылдэм ини: тü милемды калыко острове ваиллямды — та островен сайкыт сюлэмо, дано начальник кивалтэ. Аслаз зеч мылкыдызъя со тüледды виытэк кельтüз но Англие келялоз, дыр, отын тüледды законъёсъя судить карозы. Нош Билл Аткинсэз со кулонлы дасяськыны косüз: чуказе чукна ик со ошемын луоз.

Ваньзэ тае капитан ачиз малпаса вераз, нош солэн та верамез кужымо луиз: Аткинс пыдесъяськиз, островлэн начальникез азьын со понна капитан мед сюлвороз шуыса куре; мукетъёсыз но сюлворыны кутскизы, соосты Англие медам келялэ шуыса.

У Кулонлэсь кышкаменызы мылкыдзы зйбиськем адямиослэсь таче сётскемзэс адзыса, мон шуи аслым:

«Тани ку вуиз мынам мозмон дыры. Та куанеръёс ортчыт зол кышкатэмын, мазэ веранэз, табере котькыйе косэммес соос быдэстозы: косим ке, соос милемлы кораблез таланы юрттозы».

Островлэн лек но кужмо начальникезлэсь начар дйськутсэ адзыны медам быгатэ шуыса, кыдёкегес, писпуос улэ кошкыса, мон кеськи:

— Öте мон доры капитанэз! Одйгез милям адямимы капитан доры йöн-йöн кариськысамынйз но шуиз:

— Капитан, тüледды начальник öте! Нош капитан со выллем ик йöн-йöн куараен вераз:



— Вералэ со бадзым адямилы, мон али ик вуо.

Таче вераськемез кылыса, пиратъёс чылкак востэммизы. Соос оскизы, ачиз губернатор аслаз витьтон муртъем армиеныз кытын ке но матын.

Капитан мон доры вуиз но солы, пленнойёсмылэн юрттэмзыя, кораблез киултон сярысь малпамме верай. Капитан ортчыт шумпотйз. Ми та планэз чуказе чукна ик быдэстыны вераським.

— Ужмы умой пормон понна,— шуи мон,— асьмелы пленнойёсты висъяно. Аткинсэз но кыксэ сыче ик злодейёсты асьмеос музъем кеносэ пуктом. Пятница но тйляд юрттйсьты соосты отчы мед нуозы. Нош кылемъёсызлы мон умой инты шедьто.

Ми озьы ик лэсьтйм: куиньзэ пещерае пуктйм — со зэмзэ ик пеймыт тюрьма кадь луысал, нош кылемъёссэ мон нюлэс дачаям келяй, тылысэ доры. Жужыт кенер сое озьы ик тырмыт оскымон пытсэтлы пормытэ, уката ик пленникъёс керттылэмын, номыр сыче-таче турттыны уз дйсьтэ, малы ке шуид, соослэну улонлэсь люкиськемзы уг поты ук.

Чуказяз чукна со матросъёс доры капитанэз лэзи. Солы соосын вераськыны, мылкыдзэс тодыны кулэ вал, нош собере вераськемез сярысь мыным ивортыны кулэ вал. Мынам тодэмэ потиз, луэ-а та адямиослы оскыны, кышкыт уз луы-а соосты корабле басьтыны.

Капитан ужез визьмо но сэзь быдэсъяны кутскиз. Матросъёслы со тодазы ваиз, кызьы асьсэлэн ик мыдлань ужаменызы асьсэос таче урод югдуре шедизы но табере, островлэн начальникез соосты али жаляз ке но, корабль Англие вуэм бере, соосты изменникъёсты сямен судить карозы но одно ик ошозы.

— Нош тй мыным,— шуиз на со,— пиратъёс киысь корабльме таланы юрттйды ке, соку островлэн начальникез, шонер уж пала кариськемдэс санэ басьтыса, тйледлы прощение курыны сюлмаськоз.

Валаны шуг ик öвöл, кыче шумпотыса кылзизы та адями-

ос солэсь чектэмзэ.

Соос капитанлэн пыд азяз лэзькизы но островлэн начальникез понна берпум вир шапыксы бырытозь жугиськыны, нош соослы прощение басьтыны быгатиз ке, вань дауразы солы тау карыса улыны кыл сётйзы. Ми, шуизы соос, сое бубымес кады гажаломы но со сьоры коть дунне пыдсы но мыномы.

— Туж умой, — шуиз капитан, — ваньзэ тае мон островлэн

начальникезлы иворто но ачим но тй понна солы сюлворо.

Собере капитан мон доры вуиз, матросъёсын вераськемез сярысь мыным рос-прос ивортиз но та адямиослы оскеммы луоз шуыса йылтиз на.

Нош мон озьы малпай; чакласагес вырон ноку но уз люке-

ты, соин ик верай капитанлы:

— Тани ма лэсьтом асьмеос: али витьсэ гинэ басьтом. Асьмеос адямиостэк ёрмиськом шуыса медав малпалэ. Мынэ но соослы тй озьы ик вералэ, милям калыкмы тырмыт ке но, ми витьсэ оскалтон понна басьтом шуэ; та кыксэ но крепостям пукись куиньзэ островлэн начальникез заложникъёс карыса кельтэ. Ми сьоры мынйсь эшъёссы ожмаськон дыръя юрттэмлэсь палэнскизы ке, витез ик заложникъёс ошемын луозы.

Та туж секыт ужрад вал. Қапитан мынэсьтым озьы верамме пленникъёслы верам бере соос валазы ини, островлэн начальникеныз шудон-маранэз овол шуыса. Веранэз овол, соослы кылиз на одйг сюрес: мынэсьтым условиосме кутон.

Заложникъёс со мозмытэм эшъёссэс соку ик курыны кутскизы, капитанлы кыл сётэмзэс медам сантэмалэ шуыса.

Бадзым ожмаськон азьын милям армимылэн составез тани таче вал:

нырысь ик, капитан, солэн юрттйсез но пассажир;

кыкетйез, капитан косэмъя мозмытэм кык пленникъёс; куинетйез, тылысам пукем кык адямиос (капитанлэн сюл-воремезъя соослы но эрик сётйм);

ньылетйез, кыкети партиысь котькудзылэсь берло мозмы-

тэм витьёсыз;

ваньмыз дас кык адими, заложникъёс карыса пытсэтэ кель-

тэм витьёсыз сяна.

Мон юай капитанлэсь, таче пичи кужымен корабль вылэсжалскыны быгатымон потэ-а. Мыным но, Пятницалы но палэнскыны ик уг луы: милям киуламы сизьым адями кыле на, соостывозьмано, сюдоно.

Пещерае пуктэм вить заложникъёсты мон сыче секыт возьыны кариськи. Нуналлы кык пол соослы Пятница сион, юон нуллылиз но соосты ачиз сюдиз, малы ке шуод, ми соослэсьсуйёссэс но ом пертчылэ. Нош мукетъёсызлы ми ожытак эриксётим.

Берло ини та кыкъёсызлы мон возьматскыны кариськи. Мон соос доры капитанэн чош потй. Капитан соослы тазьы валэктйз: мон — островлэн начальникезлэн доверенной адямиез, со мыным военнопленнойёсты эскерыны косйз, соин ик соослы мынам лэземетэк нокытчы палэнскылыны уг яра, нош мынэсьтым оз ке кылзйське, соосты жильыен дурозы но губернаторской крепосте келялозы.

Со дырысен мон пленникъёслы островлэн начальнике за четын огпол но ой возьматскылы ни, нош котъку доверенной адямиез чотын, котъкуд полаз ик начальник сярысь, гарнизон сярысь, пушкаос но крепость сярысь поттыли.

Табере ожмаськон азелы дасяськон гинэ кылиз на: кыксэ ик пыжез умой тупатыны, ладъяны но котькудйзлы команда висъяны.

Вань та ужез мон капитанлы сётй.

Шлюпкалы командире со пассажирээ пуктиз но солэн командаяз ньыль адями сётиз; нош ачиз, солэн юрттисез но соос бордын вить матросъёс баркаслэн экипажез луизы.

Корабль доры, шуиз капитан, умойгес луоз пеймыт дыръямыныны. Туж шонер малпаз со. Матысь уе ик соос вырзизы.

Уйшор котырын полысъёслэсь жальыртэмзэс корабльын кылйзы но, морской сямъя, шлюпка шоры вазизы. Капитан Джимми Роез косиз куара сётыны, нош ваньзэ мукетъёссэ шып улыны косиз.

Джимми Рой тазьы ивортиз: матросъёсты ваи, кема утчаном луэмен уйми, шуэ.

Собере кызьы озьы луэмез сярысь со олома портэм мадыы. ны кутскиз.

Солэн озьы супыльтон куспетиз баркас но шлюпка борг возы дугдизы.

Капитан аслаз юрттйсеныз палубае нырысь ик бызьыса тубизы но номыр шодытэк пумитазы потэм кык пиратъёсты прикладэн шуккыса погыртйзы; капитанлэн кыкетй юрттйсез чокорабельной плотник вылйллям соос, пиратъёс пала кариськемъёс.

Капитанлэн быдэс отрядэз огкылысь но сэзь ужаз. Палубаысь ваньзэ матросъёсты кырмизы, собере кылемъёссэ улйын жегатон понна капитан вань осъёсты пытсаны косйз. Со куслын кыкетй шлюпкалэн командирез но матросъёсыз вуизы; соос, корабельной кухняе пыранэ султыса, эшшо куинь муртэ плена кутйзы.

Палубаын одйг тушмон но кыльымтэ ни бере капитан аслэсьтыз юрттйсьсэ косйз командаысь куинь матросэз басьтыны но главной каютае пыран öсэз тйяны: бунтовщикъёслэн быръем выль капитанзы, соин чош ик кык матросъёс но юнга тревогаез кылэмзы бере ик отчы пытсаськизы.

Соос бордазы пычальёс басьтыны вуиллям но капитанлэн юрттйсез ас адямиосыныз каюталэсь оссэ тйяку соосты ыбылыса пумитазы. Капитанлэн юрттйсезлэн кияз пуля йотэм, кык матросъёс но сосырмизы, нош нокин но оз быры.

Капитанлэн юрттйсез черектйз: «Юрттэ!» Бадзым раназэ чаклатэк кияз пистолетэн каютае пыриз но выль капитанлэн йыраз ыбиз. Соиз пал кыл но вазьылытэк пограз, пуля ымаз йотэм. Собере вань пиратъёо жугиськытэк сётскизы, берлоодиг шапык но вир кисьтэмын ой вал ни.

Капитан ас кораблезлы кузё луэм бере приказ сётйз пушкаен сизьым пол ыбыны. Озьы со мыным тодытйз ужезлэн умой быдэсмемез сярысь. Со сигналэз витьыса, ярдурын мон кык час пуки но, сое кылыса, вераны луонтэм шумпотй.

Зеч мылкыдын бертй, выдй но соку ик умме уси, малы ке шуод, та нуналэ мон туж жади вал ини.

Монэ выльысь ыбем куара сайкатиз. Мон жогак жутски но кыли, кин ке но монэ оте:

— Начальник! Начальник!

Капитанлэсь куаразэ мон соку ик тодмай. Со мынам крепосте вадьсын, вырйылын сылэ вылэм. Мон тубатме кутй но со доры туби. Со монэ зыгыртйз но, море шоры возьматыса, шуиз:

— Мынам дуно эше! Мынам мозмытйсе! Тани тйляд корабльды. Со тйляд, ваньмыз отысь ваньбур но тйляд! Ми нованьмы, капитан бордысен кутскыса, озьы ик тйляд!

Мон солэн возьматэмез пала учки: корабль мукет интыын

сылэ вал ини, ярдурысен жыны милялэсь но матын.

Пиратъёсын ужез быдэстыса, капитан эше соку ик якорез жутыны косэм но, талань пельтйсь толья мынам плотъёсыным куке но дугдылэм пичи бухгае доры лыктэм, собере, ву будэмез



витьыса, со яликын пичи бухтае пырем но корабльзэ öc азям кадь вуттэмээ вераны лыктэм.

Сыче витьымтэ шумпотэменым ожыт гинэ ой жоломы.

Мон ас синмыным адзисько ук ини кема витем эрикме! Со тани ини, мынам киям! Тани корабль, со монэ, кытчы мынэме потоз, отчы нуоз.

Мон сокем шумпотй—капитанлы пал кыл но вераме оз луы,

со монэ ой возьысал ке, мон зыпак! пограсал, дыр.

Шодтэк шорысь шуд вуэмен мынэсьтым каньсырамме шодыса, кисыысьтыз кыче ке эмъюмен пичи пияла поттиз но мыным сётиз. Одиг гучык юыса, мон каллен гинэ музъем вылэ лэзьки. Мон ожыт сазьяськи ке но, вераськеме кема оз луылы на.

Капитан ачиз но туж шумпотиз.

Со, монэ буйгатыса, оло, сюрс портэм мусо кылъёс сипыртэ. Нош мон солэсь ма верамзэ уг ик валаськы: мынам сюлэме шудбурен пачылмемын уга. Берпумаз ини шумпотэменым бор-

жып пипп — жил R 1

донэ посьтиз, собере гинэ ини вераськыны быгати. Мон туж юн зыгырти ас эшме, вань сюлмысьтым сое зечкылай. Ми кыкнамы ик шумпотонэн оръяським.

Ас мылкыдмес сэрттыса, ми капитанэн öжыт буйгатским но, со мыным вераз мар но со котыр ваемзэ,--- солэн корабляз сокем кема кузёяськем злодейёс ваньзэ лушканы вуиллямтэ.

— Мон малпасько, та котыр тüледлы чылкак пайдатэм уз луы, — шуиз капитан.

Пыже кылем матросъёслы со кеськиз:

— Эй, островлэн начальникезлы ваем бинетъёсты вае татчы!

Со зэмээ ик узыр кузым вылэм: капитан мыным котьмэ портэм дуно котыръёс туж трос ваем, мон кулытозям та островын ик улыны малпасько кадь.

Бинетъёсын вылэм: дас кык туж бадзым юдэс сылалтэм сйль, куать юдэс чынатэм парсь сйль, одйг мешок кожы, ог сю фунт сухари, ящик сахар, ящик пызь, быдэс мешок лимон, кык бутылка лимонной сок.

Нош мыным, валамон ини, сюрс пол кулэгес вал дйськут. Соин ик мон туж шумпотй мынам капитан эшелэн куать чыж выль дэрем, куать туж зеч чырты кышет, кык куз перчатки, шляпа, башмак, чулки но туж чебер костюм ваемезлы. Оглом вераса, со монэ йырысеным пыдозям дйсяз.

Та кузьым туж кулэ, туж ярамон, нош тйляд син азяды пуктэмды уз луы ук, выль костюмме дйсяй но мынам вылтыр тусы макем сумбрес адскиз, макем зоскыт, умойтэм потылйз нырысь пал со дйськутэн ветлыны!

Кузьымъёсты учкеммы бере мон соосты крепостям нуыны косй, ачим капитанэн кенешыны кутски: со пленнойёсты сьорамы кутоно-а, татчы ик кельтоно-а.

- Соосты сьорамы кутыны туж кышкыт,—шуиз капитан.— Таос йырвандйсьёс. Тужгес ик осконтэмесь кыкез, тупатсконтэм злодейёс но разбойникъёс. Соосты корабле басьтоно ке но, мынам сямен, жильыен дурыса гинэ басьтоно, нырысетй английской колониысен ик судебной властьёслэн киулазы сётыса кельтоно.
- Соку, иське,— шуи мон капитанлы,— соосты татчы кельтоно. Мон озьы лэсьто, та кык разбойникъёс асьсэос татчы кыльыны куриськозы.
- Озыы лэсытыны быгатüды ке, мон туж шумпото,— шуиз капитан.
- Ярам,— шуи мон.— Мон али ик соосын т**й** нимын верасько.

Собере ас дорам Пятницаез но кык заложникъёсты (соосты

ми табере мозмытим, эшъёссы сётэм кылзэс быдэстизы) оти но пещераысь вить пленникъёсты дачае вайыны коси.

Коня ке улыса, ми капитанэн отчы мыним — мон выль костюменым но табере островлэн начальникез луыса ини. Дачае-



лэн кенерез доры вуыса, мон соосты ас дорам отьыти но тазыы верай соослы:

— Мыным тйляд вань сьод ужъёсты пыр-поч тодмо. Мон тодйсько, кызьы тй юнме шорысь пассажиръёсты виылйды. Тй пиратъёс луыны но мирной корабльёсты грабить карыны дасяськиськоды вылэм. Тйледлы тодмо мед луоз: мон косэмен корабльберен капитан кие сётэмын но рейдэ вуттэмын. Мон косй ке, тйледды, йыруж лэсьтыкуды кырмем разбойникъёсты сямен, казнить карозы. Соин ик, тйляд асьтэды шонере поттон сярысьмаке веранды вань ке, вералэ, малы ке шуоды, мон тйледды казнить карыны малпасько.

Соос полысь огез ваньзы понна вераськиз, соослэн шонере потон понна веранзы овол шуиз.

- Нош милемды пытсакуз капитан жаляны сйзиз, соин ик ми востэм мылкыдын сюлвориськом возьматэ жалясь сюлэм-дэс, кельтэ милемды улэп.
- Ма вераны ик уг тодйськы, кыче милость сётэме луоз мынам тйледлы,— шуи мон.— Мон та островысь вань калыкеным чош кошкыны кариськи: ми Англие кошкиськом. Нош

тй сярысь верано ке, капитанлэн кылызъя, тйледды жильыей дуроно луоз но Англие вуэм бере изменады но бунтты поннасудэ сётоно луоз. Нош суд соку ик виыны пуктоз. Мукет приговор уз но луы. Гозы кычын кулон — тйни ма вите тйледды Англиын. Озьыен, ми тйледды сьорамы кутйм ке но, тй шумпотоды меда. Тйляд одйг мозмонды вань — татчы острове кылёно тйледлы. Озьы луыса гинэ мон тйледды жаляны быгатйсько.

Соос мынэсьтым чектэмме шумпотыса кутйзы но мыным

туж тау каризы.

— Ac шаерын ошетэ пырытозь, эсьмаса, пустыняык улод,— шуизы соос.

Мон соосты пертчылыны косй но верай:

— Табере нюлэскы кошке, самой со интые, кытысен ми тйледды кутйм, отисьёс вуытозь отын вите. Мон тйледлы кыче ке сыче оружие, сионъёс кельтыны косо но нырысь нуналъёсы кызьы улыны валэкто. Зол-зол ужады ке, татын туж умой улыны быгатоды.

Озьы вераськем бере мон гуртам бертй но кузь сюрес выло дасяськыны кутски: мон капитанлы азьвыл ик верай, сюрес выло дасяськыны дыр куло шуыса, соин ик сое корабле монток кошкыны косй, нош чукна мон доры шлюпка лозьыны домлай.

Капитан кошкиз но, мон со вить пленникъёсты ас дорам

отьытй, соосын нод-нод вераськыны кутски.

Острове кыльыса, соос, мынам малпамея, умой лэсьто шуыса нош ик верай мон, асьсэ родинаязы бертизы ке, отын соосты одно ик ошозы, пой.

Мон соослы рос-прос мади, кызьы та острове шеди, кызьы ас улонме пумен умоятй, кызьы виноград бичай, кызьы рис нойыды кизи, кызьы нянь пыжыны дыши.

Мон соослы укреплениосме, бусьюсме но кеч кенеръёсме возьматй,— огъя вераса, островын улонзы сокем секыт медам

луы шуыса, соослы луэмезъя вань быгатэмме лэсьтй.

Мон соослы оружиме кельтй (вить мушкет, куинь пычал, куинь сабля). Бекчеен жыныен порох кельтй но кечъёсты кызьы утялтыны, куайытыны, кызьы соосты кыскыны но сюдыны, кызьы вой но сыр лэсьтыны пыр-поч валэктй.

Тйни озыы, мон соослы татын аслэсьтым кызь тямыс ар чоже огнам, курадзыса, ужаса, пытсэтын кадь улэмелэсь историзэ верано луи.

Люкиськыкум мон соослы сйзи на кык бекче порох но бакчасион кидыс кельтыны: соостэк мыным туж секыт вал шуи.

Мыным кузьым шуыса ваем мешок кожыез мон озьы ик соослы сётй, вань кожызэс кизьыны дэмласа кельтй—озьы соослэн кожызы трос луоз уга.



Бордысьтымы уллямъёсын озьы вераськыса, мон чуказеяз чукна ик корабле выжи.

Кошкыны ми туж дыртйм ке но, со нуналэ якорьысь лэзькыны ом быгатэ. Чуказеяз зарпотыку корабль доры кык муртлэсь уяса лыктэмзэс адзим. Острове кельтэм вить мурт полысь кыкез вылиллям соос.

— Басьтэ милемды сьöрады,— кесясько соос.— Эсьмаса, милемыз оше, нош татчы эн кельтэ! Отын милемды одно ик виозы.

Капитан вераз соослы, мынам лэземетэк соосты солэн кутэмез уг луы шуыса. Нош берло ини, соослэн асьсэды востэм возьыны, тупатскыны кыл сётэмзы бере, ми соосты корабле кутйм.

Ву будыны кутскиз но, ми островын улыны кылисьёслы сйзем котырен шлюпкаез ыстйм. Мынам косэмея, со котыр борды ик дйськутэн шыкыс понйзы на, со понна соос туж тау кариллям мыным.

Верано на, уллямъёсын люкиськыкум мон соос сярысь утвунэты шуи, кыче ке портысен кораблен пумиським ке, солэн сюресэз мынам та острове дортнгес кошке ке, мон со кораблылэсь капитанзэ соос дуре кожыны но вордскем шаеразы вутты-

ны куро шуи.

Та островысьтым кошкыкум мон аслым тодам возён понна ас киыным вурем йылсо бадзым кечку ызьыме, зонтикме но одйгээ попугайме кутй. Коньдонме но басьтыны ой вунэты. Кутылытэк кема кыллеменызы азьвесь коньдонъёсы чылкак сьодэктйллям. Зол-зол сузям бере гинэ соос нош ик азвесь тусъем луизы. Озьы ик мон зарни коньдонъёсме но бордам кутй: соосты мон тйяськем испанской корабльысь шедьтэм вал.

Корабельной журналъя бöрысь тодэмея, мон татысь кошкыны потй 19 декабре 1686 аре. Озыыен, мон островын кызы

тямые ар, кык толэзь но дас укмые нунал улйськем.

Сюрес вылысен мон испанецъёс доры кожай, соосты сьорам кутй. Соос ортчыт шумпотизы но бордыса мыным тау каризы.

Нош котькинлэсь но юнгес шумпотиз кадь Пятница, солэн туж пересь бубиз но ми сьоры кошкыны потиз ук.



оглавление

1	«Робинзон Крузо» сярысь	3
	НЫРЫСЕТЙ ГЛАВА	
	Робинзонлэн семьяез. — Солэн мумы-бубы юртысьтыз петаемез	5
	КЫКЕТЙ ГЛАВА	
	Море вылын нырысетй приключениос	7
	КУИНЕТЙ ГЛАВА	
	Робинзон пленэ шеде. — Пегзон	12
	НЬЫЛЕТЙ ГЛАВА	
	Дикарьёсын лумиськон	22
	ВИТЕТЙ ГЛАВА	
Кора	Робинзон Бразилиын улыны кариське. — Со нош ик морее кошке. — блез куашканэ шеде	26
	КУАТЕТЙ ГЛАВА	
Ho a	Робинзон нокин улйсьтэм островын. — Қорабльысь тирлыкьёсты поттылэ слыз улон инты лэсьтэ	33
	СИЗЬЫМЕТЙ ГЛАВА	
F	Робинзон выль улон интыын. — Кеч но кечпи	41
	ТЯМЫСЭТЙ ГЛАВА	
	Робинзонлэн календарез. — Робинзон ас улон интызэ лэсьтэ	4 4
	УКМЫСЭТЙ ГЛАВА	
	Робинзонлэн дневникез. — Музъем зуркан	51
	ДАСЭТЙ ГЛАВА	
зскер	Куашканы шедем корабльысь Робинзон тйрлыкъёс поттэ. — Со островез e. — Висён но мёзмон	59
	ДАС ОДЙГЕТЙ ГЛАВА	
	Робинзон островая эскере ?	ଓଡ଼
	190	

	ДАС КЫКЕТЙ ГЛАВА	
Робинзон	н пещераяз вуэ. — Солэн музъем ужамез	63
	ДАС КУИНЕТЙ ГЛАВА	
Робинзон	посуда дэсьтэ	72
	ДАС НЬЫЛЕТЙ ГЛАВА	
Робинзон	н пыж лэсьтэ но аслыз выль костюм вуре	76
	ДАС ВИТЕТЙ ГЛАВА	
Робинзон	мукетсэ пичитес лыж лэсьтэ, соин остров возти котырскыны	83
	ДАС КУАТЕТЙ ГЛАВА	
Робинзон	ас жотыраз кыр кечъёсты дышетэ	89
	ДАС СИЗЬЫМЕТЙ ГЛАВА	
Малламт	э шорысь шугъяськон. — Робинзон ас улон интызэ юнматэ	94
	ДАС ТЯМЫСЭТЙ ГЛАВА	
Робинзон	вала, солэн островаз адями сиисьёс вуыло шуыса	100
4	ДАС УКМЫСЭТЙ ГЛАВА	
Дикарьёс	нош ик Робинзонлэн островаз вуыло. — Корабльлэн куашкамез	107
	КЫЗЕТЙ ГЛАВА	
Робинзон	ас островысьтыз кошкыны оскалтэ	113
	КЫЗЬ ОДЙГЕТЙ ГЛАВА	
Робинзон		119
	КЫЗЬ КЫКЕТЙ ГЛАВА	
Робинзон		127
	КЫЗЬ КУИНЕТЙ ГЛАВА	
Робинзон		3 3
1 COMMSON		
	КЫЗЬ НЬЫЛЕТЙ ГЛАВА	
Дикарьёсі Бызэ. шедьтэ	ын ожмасыкон. — Робинзон пспанецез мозмытэ. — Пятница бу-	44
	КЫЗЬ ВИТЕТЙ ГЛАВА	,

Редактор перевода В. Г. Широбоков. Техн. редактор З. Ипатова. Корректор В. Леонтъева.

НП05743. Подписано к печати 9/V—1951 г. Печатных листов 16,44. Уч.-изд. листов 14,5. Тираж 5000 экз. Заказ № 1177. Бумага 70×108¹/₁₆

опечатка

стр.	строка	Печатламын	Лыдзыны кулэ
51	16 вылысен	Музъем зурнан	Мувъем зуркан

Заказ № 1177.